



Compl. Oct 1891.



ANALECTA HYMNICA

MEDII AEVI.

Herausgegeben

von

Clemens Blume und Guido M. Dreves.

XLVI.

PIA DICTAMINA.

Reimgebete und Leselieder

des

Mittelalters.

Siebente Folge.



Leipzig.

O. R. Reissland.

1905.

PIA DICTAMINA.

Reimgebete und Leselieder

des

Mittelalters.

S i e b e n t e F o l g e .

Aus

Handschriften und Wiegendrucke

herausgegeben

von

Guido Maria Dreves

S. J.



Leipzig.

O. R. Re i s l a n d

1905.



JUN - 8 1938

10826

VORWORT.

Der Inhalt dieses Bandes der *Analecta* schließt sich an die sechste Folge mittelalterlicher Reimgebete an, die in Band XXXIII in Druck gelegt wurde. Diese neue Folge bietet, was seit dem März 1899 an Reimgebeten und Leseliedern des weiteren weniger gesammelt als gefunden wurde. Trotz der großen Masse des bereits publizierten Materials wird es keine Gattung religiöser mittelalterlicher Dichtung geben, in der es schwieriger wäre, absoluter Vollständigkeit nahezukommen, als diese. Denn diese Lieder sind nicht wie die liturgische Dichtung im wesentlichen auf gewisse Gattungen von Handschriften beschränkt, sondern finden sich vereinzelt in allen Arten von Codices eingetragen, wo sie, falls nicht sehr detaillirte Handschriftenverzeichnisse zu Hilfe kommen, wohl gefunden, nicht aber gesucht werden können. Es kommt ferner hinzu, daß die Linie, welche diese Dichtungsart von andern Gattungen, z. B. der erzählenden oder didaktischen, trennt, eine so flüssige ist, daß es nicht selten schwer fällt, zu bestimmen, ob ein Stück dieser oder jener zuzuweisen sei.

Im übrigen ist zu dem Inhalte dieser Sammlung nichts weiteres zu bemerken. Nur auf das eine möchte ich aufmerksam machen, daß die sieben Cod. Arundel 201 entnommenen Lieder von einem, allerdings unbekannten englischen Verfasser herrühren. Ich stelle deshalb die Anfänge dieser Lieder hier zusammen:

Florens virgo caeli rore.
Gloriose rex Oswine.
Lux illucens illustravit.
O Maria quae stetisti
Christi virgo Katharina.
Mitis Agnes quae nupsisti.
Virgo prudens Margarita

Ebenso sind von einem Verfasser die drei Cod. Bernen. 414. entnommenen Lieder auf die Heiligen Matthäus, Stephan und Maria Magdalena, die auch durch die gemeinsame Bezeichnung als „Salus de beato Matthaeo“ usw. auffallen. Es folgt in der Hs. noch ein weiteres, leider stark beschädigtes Lied weltlichen Inhaltes mit der Aufschrift „Salus de vindemia“. Man vgl. denselben Ausdruck Anal. XLVb, S. 86.

Ich darf dieses Vorwort nicht schließen ohne ein Wort des wärmsten Dankes für unsern verehrten Freund und Mitarbeiter Rev. H. M. Bannister, dem ich, wie der Leser sehen wird, so viele wertvolle Beiträge auch zu diesem Bande verdanke.

München, den 17. Oktober 1904.

Guido Maria Dreves.

DE DEO.

BQ
5253
.A5
v. 46

Ad Horas Diurnas.

1. Hymnus Vespertinus.

- Cursum mundi sol vergentis pariterque hominibus
Designans et metas orbis ac sphaeras volubilis
Circumlustrans mutat acta conficit et tempora
Annorum nec non immensa peragit curricula,
5. Momenta volvens aeterna per aetatum milia,
Vectus aureo figmento et curru quadriiugo,
Lucidus in poli centro corporali radio
Via regia libratum per menses duodecim
Horas fingit, dies agit, oritur et occidit
10. Bisque secat zodiacum, binis aequinoctium
Tangens punctis quadruplatum reddit hemisphaerium.
Hominis sunt ista, Deus, ordinata dotibus,
Qui fungit vita diebus pariter et noctibus,
Iussus, quattuor ditatus te duce virtutibus,
15. Bina pulsat caelum luce: intellectu, opere.
Ergo, creator aeternae, pater potentissime,
Qui per filium tam magnam construxisti machinam
Atque hominem qui tuam condidisti ad imaginem
Quique vobis pignus sanctum dedisti paracritum,
20. Miseris in nostra morte sis volens succurrere,
Quam occasu solis huius anxie recolimus;
Sed in solis magni morte plurimum confidimus.
Da vobis te invenire placatum, piissime,
Cum tibi reddemus flatum singulari vespere,
25. Qui tempus ad vespertinum post actum diluvium
Oleae misisti ramum homini praesagium.
Nam, quando misisti tuum filium carissimum,
Tale tunc nobis et tantum contulisti oleum,
Quod omnes praeoccuparet balsamorum guttulas
30. Et aromatum fraglaret super omnes virgulas.

- Ad cuius iam pedes iacet devicta mortalitas,
 Cuiusque dono sanatur nostra nunc infirmitas,
 Et a quo prostrata morte regnat immortalitas.
 Gloria sit Deo patri, prolique spiritui,
 35. Deo trino nec non nni, paci, vitae, lumini,
 Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 11 redit emis-
 terium. — 18 homine. — Dieses und die folgenden, derselben Quelle ent-
 nommenen Lieder, die selbstredend einen und denselben Verfasser haben,
 habe ich nicht unter die liturgischen Hymnen, sondern unter die Reimgebete
 eingereiht, da sie trotz der angehängten Doxologie nicht zu liturgischem Ge-
 brauche, sondern für die Privatandacht bestimmt scheinen. Diese Vermutung
 gründet sich vor allem darauf, daß über die Hälfte derselben, auch bei allem
 Enjambement, sich nicht in Strophen abteilen lassen, während doch die Doxo-
 logien drei-(beziehungsweise sechs-)zeilige Strophen zu fordern scheinen.
 Die Lieder waren also schwerlich für den Gesang berechnet. Vgl. auch
 Nr. 7 und Nr. 8 Vers 20. — Die Überschriften sind mit Ausnahme dieses
 ersten Hymnus, dessen Aufschrift ausradiert ist, der Quelle entlehnt.

2. Completorius.

- Fluxit ille labor magnus, quem diurnum dicimus,
 Et redit quietis tempus, quam nocturnam pangimus,
 Esto nunc, dies aeternae, custos nobis intimus,
 Qui nescis oriri certe, nescis et occumbere.
 5. Tu vita, salus et quies, tu sine labe dies,
 Tu lux perennis piorum, fons, origo mentium,
 Qui noctem quietis almam tribuis mortalibus,
 Noctem, inquam, tenebrarum signatricem providis.
 Eo ductu monuisti spatiando noviter,
 10. Illam quod divisionem disceremus graviter,
 Principalem quam tulisti luce atque tenebris,
 Lucem probans esse bonam cunctisque perutilem,
 Providenter tenebrarum dirempta caligine
 Ubi lancem posuisti geminam iudicii,
 15. Cum lex coepit exarari Moysei temporibus,
 Exsistens tuis deductor ad promissam patriam
 Die nubis sub columna, nocte sub flammivoma.
 Ergo, Christe, tenebrosa tolle nobis opera
 Sisque nobis nube mitis, non igne terribilis,
 20. Ut in te nunc aeternumque possimus quiescere.
 Gloria, laus, honor patri, proli ac spiritui
 Ex ambobus procedenti ante orsa saeculi,
 Trinitati laus perenni, unitati perpeti.

Collect. ms. incertae orig. saec. 10. Cod. Bernen. 584. — 23 lux perenni.

3. Mediae Noctis ad nocturnos videlicet hymnos.

- Galli cantu mediante noctis iam caliginem
 Et profundae noctis atram levante formidinem
 Te, Deus alme, rogamus supplicesque poscimus,
 Ut a nobis tollas pie chaos confusibile
5. Erebiq̃ue chasma pellas, mortis antra conteras.
 Ad hoc nam venisti clemens a paternis sedibus,
 Vigil, potens, lux perennis atque custos maximus,
 Dum tenerent simul cuncta medium silentium
 Redderent nec non mortalem mortui effigiem,
10. Quo nos excitares, Christe, de somno malitiae
 Redderesque nobis lucem vitae semper comitem
 Atque gratis liberares nocturno de carcere.
 Namque nox signat adversa mortis et pericula
 Tartariq̃ue phlegetonta pingit, antra tristia.
15. Contra quae venisti tandem, qui formasti hominem,
 Lux aeterna, lumen potens, dies indeficiens,
 Debellator atrae noctis, reparator luminis
 Destructorque tenebrarum, illustrator mentium,
 Quo nascente suscitamur, quo vocante surgimus,
20. Quo a morte liberati, quo sumus perlucidi,
 Quo mortis victores facti, noctis atque saeculi,
 Faciente quo beati, quo linquente miseri.
 Ergo nobis, rex aeternae, lucem illam tribue,
 Quae nulla fuscatur nocte, solo gaudens lumine.
25. Gloria sit Deo patri, prolique spiritui,
 Deo trino nec non uni, paci, vitae, lumini,
 Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — Dieser und die beiden folgenden Hymnen sind in der Handschrift entstellt überliefert, indem eine ganze Anzahl Zeilen des ersten und des zweiten in den dritten geraten sind. Ich theile daher statt aller Lesarten unter dem hergestellten Texte mit, wie derselbe in der Quelle vorliegt.

Galli cantu mediante noctis iam caliginem
 Et profundae noctis atram levante formidinem
 Te, Dens alme, rogamus supplicesque poscimus,
 Ut a nobis tollas pie chaos confusibile
 Erebiq̃ue chasma pellas, mortis antra proconteras.
 Ad hoc nam venisti clemens a paternis sedibus,
 Vigil, potens lux perennis atque custos maximus,
 Dum tenerent simul cuncta medium silentium
 Redderent nec non mortalem meritis effigie,
 Quo nos excitares. Christe, de somno malitiae
 Atque gratis liberares nocturno de carcere.
 Namque nox signat adversa mortis et pericula,
 Contra quae venisti tandem, qui formasti hominem,
 Debellator atrae noctis, reparator luminis,

Quo nascente suscitamus, quo vocante surgimus,
Quo a morte liberati, quo sumus perlucidi.
Ergo nobis, rex aeternae, lucem illam tribue.
Gloria sit Deo patri, prolique spiritui,
Deo trino nec non uni, paci, vitae, lumini,
Nomini nimirum dulci divinoque nemini.

4. Rhythmus Matutinus.

- Adest tempus matutinum, dulce gallinicum,
Quo morte perempta redit salvator ab inferis,
Ille blandus et tremendus, mitis et terribilis,
Qui crucis in ara pie nostrum flevit vespere
5. Et patri conciliavit toto fissus corpore,
Se pro nobis offerendo hostiam placabilem.
Holocaustum singulare, victimam mirabilem,
Mire multum, libra pensum, dulce sacrificium.
Hinc manarunt sacramenta, quis constat ecclesia,
10. Sanguis, aqua, vita nostra, mystica redemptio,
Pax enormis et dulcedo, lucida purgatio,
Quam providit et quadrato protulit senario.
Hinc ita surrexit Christus, blandus et fulgoreus,
Qualis est electis Christus, qualis peccatoribus,
15. Sicque restat sepultura, qua quiescunt mortui,
Lux aeterna, mane nostrum lumenque perpetuum,
Hoc currens nobis per simplum et proturbans gremium,
Quod docebat ad sepulcrum iuste sedens angelus.
Ergo te precamur, Deus fortis et omnipotens,
20. Vota nostra matutina digneris suscipere,
Nostros dies tua pace placeat disponere,
Dimittas peccata nostra, parcas facinoribus,
Salvans nos, vigil aeternus, a mortis operibus,
Facias nos crucifixos vitiosis actibus
25. Atque tibi consepultos quadratis muneribus,
Ut cum dies repentina tremendi iudicii
Coeperit clarere cunctis, specie terribilis,
Et tubae clangor audiri, qua resurgunt mortui,
Nos cognoscere digneris tuos esse proprios,
30. Immutatos, incorruptos pariterque lucidos,
Ac tales digneris parti deputare dexteræ.
Atque ista modo primis ostendens auspicis
Hunc diem sine peccato tribuas transigere
Hisque votis simul iunge, Deus clementissime,
35. Opem miseris instanter, da misericorditer,
Quo tibi possimus, Deus, adhaerere iugiter
Et tibi placere semper concede salubriter.
Gloria sit Deo nostro, patri potentissimo,
Proli magnæ atque sancto flamine paraclito,
40. Quorum est una maiestas per aeterna saecula.

Collect. ms. incertae orig. saec. 10. Cod. Bernen. 584. — In der Hs. lautet dieser Hymnus:

Adest tempus matutinum, dulce gallinicum,
 Ille blandus et tremendus, mitis et terribilis
 Et patri conciliavit, toto fisus corpore,
 Holocaustum singulare, victimam mirabilem.
 Hinc manarunt sacramenta, quis constat ecclesia,
 Pax inormis et dulcedo, lucida purgatio,
 Quam providit et quadrato protulit senario.
 His ita surrexit Christus, blandus et fulgoreus,
 Qualis est electis Christi, qualis peccatoribus,
 Lux aeterna, mane nostrum lumenque perpetuum,
 Nostros dies tua pace placeat disponere,
 Dimittas peccata nostra, parcas facinoribus
 Atque tibi consepultas quadratis muneribus,
 Coeperit clarere cunctis specie terribilis,
 Nos cognoscere digneris tuos esse proprios
 Ac tales digneris parti deputare dexteræ.
 Hunc diem sine peccato tribuas transigere,
 Quo tibi possimus, Deus, adhaerere iugiter.
 Gloria sit Deo nostro, patri potentissimo.

5. Horae Primæ.

- Audi laudes horae primæ, Deus clementissime,
 Quas tibi fundit devote nec non fidelissime
 Grex pusillus ac misellus, humilis et modicus.
 Namque tu es magnus sator, vitis et agricola,
 5. Non confuse nec divide, tu pater familias,
 Operarios conducens in electam vineam.
 Quo existi primo mane Abel sacrificio,
 Tertia progressus inde Noe arcam velitans,
 Sextæ pronotans et nonæ Abraham et Moysen.
 10. Hunc primum vivendi modum docens naturaliter,
 Alterum per datam legem statuis legaliter,
 Sicque gradibus ascensis iubes spiritaliter
 Vivere, sic operari mystica in vinea,
 Donec tandem tu venisti consecrans undecimam.
 15. Spiritualis namque vita animalem iudicat
 Et procedens aequa lance iam carnalem reprobatur.
 Inde fiunt iure primi, qui erant novissimi.
 Ergo, Deus pie, clemens rexque præstantissime,
 Nostram vineam moralem digneris excolere
 20. Atque vitam puerilem misertus attollere
 Ac primaevæ iuventutis flosculos erigere,
 Totum robur juvenile miseranter regere
 Ac corpus et cor senile pie iam invisere
 Et facta divisione corporis et animæ
 25. In tuas sedes beatas dignanter recipere
 Et, donec te videamus, hos dies disponere.

Collect. ms. incertae orig. saec. 10. Cod. Bernen. 584. — Diesem Hymnus fehlt die Doxologie. Der Text lautet in der Quelle:

Audi laudis horae primae, Deus clementissime,
 Grex pusillus ac misellus, humilis et modicus,
 Non confuse nec divide tu pater familias,
 Tertia progressus inde Noe arcam velitans,
 Donec tandem tu venisti consecrans undecimam.
 Alterum per datam legem statuis legaliter
 Vivere sic operari mystica in vinea,
 Spiritualis namque vita animalem iudicat.
 Ergo, Deus pie, clemens rexque praestantissime,
 Redderesque nobis lucem vitae semper comitem.
 Tartarique phlegetonta pingit contra tristia.
 Lux aeterna, lumen potens, dies indeficiens
 Destructorque tenebrarum, inlustrator mentium,
 Faciente quod beati, quo liquente miseri,
 Quo mortis victores facti, noctis atque saeculi,
 Quae nulla fuscatur nocte solo gaudens lumine,
 Quo morte perempta redit salvator ab inferis,
 Qui crucis in ara pie nostrum flevit vespere
 Se pro nobis offerendo hostiam placabilem
 Mire vel multum, libra pensum, dulce sacrificium,
 Sanguis, aqua, vitam nostram, mystica redemptio.
 Sitque restat sepultura, qua quiescunt mortui.
 Hoc currens nobis per simplum et proturbans geminum,
 Quod docebat ad sepulcrum iuste sedens angelus.
 Ergo te precamur, Deus fortis et omnipotens,
 Vota nostri matutina digneris respicere,
 Salvans nos, vigil aeternus, a noctis operibus,
 Facias nos crucifixos vitiosis actibus,
 Ut cum dies repentina tremendi iudicii,
 Et tubae clangor audiri, qua resurgent mortui,
 Immutatos, incorruptos pariterque lucidos.
 Hisque votis simul iunge, Deus clementissime,
 Opem miseris instanter da misericorditer
 Et tibi placere semper concede salubriter.
 Proli magnae atque sancto flamine paraclito,
 Quorum est una maiestas per aeterna saecula.
 Quas tibi fundit devote nec non fidelissime,
 Namque tu es magnus sator, vitis et agricola,
 Operator conducens electam in vineam,
 Quo existi primo mane Abel sacrificio,
 Sexta prouotans et nonae Abraham et Moysen,
 Hunc primum vivendi modum docens naturaliter,
 Sicque gradibus ascensis iubes spiritaliter.
 Inde fluat iure primi, qui erant novissimi,
 Et procedens aequa lance iam carnalem reprobant.
 Nostram vineam moralem digneris excolere
 Atque vitam puerilem misertus attollere
 Ac primaevae iuventutis flosculos erigere,
 Totum robur juvenile miseranter regere
 Ac corpus et cor senile pie iam invisere,
 Et facta divisione corporis et animae
 In tua sedes beatas dignanter recipere
 Atque ista modo primis austendas aspiitiis
 Hunc dem sine peccato dona nos transigere
 Et, donec te videamus, hos dies disponere.

6. *Horae Tertiae.*

- Hora tertia qui missus advenisti caelitus,
Nunc, Deus, ad nos benignus veni, sancte spiritus,
Qui paraliter es pius ut pater et filius.
Exue nos universis, precor, a flagitiis
5. Facinoribus et cunctis omnibusque vitiis
Indueque te nos gratis indignos, ut perspicias.
Nam fovebas universam mundi novi fabricam
Animabas atque cunctam creaturae machinam,
Ostendens multiplicandam septiformem gratiam.
10. Unde te rogamus, alme spiritus paraclite,
Quatenus digneris ope famulos invisere
Nosque tuos, benedicte, servulos efficere,
Ut possimus in aeternum habere propitium
Te et patrem sempiternum filiumque maximum,
15. Quorum est una potestas et communis caritas,
Ineffabilis maiestas, infinita bonitas,
Admirabilis facultas et invicta pietas,
Inexplebilis voluptas, perpes immortalitas,
Honor, virtus atque regnum, decus et imperium,
20. Iuge sceptrum et tropaeum simulque tripudium.
Gloria sit Deo patri prolique spiritui,
Deo trino nec non uni, paci, vitae, lumini,
Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 2 a nos. —
4 precor adflagitiis. — 9 septiformam. — 21 proli quin.

7. *Sextae.*

- Hora sexta crucifixus, summi patris unicus,
Qui tuis aeterna salus. perpetim propitius
Nostros deleas excessus et peccata, quaesumus,
Et a nobis pelle taetras, lux aeterna, tenebras,
5. Quas Iudaei perpendendas non sensere mysticas
Neque suas tenebrosas agnoverunt maculas,
Caecati profunda nocte corde, ore, opere.
Unde sunt gavisus multum tanto de facinore,
Accensi nefanda nece facibus invidiae.
10. Sed tu splendor, alme Deus, tuis sis fidelibus,
Multum clemens et benignus atque praestantissimus.
Nostra semper dona nobis peccata deplangere
Maculasque iuventutis lacrimis diluere,
Bonis iugiter instare, mala vero fugere
15. Gratia semperque tua caelibes exsistere,
Quo perennes tibi laudes valeamus dicere.
Ex te, per te, in te quoque hinc possimus vivere

- Teque vitam sempiternam flamine cognoscere
Nec non ipso debriante te semper diligere.
20. Hic Amen subdo libenter dulci modulamine.
Gloria, laus, honor patri, proli ac spiritui
Ex ambobus procedenti ante orsa saeculi,
Trinitati laus perenni, unitati perpeti.

Collect. ms. incertae orig. saec. 10. Cod. Bernen. 584. — 4 pel'c-
erras. — 15 tuo.

8. Nonae.

- Hora nona qui potenter emisisti spiritum
Et nobis vitae perennis contulisti praemium
Providaque pensum libra consecrasti pretium,
Nostrae mortis infernale penetrando barathrum
5. Lux ad inferos cessisti diem fundens tenebris,
Ubi tuis assignasti vestimenta nivea,
Reprobos multasti poena, inclite, fulgorea.
Hinc timentes et sperantes te precamur plurima,
A nobis aeternae mortis depellas formidinem
10. Et tuis profundae noctis auferas caliginem
Atque eos tuam transfer vitae ad dulcedinem.
Tu es veste candidatus, aspectu fulmineus,
Tu es blandus et amandus, mitis et terribilis,
Tu es pulcher et dilectus ac desiderabilis,
15. Solus vere immortalis et incommutabilis,
Tu sanctus et admirandus, idem rex et dominus.
Purga nos multum squalentes et peccatis sordidos,
Fac nos mente luminosos, corpore perlucidos,
Ut tandem corpus exutos recognoscas candidos.
20. Sic fiat, Amenque subdo votis iungens modulos.
Gloria sit Deo patri, prolique spiritui,
Deo trino nec non uni, paci, vitae, lumini,
Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 6 tuos. —
7 Reprobis . . . medito fargorea. — 8 timente. — 10 adfores caliginem. —
11 transfert vita. — 20 Hic fiat.

9. De Deo.

Incipe, lingua senum, carmen cantare iucundum,
Cum pueris, iuvenes, laudis depromite voces,
Ex quibus Alle sonet, confestim luia resultet.
Conlaudate Deum, populi gentesque, benignum,
Cuius inundantem miseratio sustinet orbem
Et faculae validum mensura et pondere mundum

Per diversa movet, cum per se immobilis exstet.
 Tempora cuncta ligat, solus sine tempore regnat,
 Acta regit regum, semper sibi constat idipsum.
 Expedit, ut trinum benedicat machina trina,
 Terra, polus, pelagus nec non, quod constat in illis,
 Credat, adoret, amet, timeat, colat, ornet, honoret.

Collect. ms. Tegurinum sacc. 10. Clm. Monacen. 18628.

10. Ad Deum et Sanctos Commendatio.

- | | |
|--|--|
| 1. Parce, pater piissime,
Quidquid peccavi hoc die,
Cordeque et corpore mundo,
Fac, cras exurgam a lecto. | 3. Adveni, sancte spiritus,
Meis illapsus sensibus,
Ut, cum corpus obdormiet,
Cor in te semper vigilet. |
| 2. O Iesu Christe Domine,
Qui me servasti hoc die,
In hac nocte me protegas
Et a malo custodias. | 4. Maria, virgo et mater,
Tu me custodi iugiter,
Ne hostis me deterreat,
Aut corpus sorde polluat. |
| 5. Adeste, cives caelici,
Et tu, angele, custos mi,
Munite me signo crucis,
Ne noceat ullus hostis. | |

Devotae Orationes (Fontebaldenses) imp. Parisiis 1546.

II. De sanctissima Trinitate.

Ad Matutinum.

- | | |
|--|--|
| 1. Pater, fili, paraclite,
Mala vitae praeteritae
Dimitte nobis, quaesumus,
Nam sine te nil possumus. | 3. Trinitas ineffabilis
Et lux inaccessibilis,
Ure per ignem geminum
Nostrarum sordes mentium. |
| 2. Peccando nos polluimus,
Ut expies, deprecemur,
Ne tuum domicilium
Sit unquam cibus ignium. | 4. Verum lumen ac splendidum,
Cor tepens redde fervidum,
Caecas mentes illuminans
Et mortis umbras terminans. |
| 5. Trinitati sit gloria,
Laus, decus et potentia,
Qui sua nobis gratia
Concedat vitae gaudia. | |

Ad Laudes.

- | | |
|--|---|
| 1. O sancta Deus trinitas,
De qua sanctorum sanctitas,
Te laudamus, sanctifica
Donando nobis caelica. | 3. Cuius in nobis munera
Conservet illa dextera,
Quae benedicet credulos,
Reprobabit incredulos. |
| 2. Trinitas ineffabilis
Unitasque laudabilis,
Instantes tuis laudibus
Veris dita muneribus. | 4. Trinitas individua,
Nos tua lux perpetua
Et a damnatis segreget
Et cum beatis adgreget. |
5. Sit tibi, sancta trinitas,
Decus, honor, sublimitas,
Potestas, dominatio,
Maiestas, collaudatio.

Ad Primam.

- | | |
|---|---|
| 1. Pater, creator omnium,
Cuncta creans per filium,
Accepta nostros gemitus
Per donum sancti spiritus. | 3. Nudatos a criminibus
Orna virtutum floribus
Et in polorum sedibus
Fac iungi cum felicibus. |
| 2. O trinitatis unitas
Et unitatis trinitas,
Pro tuo sancto nomine
Emunda nos a crimine. | 4. Sit laus patri per saecula
Agnoque sine macula,
Sit laus sancto spiritui,
Quo mereamur perfrui. |

Ad Tertiam.

- | | |
|--|--|
| 1. Caelestium rex agminum,
Fili redemptor hominum,
Consolator maerentium,
Fer miseris solacium. | 3. Caventes a prohibitis
Utamur bene licitis,
Ut gaudeamus gaudio,
Quo caeli gaudet contio. |
| 2. O veneranda trinitas,
Tua nobis benignitas
Succurrat, ne fragilitas
Nos trahat ad res vetitas. | 4. Trinitati, quam credimus,
Adoramus et colimus,
Sit gratiarum actio,
Salus et benedictio. |

Ad Sextam.

- | | |
|---|---|
| 1. Genitor ineffabilis,
Ipsius proles parilis,
Paraclete consimilis,
Memento vitae fragilis. | 3. Ex te vitae principium,
Per te vitae remedium,
In te vitae solacium,
Da nobis vitae praemium. |
| 2. Proni sumus et fragiles
Ad peccandum et habiles,
Tua misericordia
Nos levet a miseria. | 4. Patri cum unigenito
Et spiritu paracrito
Sit maiestas et gloria,
Potestas et victoria. |

Ad Nonam.

- | | |
|--|---|
| 1. A patre prodit genitus,
Ab utroque paracitus,
In his est una deitas,
Quam laudat universitas. | 3. Vitam sanctis repositam
Ob artam vitae semitam
Praestet nobis gratuito,
Quam non debet ex merito. |
| 2. Ex quo nostra conditio,
Per quem nostra redemptio,
In quo nostra remissio,
Cum hoc fruamur gaudio. | 4. Genitori sit gloria,
Redemptori victoria,
Consolatori gratia,
Nobisque per hunc venia. |

Ad Vesperas.

- | | |
|--|--|
| 1. Deus de nullo veniens,
Deus de Deo prodiens,
Deus ab his progrediens,
In nos veni subveniens. | 4. Regendo clemens corrige
Et corrigendo dirige,
Diligendo nos eligas
Et cum electis colligas. |
| 2. Tu nostrum desiderium,
Tu sis amor et gaudium,
In te nostra cupiditas
Et in te sit iucunditas. | 5. Memento, sancta trinitas,
Quod tua fecit bonitas
Creando prius hominem,
Recreando per sanguinem. |
| 3. Pater, cunctorum Domine,
Cum genito de virgine
Intus et in circuitu
Nos rege sancto spiritu. | 6. Nam quos creavit unitas,
Redemit Christi caritas,
Patiendo tunc diligens
Nunc diligit nos eligens. |
7. Trinitati sit gaudium,
Pax, virtus et imperium,
Decus, omnipotentia,
Laus, honor, reverentia.

Ad Completorium.

- | | |
|---|---|
| 1. Trinitas, lumen luminum;
Illumina cor hominum,
Tuam similitudinem
Reformans et imaginem. | 3. Trinitas, salus omnium.
Cor sana male saucium,
Concedens noxis veniam
Per septiformem gratiam. |
| 2. Ex te mens nostra fulgeat
Et in te vota compleat,
Ad te per te se dirigat,
Credens, sperans te diligit. | 4. Fac nos ex fide vivere
Et per spem sursum tendere
Et caritatis geminae
Fac nos vestiri tegmine. |
5. Patri sit benedictio
Cum coaeterno filio,
Benedictus sit spiritus
Et nos in ipso caelitus.

Collect. ms. S. Trinitatis in Belliloco saec. 10—12. Cod. Vatican. Reg. 243. add. saec. 12. A. — Orat. ms. Franciscan. Germ. saec. 14. in. (Privatbesitz) B.

Ad Matut. fehlt B. — Ad Laudes. 1, 1 trinitas Deus. B. — 2, 1 immutabilis B. — 3, 4 Reprobatis scelestibus B. — 5, 1 sancta fehlt. — Ad Primam. 2, 1 O fehlt B. — 2, 4 nos fehlt A. — 3, 1 Munda nos a B. — 3, 4 cum caelestibus B. — Doxol. in B:

Sit laus patri cum filio,
Sancto simul paraclito,
Nobisque mittat filius
Charisma sancti spiritus.

Ad Tertiam. Str. 1 fehlt B. — 2, 1 O fehlt B. — 2, 4 res miseras B. — 3, 4 gaudet caeli B. — 4, 1 colimus. B. — 4, 2 credimus B. — Ad Nonam. 1, 1 De patre B. — 1, 2 utrisque B. — 2, 2 remissio B. — 2, 3 redemptio B. — Ad Vesperas. 2, 4 Et vitae sit B. — 3, 3 Intus et exterius B. — 3, 4 sancte spiritus B. — 4, 2 dilige B. — 4, 3 elige B. — 4, 4 collige B. — 5, 2 bonitas fecit B. — 5, 3 Ad tuam nos imaginem B. — 6, 1 Nam quod B. — 6, 3 Tunc patienter B. — Ad Completorium. 1, 2 Illuminator hominum. B. — 2, 2 In te vota percompleat B. — 3, 1 salus hominum A. — 3, 2 male sana B. — 3, 3 nobis veniam. B. — 3, 4 septiformis B. —

Dieser Cursus steht aus jüngeren Handschriften in kürzerer Fassung und anderer Anordnung schon Anal. XXX, 11ff. Die Bedeutung der Quelle A liefs eine Wiederholung notwendig erscheinen.

12. Cursus de sancta Trinitate.

Ad Matutinum.

- | | |
|--|---|
| 1. In matutinis, Domine,
Dum tibi ore canimus,
Caelestium pinguedine
Mox repleatur animus. | 2. Ad te de luce vigilet
Cor nostrum desiderii,
In te mens nostra iubilet,
Dum te laudamus labiis. |
| 3. Uni trinoque Domino
Sit sempiterna gloria,
Qui vitam sine termino
Nobis donet in patria. | |

Ad Laudes.

- | | |
|---|--|
| 1. Precamur, sancta trinitas,
Te elevatis manibus,
Veraque simplex deitas,
Nostris intende precibus. | 3. Voluntas nostra cupiat,
Mens meditetur iugiter,
Te summum bonum sapiat
Synderesis veraciter. |
| 2. O lux inaccessibilis,
Illustra nos perspicue,
Solus invariabilis,
Conforta nos assidue. | 4. O Deus, decus gloriae,
O Deus exercituum,
Nos benedicas hodie,
Nos salva in perpetuum. |

5. Uni trinoque Domino.

Ad Primam.

- | | |
|--|---|
| 1. Te vere, summa trinitas,
Spes nostra, fides, caritas,
Unum fatemur Dominum
Personas trium nominum, | 2. Aequalis esse gloriae
Eisdemque substantiae
Cum patre unigenitum
Ac utriusque spiritum. |
| 3. Honor patri, laus genito,
Sit gloria paraclito,
Qui frui nobis omnibus
Se donet in caelestibus. | |

Ad Tertiam.

- | | |
|--|--|
| 1. Nunc omnes gentes, populi,
Tribus et linguae singuli,
Senes cum iunioribus,
Pasilli cum maioribus, | 2. Cuncti laudemus inclitum
Patrem, natum, paraclitum,
Eius misericordia
Ut firmet nos in gratia. |
| 3. Honor patri, laus genito. | |

Ad Sextam.

- | | |
|--|---|
| 1. O Adonai Domine,
Regnans in caeli culmine,
Per tuum admirabile
Nomen et ineffabile | 2. Tuam similitudinem
In nobis et imaginem.
Infectam culpa, repara,
Ad te fruendum praepara. |
| 3. Honor patri, laus genito. | |

Ad Nonam.

- | | |
|--|---|
| 1. In psalmis, hymnis, canticis
Te iubilantes melicis
Deum laudamus pariter,
Unum trinum alacriter. | 2. Conserva nos in gratia
Et semper cum laetitia
Tibi servire tribue
Cunctamque noxam dilue. |
| 3. Honor patri, laus genito. | |

Ad Vesperas.

- | | |
|---|--|
| 1. O filii ecclesiae,
Deum laudemus iugiter,
Ut verae pacis requie
Fruamur aeternaliter. | 3. O summa vere trinitas,
Verbum, pater, paraclite,
O vere summa bonitas,
Remunerator inclite, |
| 2. Emitte verbum, Domine,
Ut corda liquefaciat
Et flante sacro flamine
Fletum amoris pariat. | 4. Post spem da rem percipere,
Post fidem frui specie,
Perfecteque diligere
Fac nos te regem gloriae. |
| 5. Uni trinoque Domino. | |

Ad Completorium.

- | | |
|---|---|
| 1. O pater, nate, spiritus,
Nostros exaudi gemitus,
Propitius accelera
Et nos ab hoste libera. | 2. A peccatorum foveis,
Ab inimici laqueis
Educ nos, une Domine,
In trinitatis nomine. |
|---|---|

3. Honor patri, laus genito.

Orat. ms. saec. 15. Cod. Labacen. 45. — Ad Tertiam. 1, 2 singulae. —
Ad Sextam. 1, 1 O fehlt.

13. De sanctissima Trinitate.

- O qualem, quantum, quam magnum, quam venerandum,
O quam formosum, quam pulchrum, quam decorosum,
Regem regnantem, media de sede tonantem,
Altithronum Dominum, sub personis tribus unum,
5. Omnia complentem, caelos terrasque tenentem!
Ex, per et in quo sunt, vivunt simul omnia, quae sunt,
Cui sedes caelum, cui terra profunda scabellum,
Cui nemo mundus, non iustificabitur ullus,
Quem grex sanctorum, virtus praeclsa polorum,
10. Quem vicenorum plebs quattuor et seniorum
Semper glorificat, semper collaudat, honorat,
Semper adorando, venerando, colendo, tremendo,
Semper cernentes, quod semper erant cupientes,
Semper captantes, quod semper erant amantes,
15. Saepius optatam vitam sine fine beatam.

Collect. ms. Carth. Montis S. Beati saec. 13. [14. 15.] Cod. Vindobonen. 898.

14. De sanctissima Trinitate.

Ad Patrem.

- | | |
|--|---|
| Fons, Deus pater, omnium,
Tam finis quam principium,
Cuius omnipotentia
Cuncta creavit entia, | Omniumque vero Deo. |
| 5. Istud scio verum esse
Dei non habens necesse
Nec ullius creaturae,
Cuiuscumque sit figurae,
Sed, quod omnes sunt creatae, | 15. Ut me dignatus plasmare,
Voluisti mihi dare
Animam et intellectum,
Sana membra, corpus rectum,
Incorruptos sensus quinos, |
| 10. Est a tua bonitate,
Grates ergo nunc devotas
Ago per mis vires totas
Tibi creatori meo | 20. Victum et vestitum binos;
Bona rursus infinita
Mibi sunt a te largita,
Quarumcunque tu es dator
Pius sis et gubernator |
| | 25. Dans, pater, hic deservire
Et abhinc ad te redire. |

Ad Filium.

- | | |
|---|--|
| <p>Fili Dei et Mariae,
Purae virginis et piaae,
Tibi grates, Iesu bone,
Reddo cum devotione,
5. Quod tu pro me sponte laesus,
Virgis et flagellis caesus,
Caput spinis coronatus,
Palmis, pugnis verberatus,
Fers, ad mortem lassus, pronus</p> | <p>10. Grave tuae crucis onus,
In qua tractus et extensus,
Cum latronibus suspensus
Manus, pedes laceraris,
Cor et latus perforaris,
15. Quo sic aquae fontes vivi
Effluunt, cruoris rivi,
Qui nos lavent a peccatis
Cunctis, precor, perpetratis.</p> |
|---|--|

Ad Spiritum Sanctum.

- | | |
|---|--|
| <p>Spiritus sancte te laudo,
Benedicens tibi plaudo,
Infudisti mihi planam
Veram fidem Christianam,
5. Non gentilem indirectam
Nec Iudaeam imperfectam;
Sacramenta quoque Christi</p> | <p>In medelam condidisti,
Quae quod sumam, dato, digne,
10. Ut sim malo liber igne
Et intrare queam thronum,
Ubi regnat summum bonum,
Pater, natus, sacrum flamen,
Unus semper Deus. Amen.</p> |
|---|--|

Orat. ms. Pollingense saec. 15. Clm. Monacen. 11917. — Ad Patrem, 9 omnes fehlt. — 12 meas vires. — 25 Dans me paterhoc. — Ad Filium, 13 Manus et pedes. — 15 aqua fontis. — Ad Spiritum, 1 te collaudo. — 13 nate.

15. „Oratio de sanctissima Trinitate et omnibus sanctis.“

a. De sanctissima Trinitate.

- | | |
|---|--|
| <p>1. O trinitas sempiterna
Unitasque sanctissima,
Deus omnium creator,
Rector atque conservator.</p> | <p>3. Laudibus tuis mancipa
Nos totaliter et nostra
Caritateque fecunda,
Mentes nostras in te firma.</p> |
| <p>2. Visita et illumina
Ab omnique labe munda
Horrenda et tenebrosa
Cordis nostri latibula.</p> | <p>4. Ut tibi soli, Domine,
Timeamus displicere
Et studeamus placere
Corde, ore et opere.</p> |
| <p>5. Quare nos tua opera,
In te solum sperantia,
Ab omni malo libera
Bonisque omnibus dita.</p> | |

b. Oratio de beata Virgine.

- | | |
|---|---|
| <p>1. O triclinium nobile
Trinitatis sanctissimae,
Hera caelestis patriae,
Nos exsules consolare.</p> | <p>2. Maria, mater gratiae,
Mater misericordiae,
Semper ab hoste protege
Et in morte nos suscipe.</p> |
|---|---|

- | | |
|---|---|
| 3. Et sic nos tui servuli,
Quamvis simus multum rei,
Propter te fiamus salvi,
Propter quos es mater Dei, | 4. Qnia Deus omnipotens
Factus homo oboediens,
Pro nobis fuso sanguine
Plexus est crudeli morte. |
|---|---|

5. Quare in omnibus suum
Agamus beneplacitum,
Ne frustretur eius mortis
Efficacia in nobis.

c. De sancto Benedicto.

- | | |
|--|---|
| 1. O gloriose domine,
Sanctissime Benedicte,
Cor, verba et opus nostrum
Fac Deo beneplacitum. | 3. Sint omnes rectores nostri
Sancti, gnari, pii, iusti,
Nos humiles et-subiecti
Omnesque Deo dilecti. |
| 2. Ipse te intercedente,
Qui vult omnes salvos esse,
Firmet iustos, sanet reos,
Ad se trahat extraneos. | 4. Et nunc taliter vivamus,
Cum vitam hanc exeamus,
Sua misericordia
Nos in caeli ducat regna. |

5. Quare nunc clamemus ad te,
Noli nos tunc relinquere,
Festina, ne tardaveris,
Succurre nobis miseris.

d. De Angelis.

- | | |
|---|---|
| 1. O milites angelici,
Robusti custodes nostri,
A ruina praeservati
Et in dono confirmati, | 3. Hostesque nostros crudeles,
Carnem, mundum et daemones
Vincamus semper fortiter,
Ne ruamus letaliter. |
| 2. Nobis semper assistite
Nunc in vita et in morte,
Ut abiciamus malum
Et perficiamus bonum. | 4. Corda nostra et corpora
Vestra servate tutela
In Deo semper tranquilla
Et proximis utilia. |

5. Quare nulla nos prospera
Inflent nec frangant adversa,
Sed ad Deum et homines
Sancte simus conversantes.

e. De Omnibus Sanctis.

- | | |
|---|--|
| 1. Omnes sancti, dirigite
Nunc cursum[hunc] vitae nostrae,
Sicut nostis velle Denm,
Ad salutem animarum. | 2. Omnia interiora
Nostra et exteriora
Deum collaudent de cunctis,
Tam prosperis quam adversis. |
|---|--|

- | | |
|--|---|
| 3. Ut nunc omnibus mundanis
Nobisque ipsis relictis
Miti corde et humili
Sectemur filium Dei. | 4. Observemusque mandata
Sua perfecta opera
Usque in finem non fide
Fide, spe et caritate. |
| 5. Quare nunc luantur culpae
Digna sanctificatione,
Ut contriti et confessi
Semper apti simus mori. | |

f. De sancta Trinitate.

- | | |
|---|---|
| 1. O regum rex altissime,
Pacifica orbem terrae,
Ecclesiam coaduna,
Corda nostra inhabita. | 3. Te unum desideremus,
In quo solum gaudeamus
De nulloque doleamus
Nisi, quia peccavimus. |
| 2. Unum pater, flamen, nate,
In nobis sis et nos in te,
Ut tibi laudes debite
Reddamus omni tempore. | 4. Nostrasque fac voluntates
Tuae omnino conformes,
Ut simus, quia vocati,
Etiam tui electi. |
| 5. Quare extirpa vitia,
Virtutibus nos adorna,
In hora mortis ultima
Miserrimos nos adiuva. | |

g. De Deo et Omnibus Sanctis eius.

- | | |
|---|--|
| 1. Omnipotens, miserere,
Maria, semper assiste,
Ne deseras, Benedicte,
Angeli, nos custodite. | 3. Sed in caritate sancta
Nunc nostra fiant omnia,
Ut victis culpa et hoste
Hanc vitam claudamus pie. |
| 2. Omnes sancti, succurrite
Nunc semper atque ubique,
Ut nos crimen non inquinet,
Ne Deus aeternae damnet. | 4. Quare tunc nobis dicere
Audiamus Christi voce:
Venite vos, benedicti,
Possidete regnum caeli. |
| 5. Gloria aeterno Deo,
Mariae et Benedicto,
Angelis et sanctis cunctis,
Quies sit aeva defunctis. | |

Orat. ms. S. Petri Salisburgen. saec. 15. Cod. Petrin. a IV, 39. — Nr. 15b. 4, 1 O via Deus. — 4, 4 Plexus es. — Nr. 15e. 4, 4 In fide, spe. — Nr. 15g. 2, 2 et ubique. — Nr. 15a bis 15g sind natürlich von ein und demselben Verfasser und, da sie in der Quelle mit einer gemeinsamen Aufschrift als ein Ganzes auftreten, hier als solches belassen.

16. Oratio ad sanctum Spiritum Paraclitum.

- | | |
|---|---|
| 1. Consolator miserorum,
solamen maerentium,
Lux piorum, spes reorum
unctioque mentium,
Creatoris hominumque
amor atque vinculum, | 4. Quamvis subditum peccatis
corpus suetus fugere,
Veni tamen et obscoena
peccatorum decoque;
Veni, bone, veni, pie,
veni, potentissime. |
| 2. Boni fons, doctrinae fomes,
veritatis spiritus,
Hostiles frangens conatus,
dextrae Dei digitus
Et dolore desperati
animi paraclitus, | 5. Tu purgare, quaeque voles,
aspirando praeuales,
Tu bruta stultaque corda
sic mutare assoles
Ut indoctos eruditis
protinus aequipares. |
| 3. Tu patris promissum atque
septiformis gratia,
Verbo, linguis et sermone
puro ditans guttura
Et divino urens igne
paenitentum crimina, | 6. Ergo meam caecam mentem,
doctor alme, visita
Putridumque in peccati
luto corpus suscita
Et utrumque ad amorem
Christi tui subleva. |

Collectan. ms S. Sergii Andegaven. saec. 10/11. Cod. Andegaven. 283 (274).

17. Ad Deum Oratio.

- O princeps pacis ac principium pietatis,
O verum lumen, retinens par cum patre numen,
Spiritus o sancte, quo constant cuncta volente,
His quoque personis unus semper specularis,
5. Ordine qui miro finis constas et origo
Leges aeternas ac solus iure gubernas,
Qui genus humanum miseratus mortificatum
Vivere fecisti pretioso sanguine Christi,
Cuius iudicio statuentur cuncta sub aequo,
10. Da sentire fidem, qua felix fert sibi finem,
Ut credam recte, nec sint aliae mihi sectae,
Atque sciam plane, quod iustum sit vel inane.
Spem concede mihi, qua possit vita videri;
Virtus in his prima restat dilectio bina,
15. Quam, Deus, infunde sub viscera cordis abunde.
Aures adverte, rogo, sint mihi semper apertae,
Ne reminiscaris delicta mei puerilis,
Sed pius ignosce factis veniamque repende.
Non mea mens, quaeso, laedatur more superbo,
20. Adveniat rite custos patientia vitae,

- Mors et perditio discedat, caeca libido,
 Nunquam deliciis confundar crimine ventris,
 Ne polluta caro somno turbetur amaro.
 Obsecro, me frenas, cum videro res alienas,
 25. Sint procul invidia, iactantia, lis, sed et ira,
 Nec rebus vanis me laus seducat inanis.
 Fructificaque, mihi quaecunque talenta dedisti,
 Sicque meos mores, Deus, immutato decores,
 Ut mea sit cura, quod gestat vita futura,
 30. Ac regis veri merear sodalis haberi,
 Qui sancto tecum cum flamine regnat in aevum.

Collat ms. Cassiani saec. 8/9. Clm. Monacen. 4549. add. saec. 11. —
 24 frenas (st. frenes) schützt der Reim. — 33 sono turbetur. — 28 Deus fehlt;
 immetate. — 30 merear sic tales.

18. De Spiritu Sancto.

- | | |
|--|---|
| <p>1. Veni, persona tertia,
 De sede trinitatis,
 Gratifica nos gratia,
 Largire dona gratis;
 Nostra mala submoveas,
 Nostrae defectum suppleas
 Internae paupertatis.</p> | <p>5. Per te prophetae praesciunt
 Et nuntiant ventura,
 Apostoli subiciunt
 Orbem et orbis iura;
 Tu virgines sanctificas,
 Tu martyres fortificas
 In corporum pressura.</p> |
| <p>2. Patris, nati concordia,
 Fac nos tibi concordēs
 Et Deo reconcilia
 Per peccata discordes;
 Dator verae munditiae,
 Manu misericordiae
 Nostras emunda sordes.</p> | <p>6. Tu pascis in pastoribus
 Greges fideli cura
 Et doces in doctoribus,
 Quaecunque sunt obscura,
 Tu solis te consocias,
 Desertum in delicias
 Vertis et mollis dura.</p> |
| <p>3. Tu spiritus paraclitus,
 Tu verus consolator,
 Mentis lustrator subitus
 Et dulcis inflammator;
 Tu increata caritas,
 Tu dapsilis benignitas,
 Mundi sanctificator.</p> | <p>7. Per te nati renascimur,
 Renati consummamur,
 Perenni cibo pascimur,
 Characterē signamur,
 A vinculis absolvimur,
 Aeterno sponso iungimur,
 Verissime sanamur.</p> |
| <p>4. Tu donum donans omnia,
 Tu amor, fons amorum,
 Tu celebris laetitia,
 Thesaurus gaudiorum,
 Audacia, facundia,
 Virtus et eloquentia,
 Magister saeculorum.</p> | <p>8. Tu das gustum dulcedinis,
 Intellectum, splendorem,
 Consultae fortitudinis
 Tu tribuis vigorem,
 Tu clausum librum aperis
 Et pietatem suggeris
 Et ingeris timorem.</p> |

9. Ergo, caelestis unctio,
Nos ungere dignare,
Da sacro septenario
Devotos abundare,
Jacentes in exsilio
Frequenti beneficio
Sis memor visitare.

10. O benigne paraclite
Lugentes consolare,
Te mereamur hospite
Post fletum exsultare,
Per te de carne, saeculo
Atque salutis aemulo
Possimus triumphare.

Collect. ms. Italicum saec. 14. Cod. Rossian. IX, 43. — 5,3 tibi fehlt. —
8, 3 illustrator. — 9, 2 Nos unge dignare, — 10, 6 Absque salutis.

19. De Spiritu Sancto.

1. Alme Dei digite,
Spiritus amoris,
Dulcis o paraclite,
Vera spes maeroris,
Consolator optime,
Imbrem tui roris
Funde, dans laudare te
Omnibus in horis.

2. Pax insuperabilis,
Caritas divina,
Mens invariabilis,
Hora matutina
Donum sapientiae
Miseris propina
Et aures clementiae
Super nos inclina.

3. Tu clemens illabere
Nobis *hora prima*
Ut possimus capere
Intellectus ima,
Recta doce sapere,
Vetus purga zima
Et peccati scoriam
Dulciter elima.

4. *Hora* quondam *tertia*
Qui discipulorum
Inflammasti pectora,
Doce vias morum,
Recta da consilia,
Opera iustorum,
Sancta desideria
Dona, lux polorum.

5. Estatis temperies,
Flatus aurae lenis,
Virtutum congeries,
Sis in *horis senis*
Dono fortitudinis
Roborans in poenis,
Tuae ros dulcedinis
Nostris natet venis.

6. Rivus omnis gratiae,
Nobis *hora nona*
Xenium scientiae
Dulciter condona,
Christi mens et passio
Sit in mente prona,
Ut fruamur inclita
Regnantis corona.

7. Tuis caris iugiter
Hora vesperorum
Subveni celeriter,
Pater orphanorum,
Pietatem colere
Da, merces laborum,
Ut ad alta scandere
Possimus caelorum.

8. Noctis in crepusculo
Hora iam completa,
Sacrum neuma, tempora
Per te sint quieta,
Fac nos ita petere
Lectuli secreta,
Timor tuus super nos
Sit ut sine meta.

- | | |
|---|---|
| <p>9. Eia, sancte spiritus,
 Qui Sebastianum
 Inflammasti penitus
 Nec non Fabianum,
 Superaddens tertium
 Sanctum Adrianum,
 Quos fecisti spernere
 Spiritum profanum.</p> | <p>10. Illos, inquam, spernere
 Vana docuisti,
 Quibus et Achatium
 Iungi voluisti,
 Dorotheam nobilem
 Illis addidisti,
 Quos tuis igniculis
 Ad mortem ignisti.</p> |
|---|---|

11. Dignis horum precibus,
 Sacrum o spiramen,
 Nos a mortis faecibus
 Munda dans solamen,
 Ut, cum apparuerit
 Ultimum examen,
Venite praedulciter
 Audiamus. Amen.

Offic. ms. S. Petri Salisburgen. saec. 15. Cod. Petrin. a VI, 52. A. —
 Orat. ms. S. Petri Salisburgen. saec. 15. ex. Cod. Petrin. a V, 50. B. —
 1, 6 Imbre. — 8, 3 pneuma B. — 8, 3 sq. per te sint tempora B. — 9, 6
 Inclitum Albanum B. — Akrostichon: Apt Hertneid. Welcher Hertnidus
 gemeint ist, vermag ich nicht zu sagen.

20. Paraphrasis Orationis Dominicae.

- Sancte pater, summa caeli qui sedes in aula,
 Sanctificetur honore tuum venerabile nomen,
 Nobis adveniat regnum, tua magna potestas,
 Quondam qui tenuit regnum, nunc hoste depulso
5. Filius ut regnet semper per tempora pacis.
 In caelis velut colitur tua cara voluntas,
 Sic dignos faciant fructus tibi corpora nostra,
 Impleat et sanctus nostri praecordia flatus.
 Pauperibus potum nobis panemque ministra,
10. Semper ut esuriem superes aestusque laborem
 Atque tuos pascat panis victoribus aptus.
 Te, genitor, petimus, dimittas crimina nostra,
 Fratribus ut culpa veniam poscentibus ante
 Viscere perfecto pacis indulsimus almae,
15. Nonque sinas servos vinci, pater, hoste maligno,
 Olim qui primoplaustum detrusit ab Eden.
 Eripe sed, genitor, agnos de faucibus hostis,
 Ut possint Domino semper servire superno.
 Quod petimus, fiat Christo fiatque volente.

Collect. ms. Cantuariense (?) saec. 11. Cod. Cantabrigien. Gg V, 35. —
 Abschrift von Rev. H. M. Bannister.

21. Versus de Dominica Oratione.

- Sancte, tuum nomen, pater, in me sanctificetur,
 Filius ut tibi sim, sapientia pace iuvetur,
 Regnum da clemens intellectumque profundum,
 Quo mediante Deum cor possit cernere mundum.
5. Fiat velle tuum, sic consule, consiliator,
 Ut mihi mercedem miseranti des, miserator.
 Caelesti me pane ciba fragilem solidando,
 Ut sit esuries mihi iustitiae salutando,
 Ut mihi dimittas, dimitto; scientia luctum
10. Augeat, in lacrimis det consolatio fructum.
 Ne tempter, rogo te pietatis opem mihi ferre,
 Ut mihi mansueto detur possessio terrae.
 Liber ut esse queam, qui liberet, adde timorem,
 Quo mihi mens humilis regni mercatur honorem.

Collectan. ms. incert. origin. saec. 13. Cod. Mazarin. 742 (1115). — Nach 14 folgen noch zwei Hexameter, die nicht zu dem Gedichte zu gehören scheinen:

Ordine retrogrado fieri progressio debet,
 Quam naturalis nobis inspectio praebet.

22. Paraphrasis Orationis Dominicae.

- | | |
|---|--|
| 1. Pater rerum omnium
pius et fidelis,
Iustus et misericors,
habitans in caelis,
Serva nos a laqueis
hostium et telis
Caelestium spiritum
commendans tutelis. | Sacrum nomen, super nos
virgo invocetur,
Sola sine macula
quae semper habetur. |
| 2. Regnum tuum veniat,
Christus, tuus natus,
Qui ineffabiliter
est pro nobis natus,
Ipse nostra scelera
purget et reatus,
Hoc pro nobis postulet
caelicus conatus. | 4. Tuum velle vigeat
in altis et imis,
Hoc, concede, facere
semper ut possimus,
Nostram impotentiam,
pater, bene scimus,
Quia tibi sine te
placere nequimus. |
| 3. In nos tua gratia
semper innovetur,
Tuum, ut in caelis est,
sic sanctificetur | 5. Panem nostrum hodie
da cotidianum,
Panem hunc, qui saucium
totum fecit sanum,
Panem hunc, qui frivolum
respuit et vanum,
Panem, qui salvificat
genus et humanum. |

- | | |
|---|--|
| <p>6. Dimitte nobis debita
nostra, supplicamus,
Sicut debitoribus
nostris condonamus.
Exsules et flebiles
te, pater, oramus,
Dimitte, quod peccavimus,
et dona, quod rogamus.</p> | <p>8. Circueuntem propter nos
reprime leonem,
Qui nos temptat ducere
in perditionem,
Paternam deprecemur
hanc tuitionem,
Ne nos circumveniat
per temptationem.</p> |
| <p>7. Tu, qui mundi veneras
solvere peccata
Atque legis veteris
implere mandata,
Nostra nobis hodie
dimitte peccata,
Ut in nos peccantibus
dimittimus errata.</p> | <p>9. Qui in caelis solus es,
terris et in salo,
Plebi Israeliticae
positus in palo,
Ad te fundo gemitus
meos et propalo,
Ut nos in perpetuum
conserve a malo.</p> |

10. Nunc patris et filii
deprecor spiramen,
Mei caeci pectoris
depellat velamen,
Perpes in perpetuum
meum sit solamen;
Oret mecum hodie
totus mundus. Amen.

Collect. ms. Lantoniense (?) saec. 13. Cod. Coll. Corp. Christi Oxonien.
59. — 2, 2 invocetur. — 3, 5 Opem nostram. — 4, 2 et in imis. — 7, 7 ut
in nobis. — Von Str. 6 eine zweite Redaktion von anderer Hand:

Sicut nos dimittimus omni delinquenti,
Tibi preces supplices pectoreque flenti
Facimus, et scelera nobis inferenti,
In nos ut respicias oculo clementi.

Abachrift von Rev. H. M. Bannister.

23. Super Pater Noster.

- | | |
|---|--|
| <p>1. <i>Pater</i>, qui es ingenitus,
Iesu, fili beate,
<i>Noster</i> director, spiritus,
Tu nos exaudi grate,
<i>Qui</i> Deus exstas praeditus,
Unus in trinitate.</p> | <p>2. <i>Es</i> vita et veritas
Et esse aeternale,
<i>In</i> te manet immensitas,
Principium causale,
<i>Caelis</i>, in quibus habitas,
Das lumen radiale.</p> |
|---|--|

3. *Sanctificetur nobile,*
Salubre, gratiosum,
Nomen, quam admirabile,
Quam summe gloriosum,
Tuum, quod est laudabile,
Prae cunctis virtuosum.
4. *Adveniat perpetuum*
In nos possessione
Regnum caeli praecipuum
Cum tui visione
Tuum, quod est mellifluum
Manans fruitione.
5. *Fiat mente gratuita*
Et diligenti cura
Voluntas, per quam condita
Est omnis creatura,
Tua decens et licita,
Quae legum est mensura.
6. *Sicut es per essentiam*
Omnis fons bonitatis,
In caelo sanctis gloriam
Praebes felicitatis,
Et in terra da gratiam
Firmae stabilitatis.
7. *Panem* caelestem influe
Nobis sacramentalem
Nostrum, dona largiflue
Panem verbi mentalem,
Cotidianum tribue
Panem materialem.
8. *Da,* Deus, efficaciter,
Da carnis sanitatem,
Nobis praebe benigniter
Mentis tranquillitatem,
Hodie et perenniter
Da vitae sanctitatem.
9. *Et dimitte* fidelibus
Reatus et peccata,
Nobis transgressoribus
Dominica mandata
Debita paenitentibus
Remitte perpetrata.
10. *Nostra* dissolve scelera,
Morbos cunctos averte,
Sicut das cuncta munera,
Sic nos ad te converte
Et nos transfer ad sidera
Te visuros aperte.
11. *Dimittimus* errantibus
Offensam et gravamen
Debitoribus omnibus
Praestante te iuvamen,
Nostris ut dones mentibus
Salutis medicamen.
12. *Et ne nos* per contagium
Quodcumque vitiorum
Inducas in excidium,
Fer opem, rex caelorum,
Temptationem hostium
Repelle malignorum.
13. *Sed tu,* pater, per filium
Iesum tam benedictum
Libera dans auxilium
Et mitiga conflictum,
Nos salva premens noxiura
Serpentem maledictum.
14. *A* poenis, Deus, penitus
Nos stude liberare,
Maio propulso funditus
Nos, Christe, consolare.
Amen ut semper caelitus
Possimus te laudare.

Collect. ms. Benedictoburanum saec. 15. ex. Clm. Monacen. 5005. — 1, 5 praedictus. — 5, 3 per quem enim condita. — 7, 2 Nobilem sacramentalem. — 12, 5 In temptationem. — Auf dies Lied folgen unmittelbar die beiden Glossenlieder Ave nostra domina de humilitate Anal. XXX, 222 sq. und Salve splendor praecipue ibid. 292 sq. Dies legt die Vermutung nahe, daß dieselben nicht nur aus einer Quelle, sondern auch aus einer Feder stammen, um so mehr, als sie gleichen Bau und gleiche Behandlung aufweisen. Doch ist die Verbreitung des zweiten Liedes eine weitere als die des ersten und dritten.

24. Super Pater Noster.

1. *Pater*, qui de nihilo
saecula creasti,
Mittens mundo filium
nos recuperasti,
Mortuis ex crimine
vitam praeparasti,
Parce nobis miseris,
quos gratis salvasti.
2. *Noster* in adversis [sis]
mane defensator,
Rerum benigne conditor,
dulcis gubernator,
Vero certe nomine
diceris salvator,
Fundens cruce sanguinem
factus triumphator.
3. *Qui* concludis semitas
cuncta gubernando,
In te confidentibus
veniam donando,
Flecte corda supplicum,
ut in te sperando
Laudibus et meritis
gaudeant amando.
4. *Es* in caelis conditus
sine fine manens,
Nostram carnem sumere,
Deus alme, parens
Dignatus ex virgine,
qui livore carens
Subisti patibulum
ara crucis arens.
5. *Sanctificetur* uterus,
qui te generavit,
Venter sacratissimus
matris, quae lactavit,
Gloriosae virginis,
quae te et portavit
Deque mortis laqueo
vitam reparavit.
6. *Nomen* Christi credimus
atque confitemur,
Id cum reverentia
semper veneremur
Et in tuis laudibus
prompte delectemur,
Ut a sorde criminis
et morte liberemur.
7. *Tuum* da praesidium
nobis, alme pater,
Illud nobis impetret
sanctissima mater,
A nostris cesset mentibus
inimicus ater,
Qui nos vexat stimulis
uno puncto quater.
8. *Adveniat* cordibus
candor lucis inclitus,
Mentes nostras impleat
paraclitus spiritus,
Eius ad obsequium
nos conformet penitus,
Qui gratiarum omnium
est largitor optimus.
9. *Regnum* caeli, Domine,
mentibus infunde,
Paenitendi gratiam
conferas abunde,
A te solo provenit
et non aliunde,
Sed in gratitudine
non sentimus unde.
10. *Tuum* beneficium
semper est paratum,
Redde cor fidelium
tibi praeparatum,
Da nobis per gratiam
iter demonstratum,
Nostrum sacrificium
tibi fiat gratum.

11. *Fiat nobis, Domine,*
sicut tu dixisti,
Ut ambulemus tramite
recto, quem duxisti,
Et tui regni gloriam,
sicut promisisti,
Da tuis fidelibus,
quos tu redemisti.
12. *Voluntas nostra maneat*
tecum radicata,
Angelorum laudibus
semper sit parata,
Porta caeli, quaesumus,
nobis reserata
Maneat, in gloria
virtus comprobata.
13. *Tua dulci gratia*
defende peccatores
Et adflictos subleva,
mitiga dolores,
Ut te cognoscant Dominum,
vitia, labores
Vitent et virtutibus
fiant amatores.
14. *Sicut tu vis, Domine,*
nos indifferenter
Guberna, rege, protege
dando nobis semper
Muneris auxilium,
ut tibi reverenter
Serviamus, turpia
vitando potenter.
15. *In caelo cuncta gaudia*
nobis sunt parata,
Ubi delectatio
est accumulata,
Angelorum deitas
manet informata
Et iustorum gloria
semper augmentata.
16. *Et in terra prospera*
nulla, sed adversa
Inveniuntur, miseris
omnia transversa,
Addictionum plurimum
copia diversa,
Vitemus ergo saeculum,
ut poena sit dispersa.
17. *Panem tuum angelicum*
praebe nobis, Domine,
Ut tui consortii
coniungamur agmine
Et cum tuo filio
et cum sancto flamine
Iungamur in gloria
canendo dulci carmine.
18. *Nostrum cor, altissime,*
flecte tolerando,
Ut vivamus sobrie
vitia vitando,
Te cum diligentia
semper imitando
Videamus facie,
quando erit quando.
19. *Cotidianum gaudium*
tecum invenitur,
Per fidem spes altissimi
cordibus unitur,
Qui relinquit vitia,
virtute redemitur,
Caelesti mensa, gaudii
poculo potitur.
20. *Da nobis, Domine, ut*
semper tecum vivamus,
Tua beneficia
saepe cogitemus,
Concede nobis gratiam,
ut te collaudemus
Et ad superna gaudia
viam dirigemus.

21. *Hodie*, savator,
 conserva nos et semper,
 Concede tuis famulis,
 ut te reverenter
 Cognoscant verum Dominum,
 qui cuncta potenter
 Disponis, et veniam
 nobis da clementer.
22. *Et dimitte* criminum
 noxium ligamen,
 Qui certasti fortiter
 nobile certamen,
 Crucis in patibulo
 solvisti ligamen,
 Te esurientibus
 vere das libamen.
23. *Nobis* dux et semita,
 bone Iesu Christe,
 Sis et peccatoribus,
 petimus, assiste,
 Ut a peccatis omnibus
 caveant, resiste
 Et semper nostris mentibus
 dulciter insiste.
24. *Debita* renitte,
 quibus obligati
 Tibi sumus fortiter,
 paternae peccati,
 Quibus si fuerimus
 a te liberati,
 Erimus ad gratiam
 cito praeparati.
25. *Nostra* sunt peccamina
 tot et tam diversa,
 Ex misericordia
 nisi sint aspersa,
 Nobis procul dubio
 parata sunt adversa;
 Succurre nobis, Domine,
 peccata sint abstersa.
26. *Sicut* vis et expedit
 et sicut tibi placet,
 Fiat de nobis, Domine,
 et, si lingua tacet,
 Cor meum semper vigilet
 operibusque vacet,
 Surgat, qui criminibus
 involutus iacet.
27. *Et nos*, qui sumus fragiles,
 pravis declinantes,
 Fac in tuis laudibus
 fortes et constantes,
 In bonis operibus
 esse declinantes,
 Relinquendo vitia
 virtutes operantes.
28. *Dimittimus*, quo iugiter
 debemus operari,
 Studemus assidue
 bruta imitari,
 Semper cum miseria
 nimisque avari,
 Concede nobis, Domine,
 tecum delectari.
29. *Debitoribus* debita
 nunquam relaxamus,
 Immo nostra credita
 semper postulamus
 Et non persolventibus
 poenas praeparamus,
 Signum est, quod proximos
 certo non amamus.
30. *Nostris* adversariis
 parcere debemus,
 Mala inferentibus
 dona redonemus,
 Qui nos habent odio,
 dulciter amemus
 Et pro eis Dominum
 iugiter oremus.

31. *Et ne nos desprecias,*
pater, te precemur,
Impetremus veniam,
culpam qui meremur,
Libera nos debito,
pater, quo tenemur,
Ut in tuis laudibus
semper delectemur.

34. *Sed libera nos, Domine,*
libera, clamamus,
Nos a peccatis omnibus,
libera, rogamus,
Libera, qui noxia
mala reportamus,
Libera, qui criminum
iugo semper stamus.

32. *Inducas nostris oculis*
fontem lacrimarum,
Ut plangamus crimina,
dator gratiarum,
Cor contritum praepara,
ut semper sit amarum
Ex delictis pectorum,
dator veniarum.

35. *A malo mortis turbine,*
Christe, nos defende,
Matris tuae meritis
te nobis ostende
Et, si mala gerimus,
veniam impende,
Supplicum defectibus
propitius intende.

33. *In temptationem duram*
currimus frequenter,
Defende nos, benignus
pater, quaesumus, clementer,
Ut possimus temptatori
resistere potenter,
Et nostras infirmitates
cura diligenter.

36. *Honor, laus et gloria*
sit summae maiestati,
Portemus reverentiam
almae trinitati,
Toti caelesti curiae,
ut semper sint parati
Ad impetrandum veniam
de turbine peccati.

Collect. ms. Fürstenfeldenses saec. 15. Clm. Monacen. 7016. 5, 6 et fehlt. — 5, 7 que fehlt. — 20, 8 viam nostram. — 25, 4 sit. — 28, 4 brutis. — 28, 6 que fehlt. — 32, 7 peccatorum. — „Praecedens carmen orationis dominicae scripsi Bononiae in oratorio sancti Petronii sub anno Domini millesimo quadringentesimo tricesimo septimo kalendas Iulii, pontificatus Dni Eugenii, papae quarti, anno septimo, quiquidem pro tunc residebat Bononiae.“ Der Schreiber Hainricus Prugger de Holupach.

25. Super Pater Noster.

1. *Pater alme, vere Deus,*
Ad te clamo tamquam reus,
Ut tu sis adiutor meus
Cum tuis virtutibus.
Noster optime salvator,
Deus omnium creator,
Tu es gratiarum dator
Hic et in caelestibus.

2. *Qui es et in infinitum*
Deus eris, cor contritum
Praesta, precor, praemunitum
Esse cum humilibus.
In caelis tu nos dignare,
Sancte Deus, collocare,
Ibi fac nos habitare
In supernis aedibus.

3. *Sanctificetur* in aeternis
Tua laus et in supernis,
Custodi nos a sempiternis
 Poenis infernalibus,
Nomen sanctum est verendum
Dei, non contradicendum,
Super omnia colendum
 Semper ab hominibus.
4. *Tuum* velle, sanctum totum,
Debet esse cunctis notum,
A peccatis me remotum
 Fac cum sacerdotibus,
Adveniat tua virtus,
Lenitas dictae virtutis,
Ne cogat sanctus spiritus
 Te cum habitantibus.
5. *Regnum* tuum est cunctorum,
Salus nostra redemptorum,
Praesta, Deus tuum chorum
 Cum superioribus.
Tuum regnum est beatum,
Salus bonis deputatum,
Est et aptum et paratum
 Tibi servientibus.
6. *Fiat* nobis verum caelum
Trina spes et totum vernum,
Videamus omnem zelum
 A proicientibus.
Voluntas vere divina
Sancta manet in doctrina,
Ut nos servet a ruina,
 Ab inferioribus.
7. *Tua* vota sunt aeterna,
Ut ducamur ad superna,
Vivamus in sempiterna
 Cum aeternis fratribus.
Sicut Adam tu plasmasi
Et post ipsum tu citasti,
Libertatemque donasti
 Omnibus mortalibus.
8. *In caelo* tu nos largire
Summa gaudia sentire,
Te videre et andire
 Cum te diligentibus.
Et in terra sic morari
Et honeste conversari,
Ut dotemur omnes pari
 Vita cum viventibus.
9. *Panem* sanctum spiritalem,
Nostrae vitae specialem,
Praesta, Deus, vitam talem
 Digne manducantibus.
Nostrum Deum timeamus,
Illi pie serviamus,
Ut ad ipsum fugiamus
 Relictis criminibus.
10. *Cotidianum* et verum,
Vitam, carnem atque merum,
Praesta, Deus, nunquam seruum
 Ipsam manducantibus.
Da nobis et nostrae genti
Vitam, Deus, in praesenti,
Vitam vivere viventi
 Cum dictis hominibus.
11. *Hodie* sit praesens vita
Virtuosa, redimita,
Tua gratia munita
 Tuisque muneribus.
Et dimitte servientes
Tuos esse paenitentes,
In futurum sint gaudentes
 Cum vere gaudentibus.
12. *Nobis* Deus det aeternus,
Qui nostrorum est supernus,
Quod a nobis sit infernus
 Procul cum daemonibus.
Debita tolle culparum,
Sancta salus animarum,
Praesta velle non ignarum
 Te desiderantibus.

13. *Nostra*, Deus alme, vota,
Quae tu habes vere nota,
Tribuantur tibi tota
Et tuis indicibus.
Sicut et nos viles sumus,
Nostrum corpus vilis humus,
Vita nostra velut fumus
Transit horis brevibus.
14. *Dimittimus* in hoc mundo
Cunctas opes transeundo,
Ad te clamo de profundo,
Deus, magnis vocibus,
Debitoribus peccata
Tu dimittis, qui beata
Servis tuis das mandata
Omnibus temporibus.
15. *Nostris* precibus intende,
Sancte pater, nos defende,
Nos consortes fac praebendae
Polorum heredibus.
16. *Inducas* atque compelle
Nos in tuum sanctum velle,
Mala nostra cuncta pelle,
Da bona credentibus,
In temptationem ream
Non inducas mentem meam,
Liberare velis eam
A temptationibus.
17. *Sed libera* tuam gentem,
In tuo nomine credentem,
Et a terra refugientem
In necessitatibus.
Nos a malo liberatos,
Sancte pater, fac beatos,
In caelestibus locatos
Cum sanctis spiritibus.
18. *Amen* ultimo cantamus
Et in signum, quod optamus,
Quidquid recte postulamus
Cum orationibus.

Cod. Oxonien. Canon. Misc. 21. saec. 15. — 2, 2 contrictum. — 2, 5 nos fehlt. — 2, 6 aulibus. — 3, 2 et fehlt. — 3, 6 non est. — 4, 2 Debeat. — 4, 4 Fac esse cum presbyteris. — 4, 6 Lenitatis. — 5, 7 Est fehlt. — 6, 3 Ut videamus omne celum. — 6, 5 Voluntas vestra. — 7, 2 Ut ducant. — 7, 3 Ut vincamus in sempiternum. — 7, 7 quam donasti. — 8, 2 scentire. — 8, 3 et de audire. — 8, 7 docemur. — 9, 6 Ibi pie. — 10, 8 Lies: Cum sanctis? — 16, 6 mentem nostram. — 17, 3 refulgentem. — 17, 8 Cum tuis sanctis angelis. — Abschrift von Rev. H. M. Bannister.

26. Rhythmi sive oratio supra Psalmum „De profundis“.

- De profundis.
1. Huius mundi de profundis
Et secundi de secundis
Erue me, Iesu pie,
Daque viam dextrae viae,
Qui peccantes nunquam spernis,
Sed benigno vultu cernis,
Dum peccasse se cognoscunt
Veniamque cordis poscunt.
- Illud satis ostendisti,
Cum Mariam suscepisti,
Peccatricem Magdalenam,
Sorde foedam, sorde plenam.
- Fiant aures.
2. Aures flecte pietatis,
Qui peccantium peccatis

Sublevamen contulisti,
Quando carnem assumpsisti,
Meque deprecantem audi
Et auditum mox exandi.

Si iniquitates.

3. Iniquitates patravi
Me patrare nec expavi,
Quas si deles, sum salvatus,
Si non deles, sum damnatus.

Quia apud te propitiatio.

4. O quam clemens, quam benignus,
O quam magnus, o quam dignus,
Laude Deus, es creator,
Miserorum reparator
Nobisque propitiator.
Homo factus, morti datus
Nostra diluit delicta,
Cuius morte mors est victa.

Sustinuit anima mea.

5. Illud verbum, quod in primis
Cuncta fecit et in imis
Dominatur ac superna,
Gubernat, lux et lucerna
Illuminans tenebrosa,
Sicca regens et aquosa,
Illud ergo supplex oro,
Quod me collocet in choro
Spirituum beatorum
Post ruinam saeculorum.

A custodia matutina.

6. Christe, stella matutina,
Qui traxisti de sentina
Protoplasma gehennali
Morsu solvens morsum mali,
Praesta mihi peccatori
Cum confessione mori,
Ne mors forte repentina
Locum tollat, tu festina
Mihi, Iesu, subvenire
Neque sinas me perire.

Quia apud Dominum.

7. Sed quid plura dicam ego,
Qui per multa loca lego,
Quod misericors, quod pius
Es ille Dei filius,
Qui clamat omnibus horis:
Nolo mortem peccatoris,
Revertre, Sunanitis.
Tu es palmes, ego vitis,
Si vis ferre fructum bonum,
Recognosce me patronum;
In me sta, sicut in vite
Patmes facit, quia vitae
Utriusque sum donator
Legis atque legislator.

Et ipse redimet Israel.

8. Qui de manu Pharaonis
Et de iugo Babylonis
Israelem redemisti,
Quando dices: Vadant isti
Ad interitum aeternum,
Et illi regnum supernum
Habeant cum patre meo,
Tunc ignosce mihi reo,
Quidquid perpetravi mali,
De poenaeque barathrali
Custodias me miserum,
Ut te laudem Deum verum
Per saecula infinita.
Amen, Amen fiat ita.

Gloria patri.

9. Deo patri sit gloria,
Qui potenti potentia
Colla calcat sublimia
Et exaltat humilia,
Cuius magnificentia
Creat et fovet omnia.
Laus perennis sit filio,
Qui de patris consilio
Victo mortis imperio
Nos duxit ab exilio
Sanctorumque concilio
Iunxit et caeli gaudio.

Ab utroque spirans flamen,
Mihi, rogo, sis solamen,
Dum ad iudicis examen
Venero, ne damner. Amen.

Collect. ms. Voraviense saec. 14. Cod. Voravien. 374 (306).

27. De Vita Iesu Christi.

- | | |
|--|--|
| 1. Iesu Christe, sempiterni
patris unigenite,
Patri consubstantialis,
coaequalis gloriae,
Tu de summis ibi manens
advenisti sedibus
Unam aggregare vagam
nonagenis ovibus. | 5. Qui decorem es indutus
et amictus lumine,
Involutus iacuisti
pannorum sub tegmine,
Angelorum excitati
pastores praeconio,
Transierunt admirati
Deum in praesaepio. |
| 2. Tu divino sine viro
conceptus spiramine,
Nuntiante Gabriele
natus es de virgine,
Ac si cedrus alta vallis
conformetur hysopo,
Sine quantitate magnus
nnitus homunculo. | 6. Sic magi stellam videntes
orientis partibus
Venerati sunt lactentem
mysticis muneribus;
Innocens es circumcisis,
ut sub lege fieres,
Quatenus nos, qui sub lege
fuimus, redimeres. |
| 3. Sic procedens quasi gigas
geminae substantiae
Ad currendam exultasti
viam mundi libere,
Universa nutu regens
et disponens proprio,
Locum non inveniebas
natus diversorio. | 7. Cum duobus columbarum
pullis aut turturibus
Templo datus es acceptus
Simeonis manibus;
Puniendus ab Herode
petisti suffugium,
Ut dilata cummularet
mors mundo suffragium. |
| 4. Vagiebas intra saepta
praesaepis absconditus,
Cni cives supernorum
adplaudabant caelitus;
Vita vivens, in te manens,
verbo pascens omnia,
Lactis opem esuristi
suspensus ad ubera. | 8. Generali subrelinquens
stragi coetaneos,
Innocentes praemisisti
cruoris vicarios;
Ex Aegypto revocatus
post Herodis obitum
Nutriendus elegisti
Nazareth latibulum. |

9. Semper idem ipse, cuius
anni non deficient,
Aeviternas admisisti
vices, quae praetereant;
Baptizatus cum fuisses
in Iordanis flumine,
Spiritus super te mansit
in columbae specie.
10. Et elapsa de suspensis
vox patris intonuit:
Iste est filius meus,
in quo mihi complacuit;
Post dierum quadraginta
temptatus ieiunium
Angelorum accepisti
triumphans obsequium.
11. Iuxta mare Gallilaeae
bis binos aspiciens
Piscantes vocasti fratres,
te sequi praeciens;
Virtus patris, quae creasti
et gubernas omnia,
Homo factus nova quidem
fecisti miracula.
12. Signorum architricino
tu ditasti nuptias,
Sex ex aqua vino facto
plenas reddens hydrias;
Item quino pane binos,
pisce quinque milia
Satiasti in secreta
reparans impendia.
13. Caecis visum, claudisgressum,
mutis eloquentiam,
Auditum dedisti surdis,
leprosis munditiam;
Ex obsessis effugasti
daemones corporibus,
Paralysi destitutos
innovasti viribus.
14. Diuturna exstincti
sanguinis profluvia,
Rediviva contulisti
defunctis vitalia;
Quieverunt tempestates
ad vocis imperium,
Mare calcabilitatis
praebuit obsequium.
15. Reparationis nostrae
futura commercia
Ostensurus Thabor montis
adisti fastigia,
Transfigurans temet ipsum
habuisti splendidam
Faciem ad instar solis,
vestem ut nix candidam.
16. Inque suas prociderunt
facies apostoli,
Petrus, Iacobus, Iohannes,
pavore perterriti;
At qui verus Deus vera
fecisti magnalia,
Caro factus vera carnis
tulisti dispendia.
17. Panis vivus esuristi,
vitae fons ad puteum
Sedens a Samaritana
poposcisti poculum;
Qui sedes super Cherubim
trinam regens machinam,
Ierosolymam intrasti
sedens super asinam.
18. Captus a Iudaeis, ut te
regem constituerent,
Declinasti, sponte te daus,
ut te crucifigerent;
Lacrimantis, extergentis,
ungentis obsequia
Peccatricis accepisti,
cuncta laxans debita.

19. Corpus tuum in sumendum
dedisti cum sanguine
Fratribus in spem salutis
et ritum memoriae
Et post cenam caput illud
tremendum virtutibus
Lavandis discipulorum
inclinasti pedibus.
20. Factus erat sudor tuus
sicut guttae sanguinis,
Dum transferri postulares
ad te gustum calicis;
Sed hoc opus ordo nostrae
salutis poposcerat,
Ut inde vita rediret,
unde mors obvenerat.
21. Cum prolixius orares
in agone positus,
Angelus consolabatur
paventem humanitus;
Tertio iam ab orandi
reversus instantia,
Dormitantes invenisti
fratres prae tristitia.
22. Te quaerentem non fugisti
Iudaeorum populum,
Non negasti proditoris
Iudae pacis osculum;
Captus non renitebaris,
sed ut agnus innocens
Protrahentes es secutus
probra multa sustinens.
23. Zelum Petri frangens, Malchi
contingens auriculam,
Munerasti pietatis
medela malitiam;
Flagellatus et consputus
a servis pontificum
Ductus es usque ad summi
sacerdotis atrium.
24. Circumventus cum fuisses
a viris mendacibus,
Innocentem te clamavit
praeses coram omnibus;
Inde plebis et cohortis
arte delusoria
Spoliatus et nudatus
chlamyde coccinea
25. Processisti, manu tenens
virgam arendineam
Coronamque plexam gerens
de spinis impositis;
Morti tandem condemnatus
ad crucis patibulum
Accessisti nullum quaerens
fugae patrocinium.
26. Pro redemptione nostra
patri voluntariam
[Ut] pontifex obtulisti
tuae carnis hostiam.
Cum iniquis deputatus
clavis fossis pedibus
Pependisti perforatis
per transversum manibus.
27. Ad verum assumptae carnis,
lamentans indicium
Exclamasti voce magna
traditurus spiritam;
Tua sibi vestimenta
divisit plebs impia,
De contexta, cuius foret,
sortientes tunica.
28. Universa congemiscens
creatura stupuit,
Velum templi rumpebatur
et terra contremuit;
Obscurato sole mundum
contexerunt tenebrae,
Petrae scindi cernebantur,
mortui resurgere.

29. Lancea demum inflicto
lateralī vulnere
Mox exivit salutaris
unda mixta sanguine;
Ioseph ab Arimathia,
nobilis decurio,
Corpus tuum, sibi datum
a Pontio Pilato,
30. Ungens illud et involvens,
sicut moris fuerat,
Posuit in monumento
novo, quod exciderat.
Domum fortis invasisti
trudens illum vinculo
Et direptis vasis eius
redisti de barathro,
31. Inventam reportans ovem,
pastor bonus, umeris.
Post diem resurrexisti
tertiam a mortuis;
Apparitionis tuae
dedisti primitias
Mulieri, de qua septem
daemones eieceras.
32. Congregatis propter metum
in unum discipulis
Pacis pignus attulisti,
clausis intrans ianuis;
Quibusdam de visione
primum dubitantibus,
Carnem illis obiecisti
palpandam cum ossibus.
33. Item Thomae, non credenti
discipulis aliis,
Monstrasti clavorum loca,
cicatricem lateris;
Diebus post passionem
quadraginta testibus
Apparens praeordinatis
argumentis pluribus
34. Expectandum imperasti
convalescens paraclitum,
(Quem promissum per os tuum
noscant sancti spiritum.
Hinc in caelum elevatis
manibus et oculis
Benedictionem tuam
dedisti discipulis,
35. Et ascendens supra caelum
illis intuentibus
Triumphalem praesentasti
carnem patris vultibus,
Rursus venturus cum servis
rationem ponere,
Singulis secundum lucra
talentorum reddere.
36. O rex regum, ne sis huius
immemor commercii,
Sed in tanti nos confirma
virtute mysterii,
Da nobis exemplo tui
terrena despicere,
Blasphemantes non timere
nec laudes appetere.
37. Veritate radicati
florescamus gratia,
Corde, verbo, actu tua
sequentes vestigia,
Venundato sub peccatis
condolentes saeculo
Succurramus prece, voto,
lacrimis, ieiunio.
38. Carnem nostram tuae crucis
confige stigmatibus
Ad supplendum hic, quae tuis
desunt passionibus;
Talem tecum crucifixis
da perseverantiam,
Ut nos ipsos vespertinam
demus tibi victimam.

39. Da nobis pro tua morte
nostra tibi solvere,
Ut commorientes simul
possimus convivere,
Occurrentes in mensuram
tuae plenitudinis,
Decreti divinitatis
et beatitudinis.

40. Consortes nos suscitabis
et in patris dextera
Iugi tuae nos visionis
satiabis gloria:
Tuo semper hic, ubique
perfungamur exitu,
Qui cum patre regnas Deus
et cum sancto spiritu.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — 34, 4 noscent.

28. Sequuntur triginta tres salutationes ad Christum secundum quod
triginta tribus annis vixit in terra.

1. Ave, Iesu, te colimus,
Adorantes te petimus,
Ut, quae de te recolimus,
Acceptes, rex piissimus.

8. Ave, Iesu, quem viderunt
Magi et adoraverunt,
Muneraque obtulerunt
Et gaudentes redierunt.

2. Ave, Iesu, rex omnium,
Scrutator alme cordium,
Infirma tu scis virium,
Nobis sis in auxilium.

9. Ave, Iesu, quem lactavit
Virgo mater atque pavit,
In templo te praesentavit
Implens, quod lex imperavit.

3. Ave, Iesu piissime,
Ave, rex clementissime,
Audi preces miserrimae
Et peccatricis animae.

10. Ave, Iesu, qui omnibus
Prope es invocantibus
Dulcisque te quaerentibus,
Sed plus invenientibus.

4. Ave, Iesu, fons luminis
Es et omnis dulcedinis,
Corpus intrasti virginis
Naturam sumens hominis.

11. Ave, Iesu, qui doctorum
In medio doctor horum
Inventus es, nos tuorum
Duc per viam mandatorum.

5. Ave, Iesu, cui sidera
Deserviunt et aethera,
Te intra sua viscera
Clausit virgo puerpera.

12. Ave, Iesu, qui temptari
Sed nequaquam superari
Voluisti, modo pari
Da nobis te imitari.

6. Ave, Iesu, de virgine
Sine virili semine
Natus fuisti, Domine,
Sine omni gravamine.

13. Ave, Iesu, quem osculo
Tradidit Iudas populo,
Me pietatis oculo
Cerne parceque sedulo.

7. Ave, Iesu, pastoribus
Ostensus ex caelestibus
Fuisti collaudantibus
Angelicis spiritibus.

14. Ave, Iesu Christe pie,
Qui alapas in facie
Sputa, verba blasphemiae
Passus es, sol iustitiae.

15. Ave, Iesu, pro miseris
Tuis portasti umeris
Cum tormentis innumeris
Crucem, cum non merueris.
16. Ave, Iesu, qui gravia
Tormenta et supplicia
Pro tuorum miseria
Mira passus es gratia.
17. Ave, Iesu, qui pendentem
Et iuxta te morientem
Suscepisti, me praesentem
Salva, precor, te petentem.
18. Ave, Iesu, matrem tuam
Iohanni dixisti suam
Esse, curam praecipuam
Donans ei perpetuam.
19. Ave, Iesu, me commendo
His duobus, deprecando,
Ut deleas miserando,
Quae commisi in precando.
20. Ave, Iesu, sit passio
Tua nobis defensio,
Peccatorum remissio,
Virtutum exhibitio.
21. Ave, Iesu, descendisti
In infernum et fregisti,
Sanctos inde eduxisti,
Cum sepultus iacuisti.
22. Ave, Iesu, agne Dei,
Dator verae requiei,
Decor omnis speciei,
Miserere, precor, mei.
23. Ave, Iesu, qui dolore
Victo mortis et sopore
Surrexisti cum decore
Gloriaque et honore.
24. Ave, Iesu, rex gloriae,
Ave, Iesu, rex gratiae,
Ave, decus ecclesiae
Et rex plenus victoriae.
25. Ave, Iesu, corpus tuum,
Quod pro me fuit mortuum,
Sit mihi in perpetuum
Cibus et dux affectuum.
26. Ave, Iesu, lux mentium,
Ave, dulcedo cordium,
Nostrum fer desiderium
Ad te, potens rex omnium.
27. Ave, Iesu, tu sanitas
Nostra sis atque bonitas,
Esuries, satietas
Delectansque suavitas.
28. Ave, Iesu, qui caelorum
Ascendisti, rex eorum,
Super alta, dux sanctorum,
Saepius choris angelorum.
29. Ave, Iesu, da veniam,
Ave, Iesu, da gratiam,
Tibi digne ut serviam
Atque ad te perveniam.
30. Ave, Iesu, dans spiritum
Sanctis tuis paraclitum,
Esto precor ad obitum
Meumque muni exitum.
31. Ave, Iesu, qui venturus
Omnes es iudicaturus,
Bonos glorificaturus,
Malos iuste damnaturus.
32. Ave, sancta humanitas,
Ave, beata deitas,
Ave, colenda trinitas
Et adoranda unitas.

33. Ave, pater ingenite,
Ave et, unigenite,
Ave, sacer paraclite,
Salva, me Deus inclite.

Orat. ms. Caelestin. S. Mariae de Parisius saec. 15. Cod. Mazarin. 3897(605) zweimal: fol. 15b. A; fol. 57a. B. — 1, 1 Iesu Christe B. — 1, 4 piissime B. — 2, 3 Qui scis infirma B. — 8, 2 Reges et B. — 9, 4 lex implevit B. — 13, 3 Pro redimendo saeculo B. — 13, 4 Salva me parcens famulo B. — 24, 1 rex gratiae B. — 24, 2 rex gloriae B. — 25, 3 Mihi sit B. — 26, 3 Fer nostrum B. — 27, 4 Et delectans B. — 28, 3 rex sanctorum A. — 28, 4 Et dominus angelorum B. — 29, 4 Et post ad te B. — 30, 4 Nostrumque B. — 31, 2 Eratque iudicaturus B. — 33, 4 me decor inclite B.

29. Ad Christum.

- Cunctipotens Dominus, caeli terraeque creator,
Me propter sacra virgine natus homo est.
Flagris dorsa, alapis maxillas, ora salivis
Praebuit et figi se cruce non renuit.
5. Me gessit moriens, me victa morte resurgens
Et secum ad patrem me super astra tulit.
Quid ergo tanta aspera nunc tolerare recusem?
Aut quid erit, quod me separet a Domino?
Ignem adhibe, rimare manu mea viscera, tortor,
10. Effugient poenas membra soluta tuas.
Carcere si clauso claudar nectarque catenis,
Liber in excelso mentis adibo Deum.
Non metuo exsilium, mundi domus omnibus una,
Sperno famem, Domini fit mihi sermo cibus.
15. Si mucrone paret cervicem abscindere lictor,
Impavidum inveniet; mors cita, vita brevis.
Nec mirabor opes, nullos sectabor honores,
Pauperiem Christo divite non timeo.
Quam stetero adversis, hac utar mente secundus
20.
Nec tamen ista mihi de me fiducia surgit;
Tu das, Christe, loqui, tuque pati tribuas.
In nobis nihil audemus, sed fidimus in te,
Quos pugnare iubes, et superare facis.
25. Semper agam grates, Christo dabo semper honorem,
Laus Domini semper vivat in ore meo.

Orat. ms. Caelestin. S. Mariae de Parisius saec. 15. Cod. Mazarin. 3897(605). — 7 tanta nunc aspera. — 21 Nec tum mihi.

30. Ad Christum.

- | | |
|--|---|
| 1. Ave, lumen angelorum,
Vivus oculus caecorum,
Insidias provideas,
Ne me seducat Satanas. | 2. Ave, mortis triumphator,
Christe, gentium salvator,
Da fidem, da rem spei
Cum caritate, fili Dei. |
| 3. Ave, vita beatorum,
Dulce praemium laborum,
Ad gaudia stabilia
Duc me post haec exsilia. | |

Orat. ms. Campense anni 1462. Cod. Darmstadien. 521.

31. Ad Christum.

- | | |
|---|---|
| 1. Ave, rex, lumen cordium,
Ave, sanctorum gaudium,
Ave, dulce solacium
Et unicum refugium. | 4. En, dulciter me visitas,
En, fortiter me ebrias,
En, vix me ipsum capio,
Prorumpit mens in iubilo. |
| 2. O quam pie cor satias,
Me totum tibi vendicas,
Amorem ferre nequeo,
Cor languet desiderio. | 5. Caeli cives, succurrite,
Pium Iesum vos flectite,
Ut mecum semper maneat
Et in se sic reficiat. |
| 3. Quidquid cerno, fastidio,
Te fontem vitae sitio,
Vere dissolvi cupio,
Ut te fruor cum gaudio. | 6. Quam dulcis mihi, Domine,
Cor penetras plenissime;
O quantus es in gloria,
Qui tantus es in gratia! |

Orat. ms. Franciscan. German. saec. 14. in. (Privatbesitz). — 1, 4 unicum solacium. — 3, 4 fruor. — 6, 1 es mihi.

32. Ad Christum.

- | | |
|---|---|
| 1. O Iesu, lumen mentium,
Tu Deus illustrator,
Spousus te diligentium,
Amatus et amator,
Ditans mentes viventium,
Ad te Deum currentium,
Tu mundi gubernator. | 2. Illustra mea intima,
Te dona degustari,
Iesu, dulcedo maxima,
Me cogis delectari,
Ut tua suavissima
Bona degustem et optima,
Quibus me fac ditari. |
|---|---|

3. Hilariter me reficis,
Vitae cibus aeternae,
Sponse Iesu, nec deficis,
Fons patriae supernae,
Mentemque meam afficis,
Quam in virtute perficis
Caritatis internae.
4. Eternum meum gaudium
Quovis bono suffultum,
Sponse, Iesu, et praemium
Magnum nimis et multum,
Summum meum solacium
Summumque desiderium,
Te concupisco multum.
5. Summa mea suavitas,
Iesu, sponse benigne,
Tu veritas, tu caritas,
Mentis decus insigne,
Vera, cara aeternitas,
In qua stat omnis bonitas,
Te cuncta laudent digne.
6. Vere, Iesu, me vulneras
Cum telo caritatis,
Te quando mihi reseras
In verbis inspiratis,
Tu me saepe docueras,
Mentem meam refeceras,
Te nunquam colo gratis.
7. Cum de paterno gremio
Me, sponse, visitasti,
Ardenti desiderio
Me, Iesu, inflammasti;
Suavi tu eloquio
De appetendo gaudio
Pleno me informasti.
8. Rex es et Dei filius,
Iesu, sponse beate,
Me urens stringis acrius
Tua suavitate,
Mentem meam intimius
Tu penetras et altius,
Quae osculatur a te.
9. Iucunde me inebrias
Divina voluptate,
Me ipsum tibi socias
Ferventi caritate,
Ut sponsam tibi facias,
Me, Iesu, saepe satias
Tua divinitate.
10. Sponse Iesu, delicias
Mibi saepe donasti,
Ad tuas sacras nuptias
Ut sponsam me vocasti,
Attulisti divitias,
Virtutes et scientias,
Quibus me subarrhasti.
11. Thesaurus sapientiae
Ex te, Iesu, refundis
Ac flumina scientiae
Das animabus mundis,
Sinum intelligentiae,
Voluntatis, memoriae
Suaviter perfundis.
12. Ex tua influentia
Mens mea recreatur,
Dum mea conscientia
In te, Iesu, laetatur,
Dulcis experientia
Fit ex tua praesentia,
Qua deitas gustatur.
13. Vita in fonte bibitur,
Dum mens te, Iesu, tangit,
Iucunditas infunditur,
Dum tuas laudes pangit,
In mente lumen oritur,
In qua lux verbum cernitur,
Dum tuba verbi clangit.
14. Est verbi vox dulcissima,
Quam mens audire gliscit,
Ex hac tuba novissima
Mens sponsa reviviscit;
Es, Iesu, res altissima,
Qua tua secretissima
Mens sponsa plura discit.

15. Regis magni convivium,
Iesu mensa paratur,
Aeternum sponsae praemium
Per Iesum ministratur;
Tu ipse verum gaudium,
Currentium tu bravium,
Per te mens coronatur.
16. Bonarum, Iesu, mentium
Dulcis hospes vocaris,
In te requiescentium,
Tu quies appellaris,
Fons vitae sitientium,
Cibus esurientium
Tu, Iesu, nominaris.
17. Vultus tuus amabilis
In intimis videtur,
Tu sponsus es affabilis,
Per te sponsa docetur;
O res multum mirabilis,
Res multum delectabilis,
Cum Iesus possidetur.
18. Manna, Iesu, absconditum
Electis reseraris,
Amicis Dei creditum,
Quibus merces donaris,
Quamvis multis es abditum,
Multis tamen es cognitum,
Quia, dum vis, gustaris.
19. Delectas mirabiliter,
Iesu, manna gustatum,
Sapisque multipliciter
Electis propinatum
Unisque tibi firmiter
Mentem, quam cibis dulciter,
Per verbum delicatum,
20. Est nimis fortis copula
Iesu mentem uniri,
Nam intima tunc oscula
Mens valet experiri,
Aeternae vitae pabula
Dulcissimaeque pocula
Solet Iesus largiri.
21. Ingressus mentis intima,
Iesu, tuo vigore,
Tu spiritum ab anima
Divino secas more,
Ad bona rapis optima,
Ut bona linquat infima,
Ut sic stet in honore.
22. Tu, Iesu, fontem gratiae
De te facis manare,
Per quem ad flumen gloriae
Nos facis navigare,
Ubi castae sunt nuptiae,
Ubi verae deliciae,
Quas facis nos amare.
23. Virtute mentem erigis
Ad intima trahendo,
In veritate dirigis
Ipsam plene docendo,
Tuam sponsam non negligis,
Te diligentem diligis,
Iesu, cuncta regendo.
24. Mentem meam ingredere,
Sponse Iesu praeclare,
Frequenter hanc alloquere,
Fac eam te amare,
Mentem meam amplectere,
De tuo vivat munere,
Ut queat te laudare.
25. Es, Iesu, vehementia
Mentis te diligentis,
Amoris violentia
Introrsum te trahentis;
Ex tua influentia
Fiunt corda ferventia
Coetus te sitientis.
26. Meae mentis amictio
Per te, Iesu, formatur,
Nam tua benedictio
Nunc mihi suffragatur,
Nulla mentem afflicto
Vincit nec contradictio,
Si Iesu muniatur.

27. Electa tu aeternitas,
Electio aeterna,
Secura tu internitas,
Securitas interna,
Iucunda tu tranquillitas,
Tranquillaque iucunditas,
Iesu, monstrans superna.
28. Nihil ut Iesus intime
Menti potest iuesse,
Internus sponsus animae
Dans cunctis rebus esse;
O Iesu, regens optime,
Regnum parans aptissime
Menti a te possessae.
29. Tui Iesu cognitio
Clara atque serena,
Nec non tui dilectio
Totalis atque plena
Perfectaque fruitio
Sunt mentis gloriatio
Caelestis et amoena.
30. O Iesu, fons dulcissime
Cuiuslibet dulcoris,
Spes te quaerentis animae,
Vinum dulcis amoris,
O amnis amoenissime,
Reficiens plenissime
Spiritus amatoris.
31. Multis modis alloqueris
Tu, Iesu sponse, mentem
Internos sensus aperis,
Hos monstras te regentem;
Quando sponsam ingrederis,
Tunc verus sponsus crederis,
Amas te diligentem.
32. Electae desiderium
Menti, Iesu, infundis
Dulceque refrigerium
Das in te laetabundis;
Mirabile mysterium
Per Iesu magisterium
Sponsis monstratur mundis.
33. In Iesu sanctis omnibus
Verum datur solamen,
Electorum agminibus
Dat Iesus recreamen,
Hinc laudes cum honoribus,
Maiores cum minoribus,
Omnes dicamus. Amen.

Collect. ms. S. Albani Treviren. saec. 15. [et 16.]. Cod. Treviren. 228. —
22, 1 O Iesu fontem. — 32, 1 Caeleste desiderium. — Akrostichon: „O Iesu
Christe, Verbum Dei, tu memento mei.“

33. Ad Christum.

- O lumen verum, genitum de lumine vero,
Christe, Dei patris verbum, sapientia, virtus,
Cum genitore tuo non unus es et tamen unum,
Sicque coaeternus genitori nec minor ipso,
5. Una sub deitate parique vigens dominatu.
Invariabilis et impalpabilis, immaculatus,
Omnia complens, omnia condens, cuncta gubernans
Pneumate cum sancto, tuus est qui nexus amoris
Et patris, amorem dilectio, compar utrique,
10. Procedens ab utroque simul pariterque benignus,

Cum quibus est unum, non unus, sed Deus unus,
Cuncta creans, salvans, moderans, complensque tenensque.
Cum patre cum sancto quoque pneumate sit tibi perpes
Gloria, virtus, laus et honor, vis atque potestas.

15. Innumeras agimus tibi grates nos redeunti
De tenebris, de morte, perenni de cruciati
Per carnem veram, de semper virgine sumptam.
Quae genetrix innupta manens et virgo dicata
Mater alumna potest tua dici, sponsa beata,
20. Pigmentaria cella, domus, thalamus deitatis.
O miranda nimis dilectio, fervor amoris!
Immensus modica nostra, sed laude perenni
Et celeberrimus et dignissimus, omnia nobis
Supposuisti, sponte creasti, nos reparasti,
25. Quos rationis luce beasti, condecorasti,
Fecisti similes tibi, caelis associandos.
Quos male deceptos et tartareis relegatos
Nexibus ex merito protoplasti nos generantis
Ad te traxisti, tibi gratis restituisti
30. Poenis corporeis variis, quas sponte subisti,
Mortem vicisti, quia vita mori voluisti.
Post surrexisti, sic caelos victor adisti
Et potiora patris bona sumpta carne petisti.
Nec discessisti tamen a patre per deitatem,
35. Quamvis in terris latitans sub carne fuisti.
Sumpsimus indigni modo te, nos protege, salva,
Vivifica, benedic, custodi, ne pereamus.
Non sis iudicium, sed plena remissio nobis,
Ut te laudantes tibi complaceamus in aevum.
40. Pastor ovem recrea propriis umerisque reporta
Ad tua tecta, tuis congaudens coetibus almis,
Amissam quoniam dragmam sapiens reperisti
Quamque cruore tuo mundans tibi restituisti.

Collect. ms. Ranshoviense saec. 12. Clm. Monacen. 12667. add. saec.
13. in.

34. Ad Christum.

- | | |
|--|--|
| <p>1. O lux sempiterna,
O salus aeterna,
Christe, rex supernus,
Quem timet Avernus,
Vocatus Eleison,
Rex caelestis Sion,
Qui imperas astris
In supernis castris,</p> | <p>Cui est potestas
Sollersque maiestas,
Universa posse,
Sub numero nosse
Stellas nominatim
Imbresque guttatim,
Tu solidas mentes
Te in se habentes.</p> |
|--|--|

Orationale ms. Benedictinum (monialium) saec. 13. Cod. Selestadien. 75)
(1168).

35. Ad Christum.

Salve, salvator mundi, rex atque creator,
Qui Deus es et homo, natus de virginis alvo.
Te, Deus, exoro supplex et pronus adoro,
Ut mihi condones et caeli gaudia dones,
Nec non defunctis, vivis fidis [quo]que cunctis.

O sanguis Christi, qui fusus amore fuisti
Humani generis, nobis, precor, auxiliieris,
Dele peccata, da nobis regna beata.

Collect. ms. saec. 15. Clm. Monacen. 641.

36. Ad Christum.

- Omnipotens solus, regnas qui trinus et unus,
Cum patre iam natus, procedens spiritus almus,
Qui caelos, terras, mare, flumina, sidera, stellas,
Qui volucres, pecudes, reptantia, nantia, pisces,
5. Angelicas sedes profugas simul atque fideles.
Qui miseras hominum gentes pariterque potentes
Atque creaturas proprio sub nomine cunctas
Disponis, servas, nunc et per saecula gubernas.
Domne meus, tu Christe Deus, rex maxime salve,
10. Omnis honos, virtus, tibi laus et gloria perpes.
Qui cum sis magnus Deus atque piissimus agnus,
Natus absque patre sancta de virgine matre,
Clausus utro matris, verbum de pectore patris,
Tempore sic cum matre manens, sine tempore patre
15. Mysterio tanto sumpto de flamine sancto,
Omnipotens, verus, faciens magnalia solus,
Omnia de nihilo disponens ordine miro,
Ante manens saeculum, quem constat et esse per aevum,
Quod fuit, est et erit, quod vivit quodque peribit,
20. Glorificet, laudet, metuat, veneretur, adoret.
Rex universorum, qui vivis in arce polorum,
Regnans ac moderans, accepte cuncta gubernans,
Nate Dei, miserere mei, rex maxime Christe,
Cumque salute mea mihi, Christe, benignus adesto
25. Atque tua genetrice interveniente Maria,
Angelicis turmis, patriarchis cumque prophetis,
Agmine apostolico pulsando, precando, rogando,
Martyribus cunctisque tuo pro nomine passis
Nec non et cunctis cum confessoribus almis
30. Virginibusque tuis cunctisque fidelibus ullis,

- Qui placnere tibi vigiles ab origine mundi.
Iesu, Dei fili, rogo te, mea crimina dele,
Crimina dissimulans, miserans peccata remitte.
Tu minimas culpas universas, Christe, relaxa
35. Sordibus et lotum cunctis virtutibus imple
Omnimodisque bonis me dignis actibus orna,
Laetifica, salva, confirma, dirige, serva.
Sit mihi recta fides et falsis obvia sectis,
Sit mihi praecipue morum correctio praesens ;
40. Sim carus, humilis, verax cum tempore prudens,
Secreti tacitus et linguae limine cautus.
Da fidum socium, da fixum semper amicum,
Da blandum sobriumque, pium castumque ministrum.
Non me pauperies cruciet nec languor abundet,
45. Sit comes alma salus et sufficientia victus,
Crimine nec laedam quemquam nec crimine laedar.
Sic bene velle queam, quo pravum quodque recedat,
Nil turpe cupiam, faciam vel proloquar unquam.
Sit mihi post mortem requies et vita perennis
50. Per te, qui solus tu regnas trinus et unus.

Collect. ms. Cantuariense (?) saec. 11. Cod. Cantabrigien. Gg V, 35. —
Nach 33: Crimina cuncta tegens, etiam peccata remittens. Dies ist offenbar
nur eine andere Fassung von 33, die durch Irrtum vom Rande in den Text
gelangte. — Abschrift von Rev. H. M. Bannister.

37. Ad Christum et Mariam.

1. Pie Iesu, recordare,
Quam crudeliter et quam amare
In signo crucis liberasti,
Perditum genus protoplasti
Pretiosissimo sanguine corporis tui,
Gratia tantum et non merito sui.
2. Et ne in me redemptio pereat talis,
Per te meis peto [liberari] malis
Et, ne perdas nunc offensus,
Pro quo in ligno crucis es suspensus,
Ne perdas nunc iratus,
Pro quo tantum es vulneratus.
3. Quid mihi profuit, auctor lucis,
Quod subisti poenam crucis,
Si sic maneam in delictis
Et damnabor cum maledictis?
Non sic perdas, Iesu bone,
Tua redemptum passione.

4. Sed moneant te vulnera pedum,
Lateris, manuum, fel, acetum,
Sputa, clavi, lancea, arundo,
Per quem est vita reddita mundo.
5. Te moneat nobile lignum,
Quod te portare fuit dignum,
Lignum crucis triumphale,
Cui nullum est aequale;
Nunquam [tale] protulit humus,
Per quod nos salvati sumus.
6. Ut quid miseratus es latronis
In ipsa hora passionis,
Ianuam vitae aperiens ei?
Precor te, miserearis mei,
Si reatus non impedit meus,
Ut exaudiar a te, Deus.
7. Quo me vertam infelicem
Nisi ad tuam genetricem,
Ad Mariam, stellam maris,
Quam prae cunctis veneraris,
Qua orante parcere soles
His, quos gravat criminum moles?
8. O Maria, mater misericordiae,
Ora regem, iube nato,
Ut me mundet a peccato,
De peccato actuali,
Quem mundavit ab originali
Pretiosissimo cruore
Te astante cum dolore.
9. Recordare, virgo mitis,
Cur haec ambo passi sitis,
Hic in carne, tu in mente,
Cum pateretur te praesente.
10. Causa mei crucem ascendit,
Ut salvaret, in cruce pependit;
Causa mei tu doluisti,
Cum aspiceres mortem Christi.
11. Quod subiit causa mei
Poenam filius Dei,
Tunc ego fui causa mortis sui,
Fui et doloris tui.

12. Noli ergo, mater Dei,
Oblivisci hodie mei,
Sed pro me, domina, ora;
Filius audit te absque mora,
De cuius utero voluit nasci
Et a tuis uberibus pasci.
13. Sancta Maria, mater Christi,
Placa Deum, quem genuisti,
Placa iram mei iudicis,
Tu mater eius sancta sufficis.
14. Sic, domina, scio pro vero,
Si subveneris, salvus ero;
Succurre ergo, succurre citius,
Et erit mihi per te propitius.

Orat. ms. Lunaelacense anni 1451. Cod. Vindobonen. 3835. — 3, 3 in deliciis. — 6, 5 perpendit meus. — 12, 6 uberis.

38. Laudes Iesu Christi.

- | | |
|---|--|
| 1. Te cupio salutare,
Sanctum Dei salutare,
Salutans te glorifico
Et pro posse magnifico. | 6. Ave, iubilus mentium
Te vere sitientium,
Non est mirum, si iubilat,
In quo tantus sol rutilat. |
| 2. Te quaeso, ne despicias,
Sed clementer suscipias
Salutes, quas nunc offero
Saluti, quam desidero. | 7. Ave, melle praedulcior
Et satis odoratior
Quam quaelibet aromata,
In te vera sunt sabbata. |
| 3. Ave, Iesu, fili Dei,
Ave, finis meae spei,
Ave, Iesu nomen pium,
Ave, vitae principium. | 8. Ave, Iesu, rex virginum,
Quae te Deum et Dominum
Sequuntur locis omnibus
Clarior canentes vocibus. |
| 4. Ave, Iesu, nomen bonum,
Summi patris summum donum,
Ave, Iesu, nomen carum,
In quo nihil est amarnm. | 9. Iesu, tibi sunt proximi,
Qui sunt carne mundissimi,
Si mens carni respondeat
Nec vana laude gaudeat. |
| 5. Ave, Iesu, mel in ore,
Semper novus in amore,
Ave, Iesu, dulce melos,
Quod resonat supra caelos. | 10. Tibi placet virginitas,
Cui non deest humilitas,
Sed virgines non humiles
Tibi sunt contemptibiles. |

11. Ave, Iesu, fons hortorum,
Cor humectans aridorum,
Tu flos campi convallium,
Confortans visus gentium.
12. Ave, Iesu, nomen dulce,
Meum triste cor demulce,
Ave, Iesu, nomen vivum,
Habens in te vitae rivum.
13. Iesu, nomen amabile,
Prae cunctis memorabile,
Nam fidenter memoratur
Et frequenter invocatur.
14. Iesus exstirpat vitia
Et expellit daemonia,
Dat, auget, fovet gratiam,
Confortat conscientiam.
15. Qui Iesum pie nominat,
Cibum salubrem ruminat;
Ave, Iesu, vera salus,
Quem pavescit omnis malus.
16. Ave, fili summi patris,
Ave, pater tuae matris,
Ave, quem pater genuit,
Sed genito non praefuit.
17. Ave, patri coequalis,
Inter natos nullus talis;
Ave, patri coaeternus,
Cum sis ipse sempiternus.
18. Deus pater ingenitus,
Tu patri unigenitus,
Ex utroque paraclitus
Sanctus procedit spiritus.
19. Una tibi substantia,
Nec est in hac distantia;
Tres sunt unum, sed non tria,
Consimiles per omnia.
Tu solus, Iesu Domine,
Deus verus cum homine.
20. Ave, caelis excelsior
Et abyssis profundior,
Ave, cuius scientia
Non minor quam potentia.
21. Virtus tua totum posse,
Sensus tuus totum nosse,
Nihil est, quod te lateat,
Nil, quod tibi non pareat.
22. Ave, Iesus, bonus agnus,
Malis vero leo magnus,
Ave, Iesu, dux in via,
Introductor in propria,
Nam seductor hic seduxit,
Quem dux iste non conduxit.
23. Ave, sitis bonae dator,
Sitis malae sis sedator;
Ave, serpens fixus palo,
Qui resistis omni malo,
Sana nos a serpentibus,
Nos tam saepe mordentibus.
24. Ave, dilectae lectulus,
Ave, murrae fasciculus,
Ave, murra mortificans
Carnem et cor vivificans.
25. Murrae mortificatio
Est iugis recordatio
Tuae sanctae passionis,
Nostrae pravae actionis.
26. Ave, ros mentem temperans,
Carnis aestum refrigerans,
Mihi sis refrigeratio
A pravo desiderio.
27. Ave, Iesu, cui debeo
Omne bonum, quod habeo,
Nam nihil sunt mea bona
Nisi tua pura dona,
Tu totum mihi tribuis
Et nihil tibi minuis.

28. Ave, Iesu, rex caelorum,
Ave, panis angelorum,
Ave, creator omnium,
Regni caelestis ostium,
Ave, mundi gubernator,
Ave, potens dominator.
29. Ave, quem tremunt angeli,
Quem adorant archangeli,
Ave, cui throni serviunt,
Cui virtutes oboediunt.
30. In te Cherubim hauriunt
Et Seraphim, quod cupiunt,
Tu totum illis gaudium,
Neque parvis fastidium,
Nam iugis tui copia
Accendit desideria.
31. Ave, qui cunctis imperas,
Qui daemones exsuperas,
Ave, patrem glorificas,
Ave, matrem sanctificas.
32. Ave, pater gratiarum,
Ave, custos animarum,
Ave, pastor pii gregis,
Ave, lator novae legis.
33. Ave, regnans per saecula,
Ave, mundus a macula,
Ave, vera medicina,
Tu malorum es ruina.
34. Ave, vitae verus liber,
Per quem mundus factus liber,
Quisquis in te digne legit,
Ille sese bene regit.
35. Ave, pius et innocens,
Ave, viam vitae docens,
Ave, qui nunquam deficiis,
Ave, qui mundum reficis.
36. Ave, lassorum requies,
Ave, decora facies,
Ave, lapis pretiosus,
Ave, totus generosus.
37. O praecellens margarita,
De te solo tu me dita,
Te quaeram, te reperiam,
Praeter te nihil cupiam,
Tu thesaurus esto meus,
Ne plus quaerens fiam reus.
38. Ave, mitis et suavis,
Ave, caeli firma clavis,
Ave, maris huius portus,
Cuius mirus fuit ortus.
39. Ave, dulcedo cordium,
Ave, purgator sordium,
Ave, potens divinitas,
Ave, clemens humanitas.
40. Ave, mentis societas,
Ave, felix ebrietas,
Ave, Christe, vera vitis,
Qui salutem nostram sitis,
Fac tibi semper haeream
Tamquam palmes, ne peream.
41. Ave, vinum laetificans,
Ave, mundum pacificans,
Ave, tutum refugium,
Ave, iuge praesidium.
42. Ave, sanctorum gloria,
Ave, salutis hostia,
Ave, qui stellas numeras,
Ave, qui cuncta ponderas.
43. Ave, dignum vitae lignum,
Pro te colo crucis signum,
Ex hoc ligno progreditur
Omne, quod bonum creditur.
44. Ave, qui bonos dirigit,
Ave, qui malos corrigit,
Ave, legis terminator,
Verbi Dei seminator.
45. Ave, noster advocatus,
Per quem pater est placatus,
Ave, fons indeficiens,
Sitim nostram reficiens.

46. Ave, lapsorum baculus,
Ave, pigrorum stimulus,
Ave, sanctorum speculum,
Ave, qui salvas saeculum.
47. Ave, mundi speculator,
Periculi nuntiator,
Ave, pignantum clipeus,
Aquae vivae tu puteus.
48. Ave, sanctum cataplasma,
Quo sanatur tuum plasma
A peccati languoribus
Et inferni doloribus.
49. Ave, dives et nobilis,
Totus desiderabilis,
Ave, fons sapientiae
Et amator munditiae.
50. Ave, vita viventium,
Ave, spes morientium,
Ave, virtus debilium,
Ave, comes humilium,
51. Ave, potens auxilium,
Ave, sanum consilium,
Ave, morbi remedium,
Ave, qui tollis taedium.
52. Ave, dulcis et patiens,
Ave, prae cunctis sapiens,
Ave, clemens et benigne,
Ave, iugi laude digne.
53. Ave, fructus benedictus,
Ave, pugil nunquam victus,
Ave, iudex iustissime,
Ave, testis verissime.
54. Ave, doctor veritatis,
Ave, radix caritatis,
Ave, torrens voluptatis,
Fons totius bonitatis.
55. Ave, norma iustitiae,
Exemplar patientiae,
Ave, splendor caelestium,
Ave, lumen fidelium.
56. Ave, fidelis medice,
Ave, frater et amice,
Ave, laboris praemium,
Redemptionis pretium.
57. O pretium sufficiens,
Pro nobis satisfaciens,
Tu ditator egentium,
Tu solamen languentium.
58. Ave, mundi redemptio,
Ave, iustorum portio,
Ave, mortis superator,
Ave, plebis liberator,
Ave, prudens mediator,
Ave, fortis proelior.
59. Ave, sine cuius dono
Nullus gaudet ullo bono,
Ave, legis impletio,
Peccatorum deletio.
60. Ave, lapis angularis
Et magister singularis,
Ave, in quo sunt omnia,
Quae[cum]que sunt utilia.
61. Ave, qui primum hominem
Ad divinam imaginem
Creasti mirabiliter,
Sed is miserabiliter
62. A te factus immortalis
Morsu pomi noxialis
In mortem cito cecidit,
Dum Evae nimis credidit.
63. A te fuit elongatus,
Iugo carnis subiugatus,
Paradisum amiserat
Et infernum meruerat.
64. Eius quoque posteritas
Sequens parentum semitas,
Sed tu, Iesu, rex gloriae,
Huic condolens miseriae,

65. Ut miserum reduceres
Patrique satisfaceres,
Non [re]linquens caelestia
Descendis ad terrestria,
Virginis intrans uterum,
Conditor alme siderum.
66. Ave, natus de virgine
Sine virili semine,
Ave, verbum incarnatum,
Ave, numen humanatum.
67. Ave, matrem introiens,
Ave, de matre prodiens,
Ave, Deus absconditus
Forma servilis habitus.
68. Ut Leviathan capias,
Hamus carne te pallias;
Hamus latens divinitas,
Esca patens humanitas.
69. Sic Leviathan decipis,
Cum carnem nostram suscipis,
Qui dum carnis adgreditur
Escam, a hamo capitur.
70. Ave, iacens praesaepio,
Natus in diversorio,
Ave, pannis involutus,
Verbum tacens velut mutus,
Ave, carne circumcisis,
† Ave, causa nostri risus.
71. Iesu, mirandum iudico,
Quod tu more Iudaico
Circumcidi te pateris,
Culpam cum non habueris.
72. Baptismatis ablutio
Carnisque circumcisio
In te sunt ad mysterium,
Aliis ad remedium.
73. Ave, quem matris gremio
Stellae conducti radio
Tres magi corde simplici
Honorant dono triplici.
74. Ave, quem laetus tenuit
Simeon, postquam senuit,
Fac, ut nos te complectamur
Et in pace dimittamur.
75. Ave, peccatum destruens,
Sed baptismum non respuens,
Ave, super quem caelitus
Sanctus descendit spiritus.
76. Ave, quem post ieiunium
Temptavit hostis omnium,
Sed temptando succubuit,
Nam in te nihil habuit.
77. Ave, cuius pia vita
Nostra fuit praemunita,
Ut mundum semper fugiat
Caelestiaque cupiat.
78. Ave, fervens praedicator,
Vitiis reserator,
Doctrina tua continet,
Quidquid ad vitam pertinet.
79. Ave, sub panis specie
Te relinquens ecclesiae;
Hoc mirandum sacramentum
Tuum fuit testamentum.
80. Hinc fides et dilectio
Crescit atque devotio,
Nam dum de te nos satias,
Corde tibi nos socias.
81. Panis formam intuemur,
Sed sub forma confitemur
Carnem iunctam deitati,
Deitatem parvitati.
82. Panis transit substantia,
Sed manent accidentia;
O miranda potentia!
Sed non minor est gratia,
Quod ille, qui sic potuit,
Ita fieri voluit.

83. O creatoris dignitas!
Quanta, qualis humilitas!
Qui tuis sanctis manibus
Discipulis cernentibus
84. Prostratus pedes abluis,
Tu qui superbos respuis,
Formam praetendis humilem
Ad te placandum utilem.
85. Ave, quem tradit osculo
Iudas vili munusculo,
Ave, pro me flagellatus,
Ave, spinis coronatus.
86. Tu consputus et illusus,
Tuus sanguis pro me fusus,
Satiatus doloribus
Sociaris latronibus.
87. Ori tuo porrigitur
Acetum, cui fel iungitur,
Post talem potum traditum
Sanctum emittis spiritum.
88. Ave, pro nobis moriens,
Patri semper oboediens,
Ave, manu sanguinea
Dira percussus lancea.
89. Transfixa corde saucio
Tunc Simeonis gladio
Flens mater corde percipit
Vulnus, quod latus recipit.
90. Ave, sepulte Domine,
Descendens in voragine,
Tartarea qui fregisti,
Unde tuos eduxisti.
91. Ave, surgens a mortuis
Et apparens cito tuis,
Ave, scandens ad aethera,
Patris sedens in dextera.
92. Ave, qui patris debitum
Ab aethereis sedibus
Sanctum transmittis spiritum
Discipulorum cordibus.
93. Quaerit purgator scelerum
Hominis mentem hospitem
Et divinorum operum
Hominem facit comitem.
94. O quam clemens benignitas,
O quam suavis caritas,
Docens quid sit fragilitas,
Quid sit virtus et veritas!
95. Ave, iudex adventurus
Et condigne redditurus
Iustis aeterna gaudia,
Malis vero supplicia.
96. Ave, Iesu, potens ignis,
Quod probatur multis signis,
Tu cor accendis frigidum,
Nigrum vertis in candidum.
97. Tu superbos incineras,
Dura mollis, res teneras
Convertis in duritiem,
Mentis erigis aciem.
98. Ave, linguis in igneis
A sedibus aethereis
Promissum mittens spiritum
In gregem tibi subditum.
99. Docti fiunt, ut doceant,
Et fortes, ut sustineant,
Perpetrantque prodigia,
Sic fundatur ecclesia.
100. Dies mihi deficeret,
Et lingua non sufficeret,
Si discurram per omnia
De Iesu laudabilia.
101. Te, Domine, salutavi,
Laudes tuas eructavi,
Sit tibi laus pro omnibus,
Quas de te dixi laudibus.
102. Te, mi Iesu, salutabo,
Nunquam vero refutabo
Me te satis salutasse,
Cum te credam me salvasse.

- | | |
|--|---|
| <p>103. Nam salutans te centies
Provocor ad millesies,
Salus a me salutata,
Fac, ut nunquam sit mutata
Salutantis intentio
A salutis servitio,</p> | <p>104. Sed salutis sic praevidiam,
Ut salutem accipiam,
Et cum salus defuerit
Carnis et mors adfuerit,
Tunc peccatorum veniam
Et salutem inveniam.</p> |
|--|---|

Orat. ms. Caelestin. S. Mariae de Parisius saec. 15. Cod. Mazarin. 3897(605). — An zwei Stellen sind am Rande die Verse nachgetragen:

Ave, Iesu, nomen plenum
Cunctis bonis et serenum.

Cor meum durum, aridum
Pietate fac humidum.

Es ist indes nicht ersichtlich, wo dieselben eingeschaltet werden sollen.

39. De Nominibus Christi.

- Omnipotens vis trina, Deus, pater optime rerum,
Quo narrante satus sine tempore, semine, matre,
Ortu, fine, loco vel membris, post coronatus,
Permittens cerni, multo quoque nomine dictus
5. Spes, ratio, vita, salus, sapientia, mens, mons,
Iudex, porta, gigas, rex [regum], gemma, sacerdos,
Messias, Sabaoth, rabbi, sponsus, mediator,
Virga, columba, manus, petra, filius, Emanuel, lux,
Vinea, pastor, ovis, pax, radix, vitis, oliva,
10. Fons, hoedus, panis, agnus, vitulus, leo, Iesus,
Verbum, homo, rete, lapis, Dominus, Deus, omnia, Christus.

Collect. ms. Tegurinum saec. 10. Clm. Monacen. 18628. — 4 dictum. —
7 Mesias, Sabaoth, Rabbis.

40. De Generatione Christi aeterna et temporali.

- | | |
|--|---|
| <p>1. Nondum rerum serie
De primae materiae
Sequestrata gremio,
Immo prius etiam
Quam primam materiam
Sevisset creatio,</p> | <p>3. Hic est mens altissimi,
Cuius nequit exprimi
Mira generatio;
Hic est sapientia,
Qua creavit omnia
Deus in principio.</p> |
| <p>2. Fax aeterni luminis,
Totius originis
Radix et initium,
Lex et motus temporis,
Ex arcano pectoris
Genuerunt filium.</p> | <p>4. Hic est verbum patrum,
Verbum firmatorium
Caelorum et siderum,
Verbum, quod caro factum,
Verbum et quod intactum
Fecundavit uterum.</p> |

- | | |
|--|--|
| <p>5. Salutare Domini,
 Quod viderunt termini,
 Puer natus hodie,
 Cuius matris partui
 Ostetricant strenui
 Caeli cives curiae.</p> | <p>6. Vagit infans inclitus
 In praesaepi positus
 Inter animalia,
 Pax in terris hominum
 Et sanctorum ordinum
 In excelsis gloria.</p> |
|--|--|

Caro, verbi socia,
 lungat nos Alleluia.

Orat. ms. Caelestin. S. Mariae de Parisius saec. 15. Cod. Mazarin. 3897 (605).

41. De Incarnatione Domini.

- | | |
|--|--|
| <p>1. Arce siderea
 Phoebe refulserat
 Et lucis aurea
 globos effuderat,
 Cum nocte media
 temporis aderat
 Iam plenitudo.
 Multis e fratribus
 unus eligitur,
 Tot caeli civibus
 unus dirigitur,
 Regis obtutibus
 praesens, qui quaeritur,
 Stat Fortitudo.</p> | <p>3. Ibis ad virginem
 stirpis Davidicae,
 Vultus siderei,
 mentis angelicae.
 Cum vocis exprimis
 verba prophetiae
 Mystica, cave,
 Virgo ne timeat,
 sed prolis regiae,
 Sed vultus placidi,
 sed pulchra facie,
 Saluta virginem,
 sed tali serie
 Dic prior: <i>Ave</i>.</p> |
| <p>2. Succinctus Gabriel
 oboedientia,
 Summus archangelus
 promptus ad omnia,
 Stat regis nuntius
 regis imperia
 Ferre paratus.
 Angele Gabriel,
 inquit, progredere,
 Fer cito nuntium,
 cito regredere,
 Sed brevi iubeo,
 brevi caractere
 Sis oueratus.</p> | <p>4. Virgo dum trepidat
 et unde veneris,
 Stat, studet, cogitat,
 quis, qualis fueris
 Vel cuius nuntius,
 ne cito dixeris,
 Sed voce pia,
 Stans vultu placido,
 demisso lumine,
 Pudicis oculis
 fixis in virgine,
 Propriam proprio
 designans nomine
 Iunge: <i>Maria</i>.</p> |

5. Dum timens refugit
virilem faciem,
Vultus angelici
denuda speciem,
Dum modum discutit
et rerum seriem
Virgo serena,
Sume parabolam
vocis interea;
Sed quidquid dixeris
prius et postea.
De quibus dixero,
dic tamen antea:
Gratia plena.

6. Carnis virgineae
sub domicilio,
Dic, domum praeparet,
sed Dei filio;
Stabit et conferet,
sed sub silentio
Singula secum.
Pudoris titulum
primo discutiet,
Da fidem virgini,
quod virgo pariet,
Dic, cuius spiritu,
per quem concipiet,
Dominus tecum.

7. Felicem praedica,
quae Dei filio
Mater eligitur
vernante lilio
Pudoris integri,
sed et angelico
Digna relatu,
Quae pacis osculo
terrena superis
Amoris glutino
iungis et inseris,
In mulieribus
primis et posteris
Benedicta tu.

8. Dulce cum virgine
misce colloquium;
Quaeret, quem pariet;
dic: Dei filium;
Quaeret et quomodo;
dic tu: per spiritum;
Quaerere plura
Virgo si coeperit,
libens exsequere,
Dic, tetragrammaton
quali caractere
Possit dissyllaba
sensu concludere
Laude futura.

9. Regis imperio
regalis nuntius
Secreta virgini
secreti conscius
Divina reserat;
formidat primitus
Virgo pudica.
Incipit angelus
modis disserere,
Felicem praedicans,
vota puerperae;
Iam capit effici,
sed tali foedere
Regis amica.

10. Iam sacri pneumatis
perfusa lumine
Credit et concipit;
divino semine
Floret et pullulat
mater in virgine,
Nosque sollenni
Laudemus Dominum
vocis obsequio,
Cum patre luminum
matrem cum filio
Laudet et praedicet
nostra devotio
Laude perenni.

42. De Incarnatione Christi secundum alphabetum.

- | | |
|--|--|
| <p>1. Amor verus omnia
Potest superare,
Bellorum saevitiam
Valet refrenare,
Corda discordantium
Sic coadunare,
Duorum mentes hominum
simul concordare,
Ergo salvare
qui se vult, discat amare.</p> | <p>3. Lubrica se voluit
indui natura,
Mundanae qui machinae
solus tenet iura,
Nec non cuius regitur
caelum praelatura,
Orbis factor carnea
tegitur figura,
Patris qui pura
tamen ante fuit genitura.</p> |
| <p>2. Factorem hic omnium
amor inclinavit,
Grandem parvum fieri
auctor procuravit,
Has inter miseras
ipsum collocavit,
In patris qui dextera
cuncta gubernavit,
Katholicos lavit
a crimine, quos adamavit.</p> | <p>4. Quem non potest ambitus
claudere caelorum,
Re miranda gignitur
praeter viri thorum,
Stricto loco ponitur
princeps angelorum,
Tamen erit inscia
omnium dolorum
Virgo, flos florum,
pariens dominum dominorum.</p> |
5. Xristus hanc mortalibus
prae cunctis elegit,
Ymmo, quos creaverat,
cunctis praelegit,
Zyma hostis tollitur,
quo mundum subegit,
Et eius potentia,
per quam nos abegit,
Commiserans fregit
Christus nos atque redegit.

Collect. ms. Stiriacense saec. 15. Cod. Stiriacen. L. 26 [s. n.] — 2. 1
sq. omnium amor hic inclinavit. — 2, 9 Catholicas. — 3, 4 tenes.

43. De Incarnatione Domini.

- | | |
|---|--|
| <p>1. Dum sub mundi vespere
Dies inclinatus
Ad occasum vergere
Iam esset paratus,
Novae lucis sidere
Mundus illustratus
Coepit recognoscere
Veteres reatus.</p> | <p>2. Legi dum antiquitas
Esset subiugata,
Regnabat iniquitas
Fide nondum nata,
Descendit divinitas
Ad nos calceata,
Per quam mundi caecitas
Est illuminata.</p> |
|---|--|

3. Ut disponat omnia,
Venit in hunc mundum
Dei sapientia
Sanaus moribundum,
Docens nos compendia
Per quae sit eundum,
Ne nostra vestigia
Vergant in profundum.
4. Paranympus mittitur
A secretis caeli,
Sanctum est, quod geritur;
Ergo Gabrieli
Mandatum imponitur,
Nuntio fideli,
Sed puer, qui nascitur,
Homo est et Heli.
5. Misso caeli nuntio
Virgo fecundatur,
Ista salutatio
Partum operatur,
Seminalis ratio
Procul hinc tollatur,
Ne viri contagio
Quidquam ascribatur.
6. Verbum in principio
Pauis involutum
Stupet in praesaepio
Subiugale mutum,
Caecis datur visio,
Fit de sputo lutum,
Tali de collirio
Lumen fit acutum.
7. Magnus in praesaepio
Deus hospitatur,
Per quem caeli regio
Tota gubernatur,
Virginis in gremio
Vagit et laetatur,
Qui patris consilio
Cuncta [perscrut]atur.
8. Numinis et hominis
Unio sacrata
Est in alvo virginis
Sic confoederata,
Ut rex magni nominis
Specie mutata
Vim obumbret numinis
Veste stragulata.
9. Intrat clausa viscera
Gratia fecunda,
Sentit ventris pondera
Mater verecunda,
Sacra tument ubera
Sacri lactis unda,
Fit nova puerpera
Virgo mauens munda.
10. Testam intrat figulus,
Deus homo factus,
Fit de magno parvulus
Deus luens actus,
Saliit ut hinnulus
Mundi per anfractus,
Fit legalis vitulus
Ad mortem distractus.
11. Non erat simplicitas
Evae columbina,
Quam seduxit falsitas
Et fraus serpentina,
Sed, ut detur sanitas
Aegris in piscina,
Cincta venit deitas
Carue peregrina.
12. Novum tempus oritur,
Nova lux aestatis,
Et in diem vertitur
Nox antiquitatis,
Iam error destruitur
Infidelitatis,
Et mundus ingreditur
Viam veritatis.

13. Prodeunt ecclesiae
 Rosea vexilla,
Cultor idolatriae
 Stupet videns illa,
Titulum victoriae
 Fides fert pusilla,
Cui succedunt gratiae
 Tempora tranquilla.
14. Sicca virga viruit
 Novo feta flore,
Vellus rore maduit
 Tinctum caeli rore,
Flamma rubum tenuit,
 Sed non in ardore,
Virgo Deum genuit
 Illaeso pudore.
15. Si rubi mysteria
 Cupis indagare,
Prius te discalcia,
 Quam adpropinquare
Velis ad incendia,
 Quae vides flagrare
In ligni materia,
 Sed non aestuare.
16. Sic rubum uredine
 Flamma nihil laedit,
Sic de sicco germine
 Virga fructum dedit;
Quid mirum de virgine
 Si partus procedit?
Stultum est iu homine,
 Quod non ista credit.
17. Manifeste legitur
 Hoc in Isaia:
De virga flos oritur,
 Hoc est de Maria
Deus-homo nascitur,
 Ex hac prophetia
Iudaeus arguitur
 Errans in Messia.
18. Sic, Iudaea misera,
 Quid frustra laboras?
Falleris in litera
 Legis, quam houoras;
Mundus est iu vespera,
 Veni, rumpe moras
Et ad meam prospera
 Fidem, quam ignoras.
19. Geus absque consilio
 Potes appellari,
Quae patrem cum filio
 Nou vis venerari;
Hos nostra religio
 Cultu colit pari,
Et tua praesumptio
 Solet detestari.
20. Linque neomenias
 Et legalem cultum,
Sperne caeremonias,
 Quae non prosunt multum;
Haec cuncta despicias
 Et averte vultum,
Mirum est, si nescias
 Moysen sepultum.
21. Legis observantia
 Non reddit perfectum,
Nec legalis hostia
 Quemquam facit rectum;
Subintravit gratia,
 Quae dudum abiectum
Traxit a miseria
 Hominem despectum.
22. Fit creator omnium
 Nova creatura,
Stupet hoc commercium
 Usus et natura,
Novum fit imperium,
 Nova dantur iura,
Fides scandit solium,
 Et lex petit rura.

- | | |
|---|--|
| <p>23. Nam patris consilium
 Palam est ostensum,
 Dolens plasma proprium
 Dolo deprehensum,
 Dat pro servis filium,
 Eius per ascensum
 Crucis per martyrium
 Corpus est extensum.</p> <p>24. Solem in praesaepio
 Nox stupet accensum,
 Virgo fovet gremio
 Parvulum immensum;
 Ille, cuius brachio
 Caelum est extensum,
 Subditur imperio,
 Caesari dat censum.</p> <p>25. Inter haec crepundia
 Deo decantatur
 In excelsis gloria,
 Pax in terris datur;
 Currunt evangelia,
 Fides seminatur,
 Et ab idolatria
 Mundus revocatur.</p> | <p>26. Non est opus hominis
 Nec opus naturae
 Partus nostrae virginis,
 Quae de carnis iure
 Nihil traxit ordinis
 Nostrae geniturae,
 Sed est vice seminis
 Fides pariturae.</p> <p>27. Felix puerperium
 Dei genetricis,
 Nihil habens proprium
 Carnis peccatricis;
 Angelus officium
 Gerit obstetricis
 Et Ioseph obsequium
 Baiulae nutricis.</p> <p>28. Sed dum parit filium
 Virgo gloriosa,
 Sentit solis radium
 Turris nebulosa,
 Multitudo gentium
 Credit numerosa,
 Et Christi mysterium
 Patet sine glosa.</p> |
|---|--|

Collect. ms. Glunicense saec. 13. Cod. Lincen. Cc. II 15. — 10, 4 Noster
 Deus luens. — 16, 8 Qui non. — 23, 7 sq. von späterer Hand.

44. De Incarnatione Domini.

- | | |
|--|---|
| <p>1. Intacta viscera
 Pudicae virginis
 Fuderunt foedera
 Dei et hominis,
 Paterna dextera,
 Virtute numinis
 Exemit scelera
 Primaevi criminis.</p> <p>2. Pudoris lilium
 Matris intemerae
 Tonantis filium
 Traxit ab aethere,
 Mirum commercium,
 Divino munere
 Init consortium
 Dives cum paupere.</p> | <p>3. Misericordiae
 Obvia veritas,
 Cedit laetitiae
 Legis asperitas,
 Stat locus veniae,
 Cadit impietas,
 Dum regem gloriae
 Parit virginitas.</p> <p>4. Moysi virgula
 Draconem induit,
 Mutata formula
 Virgam abhorruit,
 Carnis umbracula
 Verae dum coluit,
 Mundi piacula
 Deus absorbuit.</p> |
|--|---|

5. Hic serpens dicitur
Legis abiectio,
Dum prelo premitur,
Iam cessat unctio
Et dux deprimitur,
Patet consumptio,
Iudaea feritur,
Et furit ultio.

7. In testa lutea
Lumen absconditur,
Ablata decima
Dragma requiritur,
Iam fraus viperea
Arte refellitur,
Imis aetherea
Pax dia redditur.

6. Hamus subtegitor
In carnis tegmine,
Captivans capitur
Satis certamine,
Qui morsum tribuit
Letalem feminae,
Morte succubuit
Vincente virgine.

8. Cognosce Dominum,
Iudaea misera,
Rectorem luminum
Veste sub altera,
Legi dat terminum,
Quem docet litera,
Ad novum gaudium
Recedunt vetera

Collect. ms. Llantonienſe(?) ſaec. 13. Cod. Collegii Corp. Chriſti Oxonien.
59. — 1, 6 oder Vim celans numinis. — Abſchrift von Rev. H. M. Bannister.

45. De Incarnatione Domini.

1. Patris unigenitus,
Ante solem genitus,
Nutu sancti spiritus
Alvo matris editus,
Vagit cunis positus,
Praesaepi reconditus;
Sic accepit plebs inanis
Missum manna caelitus,
Sic de caelo vivus panis
Venit mundo deditus.

2 a. Servi formam induit,
Servi qui nil habuit,
Sed, quae Deum genuit,
Virum non sustinuit,
Nec flos pudoris marcuit,
Messias quem aperuit;
Sic in arca testamenti,
Sicca virga floruit,
Sic in terra sitiēti
Vellus rore maduit.

2 b. Obstupescat saeculum
Tantum hoc miraculum,
Virgo lactat parvulum,
Quae non novit masculum;
Videtur iam ad oculum
Vetus illud oraculum:
De radice Iesse natum
Flos fecundat surculum,
In quo sanctus habet gratum
Spiritus cubiculum.

3 a. Sublevator pauperum
Et creator siderum
Mundum mole scelerum
Miseratur miserum,
Matris subintrat uterum,
Virgo dat nobis puerum,
Qui secundum Isaiam
Iter planat asperum
Atque mundi monarchiam
Portat super umerum.

4 a. Ut in praeconium
Matris et virginis
Indocti labium
Solvatur hominis,
Praestet ingenium,
Det vim acuminis,
Qui tenet solium
Superni culminis.

5 a. Hospita
Fit ita
Deo et homini,

6 a. Recens hospitium
Cubile nobile,
Vitii nescium,
Virtuti habile,
Ipsius ostium
Fixum, non mobile,
In hoc nil tristium,
Totum risibile.

7 a. Quae mens, quae schedula
Capere valeat,
Hac de iuencula
Quod dici deceat?
Cuncta si saecula
Scribere libeat,
Laus erit parvula
Nec fine careat.

8 a. Haec candens lilium,
Haec rosa rubea,
Haec mannae proprium
Vas, urna aurea.

3 b. Utitur pro solio
Rex Mariae gremio,
Cuius sub imperio
Vivit omnis natio,
Iam Danielis visio
Non vacat a mysterio:
Lapis enim, qui descendit
De montis fastigio,
Crevit ita, quod transcendit
Terram suo spatio.

4 b. Regii sanguinis
Germen egregium
Decus originis,
Splendor natalium,
Telis cupidinis
Cor tulit obvium,
Ut divi seminis
Esset hospitium.

5 b. Inclita
Cognita
Femina nomini.

6 b. O susceptibile,
Prorsus mysterium!
Acceptat fictile
Vas fictor omnium,
Inibi stabile
Regens imperium,
Nullum difficile
Ferens negotium.

7 b. Quae semper floreat,
Haec lesse virgula,
Rubus, qui vigeat
In flamma sedula,
Quae soli pateat,
Haec portae clausula,
Quae lucem praebeat,
Haec nucis gerula.

8 b. Haec redeuntium
Ductrix idonea,
Pervenientium
Sollennis laurea.

9 a. Framea
Flammea
Hac refrigerium
Facit,

9 b. Arida
Area
Hac stillicidium
Capit.

10 a. Ovis erronea
Hac caulas parium
Implet,

10 b. Dragma argentea
Per hanc marsupium
Habet.

11. Laus sibi paxque suis.

Cod. Berolinen. Philipp. 1996. add. saec. 12. — 4 a, 1 Et in praeconium. —
Der Form nach zu schliessen, vielleicht auch Cantio.

46. Cursus de Nativitate Domini.

Die Sabbati.

Ad Matutinum.

- | | |
|--|--|
| 1. Tactum pudoris nesciens
Sancto concepit flamine
Maria virgo, pariens
Iesum sine gravamine. | 3. Hinc magnus in consiliis
In caeli sedet solio,
Matre ligatur fasciis
Aselli in praesaepio. |
| 2. Attendite miraculum:
Mater more femineo,
Qui cuncta pascit, parvulum
Lacte fovet virgineo. | 4. Pro Fescenninis gloria
Ab angelis concinitur
Et pax in terrae curia
Benevolis promittitur. |
| 5. Iesu, Mariae filio,
Sit sempiterna gloria,
Qui dempto hoc exsilio
Coronet nos in patria. | |

Ad Laudes.

- | | |
|--|---|
| 1. Splendor paternae gloriae,
Qui clares te videntibus,
Verusque sol iustitiae,
Nostris refulge mentibus. | 3. Te Deum, Dei filium,
Ex David factum semine,
Regem regum eximium
Secundum carnem, Domine, |
| 2. Da, carnis ut mysterium,
Quod patuit pastoribus,
Ad verae vitae praemium
Sit profuturum omnibus. | 4. Mortalem et pontificem
Magorum fantur munera;
Caput, per mortis calicem
Membrorum sana vulnera. |

5. Iesu, Mariae filio.

Ad Primam.

- | | |
|---|--|
| 1. Iesu, decus angelicum,
Dans tuis lumen caelicum,
Lux lucis invisibilis,
De matre natus humilis, | 2. Virtutes pueritiae
Tuae, cuius deliciae
Sunt esse cum hominibus,
Nos instruant virtutibus. |
| 3. Tibi Mariae genito
Cum patre et paraclito
Sit honor et victoria
In sempiterna gloria. | |

Ad Tertiam.

- | | |
|--|---|
| 1. Uti sponsus de regio
Processit matris gremio
Gigas naturae geminae
Ex sacra natus virgine, | 2. Exsultans viam currere,
Errantem ovem quaerere,
Ut bonus pastor umeris
Hanc reportaret superis. |
| 3. Tibi Mariae filio. | |

Ad Sextam.

- | | |
|--|--|
| 1. Nunc Christum olim patribus
Promissum Deus gentibus
Notum fecit infantulum,
Ecce, in cunis parvulum. | 2. Agamus grates iugiter
Cum angelis, qui dulciter
In summis laudes resonant
Nobisque pacem intonant. |
| 3. Tibi Mariae filio. | |

Ad Nonam.

- | | |
|--|--|
| 1. Qui descendisti, Domine,
In alvum sacrae feminae,
Ut ros in lanam velleris,
Iesu, laus nostri generis, | 2. Emunda nos a sordibus,
Da nostris pacem cordibus,
Ut collaudantes pariter
Te hymnizemus iugiter. |
| 3. Tibi Mariae filio. | |

Ad Vesperas.

- | | |
|---|--|
| 1. Candor aeterni luminis
Et sine labe speculum,
Fulgor divini numinis,
Iubar illustrans saeculum, | 3. Quae traxit te dilectio,
Ut nostram carnem sumeres,
Quae vicit te compassio,
Ut morte nos redimeres? |
| 2. Ex patre ante saecula
Qui genitus es, Domine,
Post temporum curricula
Ex matre natus virgine, | 4. Te cogat, ut perenniter,
Quem nuntiavit Gabriel,
Nos serves, ut nunc iugiter
Nobiscum sis, Emanuel. |
| 5. Iesu Mariae filio. | |

Ad Completorium.

- | | |
|---|--|
| 1. Christe, nostra redemptio,
Amor et expectatio,
Deus, salvator populi,
Homo in fine saeculi, | 2. Non ex virili semine,
Sed mystico spiramine,
Ut parvulos nos subleves,
Tam grandis parvus factus es. |
|---|--|

3. Tibi Mariae filio.

Orat. ms. saec. 15. Cod. Labacen. 45. — Ad Primam 3, 1 Mariae filio gegen den Reim. — Ad Nonam 2, 4 Te fehlt.

47. Oratio ad parvulum Iesum lactantem.

- Qui gremio matris resides, sapientia patris,
Uberibus sacris lactate, Iesu pie, matris,
Hostia vera patris, rex caeli, vas deitatis,
Dux patriae et pacis, flos, fructus virginitatis,
5. Munus dulce satis, lux mundi, fons pietatis,
Me superae gentis, quaeso, coniunge beatiss.

Collectan. ms. incert. origin. saec. 15. Cod. Oxonien. Canon. Misc. 523. — 6 superis gentis. — Abschrift von Rev. H. M. Bannister.

48. Ad Iesum Infantem.

- | | |
|--|--|
| 1. O praedulcis parvule,
puer sine pari,
Precor, ut permittas me
de te consolari,
Pedes tuos lambere,
manus osculari
Ac hilarato corde
tecum iucundari. | 3. Hoc ardoris calculo
velis me ignire,
Ut amoris stimulo
post te possim ire,
Ne peccatoris poculo
sim filius irae,
Sed caelesti ferculo
possim me nutrire. |
| 2. O creator omnium
fonsque pietatis,
Quis tibi consuluit
sic te dare gratis
Nobis, nisi vehemens
ardor caritatis
.
. | 4. O Iesu dulcissime,
cibus salutaris,
Qui sic nobis intime
tribui dignaris,
Mala nostra deprime
fletibus amaris
Et affectus imprime,
quibus declararis. |

5. Tantis, pater luminum,
donis benedictus
Sis tu et dulcedinum
tu spiritus dictus,
Et, o virgo virginum,
ventris tui fructus,
Qui mundi voraginum
dissipavit luctus.

Orat. ms. Campense anni 1462. Cod. Darmstadien. 521. — 1, 3 Precor,
me permittas. — 1, 7 hylerato. — 5, 5 o fehlt. — Der Reim der ungeraden
Zeilen fehlt in Str. 2 und ist stumpf in Str. 1.

49. Versus de Epiphania Domini.

- Lux nova sublimis de caelo fulget in imis;
Luce Dei plena, quae gaudia monstrat amoena,
Noscitur haec stella Dominum pariente puella,
Nam nato Christo mundo radiavit in isto.
5. Reges post stellam quaerunt puerumque puellam,
Gentiles dicti subeunt cunabula Christi.
Aurum, tus dantes murrumque, Deum venerantes,
Perque fidem puram tria signant sacra figuram.
Hunc Christum puerum studeamus credere verum,
10. Semper viventem, regnantem, sed morientem.
Est Gabriel dictus tali sermone potitus:
Pax sit vera bonis virtutum perpete donis,
Ex caelo natis sit gloria sancta beatis.
Ergo nitamur, quo vera pace fruamur.
15. Gloria sanctorum sit nobis summa polorum.

Comment. ms. (Beati in Apocal.) S. Severi in Vasconia saec. 11. Cod.
Parisin. 8878. add. saec. 11.

50. Oratio de hoc praedulci nomine Iesu.

- | | |
|-----------------------|---------------------|
| 1. Ave, Iesu, | 2. Quem hominem |
| nomen mirabile, | tantum dilexisti, |
| Patris verbum | Quod protinus |
| inenarrabile | sibi subiecisti |
| Atque sapientia. | Omnia terrestria. |
| In omnibus | Qui vetitum |
| par es genitori, | pomum cito edens, |
| Per te facti | Se suosque |
| sunt caelestes chori, | morte fera laedens, |
| Homines et omnia. | Amisit caelestia. |

3. Ne perderes
 hos, quos condidisti,
 Post a patris
 sinu descendisti
 In uterum virginis,
 Ubi summis
 ima coniunxisti,
 Cum benigne
 tecum univisti
 Substantiam hominis.

4. Ave, Iesu,
 Deus incarnatus,
 Deus homo,
 de virgine natus,
 Postque octava die
 Pro salute
 nostra circumcisis,
 Inde captus,
 derisus, occisus
 Per plenos invidiae.

5. Per hanc mortem
 mortem occidisti,
 Quam ardentem
 nosque dilexisti,
 Demonstrans, Iesu pie.
 Resurgendo
 vitam reparasti,
 Ascendendo
 portam reserasti
 Caelestisque patriae.

6. Nunc de sede
 tuae maiestatis
 Ad nos clamas:
 vos, qui laboratis
 In peccatis, currite,
 Iugum leve
 meae caritatis
 Propter tanta
 dona pietatis
 In vobis suscipite.

7. Ave, Iesu,
 auctor clementiae,
 Peccatorum
 tota spes veniae,
 Dona mihi veniam;

Mentem meam
 reple dulcedine
 Caritatis
 atque munimine,
 Ut te solum sitiam.

8. Amor tuus
 lumen est mentium,
 Favus mellis,
 dulcedo cordium
 Pigmentumque caelicum;
 Omne prorsus
 excedit gaudium,
 Omne simul-
 que desiderium,
 Vinum est angelicum.

9. Tua luce,
 Iesu, clarifica
 Meam mentem,
 vino laetifica
 Affectum mellificans,
 Ut te solum
 semper esuriam,
 Te, dulcedo
 vitaeque, sitiam
 Laudes tuas replicans.

10. Ave, Iesu,
 totus amabilis
 Et prae cunctis
 desiderabilis,
 Omnem sensum superans,
 Cuius amor
 cor meum afficit,
 In quem tota
 mens mea deficit
 Te solum desiderans.

11. Ex hac carne
 dissolvi cupio,
 Tecum esse
 in illo gaudio
 Angelicae curiae;
 Tu me trabas
 ex hoc exsilio
 Et reponas
 in tuo gremio,
 Rex misericordiae.

12. O quam laetus,
cum te invenero,
Et quam felix,
cum te tenuero
In caelesti patria;
Tunc amplexus
casti, tunc oscula
Erunt mihi
de te per saecula
saeculorum dulcia.

Orat. ms. Campense anni 1462. Cod. Darmstadien. 521. — 1, 2 admirabile. — 3, 2 hos fehlt. — 5, 2 nostram mortem. — 6, 2 tuae fehlt. — 7, 9 atque numine. — 9, 2 Iesu fehlt. — 12, 10 saeculorum fehlt.

51. De Nomine Iesu.

Introductio.

- | | |
|--|--|
| 1. Ut de Iesu nomine
digne fari queam,
Nomen tetragrammaton
linguam limet meam,
Seraph arae calculo
tangat purgans ream,
Ne sic scandam ardua,
quod in praeceptis eam. | 4. Dux, lux, rex, lex machinae
praeest Iesus trinae,
Ab aeterno nascitur,
manet sine fine,
Cuius dulcis nominis
syllabae sunt binae,
Sed in binis syllabis
literae sunt quinae. |
| 2. Iesus, nomen fulgidum,
plus sole clarescit,
Iesus omni balsamo
plus menti fragrescit,
Iesus, dulcor melleus,
plus melle dulcescit,
Iesus, melos caelicum,
plus lira malcescit. | 5. Nec pentas mysterio
vacat, sed nec trias
His, qui de mellifluis
mentes gerunt pias,
Quas ut tangam breviter
rectas tenens vias,
Cor, linguam et calamus
dirigat Messias. |
| 3. Iesus iucundissimus
amplexu mentali,
Iesus cor exhilarat
iubilo vitali,
Iesus dux rectissimus
moli corporali,
Iesus lux praefulgida
menti spiritali. | 6. Omne est dissyllabum
signans caritatem,
Cum signetur caritas
per dualitatem,
Cuius monas unica
stringit deitatem,
Altera deflectitur
ad humanitatem. |

7. Hinc ad patrem caritas
fervet infinita,
Mens eat ad proximum
flagranter ignita,
Pro quo morte saucio
mori valens vita,
Quanti pendat miserum,
comprobavit ita.

8. Seminecem saucium
hic Samaritanus
Morte curat propria,
donec fiat sanus;
Pastor vita moritur,
nec curat germanus,
Homo hoc per facinus
fit hostis profanus.

9. Amor fertur maximus
sic amans amicum,
Sed est maior amico,
qui sic inimicum
Amat, quod amplectitur
hostem tam iniquum,
Sed amat, ut fertilem
reddat capessitum.

10. Caritate maxima
ferbuit maiori,
Quam curat impendere
nequam impostori,
Dat cumulatissimo
cumulum amori,
Pro periuratissimo
dignans hoste mori.

11. Dyade numismatum
curat substantivum,
Passivum corpusculum,
dans cor compassivum;
Stabulo, patibulo
binum fudit rivum,
Dativum remedii,
mortis ablativum.

12. Vino, botri sanguine,
cruor figuratur
Lateris, per oleum
latex designatur;
Per illud redemptio
mundo propinatur,
Per istud originis
amurca purgatur.

13. Pentade characterum
nomen calculatur,
Mariae tot litteris
nomen consignatur,
Per quod circularitas
miranda probatur,
Qua matris perfectio
prolisque dotatur.

14. Circularis numerus
pentas perhibetur,
In se ducta pentade
si multiplicetur,
Finis cum principio
conformis videtur,
Gignentique genita
similis censetur.

15. Unde quinque quinquies
sunt vigena quina,
Numerorum portio
dempta par est bina,
Quibus istud indidit
sophia divina,
Sic pro posse similis
est regi regina.

16. Hexas sola pentadi
sic assimilatur,
Quod liquet in eadem,
hexas si ducatur
In id, ex quo gignitur,
summa terminatur,
Circularis itaque
utraque probatur.

17. Hinc est, quod cum hexade
pentas proximatur,
Quibus circularitas
una propriatur,
Nam utraque, quotiens
in sese ducatur,
A quo duci coeperat,
in id terminatur.
18. Numerus est apicum
Iesu circularis,
In Maria pariter
est orbicularis,
Duorum prosperitas
est haec singularis,
Cum gignente geniti
Iesu singularis.
19. Iesus coepit circulum
a patre progressus,
Consummans periodum
ad patrem regressus,
Consummatum stipite
dum clamat perpessus,
Orbi figit limitem
a mundo recessus.
20. Virgo coepit circulum
a Deo creata,
Terminavit ambitum
mundo conversata,
Peregit circuitum
cum Deo locata,
Punctum, a quo fluxerat,
in hunc regirata.
21. Oritur et occidit
sol spiritualis
Lustrans in circuitu,
quivis est vitalis,
Ad egressum repedans
dextrae paternalis,
Est in suos circulos
flexus motus talis.
22. Hexas iuncta pentadi,
mater iuncta proli,
Sola coniunctissima,
vicinata soli,
Eius locans circulis
rex reginam poli,
Immediatissime
post se vult hanc coli.
23. Coepit Iesu circulus
a corde paterno
Per canalem transiens
in alvo materno,
Ereptis post obitum
suis ab averno
Finis est cum capite
coniunctus aeterno.

I.

1. Primus Iesu nomine
character est Iota,
Apex simplicissimus
minimaque nota;
Iesu sic humillima
vita fuit tota,
Verbis, signis, actibus
a fastu semota.
2. Adae praecipitium
fastum esse scivit,
Reiectus ab edito,
dum culmen ambivit,
Hinc Iesus humillimus
semet inanivit,
Utque lapsus surgeret,
vitae fons obivit.

3. Lucifer vult rapere
Dei paritatem,
Usurpare satagit
homo deitatem,
Iesus talem exhibet
in se parvitatem,
Quod sequax non corrumpat
ob aequalitatem.
4. Iesus ens celsissimus
vult humiliari,
Ut, quisquis de cetero
gliscat hunc sectari,
Queat non ad infima
fastu snpinari,
Sed ab imis erutus
summis inaltari.
5. Insuper i litera
vocalis probatur,
Quinarum vocalium
media locatur,
Sed haec, ut sit consonans
simplex, commntatur,
Interdumque consonans
iota duplicatur.
6. Verbum patris genitum
Iesus ab aeterno
Vocem carnis induit
in clanstro materno,
Verbum ens mundissimum
in sinu superno
Fit tam vox quam consonans
in ventris interno.
7. Verbum iunctum plasmati
vox simplificada,
Verbum iunctum homini
vox est duplicata,
Tam carne quam anima
verbo coniugata
Vocalis fit consonans
duplo combinata.
8. Inter duas dyades
iota situatur,
Deo sic et homini
Iesus mediator,
Binus sexus numini
reconciliatur,
Pater nec non spiritus
utrique placatur.
9. Consors consonantia
fit ex hoc vocali
Pacis foedus imperans
irae divinali,
Iudicem cum homine
placans noxiali,
Culpaе, poenae diluens
naevum, dupli mali.
10. Iesus iota medium
crebro scriptitatur,
Trinitatis media
persona probatur,
Filius altissimi
prius generator,
Ab utroque spiritus
procedens spiratur.
11. Ambulat in medio
Iesus angelorum,
Aureorum medius
stans candelaborum,
Tenet terrae medium
sudum ventris thorum;
Hinc salutem operans
Iesus terrenorum.
12. In praesaepi medius
iacet iumentorum,
Duodennis medio
residet doctorum,
Pendet cruce medius
furum damnatorum,
Crebro Iesus medio
stat discipulorum.

13. Quid de Iesu medio
laudes lingua tacet?
Medius est ambulans
operans et iacet,
Pendens, stans et reserans
mediari placet,
Reor, quod mysteriis
nil ex septem vacet.
14. Ens a patre suscipit
proles entitatem,
Cum pater ingenuus
det nativitatem,
Hoc esse per mediam
Iesu largitatem
In manantem spiritus
transit bonitatem.
15. Ambulant ierarchicam
inter contionem,
Ierarcha cum angelis
dat purgationem,
Dat infulgens medius
illustrationem
Consummansque tertio
dat profectionem.
16. Salutem in medio
terrae faciebat,
Terrenos ab invio
vocans reducebat,
In limbo tartareo
clausos eruebat,
Summa muri caelici
scandens celsiebat.
17. Iacet inter populum
Israel bovinum
Gentilemque medius
coetum asininum,
Angulari lapide
ritum iungens binum,
His eiusdem fidei
iubar dat divinum.
18. Duodennis medio
considet doctorum,
Hos quaerens et audiens
de doctrina morum,
Docens imprudentiam
caecam terrenorum
In cunctis consulere
sensum peritorum.
19. Stat inter discipulos
pandens cicatrices,
Confiteri patule
docens infelices,
Ut mentes confessio
purget peccatrices;
Nec hoc semel facit,
sed per plures vices.
20. Reddet iudex medius
discretor reorum,
Iusta lance ponderans
causas meritorum,
Obstinosos fulminans
poenis tartarorum,
Paenitentes praemians
regno beatorum.
21. Ubique conspicitur
iota medianum,
Summa placans infimis
iter fecit planum,
Per quod mundus graditur
ad supermundanum,
Dum verbum vox consonans,
corpus fit humanum.

II.

1. Apex e subsequitur
sursum oculatus,
Parumper in medio
parens actuatus,
Finis aliquantulum
plus est recurvatus,
Mucronali linea
fixim transforatus.
2. Iesu sursum oculus
vigil insopitus,
Lyncis cuncta permeat
visus investitus,
Sic caelo, sic tartaro,
sic mundo quis situs
Nudus sub tis oculis
nude patet scitus.
3. Quidquid abditissimis
mens volvit latenter,
Id luce lucidius
videt lux patenter;
Hinc peccans resileat
pavens vehementer,
Cuius scelus prospicit
iudex luculenter.
4. Comprehensor pariter
Iesus et viator,
Deitatis exstitit
fruens contemplator,
Sed mirum, quod limpidus
Dei speculator
Ad poenas deflectitur
mortis tolerator.
5. Inter ortum media
noctemque totalis
Vita Iesu lugubris,
contorta, poenalis,
Mentem Iesu curvitas
flexit artualis,
Sed carnis reflexio
plus auget letalis.
6. Finis e characteris
corpus tormentatum,
Clavis quater, milies
spinis terebratum,
Inclinato capite
clamans „Consummatum“,
Finem ad principium
probat recurvatum.
7. Linea per medium
transit transversalis,
Latus Iesu perforat
punctus mucronalis,
Quo transfosso profluit
duplex fons vitalis,
Cruor, mundi pretium,
aqua baptismalis.
8. Is character cernitur
aspectu rotundus,
Apexque vocalium
est situ secundus;
Per Iesum tripudiat
tristis prius mundus,
Dum post threnos tragicos
cantat *Laetaturundus*.
9. Adam secundario
reparatur primus,
Dum Iesus in virgine
supremus fit imus,
Primus fit ob facinus
fumus, pulvis, fimus,
Quem a tribus liberat
Deo iunctus limus.
10. Imo primus, numini
humus si iungatur,
Sic ab Adam infimo
fimus elimatur,
Ad caput, quo fluxerat,
terminus curvatur,
Dum per Adam facinus
Adae profligatur.

III.

1. Character ꝑ tertio
loco subrogatur,
Cuius tractus virgula
simpļa figuratur,
Recta tamen linea
ducta prolongatur,
Vertex aliquantulum
cuius obuncatur.
2. Iesus, simplicissimus
fons simplicitatis,
Qui triplata respuit
piis duplicatis,
Fucum fraudis disicīt
lux hic veritatis,
Nec ullam compatitur
umbram falsitatis.
3. Simplex quaerit simplices,
duplices fastidit,
Si quis duplex venerit,
Iesus hunc relidit,
Efficax thyriaca
toxicum occidit,
Super vulnus vulnere
damnando concidit.
4. Iesus cum simplicibus
stans sermocinatur,
Corde tamen simplici
Iesus quaeritur,
Iob simplex terrigenis
cunctis plus laudatur,
Simplicesque parvulos
Iesus amplexatur.
5. Examen iustitiae
virgae rectitudo,
Quam flectit a tramite
nulla tortitudo,
Perpes est aeternitas
virgae longitudo,
Quam nec mors interpolat,
sed nec valetudo.
6. Mortis nec ens debitor
emori volebat,
Solvit pro terrigenis,
quod non rapiebat;
Dum fons vitae moritur,
mortem occidebat,
Nec plus mortis stimulus
Iesum perurgebat.
7. In cruce cum pugile
mors semel conflixit,
Cum carnem ut cerinum
Iesu crux confixit,
Consurgens post paululum
in aeternum vixit,
Mortem morti perpeti
devictam addixit.
8. Obuncatur vertice
Iesus occumbendo,
Inclinato capite
vitam emittendo,
Terrenorum osculis
os dulce flectendo,
Accurrentes brachiis
tensis amplectendo.
9. Oscula repudiet
ne quisquam oblata,
Alta cruce clamitat
monte situata,
Sic clamat, quod raucitas
faucis est curata,
Suda languent lumina
fletu madidata.
10. Manus, pes, laterculum
fixum terebratur,
Sed corpus ad terrae os
totum procurvatur,
Ob cordis dulcedinem
caput aduncatur,
Ut Iesus philanthropus
mirus ostendatur.

IV.

1. Sequitur u litera
 miranda figura,
Geminis ex virgulis
 cuius fit scriptura,
Quas punctalis deorsum
 compingit clausura,
Secernit snperius
 patens apertura.
2. In naturis geminis
 id humanitatis
Iesu potest conspici
 luculenter satis,
In persona simplici
 licet combinatis,
Tamen tam compositis
 quam divaricatis.
3. Quoad Iesus viveret,
 partes sunt compactae,
Cum Iesus occumberet,
 sunt compages fractae,
Iesu terra humida
 coniuncturam nactae,
In diversum pendulo
 sursum sunt abactae.
4. Rumpitur difficile
 funus triplicatus,
Est homo, quem traxerat,
 sic culpis gravatus,
Quod Iesum similiter
 fatiscit ruptatus,
Cum a carne spiritus
 fuit separatus.
5. Utrique verumtamen
 deitas nnitur,
Ac indissolubilis
 commisura scitur,
Quae cum semel utero
 virginis unitur,
Inseparabiliter
 manens stabilitur.
6. Baculus crux pugilis,
 humanitas scutum,
Quod dira mors diffidit
 vita destitutnm,
Sed ad tempus modicum
 erat comminutum,
Surgendo de perpeti
 vita fulcit tutum.
7. Quoad Iesus viveret,
 erat divisura,
Cum caro resurgeret
 a mortis punctura,
Obsecundat numini
 mentis creatura,
Gratanter amplectitur
 tela mortis dura.
8. Mori quaerit spiritus,
 caro fugit mortem,
Hoc acre divortium
 pugnam causat fortem,
Tandem in compagine
 coeunt cohortem,
Tum sibi confoederant
 Deum in consortem.
9. Voluntas, ut viveret,
 erat sensualis,
Quam excusat insitus
 amor naturalis,
Tum voluntas cernitur
 superdivinalis,
Carnalis propensio
 mox fit spiritualis.
10. Sed licet in volitis
 fuisset dissensus,
Sed in voluntatibus
 concors est assensus,
Ut Iesus pro miseris
 cruce sit appensus,
Ac in nostris usibus
 totus sit expensus.

11. Caro naturaliter
mortem perhorrebat,
Inviteque spiritus
carnem dimittebat,
Quos Deus id volitum
velle cum volebat,
Voluntas intrinsecus
conformis manebat.

V.

- | | |
|--|--|
| 1. Sequitur \S litera,
quae bis situatur,
Sed figura duplici
character formatur,
Prima recta linea,
sicut praenotatur,
Secunda, si placeat,
bis in se curvatur. | 5. Non est haec maioritas
ex parte divina,
Sed est ex spontanea
reorum ruina,
Quos devictos subigit
Satanae rapina,
Gregem caulis abigens
claudit in sentina. |
| 2. Apice qui nominis
calce limitatur,
Iesus, cum advenerit
iudex, designatur;
Artualis curvitas
reflexa monstratur,
Cum Iesus in aere
de caelis spectatur. | 6. In bis Iesu pietas
mitigat rigorem,
Temperat clementia
iudicis fervorem,
Quibus, quam meruerant,
dat se mitiorem,
Dum poenam de meritis
mensurat minorem. |
| 3. Suprema capacitas,
qua beat salvatos,
Curvitas inferior,
qua plectit damnatos;
Licet iustus pareat
quoad reprobos,
Plaudet se piissimum
ad praedestinos. | 7. Iesus sanctos praemiat,
sed super condignum,
Plectens citra meritum
quemcunque malignum;
Omnes Iesum sentient
mitem et benignum,
Cunctis dat clementiae
pius iudex signum. |
| 4. Curvitas superior
pietas vocatur,
Aequitas inferior
arcus nuncupatur;
Illa minor cernitur,
haec maior videtur,
Damnatorum numerus
cum maior probetur. | 8. Licet sit aequalitas
in aeternitate,
Librata disparitas
est in qualitate,
Dum minor poenalitas
est iniquitate
Ex superdulcissimi
Iesu pietate. |

9. Quos unit aequalitas
in extensione,
Secernet disparitas
in intentione,
Minus, quam meruerant,
urentur personae
Ex benigni iudicis
mitigatione.
10. Domo patris vacuae
exstant mansiones
Propter diversimodas
praemiationes,
Qui plures in corpore
sevit sationes,
Plurimas in patria
metet messiones.
11. Isaac qui merita
carnis agro serit,
Centuplum iuveniet,
cum messurus erit;
Si quis ob flagitia
quantacunque perit,
Laesum citra merita
pius iudex ferit.
12. Iesu per Davitici
vatis cantiones
Cuncta super opera
miserationes;
Id norunt terrigenae,
caeli contiones,
Usti purgatorio,
Stygis legiones.
13. Nullus est absconditus
a Iesu fervore
Nec quisquam subterfugit
a mellis dulcore,
Quod manat ex scatebra
vitae redemptore,
Omnes, sed dispariter,
rigat fontis rore.
14. Tam summis quam infimis
quam et medianis
Flectitur & litera,
Iesus vitae paus,
Iustus, pius pariter
iustis et profanis,
Caelicis, tartareis,
purgatis, mundanis.
15. Paradisus denique
gaudet de Messia,
Quod satis dilucide
liquet in Elia,
In monte cum fruitur
Iesu theoria,
Cum Iesu colloquia
commiscendo pia.

Conclusio.

1. Arcae Noe fuerant
quinque mansiones,
Quae tot mundi praerogant
habitationes,
Iesus cunctis influit
miserationes,
Eius nomen continet
tot protractiones.
2. Haec mellici nominis
est orthographia,
Christiaui pectoris
haec philosophia,
Haec ecclesiastica
sit allegoria,
Haec in morum dogmate
sit tropologia.

3. Haec inter caelicolas
est anagogia,
Patre cum paraclito
perfrui Messia,
Haec est veritas, vita,
haec directa via,
Quam nobis in utero
constravit Maria.
4. Iesus ad nos venerat
per alvi canalem,
Docens hanc rectissimam
viam et aequalem,
Transire per mediam
manum virginalem
Ab imis ad superum
coetum triumphalem.
5. Deus per hunc tramitem
factus terrae limus,
Per eundem tramitem
ad Deum redimus,
Nec per iter aliud
repedare quimus,
Quam Iesum, ut pergeret,
elegisse scimus.
6. Hic est Ioseph providus,
qui mundi servator
Dicitur, yconomus,
fidus dispensator,
Septennis prudentia
famis propulsator,
Suos potans sanguine
carneque cibator.
7. Hic est Iesus strenuus,
Bennun vocitatus,
Moysi legifero
ductor subrogatus,
Legi subdens gratiam,
cruce proeliatus
Israelis hostium
confregit conatus.
8. Iesus sapientiam
Sirach renovavit,
Dum per sapientiam
mundum liberavit,
Quem rex fortis Satanas
obsessum vallavit,
Sed obsessos eruens
Iesus hostes stravit.
9. Iesus veste sordida,
summus sacerdotum,
Saccum carnis induit,
sed est lutum lotum,
Corpus dat in pabulum,
cruorem in potum,
Nobis cruce pendulum
impendit se totum.
10. Iesus noster liberat
solus a peccatis,
Non est Iesus alius
huius facultatis,
Id solius deicae
constat potestatis,
Cum hoc opus maximae
sit infinitatis.
11. O Iesu piissime,
media vocalis,
Tua meditatio
mihi sit vitalis,
Placando saevitiam
irae divinalis,
Praeservans ab aestibus
chaos gehennalis.
12. Iesu, vigil ocale,
nunquam consopite,
Vide *Petri* lacrimas
duc ad viam vitae,
Tibi licet foetidae
preces sint auditae,
Cor tuum mellifluum
mihi fiat mite.

13. Iesu, pendens stipite
caput inclinatus,
Mihī sis remissio
reconciliatus
Ac in signum foederis
statim amplexatus,
Pedum saltem oscula
praebere dignatus.

14. Iesu, cum substantiis
humanatus binis,
Me misellum respice,
qui sum vilis cinis,
Caritatis geminae
succensus caminis,
Internis fulgoribus
illustra divinis.

15. Iesu, verax arbiter,
iudex aequitatis,
Vitam meam trutines
lance pietatis;
Iesu, nomen exhibe
salvans a peccatis,
Salutem impertiens
salva cum beatis.

16. O Iesu mitissime,
mitiges examen,
O Iesu, clementiae
mihī des solamen,
O Iesu, quod displicet,
remitte peccamen,
O Iesu, ne corruam,
impende tutamen.

17. Iesu, ne deficiam,
vigora conamen,
Iesu, patris dextera,
tribue levamen,
Iesu, sancti spiritus
inspira spiramen,
Cumque patre tibi sit
laus et honor. Amen.

Collect. ms. Victorinum saec. 15. Cod. Parisin. 15163. — Introd. 15, 4 dumta per. — 23, 3 carnalem. — I. 2, 2 fastum. — 3, 6 in fehlt. — 3, 7 Quod sequatur non. — 13, 4 operans et latet. — 17, 2 Israel hominum. — II. 2, 3 permea. — 2, 4 invastitus. — III. 2, 3 Sine plata respuit. — 4, 7 que fehlt. — 8, 5 oculis. — 9, 1 Obscula. — 10, 4 procuratur. — IV. 3, 5 Iesum terra humido. — 4, 6 fastiscit. — 6, 2 homo scutum. — 9, 7 propassio. — 11, 7 int'nde. — V. 5, 1 haec fehlt. — Conclus. 4, 2 carnalem. — 5, 2 terrae fehlt. — 6, 7 potens. — 6, 8 cibatur. — 7, 8 cognatus. — 11, 7 Praeservens. — 17, 7 patri. — Ob 12, 3 nur eine Anspielung auf die Tränen des Apostels Petrus nach seiner Verleugnung (Luc. 22, 62) sein wollen, oder ob sie den Namen des Verfassers verraten sollen, dürfte schwer zu entscheiden sein.

52. Septem hymni continentes passionem Christi.

Ad Completorium.

1. Iesu, superni radius candoris,
Virtus et decor deici splendoris,
Vita et dulcor ardorque amoris
Es, Christe summe.

2. Tu visitare virginem venisti,
Mire fecundans de rore caelesti,
Iesu, adimplens olim, quae dixisti,
Desiderate.
3. Factum es caro, verbum summi patris,
Lacteque pastus, virtus, vitae panis,
Et reclinatus praesaepio, Iesu,
Ac crucifixus.
4. Rutilans stella te solem ostendit,
Iubilat instans teque lumen dicit,
Patria tua exsulque fugaris,
Iesu, nunc natus.
5. Te [Iux] lucernae, Iesu, subdidisti
Antrumque intrans vere ieiunasti,
Morbidos sanans mundum docuisti
Sana doctrina.
6. Pauperes, Iesu, o quam dilexisti,
Corpore tuo de ipsos cibasti,
Te pane vivo et virginis fructu,
Hostia sacra.
7. Iesu, tuorum pedibus extersis
Montem ascendens pie praedicasti,
Maestus et pavens ter patrem orasti,
Sanguine mades.
8. Traditum tradis fustibus et armis,
Te, Iesu, mitem atrociter vallant
Sanguinum viri, traditoris signo,
Osculo pares.
9. Dulce distillans, Iesu mansuete,
Zelum compescens tui defensoris,
Sanas contactu tuum adversantem,
Fons pietatis.
10. Manus atroces te Iesum contrectant,
Funes extendunt teque vincientes
Dire astringunt reversis post tergum
Manibus tuis.
11. Iesu percusso disperguntur oves
Viamque quaerunt devie pergentes
Ac ingemiscunt, trahere videntes
Dulcem magistrum.

12. Iesu ligato lictores laetantur,
Concite currunt Annae deducentes,
Senesque ruunt sese adgregantes
Ad exprobrandum.
13. Gloria tibi sputis deturpato,
Iubilus laudis verbis exprobrato,
Honor, potestas clavis perforato
Iesu pro nobis.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — 7, 3 mundans. — 8, 4 parens.

Ad Matutinum.

1. Vox invalescit subsannationum,
Sonat insultus increpationum,
Senibus coram, Iesn, collocatus
Ad inquirendum.
2. Testis inculpat falsa proponendo,
Pontifex clamat Iesum adiurando,
Filium Dei audit se dicendo
Nube venturum.
3. Tunc rugit princeps rabie ferali,
Veste conscissa eiulans proclamat
Voce maligna, Iesum reum mortis
Contio crepat.
4. Irruit tunc gens impetu crudeli,
Manu maligna Iesum colaphizat,
Terra curvatur pes percutientis,
Crebro conculcat.
5. Facies livet crebris maxillatis,
Resonat dorsum ictibus ferinis,
Crines evellunt tractibus obliquis
Iesu concusso.
6. Species clara turpius sordescit,
Sputis obiecta abiectius fluit
Barba illita maculosae faecis
Iesu consputo.
7. Claviger caeli a longe secutus
Ter Iesum negat, ter interrogatus,
Sed recordatur praeconii Christi
Gallo canente.

8. Dulci respectu Iesu vulnerasti
Petrum, collapsum pie sublevasti,
Cor frige factum fervere fecisti
Igne amoris.
9. Ad eum dulce intuitus, Iesu,
Saucium sanans erigensque casum,
Aridum vertens in amaro fletu
Maesti maeroris.
10. Iam taediato ore exprobrantis,
Iam perlassato pugno quatientis
Carcere taetro stricte catenaris,
Iesu afflicte.
11. O flos candoris, sputis maculatus,
Fervor amoris, frigore constrictus,
Iubar solaris, tenebrosis trusus,
Es, Iesu clare.
12. Gloria tibi sputis deturpato,
Iubilus laudis verbis exprobrato,
Honor, potestas clavis perforato
Iesu pro nobis.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — 1, 3 collocatis. — 3, 4 concrepat.

Ad Primam.

1. Mane concurrit coetus sacerdotum,
Senes et scribae concilium ferunt,
Iesum ut tradant turpissimae morti
Interimendum.
2. Iesum educunt viles vinclis plexum,
Statuunt ipsum medio eorum,
Aggredientes verbis perversutis
Interrogando.
3. Nequiter quaerunt modo de doctrina:
Si tu es Christus, nobis palam dicas.
Dei a dextris te, Iesu, sessurum
Fore affirmas.
4. Iesu insultans turba proclamosa:
Ore de huius audivimus, clamant,
Filium Dei dicens se sermone
Quali blasphemat.

5. Cito surgentes manibus ligatum
Iesum praesentant praesidi Pilato,
Agnum tradentes caui truculento
Deglutiendum.
6. Senes assistunt voce clamorosa,
Iesum incusant acuentes linguam,
Obicientes superstitiosa
Esse locutum.
7. Praeses ut quaerit denuo de noxa,
Plebem commovent, clamat gens maligna:
Docens subvertit prohibetque regi
Dare tributa.
8. Fore ut audit tunc a Gallilaea
Iesum, remittit Herodi tetrarchae,
Currit post ipsum plebs tumultuosa
Malignatorum.
9. Ferunt profani accusationem,
Quaerunt constanter interimi morte,
Crucifigendum regem aequitatis
Iesum iniuste.
10. Gaudet Herodes viso Iesu valde,
Ipsam propulsans vario sermone,
Sed obmutescit agnus vinculatus
Coram tondente.
11. Spernit tyrannus Iesum quiescentem,
Ei circumdans illusivam vestem,
Saevitque coetus dans derisiones
Regi abiecto.
12. Iesum educunt coetu satiato
Illusione mitissimi agni,
Rursum festine derisu vestitur
Habitū albo.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — 7, 1 quaerit de non de noxa. — 12, 3 festino. — Doxologie
wie im vorigen Hymnus.

Ad Tertiam.

1. Praecepit praeses Iesum spoliari,
Veste nudatum columnae astringi,
Duris flagellis durius mactari
Manu immanum.
2. Candida caro sanguine rubratur,
Nitidi artus plagis laniantur,
Ictus tortoris crebro iterantur,
Iesu, ingentes.
3. Rude flagellum Iesum circumcingit,
Funis nodosa livores apponit,
Manus versata acerbius angit
Dorsum et latus.
4. Lacera manus lacerando lassa,
Pallio rubro Iesu tunc amicto
Coetus accurrit acrius attritum
Cruciaturus.
5. Spinoso serto, Iesu, coronaris,
Fluunt, ut figunt, cruoris fluentia,
Madent capilli, oraque rubescunt
Sanguine lita.
6. Genua flectunt Iesum illudentes,
Quatiunt caput arundine sumpta,
Regem salutant prave conspuentes
Facie nuda.
7. Iesum illusum foras educentes,
Diadematum sceptrumque ferentem,
Turbis ostensum, dupla voce dicunt:
Crucifigatur.
8. Non reum mortis Iesum iudex fatur,
Crescit tumultus optioque datur,
Nequam dimisso iustus crucifigi
Sententiatur.
9. Suscipientes tunc Iesum ministri
Crucem imponunt umeris lassatis,
Foras educunt iniquis duobus
Associatis.

10. Dorsum oppressum onere curvatur,
Umeris cassus labore lassatur,
De verecundis Iesus subiugatur
Cruciamentis.
11. Anget vox vulgi Iesum protrahentis,
Alteque clamat os praeconizantis,
Clangitque tuba turbam convocantis
Ad intuendum.
12. Vox olim versa Hosanna diceutis,
Vox amicorum matrisque gementis,
Vox Iesu pia flere prohibentis
Maestum dant sonum.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — Doxologie wie oben.

Ad Sextam.

1. Mortis ad montem te, Iesu, deducto
Tuo nudaris [dire] vestimento,
Tibi haerente ac conglutinato
Plagis cruentis.
2. Quasi leprosus tunc apparuisti
Ocnlis coram populi astantis
Tuis verendis velo matris tuae,
Iesu, velatis.
3. Atterit casus caterva pellente
Virginis artus durius caedentes,
Tenera caro ligno datur duro
Iesu everso.
4. Pellis in modum Iesum expandentes
Sauciant manus, pedes perforantes,
Clavis acutis [hunc] crucifigentes
Malleo malo.
5. Arida guttis roseis rigatur
Crux, pretiosis gemmis adornatur,
Sanguis defluit, Iesus vacuatur
Largis fluentis.
6. Titulo scripto literis diversis,
Iesu confixe, sursum elevaris
Vento expansis visceribus tuis
Dire distentis.

7. Iesu erecto brachia tenduntur,
Pondere sacro genua flectuntur,
Manus pedesque rupturis vexantur
Ferro confossi.
8. Duo adduntur ad confusionem,
Crucifiguntur hinc, inde latrones,
Medium Iesum poenae deputatum
Cum sceleratis.
9. Dividunt sorte milites et vestes,
Capita movent Iesum blasphemantes,
Dicunt, descendat nunc Christus de cruce,
Praetereuntes.
10. Te suspendentes tunc orans excusas,
Iesu, latroni paradisum donas,
Virginem matrem virgini commendans
Transgladiatam.
11. Anxia voce, Iesu, proclamasti:
Me, Deus meus, cur dereliquisti?
Potum consumis, potans acetosum
In tua siti.
12. Obtenebrescit luctu compassivo
Iesu suspenso claritas solaris,
Radios claros claritatis suae
Cruentis tegens.

Orat. ms. Caelestin. S. Mariae de Parisius saec. 15. Cod. Mazarin.
3897 (605). — 8, 3 deputantem. — 11, 1 Iesum. — 11, 3 consumaris. —
Doxologie wie oben.

Ad Nonam.

1. Crucis in ara Iesu cruentato,
Iam lacerata illibata caro,
Torrida membra pendent in vexillo,
Plena pallore.
2. Vespere venis Iesus vacuatis
Sanguine suo reis sociatus
Caput inclinat velut donans matri
Vale doloris.
3. Caro carentis carie pallescit,
Fervens amoris clibanus frigescit,
Liberans limbum labore labescit
Iesu languente.

4. Oculi pii poena deprimuntur,
Lumina clara morte caligantur,
Ora marcida Iesu alterantur
Agonizante.
5. O quo dolore cor tuum liquescit!
Iesu, degustas motus maestae mortis,
Flens cum clamore spiritum commendas
Manibus patris.
6. Iesus despirans, terra contremiscit,
Petrae quassantur, velumque scindetur,
Solvitur captus, infernus patescit
Portis confractis.
7. Funes funesti funere franguntur,
Fauces fallentis ferculo falluntur,
Cornua mortis Iesu moriuntur
Morte crudeli.
8. Turba terretur, miles expavescit,
Tunditur pectus, clamor invalescit,
Testificatur: Vere iustus erat,
Filius Dei.
9. Praesidem rogat coetus Iudaeorum
Tollere statim corpora reorum,
Iesu infracto concrucifixorum
Crura franguntur.
10. Crurifractores cruci propinquant,
Iesum defunctum iam reperientes,
Lanceae ictu mox percutientes
Latus transfigunt.
11. Iesu transfixo poculum dulcoris,
Sanguinis unda, vinculum amoris,
Aqua fecunda, lavacrum nitoris
Manat praedulce.
12. Plautus duplatur, maeror ingravescit,
Corque torquetur, singultus accrescit,
Dum lanceatur Iesus in conspectu
Matris orbatae.

Orat. ms. Caelestin. S. Mariae de Parisius saec. 15. Cod. Mazarin. 3897 (605). — 2, 1 Venere venis. — 7, 1 Fune. — 8, 2 Tonditur. — 10, 2 iam fehlt. — Doxologie wie oben.

Ad Vesperas.

1. Luctu amaro noti lamentantes
Deficientem matrem comitantur,
Iesu astare fere non valentes,
Terrae sternuntur.
2. Iesus defunctus nunc annuntiatur,
Ioseph Pilatum supplex deprecatur,
Mortuum saltem cruce deponendum
Ut concedatur.
3. Praeses miratur Iesum iam obisse,
Certificatur a centurione,
Corpusque datur pro sollemnitate
Sepeliendum.
4. Iesum amici pie ut deponunt,
Recipit alma virgo inter ulnas,
Oraque ruunt clavorum fixuris
Ad osculandum.
5. Ungitur Iesus murratis unguentis,
Matris lavatur aquis gemebundae,
Dum reclinatur casibus obliquis
Super dilectum.
6. O quos singultus, virgo, protulisti
Vulnera tractans Iesu iugulati
Atque contemplans tantis aperturis
Esse confossum!
7. Matris amaris oculis acceptis
Linteis Iesus colligatur mundis
In monumento fletibus immensis
Ac collocatur.
8. Saxo sepulcrum Iesu obseratur,
Orphana mater o quam anxiatur,
Consono fletu coetu mulierum
Associata!
9. Finem donante die dolorosa
Ducitur domum Iesu destituta,
Gressu nutante umeris notorum
Superinnixa.

10. O quam amaras, mater sustinebas
Poenalitates! Inctu languefiam
Iesu promendo caritatem intus,
Prole privata.
11. Virgo poenarum domum introgressa
Querule gemit: o Iesu, spes sola,
Soloque labens ploratu poenali
Est saturata.
12. Nunc desolatur turba provoluta,
Nunc anxiatur mater lacrimosa,
Nunc adgravatur Iesum personando
Vox gemebunda.

Orat. ms. Caelestin. S. Mariae de Parisius saec. 15. Cod. Mazarin. 3897 (605). — 4, 2 alma vniq in ulnas. — 10, 1 scaturibas. — 10, 3 Iesum. — 11, 4 Est fehlt. — Doxologie wie oben.

53. De Christo Patiente.

Quisquis ades, plange, crucis aspera mente revolve,
Quae tulit a nobis mortem dans dona salutis.
Dum tulit hinc mortem liberat nos datque salutem.
Eia, nunc flete, crucifixi morte manete,
Ne barathri rete rapiat vos vaste, videte.
Hic tuus est noster sanguis de virgine sumptus,
Nos igitur rege, nos salva, nostri miscrere.

Collect. ms. incert. orig. saec. 15. Cod. Oxonien. Canon. Miscell. 523. — Vorher gehen die folgenden zwei Verse, die ein Ganzes für sich bilden und augenscheinlich die Inschrift auf einem Kruzifix bildeten:

Quisquis ades, plora, Christum quoque sic, precor, ora:
Qui dedit hunc gratis, salvator, iunge beatis.

54. Ad Christum Patientem.

- | | |
|---|--|
| 1. Salve, Iesu Nazarene,
Caput tuum non serene
Demonstratur coronatum,
Nam videtur sanciatum. | 3. Salvete, o foramina,
Inflicta spinis et spina,
Salve, o magnum pretium
Sanguinis spinis obvium. |
| 2. Salve, caput spinis punctum,
Salve, cruore perunctum
Ac percussum arundine
Saeva amaritudine. | 4. Salvete, carnes purpuratae,
Ex flagellis maculatae,
Manus et spinae fecerunt
Hirsutas et pupugerunt. |

5. Salve, o frons generosa,
Spinis ac fletu rugosa,
Es obscurata nimium
Propter salutem omnium.
6. Salvete, clari oculi,
Flevistis more parvuli,
O Isaac, sennisti,
Visum morte perdidisti.
7. Salve, decora facies,
Non erat tibi species,
Cum terris stetisti maesta,
Caelo fulgens auges festa.
8. Salvete, nares et genae,
Multis incommodis plenae,
Vos, nares, foetor turbavit,
Vos, genae, dolor vexavit.
9. Salvete, o aures piaae,
Vos pravorum blasphemiae
Intus et in cute satis
Nimis pupugerunt gratis.
10. Salve, mentum, salve, barba,
Te signavit illa barba,
In quam descendit unguentum
Ut sanguis in tuum mentum.
11. Salvete, dentes lactei.
De felle facti fellei,
Ad uvam acerbam nimis
Obstupuistis inprimis.
12. Salve, lingua verbi Dei,
Es punita causa mei
Per sitim et escam fellis,
Quae nihil habebat mellis.
13. Salve, guttur ex labore,
Ex siti ac ex clamore
Laborasti raucitate
Simulque ariditate.
14. Salve, collum caesum dure
Alapis gentis impurae,
In te apparuit pendens
Sanguis capite descendens.
15. Salve, dorsum tritum flagris
Uti frumentum de agris,
De te grana ceciderunt,
Quae salubria fuerunt.
16. Salvete, sacri umeri,
Exstitit vobis oneri
Contra iuris argumentum
Portare mortis tormentum.
17. Salvete, tensa brachia,
Traxistis ad vos omnia,
Quae erant in caelo sursum
Et quae in terra deorsum.
18. Salvete, manus tencrae,
Iunctae fuistis misere,
Dum libenter exsolvistis
Ea, quae non rapuistis.
19. Salve, dextra Iesu Christi,
Grave vulnus habuisti,
Salve, vulnus, effudisti
Pretium, quod tenuisti.
20. Salve, o manus sinistra,
Tu vitae nostrae ministra.
Tuus est cruor roseus,
Quem effudit homo Deus.
21. Salve, pectus contristatum
Propter hominis reatum,
Tu plorasti cum gemitu,
Quod peccavit pro libitu.
22. Salve, o venter carnee,
Caro carnis virgineae,
Tuam Cham nuditatem
Derisit ob pravitatem.

- | | |
|--|--|
| 23. Salvete, femora detecta,
Esis et arma sunt abiecta
In corporis passione
Pro nostra dilectione. | 28. Salve, sancte pes sinister,
Salve, o bone magister,
Salve, foramen vulneris,
Tu laus humani generis. |
| 24. Salvete, sancta genua,
Prodiistis ad ardua
Et petistis humilia,
Curvata ad vestigia. | 29. Salve, latus salvatoris,
Salve, vulnus redemptoris,
Salve, sanguis veri floris,
Salve, aqua mundatoris. |
| 25. Salvete, crura Domini,
Salus ut esset homini,
Cucurristis in spinosa,
In aspera et caenosa. | 30. Salve, o cor, aruisti
Ut foenum. quando subisti
Mortem volens, quam sitisti,
Dum in cruce perstitisti. |
| 26. Salvete, pedes gloriosi,
In esurie et in siti
Quaesistis ovem perditam,
Inter lupos absconditam. | 31. Salve, o dulcis anima
Iesu Christi peroptima,
Tu sensisti, quod tunica
Tua tulit Davitica. |
| 27. Salve, vulnus dextri pedis,
Salve, o spes firmæ aedis,
Salve, clavis, salve, sanguis,
Salve, o aene anguis. | 32. Salvete nunc, o omnia
Membra Christi felicia;
Tota nostra familia
Stat victrix in victoria. |

Orat. ms. Campense anni 1462. Cod. Darmstadien. 521. — 4, 1 purpurati. — 4, 2 Et flagellatione immaculati. — 4, 3 Nos manus et. — 4, 4 Hirsutos non conposuerunt. — 7, 4 Quae caelo fulgens. — 8, 3 o nares. — 8, 4 Et vos. — 9, 4 Nimis fehlt. — 17, 4 quae fehlt. — 20, 3 est fehlt. — 20, 4 effudisti. — 21, 3 cum fehlt. — 22, 3 nuditatem Cham; es fehlt eine Silbe. — 25, 3 Tu cucurristi in. — 29, 2 salvatoris. — 31, 1 dulcis fehlt.

55. De Passione Domini meditatio rigmica.

- | | |
|--|--|
| 1. Adam nos per vetiti
pomi damnat esum,
Sed humanum sic genus
dolens pater laesum,
Misit suum filium
incarnari Iesum,
Per quem plagis plurimis,
tandem morte caesum
Sunt salvati homines
a poenis eorum. | 2. O si unquam, anima,
devota fuisti,
Respice in faciem
modo tui Christi,
Contemplare speculo
in hoc corde tristi,
Quae et quantae, quot poenae
illatae sint isti;
Ventre matris latuit
more aliorum. |
|--|--|

3. Est in diversorio
ex domibus natus,
Vagit in praesaepio
arto reclinatus,
Pannis est humilibus
ut pauper ligatus
Lacteque virgineo
matris adlactatus,
Positus in medio
duum iumentorum.
4. Primus sanguis funditur
in circumcisione,
Offertur Iernsalem
cum oblatione,
In Aegyptum ducitur
cum afflictione,
Subditur parentibus
in conversatione,
Quaesitus in medio
sedebat doctorum.
5. Ut peccator innocens
Iesus baptizatur,
In desertum spiritu
suo agebatur,
Ubi post ieiunium
fame cruciatur,
Tribus a diabolo
vicibus temptatur,
Persequentum lapides
fngit Iudaeorum.
6. Exercet officium
praedicationis,
Lassatur laboribus,
qui est quies bonis,
Famem, sitim patitur
abundans in donis,
Publicanis veniam
dat remissionis,
Tolerat insidias
hic pharisaeorum.
7. Regnum Dei nuntiat
per castra pergendo,
Orando pervigiles
noctes deducendo,
Ter nostrae miseriae
flet compatiendo,
Cum Iuda et aliis
cenam comedendo
Iudae pedes abluit
et discipulorum.
8. Orat patrem, transeat
calix hic doloris,
Guttaeque sangoineae
decurrunt sudoris,
Traditur consilio
Iudae proditoris,
A Iudaeis capitur
Christus, rex honoris,
Vinculis constringitur
instar nefandorum.
9. Tradunt in consilium
pontificum Iudaei
Et condemnant, filium
cum se dixit Dei,
Maxima opprobria
irrogabant ei,
Turpi sputo maculant
formam faciei,
Regem caedunt alapis
per manus servorum.
10. Ad Pilati faciem
tandem praesentato
Barrabas dimittitur
Iesu condemnato,
Herodis iudicium
subit a Pilato,
Ibique ludibrio
plurimo illato
Redit et percutitur
flagellis eorum.

11. Ut rex cinctus tunica
chlamydeque bona
Et pro diademate
spinea corona,
Pro sceptro arundine
data, post haec dona
Flectit genu ironice
gens ad malum prona,
Colaphizat, conspuat
regem angelorum.
12. Crucem ad Calvariam
portans oneratur,
Qua tensus expanditur,
tractus laniatur,
Manibus et pedibus
clavis perforatur,
Sic adfixus stipiti
dire sauciatur,
Factaque divisio
est vestimentorum.
13. Ad augmentum scandali
et confusionis
Christo vilem deputant
locum passionis,
Horam in meridie
crucifixionis.
Et in festo maximo
est bonus cum non bonis
Deputatus in medio
latronum duorum.
14. Cum sic ad spectaculum
esset crux evecta,
Adest lingua hostium,
insultat infecta,
Nec damnatus tacuit
latro causa recta;
Sistit Iesus omnia
videns iam perfecta,
Aceto potatus est
et felle eorum.
15. Dum horarum spatio
trium pependisset
Et exspirans spiritum
suum commisisset,
Cumque miles lancea
latus transfixisset,
Et sanguis continuus
et aqua fluxisset,
Sepelitur a Ioseph
more Iudaeorum.
16. Hic redempte cogita
homo, quis et qualis
Fuit, qui dum moritur,
terrae motus talis
Et solis obscuritas
erat generalis
Scissuraque lapidum
velique totalis,
Multaque surrexerunt
corpora sanctorum.
17. Compassa sunt omnia
suo creatori;
Eris ergo durior
petra duriori,
Si non sis compatiens
eius, qui sic mori
Pro te sponte voluit,
iungaris amori
Expurgatis vitiis
prius peccatorum.
18. Nam dicit: Vocaveram
vos, et renuistis,
Manum meam extendi,
et non aspexistis,
Omnia consilia
mea despexistis,
Et, dum in cruce paveram,
vos non curavistis,
Unde in interitu
videbo vestrorum.



19. Nunc vide propheticum
in me adimpletum,
A iuventute pauperem
labore consuetum,
A planta ad verticem
plagis me repletum,
Felle mixtum in cruce
potasse acetum,
Damnatum turpissima
morte pessimorum.

20. Non mea, sed tua sum
culpa passus, homo,
Quia tu de vetito
comedisti pomo;
Si mihi respondeas
compassionis dono,
Dabo tibi vivere
patris mei domo,
Ut mecum in saecula
regnes saeculorum.

Orat. ms. Campense anni 1462. Cod. Darmstadien. 521. — 2, 7 et
quot. — 6, 6 in domo. — 8, 3 Guttique sanguinei. — 8, 10 efandorum. —
11, 2 clademque. — 11, 7 Flecti. — 17, 8 iungeris. — 18, 9 interitum.

56. De Passione Domini.

1. Expurgator scelerum
Aeterni patris dextera
Descendit ad saucium
Ad sananda vulnera,
Adduxit in stabulum
Pietatis opera,
Vinum dans et oleum
Caritate supera.

4. Pauper rex efficitur,
Ut pauper dives fieret,
Potens prelo premitur,
Ut impotens resurgeret,
Christus crucifigitur,
Ut homo caelum scanderet,
Sol eclipsim patitur,
Ut sidus lumen sumeret.

2. Hic est noster proximus,
Genitus de virgine,
Pro nobis novissimus,
Rex in caeli culmine
Factus est humillimus,
Frixus in sartagine,
Nos raperet potentius
Hostium voragine.

5. Sic sorti nostrae miserae
Contulit subsidia,
Duxit lapsos scelere
Ad caeli fastigia,
Mortis vivus asperae
Passus est fastidia,
Ut sanaret, viperae
Quos laeserat invidia.

3. Poenis se innexit,
Ut nos a poenis solveret,
Saccum nostrum texuit,
Ut fallentem falleret,
Funera sustinuit,
Ut funus nostrum vinceret,
Carni se immiscuit,
Ut carne nos redimeret.

6. O quam mira circa nos
Dei patris dilectio!
Ut salvaret servulos,
Non pepercit filio.
O summae potentiae
Quam miranda passio,
Conditionis miserae
Quam magna redemptio!

Collect. ms. Llantonienae (?) saec. 13. Cod. Coll. Corp. Christi Oxonien.
59. — 1, 4 Et duxerat in. — Abschrift von Rev. H. M. Bannister.

57. De Passione Domini.

Virtus angelorum deluditur,
Caput honoris pungitur,
Vultus decoris spernitur,
Dextra vigoris foditur,
Laeva rigoris tunditur,
Gressus ductoris figitur,
Gustus saporis laeditur,
Latus pastoris scinditur,
Sponsus amoris moritur,
Fructus cruoris perditur.

Collect. ms. S. Iacobi in Insula Leodii saec. 13/14. Cod. Darmstadien. 2777. add. saec. 14. — Zwischen v. 5 und 6: Speculum sine macula deturpatur. Das Einschiebsel stört den Vers und den Gedanken.

58. Verba Crucifixi.

Dulcis amice, vides, pro te quos porto dolores,
Nil pro me patior, immerito crucior.
Hic pro te fixus, toto sum corpore tensus,
Crimina quippe tua sunt mea supplicia.
Quantumcunque potes, non cesses reddere grates,
Nam meus iste dolor est tuus altus honor.

Collect. ms. Gemmeticense saec. 10. in. Cod. Rotomagen. 26 (A 292.) add. saec. 12. — 2 und 3 umgestellt; nach 4 folgt noch ein überzähliger Pentameter:

Amodo non moreris, vivere si mihi vis.

59. Planctus Christi patientis.

Respice, peccator, an non sim verus amator.
Eu, pro te morior, non est dilectio maior.
Respice, qui transis, cum sis mihi causa doloris,
Vulnere sto plenus, pro te nimis undique laesus.
Sic, homo, sto pro te; cum peccas, desine pro me.
Spinae, crux, clavi, mors, poena, quam toleravi,
Ostendunt, qua vi miserorum crimina lavi.

Collect. ms. Monasterii B. M. Vallis Pisii (Ord. Carth.) saec. 15. Cod. Vatican. Reg. 349.

60. *Laus crucis.*

1. *Salve*, Christi crux praeclara,
Arbor astris pulchrior,
Facta reis ex amara
Mellis stilla dulcior,
Vitae nobis viam para,
Dux effecta gravior.
2. In te nobis summi ducis
Dulcescit memoria.
Qui conformans se caducis
Inter haec mortalia
Mediante scala crucis
Ad se traxit omnia.
3. *Salve*, scala, quam erexit
Inclinata deitas,
Cuius et nos non despexit
Despecta sublimitas,
Sed ad summa iam provexit
Caelum tangens summitas.
4. Qui per crucem triumphasti.
Crucis opem porrige,
Quos per carnem liberasti,
Carne pressos erige.
Et in viam, quam parasti,
Vitae cursum dirige.
5. *Salve*, signum et insignis
Vexillum victoriae.
Quod erectum a malignis
Pro voto malitiae
Piis praestat et benignis
Verae fructum veniae.
6. Corda potens expiare,
Purga cordis oculum
Cor invitans ad praecarae
Virtutis spectaculum,
Ut et nobis salutare
Sanctum sis signaculum.
7. *Salve*, cuius ad insigne
Columnae miraculum
Nunc in nube, nunc in igne
Praecedebat populum,
Sanctae crucis non indigne
Praesignans patibulum.
8. Ne nos fallant blanda viae
Neve frangant aspera,
Ut in nocte sic in die
Dirigens itinera,
Nos utrique, Iesu pie,
Tempori contempera.
9. *Salve*, vitae ferens fructum,
Vitis salutifera,
Cuius fructus non ad lu[c]tum,
Sed per lucis opera
Lapsus levat et seductum
Reducit ad supera.
10. Prosint nobis data gratis
Tua, Iesu, munera,
Prosit opus pietatis,
Prosit victrix dextera,
Summae regna claritatis
Dans post levae munera.
11. *Salve*, lignum, cuius Eva
Non seduci specie,
Sed laetatur a primaeva
Salvari mollitie
Temperata lege saeva
Letalis sententiae.
12. *Salve*, signum singulare
Salutis et gaudii,
Lignum, inquam, salutare
Singularis pretii,
Thronus, sceptrum et altare
Dei factum filii.
13. *Salve, thronus*, quem ascendit
Rex passurus gloriae,
Quibus pie condescendit,
Suae servos gratiae
Sub servili, quam praetendit,
Redempturus specie.
14. *Salve, sceptrum*, immortale
Disponens imperium,
Per quod Christus, dum mortale
Solvit domicilium,
Suis dedit aeternale
Regni participium.

- | | |
|--|---|
| <p>15. Salve, clara crucis <i>ara</i>,
 Rubens agni sanguine,
 Quam sacravit, qui nos lavit
 Ab antiquo crimine,
 Qui per crucem nos ad lucem
 Traxit a caligine.</p> <p>16. Salve, crux, quam insignivit
 Sui vultus lumine,
 In qua semel obdormivit,
 Qui natus de virgine
 Semper regnat, semper vivit
 Deus ens in homine.</p> <p>17. Mons sublimis, mons provisus
 A rerum primordio,
 In quo nobis causa risus
 Christi fuit passio,
 Pro quo vervex est occisus,
 Ut parcatur filio.</p> | <p>18. Salve, verae spes salutis,
 Per quam fit redemptio,
 Dum longaevae servitutis
 Abiecto dominio
 Suo servum rex virtutis
 Sublimat imperio.</p> <p>19. Per te nostra sint accepta
 Christo sacrificia,
 Morte cuius intercepta
 Mortis sunt imperia.
 Prosit, precor, et accepta
 Salutaris hostia.</p> <p>20. Cor expurgans a peccatis
 Omnique spurcitia
 Post eructae vanitatis
 Lapsus et ludibria
 Nos ad regnum claritatis
 Crux reducat praevia.</p> |
|--|---|

Collectan. ms. Cirencestre saec. 13. Cod. Parisin. 11867.

61. De Sancta Cruce.

- Forma crucis sanctae tibi retro semper et ante;
 Sit crux in corde, crux corpore, crux sit in ore;
 Crux tibi sit redolens et dulci plena sapore;
 Crux lumen vultus, tibi sit crux gloria virtus;
 5. Crux oculis coram tibi sit nec desit ad horam;
 Crux manibus detur, crux auribus associetur;
 Intus et exterius tibi semper et undique sit crux;
 Crux tibi sit saltem vicibus meditatio septem;
 Sit tibi sermo crucis quasi fons et copia lucis;
 10. In cruce sacrata tibi sit data vita beata.

Orat. ms. Caelestin. S. Mariae de Parisius saec. 15. Cod. Mazarin. 3897 (605).

62. De Passione et Cruce Domini.

- Talis es et tanta, crucifixi passio sancta,
 Quod de te fari, nunc scribere, nunc meditari,
 Qui tibi sunt cari, nunquam debent satiari.
 Tu vitam donas cunctis, quos ipsa coronas,
 5. Et regis et munis, pascis, quos dulciter unis.

- Vulnera uos satiant, quibus et charismata manant,
Nos Christi sanguis mundat, quo vincitur anguis.
Morte datur vita super omnia dona cupita,
Crux vitae clavis et odoris plena suavis,
10. Passio divina mortalibus est medicina.
Haec sunt vera bona, nimium dulcissima dona.
Vos precor, o fratres, in cordibus hoc teneatis,
Hoc pensate diu, vigilantes hoc studeatis;
Istud dulce nimis studium cor tollit ab imis.
15. Fratrum nostrorum studium decet esse Minorum
In cruce praecipue, crucifixi sanguine, morte,
In quibus est animae iucunda refectio sanctae
Et via virtutis, spes nostra certa salutis.
Crux salvatoris est Fratris vita Minoris,
20. Intus plena, foris nimium caelestis amoris
Ista suis loris hominis dux interioris,
Regula fit moris, operis, sermonis et oris.
Hic est ordo crucis, qui ducit ad atria lucis,
Qui regit et servat, Domino sine fine gubernat.
25. In cruce fundatus noster fuit ordo beatus,
In cruce fulgebit, perfecte dum remanebit.
Noster Franciscus, crucifixi dulcis amicus,
In cruce se fixit, studuit, dum corpore vixit;
In cruce pugnavit, inimicos dum superavit,
30. Corpus prostravit, cruce mundum suppeditavit,
Rite laboravit, quoniam super hoc vigilavit.
Fratr, dum vivis, crucifixum semper honora,
In cruce vulneribus studeas, meditando labora,
Qualia sit passus, memor esto qualibet hora.
35. Qui mala sustinuit pro te nimium graviora,
Quam sint, quae pateris, et longe deteriora.
Tunc patienter agis, si Christi sanguine, plagis
Cor tibi munire studeas, accendere mire.
Sit tibi plagarum studium super omnia carum,
40. Et crucis et mortis tibi sit meditatio fortis.
Passio cor pungat, aspersio sanguinis ungat,
His delecteris et gaudens haec mediteris.
Nitere tu de morte Iesu portare dolorem,
In cruce gaude, fortiter aude ferre laborem,
45. Tu crucifixi sanguine Christi mundificatus
Ista sequaris, ne verearis flere reatus.
Eximium crucis hoc studium flos est studiorum,
Quod valide, sapide, cupide cor pascit eorum,
Qui cupiunt, sitiunt, veniunt ad regna polorum.
50. O mi, Francisce, pater inclite, dux crucifixe,
Te precor obnixe, mihi cordi stigmata misce,
In cruce fervere, fac me cor semper habere.

- In cruce me stare facias, ardentem amare,
 Me cruce laetari facias et te comitari,
 55. Ut valeam vere Domino sine fine placere.
 O mi Christe Iesu, mea spes et lux oculorum,
 O mi dulcis amor, requies et vita bonorum,
 O dulcedo mea, cunctorum plena saporum,
 O, qui pro nobis amor es crucifixus amorum,
 60. Tu me sanctorum numero coniunge tuorum,
 In medio quorum resplendet vita Minorum.

Orat. ms. Caelestin. 8. Mariae de Parisius saec. 15. Cod. Mazarin. 3897(605).

63. De Cruce Domini.

- | | |
|--|---|
| 1. Triumphale lignum crucis,
Tu nos seductos reducis
Ad superna gaudia,
Portas pandis verae lucis,
Claudis fauces hostis truci
Divina potentia, | 2. Te adoro propter illum,
Qui per te gregem pusillum
Reduxit ad patriam,
Confringens per hoc vexillum
Mortis vectes et sigillum,
Signans infernalialia. |
|--|---|

Orat. ms. Pragensis saec. 15. Cod. Pragen. XIII H 3a.

64. De Sancta Cruce.

- | | |
|--|---|
| 1. O crux, ave, spes unica,
Arbor salve suavissima,
Quam Christus sua gratia
Morte dicavit propria. | 5. A maligno me protege,
Crux alma, omni tempore,
Cum insurgit temptatio,
Sis mea liberatio. |
| 2. Te sacra Christi passio
Et sanguinis effusio
Colendam omni populo
Consecravit in saeculo. | 6. In adversis refugium.
Contra hostes subsidium,
Contra Satanae iaculum
Tu mihi sis obstaculum. |
| 3. Ad cuius nunc memoriam
Et passionis gloriam
Te adoro, te veneror,
Per te salvari deprecor. | 7. Tua potens tuitio
Me purget omni vitio
.
. |
| 4. Sis mea tu protectio
Et in cunctis defensio,
Me intus et exterius
Conserves horis omnibus. | 8. O crux, tuum signaculum
Sit mihi propugnaculum
Et motibus illicitis
Et actu turpitudinis. |

- | | |
|--|---|
| <p>9. Contra omne periculum
Crux mihi sit umbraculum,
Ab aestu libitudinis
Conservet arcem pectoris.</p> | <p>10. Ne turpis cogitatio
Aut carnis delectatio
Ad consensum me pertrahat,
Crux semper me custodiat.</p> |
|--|---|

Miss. et Brev. ms. Coronense saec. 14. Cod. Vatican. 4757. — 4, 2 Et fehlt. — Abschrift von Rev. H. M. Bannister.

65. De Sancta Cruce.

- | | |
|--|--|
| <p>1. O crux. ave, sanctissima,
Spes nostra nobilissima,
Salus mundi verissima,
Omni laude dignissima.</p> | <p>9. Sub hoc vexillo maneant
Fideles, ut non pereant,
Crucis amici gaudeant,
Vitam aeternam habeant.</p> |
| <p>2. In te Iesus dulcissimus
Pependit suavissimus,
Rex noster invictissimus,
Per quem salvari credimus.</p> | <p>10. In umbra huius arboris
Salus mentis et corporis
Paxque donatur pectoris,
Fluctus pacantur aequoris.</p> |
| <p>3. Qui te portare voluit
Et pendens in te doluit,
Cuius amor apparuit,
Pro nobis dum occubuit.</p> | <p>11. In te latent deliciae
Et speculum munditiae,
Per te donantur gratiae
Cunctis, qui sunt in acie.</p> |
| <p>4. O crux plena dulcedinis
Et summae pulchritudinis,
Aspersione sanguinis
Inebria cor hominis.</p> | <p>12. In te decor et gaudium,
Sapor et odor cordium,
Piae mentis solacium
Et dulce refrigerium.</p> |
| <p>5. Qui te laudare nititur
Et dulciter amplectitur,
Beatus, qui te sequitur.
Donec vivit et moritur.</p> | <p>13. Tuus amor eximius
Nos satiet interius,
Nihil sit nobis dulcius
Quam crucifixus filius.</p> |
| <p>6. O crux sole splendidior,
Omni melle suavior,
Tu es auro praeclarius
Et balsamo fragrantior.</p> | <p>14. Amor tuus nos capiat,
Introrsum qui nos rapiat
Et exultare faciat,
Donec Iesus adveniat.</p> |
| <p>7. O bona crux, amabilis,
In cunctis venerabilis,
Tu es thesaurus nobilis
Et portus delectabilis.</p> | <p>15. O crux, nostra salvatio,
Iustorum consolatio,
Esto nobis protectio.
Lux cordis et refectio.</p> |
| <p>8. Tu es vexillum gloriae.
Per quam fiunt victoriae,
Tu clavus domus regiae,
Porta caelestis curiae.</p> | <p>16. O crux, vera laetitia,
Plena caelesti gratia,
Per te simus in patria,
Qui stamus in miseria.</p> |

17. In hora nostri obitus,
In qua exhibit spiritus,
Adversus hostis impetus
Tuere nos divinitus.

18. Sit crucifixo gloria,
Quem benedicant omnia,
Sibi virtus, imperia,
Clara laudum praeconia.

Orat. ms. Caelestin. S. Mariae de Parisius saec. 15. Cod. Mazarin.
3897(605). — Eine kürzere Form des Liedes XXIII, 29.

66. De Sancta Cruce.

1. Maximum solacium
animi languentis,
Suspirantis, avidi,
Christum sitientis
Sitis in gemitibus
multis et lamentis,
Est in cruce Domini
mundum redimentis.

5. Est in cruce Domini
gloria decoris,
Copia dulcedinis,
initium saporis,
Poculum inebrians,
stimulus amoris
Et evacuatio
planctus et maeroris.

2. Crux est, in qua pascua
sunt deliciarum,
Virtus et amoenitas,
cibus animarum,
Innumerabilium
dona gratiarum,
Quae per cuncta redolent
climata terrarum.

6. Mentium iucunditas,
requies segura.
Pax interminabilis,
pulchritudo pura,
Per crucem acquiritur
gloria segura.
Crucis amatoribus
nunquam peritura.

3. Splendor indeficiens,
claritas divina,
Regula iustitiae,
vitae disciplina
Et nostrorum vulnorum
dulcis medicina,
Per quam omnes liberi
simus a ruina.

7. In cruce cibaria
sunt mansuetorum,
Tota spes fidelium,
clara lux caecorum
Et claudorum baculus.
census egenorum,
Firmitas debilium,
salus infirmorum.

4. Crux est odorifera,
plena gaudiorum,
Scala perfectissima,
portus electorum,
Hic fons est caelestium
desideriorum,
Fervor et incendium
cordium iustorum.

8. Crux est pavor daemonum
et morsus inferni,
Per quam fluxit radius
luminis aeterni,
Regis invictissimi
gratia superni,
Utinam hoc videant
homines moderni.

9. Crucis beneficium
debet plus amari,
Recoli frequentius
et desiderari,
Nec deberent homines
unquam satiari
Crucifixo Domino
recte famulari.
10. Crucis beneficio
sumus liberati,
Qui eramus perdit
atque maculati,
Modo sumus roseo
sanguine mundati,
Patri clementissimo
reconciliati.
11. Doleo, quod homines
plures hoc ignorant,
Qui nec crucem diligunt
nec crucem honorant
Nec in cruce Domini
student nec laborant,
Ideo post obitum
in inferno plorant.
12. Crucis desiderio
corda sint ignita.
In qua nostra iacuit
et pendit vita,
Iesus, amor omnium,
salus infinita,
Per quem sunt et saecula
cuncta stabilita.
13. Christianus quilibet
sit in cruce totus,
Cum sit ibi sanguine
pretioso lotus,
Cruci semper cupiat
vivere devotus,
In caelesti curia
si vult esse notus.
14. Omnis homo studeat
crucem revereri
Crucifixi nobilis,
amatoris veri,
Si vult in caelestibus
maximus haberi
Et beatam faciem
eius intueri.
15. Vulnera remedium
sunt nostri languoris,
Haec pretiosissimi
vasa sunt liquoris,
Terminus exilii,
requies laboris,
Ibi sapor hominis
est interioris.
16. Felix, qui vulneribus
istis vulneratur,
Pretioso sanguine
Domini potatur,
Pascitur, afficitur
et inebriatur,
Gaudet mirabiliter
atque iucundatur.
17. O suave vasculum,
redolens unguentum,
Sanguis, qui languentium
es medicamentum,
Da virtutum omnium
nobis incrementum,
Cordium solacium
et delectamentum.
18. O pretiosissime
sanguis salutaris,
Sanguis, qui virtutibus
cunctis dominaris,
Nos a cunctis hostibus
semper tuearis,
Angelorum coetibus
iunge nos praeclaris.

19. O crux admirabilis,
dulcis et amoena,
Celebris hominibus,
caritate plena,
Per te nostri criminis
fracta est catena,
Ut salvemur penitus
ab aeterna poena.

Orat. ms. Caelestin. S. Mariae de Parisius saec. 15. Cod. Mazarin. 3897(605). — 9, 5 Nec debent. — 14, 4 amatores. — 16, 5 efficitur. — 19, 6 fracta sunt.

67. In Resurrectione Domini.

- | | |
|---|--|
| 1. Pascha novum celebrate
Novo genere carminum,
Zima vetus expurgate,
Rex, mediator hominum,
Homo regnare fatetur
<i>Te lucis ante terminum.</i> | 3. Fulget novum testamentum,
Ioseph exit de carcere,
Implet Christus sacramentum,
Quem mulieres ungere
Veniunt ad monumentum
<i>Iam lucis orto sidere.</i> |
| 2. Agnum Iudaea seducit,
Cum Ioseph vendunt invidi,
Suos Ioseph introducit,
Quo nunquam intrant perfidi,
Nam stricta via, quae ducit
<i>Ad cenam agni proridi.</i> | 4. Florem meriti deflorant
Iniquitatis scelera,
Iustum prodere laborant,
Et tu, Iudaea misera,
Illum cur tradis, adorant
<i>Quem terra, pontus, sidera?</i> |

Collect. ms Veronense saec. 14. Cod. Oxonien. Bodl. Can. Miscell. 95. — Abschrift von Rev. H. M. Bannister. Vielleicht auch Cantio.

68. Salutatio Corporis Christi.

- | | |
|--|--|
| 1. Ave, sub panis specie
Te relinquens ecclesiae,
Hoc mirandum sacramentum
Tuum fuit testamentum. | 4. Quod ille, qui sic potuit,
Ita fieri voluit,
Hinc fides et dilectio
Crescit atque devotio. |
| 2. Panis formam intuemur,
Sed sub formis confitemur
Carnem iunctam deitati,
Deitatem parvitati. | 5. Nam dum de te nos satias,
Corde tibi nos socias,
Sanguis tuus vere potus,
Caro tua vere cibus. |
| 3. Panis transit substantia,
Sed manent accidentia;
O miranda potentia!
Sed non minor est gratia. | 6. Hoc fidelis ac devotus
Percipit. infidelibus
Calicis huius potio
Non salus, sed damnatio, |

- | | |
|---|--|
| <p>7. Bonis culpaē purgatio,
Animarum refectio.
O creatoris dignitas!
Quanta, qualis humilitas!</p> | <p>8. Qui tuis sanctis manibus
Discipulis cenantibus
Prostratus pedes abluis,
Tu qui superbos respuis,</p> |
| <p>9. Formam praetendens humilem,
Ad te placandum utilem,
Te tradit Iudas osculo
Et pro vili munusculo.</p> | |

Collect. ms. S. Mariae Vallis Pisii saec. 15. Cod. Vatican. Reg. 349.

69. Salutatio Corporis Christi.

- | | |
|--|--|
| <p>1. Ave verbum incarnatum,
De supernis nobis datum,
In altari consecratum,
Pro salute mundi natum.</p> | <p>3. Tu de caelis descendisti,
Salus mundi advenisti
Et latroni pepercisti,
Parce mihi, corpus Christi.</p> |
| <p>2. Incarnatum verbum Dei,
Miserere, precor, mei,
Tu me iunge semper ei,
Ne insurgant in me rei.</p> | <p>4. Novi calix testamenti,
Magni factor elementi,
Cum virtute vescimenti
Esto fixus meae menti.</p> |

Collect ms. Veronense saec. 14. Cod. Capit. Veronen. 823 (819). — 4, 3
vestimenti? — Nach 4, 4 Per tuam misericordiam. —

70. De Corpore Christi.

- | | |
|--|--|
| <p>1. O quantaē perfectionis
Est vis huius actionis,
Cum sub manibus humanis
Fit divina caro panis,
Et dignatur attractari
Ipse Christus in altari
Factus eucharistia!</p> | <p>3. Audi formam novitatis,
Plenam tamen bonitatis,
Panis fit id, quod non erat,
Et non fit nisi, quod erat;
Hic conversio formalis
Non est, sed substantialis,
Nec crevit substantia.</p> |
| <p>2. O mirandam novitatem,
Cum per verbi potestatem
Formae manent et figurae,
Sed vertuntur creaturae!
Nam nec panis neque vinum
Est hic post verbum divinum,
Sed Christi praesentia.</p> | <p>4. [Non est hic] sensus sed fides,
Est, quod credis, non, quod vides,
Etsi corpus est, quod tangis,
Non est tamen hoc, quod
frangis;
Nam si perfert tuum tactum,
Nequit tamen esse fractum
Nec pati mortalia.</p> |

5. Quis ergo digne miretur,
Cum hoc sacrum celebretur,
 Posse quemquam operari,
 Quod nec valet cogitari;
Vincit enim omnem sensum
Per mysterium immensum
 Illa pacis hostia.

6. Res plena summae virtutis
Est mysterium salutis,
 Ibi nuntius caelestis
 Est adiutor atque testis
Et sacerdos ipse Deus,
Licet sit minister reus
 Implens ministeria.

Orat. ms. Iohannis de Loprzticz saec. 15. Cod. Altovaden. 90.

71. De Corpore Christi.

1. Tu sacerdos altissime,
Pontifex quoque maxime,
Homo Deus verissimus,
Terraë caelique Dominus.

6. Caritatis indicium
Ante crucis supplicium
Monstrabas, Iesu, miseris
Te dando cibum mortuis.

2. In caeli regnans culmine
Caput et princeps maxime,
Pater et frater generis
Nostri, dans vitam mortuis.

7. Dono carnis et sanguinis
Salus es factus miseris,
Conclusis benedictio,
Exsulibus reductio.

3. Tu viva placens hostia,
Immaculata, placita,
Perfecta sine macula,
Verissima, vivifica.

8. Hoc me cibo custodias
Et benedicas, protegas
Ab omnibus periculis
Et animae et corporis.

4. Pro vita nostri generis
Oblatus crucis brachiis
Aeterno patri luminum
Nos pascas in perpetuum.

9. Per hunc, Iesu dulcissime,
Me fac consortem gratiae,
Per hunc in tuo lumine
Me fac consortem gloriae.

5. Ad crucis tu patibulum
Patri fecisti debitum,
Et ideo cum gloria
Es exaltatus maxima.

10. Tibi pro dono maximo
Sit gratiarum actio,
Laus, virtus, iubilatio,
Aeterna gloriatio.

Orat. ms. Pollingense anni 1505. Clm. Monacen. 11922. — 2, 2 et fehlt.
— 3, 2 placida. — 4, 3 luminis. — 4, 4 pascas. — 7, 1 Dono corporis et.

72. De Corpore Christi.

1. Nunc amoris indicia
Christi pangamus inclita,
Quo sic se ipsum tradidit
In cibum pro famelicis.

2. Tua, Iesu, praeconia
Et inandita munera
Affectu semper debito
Da promere cum iubilo.

- | | |
|---|---|
| 3. Quae te vicit tuuc caritas,
Te ipsum cum tradideras
In mortem et in pascua,
Quibus nulla sunt merita? | 7. Te per cruorem roseum,
Nostrae salutis pretium,
Precor, ut mente debita
Tua tractem mysteria. |
| 4. Tu patri sacrificium
Amoris per incendium
Oblatus saluberrime
Ara crucis acerrimae. | 8. Per tuam, Iesu, gratiam
Fac me per fidem debitam
Affectu ardentissimo
Huic me dare mysterio. |
| 5. Hac hostia mundissima
Mundi cuncta peccamina
Tulisti per opprobria,
Per mortem, per supplicia. | 9. Da cogitare placita
Et facere gratissima,
Ut mundus corde, corpore
Te sumam, o dulcissime. |
| 6. Caritatis dulcedine
Tuo nos lavas sanguine,
Patri nos pacas dulciter,
Prorsus ineffabiliter. | 10. Tauti fructu mysterii
Virtuteque paracliti
Custodis et angelici
Dona munimen animae. |

Orat. ms. Pollingense anni 1501. Clm. Monacen. 11922. — 4, 4 Et ara crucis. — 9, 3 corde et corpore.

DE BEATA MARIA V.

73. De Nomine BMV.

1. Ave, gemma pudicitiae,
Maria conregnatrix gloriae,
Hoc nomen praestat ceteris
Quinque formatum literis.
2. Te magnam prima litera,
Almam praesignat altera,
Tertiaque te regnantem,
Quarta vero imperantem,
Quinta te agnam nuntiat,
Agnam, quae labem nesciat.
3. O virgo, mater Domini,
Tuo beato nomini
Nostra subscribe nomina
In libri vitae pagina.

Orat. ms. Campense anni 1462. Cod. Darmstadien. 521. — 2, 3 que fehlt.

74. Ad singula membra B. Mariae V.

- | | |
|---|--|
| 1. Benedicta, omnibus
Per quam mulieribus
Datur benedictio,
Laudent te per omnia
Omnium praeconia
Laudum privilegio. | 3. Benedicta castitas
Carnis, ex qua deitas
Nascitur in homine,
Quem tu, virgo, generas
Et, quod primo noveras,
Non perit in virgine. |
| 2. Benedicta maxime
Virginalis animae
Singularis puritas,
Cuius in palatio
Parat Dei filio
Mansionem trinitas. | 4. Benedicta, gaudium
Comprehendens omnium,
Fidelis auricula,
Quod credendo concipis,
Dum caelestis suscipis
Nuntii oraculum. |

5. Benedicta viscera,
Contra iuris foedera
Sancto feta spiritu,
Dei patris filium
Quae per trium mensium
Baiulant circuitu.
6. Benedicta pariens
Ventris nec aperiens
Virginale ostium,
Sicut sol non aperit
Vitrum, quando exserit
Ab introrsum radium.
7. Benedicta genua,
Quibus vitae ianua
Vagiens excipitur,
Et quae pondus sustinent,
Quod caeli non continent,
Quod mundo non capitur.
8. Benedicti oculi,
Quibus regem saeculi,
Mater pura, respicis,
Eius contemplatio
Omni plena gaudio
Vultibus angelicis.
9. Benedictae genulae,
Quae ad illam sedule
Se astringunt faciem,
Cuius visu omnium
Obtus caelestium
Nullam capit satiem.
10. Benedicta labia
Super favum dulcia
Dei sapientiae,
Quorum gaudet osculis
Promissus a saeculis
Dilectus ecclesiae.
11. Benedictum caelitus
Collum, quod humanitas
Amplexantur brachia
Partes mundi superas
Pariter et inferas
In se continentia.
12. Benedicta ubera,
Lacte quorum tenera
Eius aetas alitur,
Qui digne sumentibus
Cibus est credentibus
Nec sumptus consumitur.
13. Benedictus gremii
Locus Dei filii
Digna facta sessio,
Qui simul caelestibus
Praesidet spiritibus
Et fovetur gremio.
14. Benedictum lectuli
Vice caput parvuli
Refovens pectusculum,
Cum vel somnus capitur,
Vel dum mamma sumitur
Sacri lactis poculum.
15. Benedicta brachia,
Quibus portans omnia
Portitari voluit;
Simeon hoc gaudio
Semel fretus taedio
Usam vitae habuit.
16. Benedicta manuum
Dignitas, qui actuum
Diversorum baiula
Coaptant panniculos,
Qui credentes populos
Purgant culpa macula.
17. Benedicta capitis
Species, in abditis
Semper gaudens oculi,
Non videri gestiens,
Sed videre fugiens
Omnem pompam saeculi.
18. Benedictus gressuum
Motus, se ad arduum
Semper iter dirigens
Atque in custodia
Lapsus omnis nescia
Viam suam corrigens.

19. Benedictus vestium
Decor virginalium
Minime superfluus
Atque alimoniae
Tenor, sanctimoniae
Virginali congruus.

20. Benedicta omnibus
Benedictionibus,
Virgo plena gratia,
Tua benedictio
Nostra sit protectio
Virtus et victoria.

Orat. ms. Campense anni 1462. Cod. Darmstadien. 521.

75. Ad Dominam nostram sanctam Mariam sedentem in throno.

1. Gaude, regina nobilis,
Virgo incomparabilis,
Quae in vestitu candido,
Omniformi et fulgido,
Sola fulges in solio
Sedens imperatorio.

- Qui lassi ad te veniunt,
Qui te amare cupiunt;
Qui ave per articulos
Depromunt tibi singulos,
Adponunt gemmas annulis,
Dum mulcent manum osculis.

Ad pedes.

Item.

2. Gaude, cuius pedibus
Affectuosis cordibus
Devoti prosternuntur,
Quos piis lustrant oculis
Et caris premunt osculis
Et corde complectuntur.

6. Manus haec in manu mea,
Tota mea spes in ea,
O amplectenda dextera,
Defende me et libera.
Ave dicam hic frequenter,
Tu ausculta diligenter,
Attende, audi auribus,
Quod tuis addo laudibus;
Ut te salutem dulcius,
Morabor hic diutius.

Ad calciamenta.

Ad digitos.

3. Quam pulchra es in calciis,
O nata summi principis,
Superbiae calcatrix;
Hic nostris desideriis
Tu faves nosque recipis,
Humilium amatrix.

7. Gaude, cuius digitos
Auro, gemmis inclitos,
Dinumero cum osculis,
Aponens ave singulis.

4. Gaude, gaude, plusquam sancta,
Quae sub tua tenes planta
Draconis caput horridum,
Non permittas, ut respiret
Nec se quidem ut regiret,
Sed hostem preme rabidum.

Ad brachium.

Ad dexteram.

5. Gaude, ad cuius dexteram
Recurrunt salutiferam,

8. Gaude, cuius sub brachio
Reversis de naufragio
Iucundum est pausare,
Sub tam pio regimine
Pro tuo dulci nomine
Da nobis accubare,

Ad ornamenta.

9. Gaude, quam Deus annulis
Ornavit et muraenulis,
Armilla, dextro chirio,
Torque, monili regio.

Ad genua.

10. Gaude, in cuius genibus
In membris infantilibus
Deus homo sedit,
Huc ardenter properat,
Quisquis te desiderat,
Cito non recedit;
Devotos hic ad famulos
Maternos flectis oculos,
Dexteram praetendis,
Ut te totam habeant,
De cetero ne pereant,
Te totam impendis.

Ad sinum.

11. Gaude, mater orphanorum,
Vera nutrix parvulorum,
Quos lacte nutris gratiae,
Sinu foves clementiae.

Ad ventrem.

12. Gaude, quae Dei filium
Tuam per carnem proprium
Ventris portasti thalamo,
Lactis potasti balsamo.

Item.

13. Fac ad nostri solacium
Dilectum tui uteri
Nostrorum semper cordium
Totis medullis inseri.

Ad gremium.

14. Gaude, quae pio filio
In virginali gremio
Dulcem infigans oculum
Suave dedisti osculum.

15. Gaude, quae verum amicum,
Fontem amoris unicum,
Frequentasti amplexibus,
Amorem redolentibus.

16. Ergo gaude plus quam multum,
Et dilecti vide vultum
Singulari gratia,
Amplexantem amplexare.
Osculantem osculare
Perenni concordia.

Ad pectus.

17. Gaude, in cuius pectore
Quiescit omni tempore
Pax, pietas et bonitas,
Iucunditas, tranquillitas
Et suavitas et sanitas
Et caritas, sinceritas
Et veritas, securitas
Et puritas et bonitas;
Dum repausat in tam pio
Lassus reclinatorio,
Haurit gustum dulcedinis,
Levamen lassitudinis.

Item.

18. Gaude, cuius supra pectus
Tuus pausat praedilectus,
Quo nihil unquam suavius,
Nil dulcius, nil carius.

Ad ubera.

19. Gaude, cuius uberibus
Super vinum fragrantibus
Melliti manant rivuli,
Quibus potantur parvuli.

Ad Cor.

20. Gaude, clara et insignis,
Cuius flagrat cor ut ignis,
Quod coaptat se indignis
Nec recedit a benignis,
Docens amare fortiter.

Virgo lenis atque laeta,
Noster amor, spes et meta,
Nostra corda locupleta,
Ut amore tuo freta
Cor tuum tangant dulciter.

Item.

21. Gaude, lucis filia,
De tui cordis phiala
Propina nobis hodie
Saporem dulcis gratiae,
Qui nostra tangat intima,
Quo nostra fraglat anima.
22. Pincerna sancti spiritus,
Nos irriga medullitus,
Ut corde plus quam ebrio
Flagrantes desiderio
Clamemus: Modo sufficit,
Cor enim nostrum deficit.
23. Gaude, mater vere bona,
Parvulorum tu patrona,
Quos amoris dulci nexu
Cordis tui sub complexu
Tenes nimis tenere.
Vivas, vivas semper clamant
Ad cor tuum, qui te amant;
Ave, ave non quiescit,
Gaude, gaude modum nescit,
Te totam da pro munere.
24. Rosa cordis, aperire,
Cuius odor fraglat mire,
Te dignare dilatare,
Fac cor meum anhelare,
Infer tuum infra sinum,
Ubi tibi sit vicinum,
Ut vix se ipsum capiat.
Hic repauset, hic moretur,
Ecce, iam post te movetur,
Te ardentem vult sitire,
Vult patenter introire;
Noli, noli contraire,
Debes ei consentire,
Ut bene de te sentiat.

Ad collum.

25. Collum tuum nobile,
Nobis tam flexibile,
Candens innocentia
Lac superat et lilia.

Ad mentum.

26. Gaude, gaude, cuius mentum
Est amoris blandimentum,
In quo floret bonitas,
Cuius os est verecundum
Et ut rosa rubicundum,
In quo ridet caritas.

Ad labia.

27. Gaude, cuius sunt labia
Plus favo mellis suavia,
Cuius lingua est eucharis,
Vincens dulcorem nectaris.

Ad nares.

28. Gaude, gaude, cuius nares
Suavitates singulares
Spirant cum fragrantia,
Odor tuus odor suavis,
Nulli gravis nisi pravis,
Quo pia mens fit ebria.

Ad genas.

29. Gaude, cuius Christus genas,
Venustatis flore plenas,
Amoris pressit osculo;
Bene menti te quaerenti,
Quae te sentit in praesenti
In pectoris cubiculo.

Ad supercilia.

30. Gaude, quae supercilia
Semper habes stellantia.
Cuius resplendent palpebrae,
Quas nullae claudunt tenebrae.

Ad oculos.

31. Gaude, cuius sunt oculi
Lucentes ut carbunculi,
Pleni misericordia,
Quibus nos, o mater pia,
Affectuose respicis,
Saluti nostrae prospicis.

Ad faciem.

32. Fons et genae verecundae,
Instar rosae rubicundae,
Luce tuae faciei
Cedit lux meridiei.

Ad aures.

33. Gaude, in cuius auribus
Organicis carminibus
Vox concrepat angelica
Et omnis caeli musica,
Ad laudem et ad omnia
Tu dulcis es materia.

34. Gaude, suavis harmonia.
Nova caeli melodia
Organizans in camenis,
Praeis omnes cantilenis.

35. O sanctorum philomena,
Gaude, plaude, laude plena,
Quae tanto canis clarius,
Quanto laetaris amplius.

Ad caput.

36. Gaude, cuius caput cingit,
Et decoras comas stringit

Ornamentum virginale,
Quod est tuum speciale.

Ad coronam.

37. Gaude, in cuius capite
Distincta miro lapide
Corona lucet aurea,
Quam vestit lux aetherea;
Quam vere hi perficiunt,
Qui te ex corde sitiunt,
Qui te amantes sentiunt
Et curam carnis nesciunt.

Ad corpus et animam.

38. Gaude, virgo dulcissima,
Cuius corpus et anima
Singularare miraculum,
Miraculorum speculum.

39. O speculum munditiae,
Mundis infulgens cordibus,
Vas summae excellentiae,
Gemmis ornatum omnibus.

40. O angelorum gloria,
Laus, honor et laetitia,
O inclite flos virginum,
O mediatrix hominum.
Gaude, quae plenitudine
Decoris stolae geminae,
Tam corporis quam animae,
Ornata es pulcherrime.

Orat. ms. Franciscan. saec. 14. in. (Privatbesitz). — 3, 4 sq. Hic nostris faves desideriis nosque. Tu fehlt. — 4, 1 Gaude, plus quam sancta, gaude. — 17, 9 puritas, bonitas. — 3, 1 cuius oculi sunt. — 35, 2 laude fehlt. — Das Lied enthält eine ganze Reihe von Entlehnungen. So ist 1, 1—2 entlehnt aus Anal. XXX, 8. 129, Str. 8; Str. 11 = XXX, 1:0, Str. 26; Str. 12 = XXX, 136, Str. 2; Str. 13 = XXIII, Nr. 54. 1. Vesp. R. 7—10; Str. 14 = XXX, 136 Str. 4; Str. 15 = XXX, 136, Str. 3; Str. 16 = XXX, 131, Str. 9; Str. 24 aus einem Liede, das zu Mone Nr. 126 gehört; Str. 38 = XXX, 129, Str. 9. Dies legt den Gedanken nahe, daß das Ganze lediglich ein Canto sei.

76. *De Annuntiatione B.M.V.*

1. Fortis ut mors dilectio.
Qua durum fit snave;
Ut sancta refert lectio,
Nil est amanti grave.
Amor nos traxit a vae,
Dum de caelesti solio
Fit Gabrielis missio
In virgnis conclave.
O felix, inquit, ave,
In te fiet conceptio,
Sed non pudoris laesio,
Tu tantum Deo fave.
2. Auditis his obstupuit
Puella Deo grata
Et, nt pudicam decuit.
Silebat salutata;
Ne fieret turbata,
Mox angelus retexuit,
Modum partus exposuit,
Quod foret illibata.
Qua serie prolata
Ara caelestis claruit,
Dum virgo verbo paruit
Et mansit impraegnata.
3. Archangelus regreditur,
Qui venit haec narrare,
Et grvida relinquitur
Puella sine pare.
O decus singulare!
Virgo mater efficitur.
Creator est, qui gignitur
Et Dei salutare.
O pectus puellare,
Thesaurus in te tegitur,
Virtute cuius regitur
Caelum, tellus et mare.
4. Magna sunt haec miracula,
Quae manant ex amore;
Amoris ardet facula
Nec uritur ardore.
De Gabrielis ore
Dum virgo sumit verbula,
Frondescit Aaron virgula
Omni carens humore,
Et vellus madet rore,
Nec terram tangit stillula,
Cum virgo sine macula
Meretur mater fore.
5. Mira matris integritas
In ventre Deum vexit,
Ut solio divinitas
Portantem se protexit,
Pro nobis se despexit
Vera Dei sublimitas,
Dum infirmatur sanitas,
Quae mori non neglexit;
Sed, quando resurrexit,
Vera patebat deitas,
Et sic probatur caritas,
Qua Deus nos dilexit.
6. O domina dulcissima,
Vultu nitens decoro,
O mater clementissima,
Virili carens thoro,
Te postulans exoro,
Ut, quae feci, nequissima
Pellantur et turpissima,
Ne daemon trahat loro;
Condonans, quod ignoro,
Ad gaudia clarissima
Nos transfer, beatissima,
Ducensque caeli choro.
7. O mater humilitatis,
In qua Deus incarnatur,
Pulchra et admirabilis,
Cui nulla comparatur,
Gaude, nam tuis brachiis
Divina virtus portatur

Foveturque obsequiis
 Atque mamilla lactatur,
 Tuis favet imperiis
 Nec non precibus placatur;
 Impetra nobis miseris,
 Ut mox ad te dirigatur
 Spiritus et his gaudiis
 In sempiternum fruatur,
 Et populus incredulus
 Ad Iesum per te convertatur.

Collect. ms. Carmeli Treviren. saec. 15. Cod. Treviren. 306. — 2, 8 Quo floret. — 5, 3 Ut solis. — 5, 4 te. — 6, 6 Ne quae. — Str. 7 scheint — Inhalt und Form legen dies gleichmäfsig nahe — kaum zu vorstehendem Liede zu gehören.

77. Salutatio Angeli ad Mariam.

- | | |
|---|--|
| <p>1. Ave, plena gratia,
 Virgo, vas honoris,
 Audi verba nuntia
 Iucuudi rumoris,
 Pro tua muuditia
 Me venisse noris
 In mundum superis
 assumptus missus ab oris;
 qui caelum terramque simul
 formavit et aequor,
 Ad te me misit;
 iussa paterna sequor.</p> | <p>3. O speciosissima,
 Depoue timorem
 Vauaque nou aestima,
 Quam deuuntio, rem.
 Tu es coniunctissima
 Deo per amorem,
 Te Deus elegit,
 vas nobile, vas in honorem;
 Convenit, ut terris
 caelestia numiua places,
 Cuuctis praeferris
 sola Deoque places.</p> |
| <p>2. Ista salutatio,
 Novo facta more,
 Quae, unde sit uescio,
 Me replet stupore,
 Pectus meum sentio
 Moveri timore,
 Non ego sperabam
 sic adeunda fore.
 Ista salubria tu
 quo defers verba paratu,
 Obstopeo mentis
 deficiente statu.</p> | <p>4. Miror totis sensibus
 Te tanta virtute
 Loqui de caelestibus
 Mihi constitutae
 In mundi laboribus
 Atque servitute;
 Non ego digna fui
 tali tantaque salute,
 Unam de minimis
 me video, vertor in imis;
 Vox tua sublimis
 facta iocosa nimis.</p> |

5. Maria, sis istius
promissi secura,
Erit tibi filius
stupente natura,
Prius et posterius
virgo permansura,
Concipies puerum
miro partu paritura;
Naturae tu ius
violans gravis efficieris,
Illius, es cuius
filia, mater eris.
7. O Maria, dubium
Cor habere desine,
Concipies filium
Sine viri semine,
Tale puerperium
Dabit suo numine,
Cui tres personae,
tria nomina sunt sine fine;
Qui, quia te reperit
fragrantem plus cinnamomo,
In tua se clausit
viscera factus homo.
6. Quali modo, nescio,
Venter prolem fundat,
Quem carnalis actio
Viri non fecundat,
Sine exercitio
Terra non fructum dat,
Semen ubi non est,
fructus non inde redundat,
Deficit effectus
sibi causa deficiente,
Illeque defectus
fit rerum lege manente.
8. In his, quae tu asseris,
Toto corde gaudeo,
Venisse a superis
Nunc te vere video,
Scio, quidquid dixeris
De partu virgineo,
Credo nam facile
omnia posse Deo.
Si dubitasse vides
me, veniam mihi des;
Tarda solet magnis
rebus inesse fides.

9. Olim qui aridulam
Virgam fecundavit,
Elisabeth vetulam
Qui nunc impraegnavit,
Te pudoris cellulam
Sibi praeparavit,
Virgo decora nimis, David de semine regis.
Vas, virgo, veniae, missum tibi suscipe Deum,
Solem iustitiae, regem paritura supremum.

Collectan. ms. Incert. Originis saec. 15. Cod. Parisin. Nouv. acq. 1544. —
7, 3 puerum gegen den Reim.

78. De Partu Virginis.

1. De crystallo scintillula,
De rubo micat flammula
Et clausa botri clausula
Flos florum immarcescens,
Plus flore flos flagrescens,
De Iesse prodit virgula.
2. Cum sine paris copula
Patrem parit puellula,
Nec frangitur ampullula
Virginei pudoris,
Naturam nati floris
Admirantur miracula.

- | | |
|--|---|
| <p>3. De sigillo puerperae
Mirantur matres ceterae;
Patet, cur sicco vellere
Sit area rorata,
Cum virgo fecundata
Sit sine carnis opere.</p> | <p>5. Mater, virgo sunt paria,
Quae fuerant contraria,
Nec iam hac consequentia
Potest argumentari,
Nam in hoc singulari
Naturam vincit gratia.</p> |
| <p>4. Virginitatis speculum
Spe penetrat ad oculum
Et saluum manet vasculum.
Quid, zabule, miraris?
Secreti puellaris
Signatum est signaculum.</p> | <p>6. Remoto velo literae
Moysi lac ab ubere
Sponsa suxit in vespere,
Dum virgo salutatur,
Et nobis distillatur
Ros caelestis ab aethere.</p> |

Collect. ms. Veronense saec. 14. Cod. Oxonien. Canon. Miscell. 95. —
5, 1 Pater, virgo. — Abschrift von Rev. H. M. Bannister.

79. De Compassione BMV.

- | | |
|---|---|
| <p>1. O Maria, recordare,
Dum in sinu collocare
Sumptum de cruce filium
Prae amore voluisti,
Quo dolore hunc plauxisti,
Dic, castitatis lilium,</p> | <p>5. Cernis, inquam, pretiatum
Male, peius osculatum,
Nam ore traditorio,
Ab amicis derelictum,
Captivatum, dure strictum
Cum fune ligatario,</p> |
| <p>2. Quam ardeenter amplexaris,
Amplexando oscularis,
Deosculando flumine
Lacrimarum hunc perfundis,
Quas gemendo tu effundis
Pro extincto lumine,</p> | <p>6. Punctum pugnis atque trusum,
Proh, velatum et illusum
Cum sputis blasphemantium,
Flagellatum, virgis caesum
Atque spuiis dire laesum
Per manus coronantium.</p> |
| <p>3. O aurora veri solis,
Patris parens, nata prolis,
Aeternae lucis oriens,
Vultus tui virginalis
Rubens decor lilialis
Pallescit velut moriens.</p> | <p>7. Hiuc sub mole crucis fessum
Nudum crucique impressum
Per clavos poenalissime,
Sitientem felle potum,
Doluisse latus lotum
Perfossus crudelissime,</p> |
| <p>4. Cum prae cunctis tibi gratum
Patrem, sponsum ex te natum,
Dilectum quoque Dominum,
Totum cernas vulnerosum,
Quem tu forma speciosum
Pasti prae natis hominum.</p> | <p>8. Exprobratum et derisum,
Blasphematum et occisum,
Heu, populis a talibus,
Quos in nullo molestavit,
Sed ad vitam informavit
Doctrinis paternalibus.</p> |

9. Sic contemptum et deletum,
Sic abiectum velut spretum,
Leprosus abhorribilem,
Nunc in sinu tuo cernis
Et nequaquam talem spernis,
Sed foves diligibilem.
10. Quem tu, virgo maternalis
Atque mater virginalis,
Cum gratiae divitiis
Paris, pulchra speciosum
Et suavis dulciosum
Prae omnibus deliciis.
11. Sed est dirus, qui dulcebat,
Et deformis, qui splendebat
Decoris privilegio,
Tuque tui nescis florem,
Nullum prorsus cum decorem
In vultu cernas regio.
12. Quis non tibi condoleret,
Cum tam maestam te videret
Tis unicum inspicere
Et amore liquefactum
Cor maternum et distractum
Gemitibus deficere?
13. Cum res quoque insensatae
Sicut sol obscuritate
Et terra cum tremoribus,
Durae petrae disruptura,
Velum templi cum scissura
Compassae sint maeroribus,
14. Dum in cruce tenebrosum
Mundi iubar luminosum
Vitalem perdit radium,
Et cor tuum maternale
Ob tormentum filiale
Doloris sentit gladium.
15. Si haec pavent vitam mori
Conformantes se dolori,
Quo nullus dolorosior,
Quis lugendo cor non tundat
Ac gemiscens fletus fundat,
Quin petris sit petrosior?
16. O dolorem amorousum
Et amorem dolorosum
De unico fortissimum,
Tibi dantem, florens rosa,
Rubicunda, speciosa,
Colorem tam maestissimum.
17. Quae ut sol in caeli stellis
Cunctis erat prae puellis
Decoræ venustissimo,
Iam nunc pallens tenebrescit
Tenebrescensque madescit,
Heu, fletu amarissimo.
18. Consolare, benedicta,
Nati morte sic afflicta,
Mors namque dans mae-
stitiam
In honorem resurgentis
Et salutem mundi flentis
Vertetur et laetitiam.
19. Ut quid ergo sic exarsit
Dolor, quod in nullo parcit
Virgineis visceribus?
Curque plangis hunc tam dire,
Quem surgentem mox redire
His speras cum muneribus?
20. Pia, dulcis et benigna,
Nullo prorsus luctu digna,
Si fletum hinc eligeres,
Ut compassa redemptori
Captivato transgressori
Tu corredemptrix fieres.
21. Tunc non tantum condolere
Maestae matri sed debere
Me cerno grates solvere,
Tibi meae redemptrici,
Quae de manu inimici
Dignatur me evolvere.
22. Sed per vitam, heu, mis totam
Quis vel unam laudis notam,
Dic, tibi acceptabilem
Mihî dabit personare,
Nisi velis me formare
Ad te laudandum habilem?

23. Si dictaret meditando,
Si cantaret iubilando
Tis laudes, o piissima,
Simul omnis creatura,
Adhuc restant tibi plura,
Nam cunctis es dignissima.
24. Non me tamen spernas reum,
Nam te talem fecit meum
Peccatum, nèque fieret
Tibi nomen miseratrix,
Nisi culpa mis damnatrix
Veniam exigeret.
25. Atque regem angelorum,
Salvatorem saeculorum
Tis ventris domicilium
Nunquam digne hospitasset,
Ni mis scelus invitasset
Hunc Deum in exilium.
26. Sic ditata, nam egebam,
Sic plantata, nam marcebam,
Es paradisu gratiae;
Cur diescat gratiose
Favor favens favorose
De tua mihi facie.
27. Larga donis et abunda,
Da, quod fletu gemeunda
Mis anxia petitio
Per te fiat exaudita.
Si hoc potes? immo ita,
Ut munder omni vitio.
28. Ob amorem tui nati
Fac me gratum caritati,
Qua idem amantissime
Me indignum sic dilexit,
Quod ad mortem se despexit
Tam summe contemptissime.
29. O pudoris, heu, gravedo!
Cum sim vermis et putredo,
Condignus nulli homini,
Unde miser superbivi,
Quod mandatis contraivi
Tam gratiosi Domini?
30. Sequar ergo paenitendo,
Suam crucem deferendo
In umeris memoriae,
Spinis, clavis stimulatus
Et flagellis agitatus,
Da, properem cursorie.
31. Nec me sinas retardari,
Immo hasta militari
Per ictus affectabiles
Induratum cor peccatis
Tu transfigas, caritatis
Dans plagas insanabiles.
32. Ob quas mundo moriturus
Vivam grate fruiturus
Tis benedicto filio
Atque tibi, florum flori,
Quae es sola mis favori
Tutamen in exilio.
33. Cum citatus comparebo
Tremebundusque videbo,
Heu, iudicem iustissimum,
Tam districte iudicantem,
Ut nec sinat vel quadrantem,
Quin ponderet, novissimum,
34. Ubi non est appellare,
Sed oportet adprobare
Sententiam finaliter,
Virgo mater, o Maria,
Tunc adiutrix assis pia,
Ne damner aeternaliter,
35. Sed me vocet laetabundum
Verbum bonum et iucundum.
Repletum omni gratia,
Verbum dulce verbum mite,
Praeoptatum *Huc venite*
Ad gloriae palatia.

Orat. ms. S. Petri Salisburgen. saec. 15. Cod. Petrin. a III 20. A. — Orat. ms. S. Petri saec. 14. [et 15.]. Cod. Petrin. a I 20 B. — 2, 4 profundis AB. — 5, 1 Certis A. — 13, 6 Compassae sicut A. — 18, 6 Vertetur secundus et A. — 24, 5 Nec culpa A. — 32, 2 suiturus A. — 33, 1 Tum A. — „Plactus oratorius cuiusdam pauperis ad beatam virginem, filium de cruce depositum quasi sinu tenentem.“ AB.

80. De V Doloribus BMV.

- | | |
|--|--|
| <p>1. Maria christifera,
 Clara stella maris,
 Salutis puerpera,
 Mente vulneraris,
 Simeon dum gladio
 Mitem te et blandam
 Christi de supplicio
 Prodit perforandam.</p> | <p>4. Illustrata iubare
 Sacro, o serena,
 Passa sine compare.
 Doles Deo plena,
 Quem portabant viscera
 Tua, videns tensus.
 Nostra propter scelera
 In ligno suspensum.</p> |
| <p>2. Alma mater, pectore
 Maerore confecto
 Tu amisso pignore
 Doles de dilecto,
 Qui laborem abstulit
 Mundi et reatus
 Nec dolorem intulit
 Tibi de te natus.</p> | <p>5. Eia, de patibulo
 Dominum virtutum
 Quam maerenti oculo
 Aspicias solutum,
 Factum ut vas perditum
 Forma speciosum,
 Darique depositum
 Terrae pretiosum!</p> |
| <p>3. Rosa spinae nescia,
 Spinis puncta doles,
 Dum, qui tenet omnia,
 Cara tua proles
 A captivis criminum
 Nuntiatur tenta,
 Lux secreta hominum
 Lustrans circumventa.</p> | <p>6. Averbis doloribus
 His compatientem
 Divinis dulcoribus
 Pota sitientem,
 Salvum fac ab inferis
 Tecum congaudere,
 Regna parem supcris
 Poli possidere.</p> |

Orat. ms. S. Petri Salisburgen. saec. 15. Cod. Petrin. a III 20. — Nach Ausweis des Akrostichons Maria müßte Str. 5 spätere Zutat sein.

81. De V Doloribus BMV.

- | | |
|--|--|
| <p>1. En, ego, heu, vilissimus,
 Prae cunctis despectissimus,
 Virgo, mater Dei pia,
 Ob quintuplicem doloris
 Poenam gravis et maeroris
 Deprecor, te, Maria,</p> | <p>2. Et collaudo veneranter
 Teque moneo instanter.
 Ut mihi sis adiutrix
 In necessitatibus
 Et anxietatibus
 Sis firma mihi tutrix.</p> |
|--|--|

- | | |
|--|--|
| <p>3. Obprimam poenam, quam infixit
Simeonis, quae praedixit,
Tibi prophetia,
Quod esset tuam transiturus
Doloris gladius praedurus
Animam, Maria.</p> <p>4. Ob secundam, quod amiseras
Natum, quem quaesieras
Cum gladio timoris
Per tres dies, cum dolore,
Gravi corde et maerore,
Coacta vi amoris.</p> <p>5. Ob tertiam, cum caritatis
Spiritus et veritatis
Tibi revelavit
Tuum filium detentum
Passionis et eventum,
Qui te solamine privavit.</p> | <p>6. Ob quartam poenam. cum
videres,
Pro quo nimium doleres,
Ipsam stipiti affigi,
Per manus atque pedis duras
Clavorum, heu, impressuras
Sic animam affici.</p> <p>7. Ob quintam, cum expirare
Vidisti filium amare,
Quid tu pertulisti!
Et in ulnas tremorosa
Tuque maerens, virgo rosa.
Gemens assumpsisti.</p> <p>8. Ob has poenas, mater Dei.
Semper tu sis memor mei,
Memento, quod vocaris
Mater tu clementiae,
Locum da paenitentiae,
A quibus invocaris.</p> |
|--|--|

Orat. ms. Campense anni 1462. Cod. Darmstadien. 521. — 1, 3 Te virgo mater. — 1, 6 te fehlt. — 3, 5 Animam gladius. — 6, 2 nimis. — 6, 4 durus. — 6, 5 impressurus. — 6, 6 Sic animam Maria. — 7, 1 Ob quintam poenam, cum. — 7, 2 Vidisti nimium amare. — 7, 4 Et in animam tremorosa — 8, 5 Et locum da. — 8, 6 Mihi et a quibus.

82. Planetus Virginis.

- | | |
|---|---|
| <p>1. Heu, heu, Christe Deus,
Heu, heu, amor meus,
Te damnavit phariseus
Viventem sine crimine.
Iam pendens in patibulo,
Iuvare te non valeo,
Mori tecum desidero,
Iesu, Iesu dulcissime.</p> | <p>2. Orbata mater filio.
Apostolos non video,
Sola quo vadam, nescio,
Non possum ultra vivere.
O Iudaei, per errorem
Occidistis redemptorem,
Mundum salvabit per amorem
Sua sancta passione.</p> |
|---|---|
3. Dixit Christus matri: [Mea],
Non vos turbet poena mea,
Praecedam vos in Galilea,
Resurgam die tertia.
Iohannes tibi filius,
Custos tibi et famulus
Eritque tibi baculus
In hac mundi miseria.

Collect. ms. Veronense saec. 14. Cod. Capit. Veronen. 823(819) A. — Collect. ms. Veronense saec. 14. Cod. Capit. Veronen. 825(821) B. — 2, 1 Deorbata A, Deorbatata B. — 2, 7 Lies salvat? — 3, 3 Galilaeam AB. — 3, 6 et fehlt AB. — 3, 7 Eque tibi B.

83. Planctus B. Mariae V.

1. Contemplemur crucifixum,
Cruentatum et derisum
Cum Maria virgine.

- | | |
|---|--|
| 2. Plorat virgo suum natum
Denudatum, flagellatum,
Cruci dirae condemnatum
In sui praesentia. | 5. Gens ingrata Iudaeorum
Pertidorum et malorum,
Compassione vacuorum,
Sic te morti tradidit. |
| 3. Heu, fili, quid fecisti,
Heu, dolens me vidisti,
Heu, mortem sustulisti
Cum maximo supplicio. | 6. Plangat mecum plebs fidelis,
Astra plangent et in caelis,
Me privavit mors crudelis
Dulci meo filio. |
| 4. Heu, vidi te dolentem,
Heu, vidi lacrimantem
Et maerore deficientem
Pro Maria virgine. | 7. Vos, christiani, quos creavit,
Quos redemit, exaltavit
Filius meus et salvavit,
Deo dicatis gratias. |

De Levis, *Anecdota sacra*, p. 115 u. f. mit der Notiz „ex nostro codice.“

84. De Beata Maria V.

Tempore Paschali.

- | | |
|--|---|
| 1. Mater Christi, noli flere,
Cessit dolor, quia vere
Iam surrexit, hoc dixere
Angeli, qui adfuere. | 2. Gaude, plane cesset fletus,
Redit victor leti laetus
Et sanctorum secum coetus
Immortali dote fretus. |
| 3. Fac ergo nos resurgere
Cum electis et sapere,
Deum frui et cernere,
Quod erit vere vivere. | |

Orat. ms. Campense anni 1462. Cod. Darmstadien. 521.

85. Ad Beatam Mariam V.

Tempore Paschali.

- | | |
|--|---|
| 1. Ave, virgo verecunda,
Rubicunda, laetabunda,
Cuius vultum quisquis videt,
De te gaudet, ad te ridet. | 2. Gaude, quae tripudio
Laetabaris nimio
Resurgente filio
Mortis ab imperio. |
|--|---|

3. Fac a nostro scelere,
Pia, nos resurgere,
Sursum tolle variis
Cor oppressum vitiis.

Orat. ms. Campense anni 1462. Cod. Darmstadien. 521. — 1, 3 quisque. — 3, 3 Et sursum.

86. De V Gaudiis BMV.

Gaude, virgo, concipiens,
Gaude, clausa parturiens,
Gaude nato resurgente,
Gaude illo ascendente.
Gaude, caelo collocata,
Pacem nobis da, beata,
Et sis nobis advocata
Apud Deum, virgo grata.

Collect. ms. Parisiense[?] saec. 15/16. Cod. Parisin. 3639. — 8 virgo pia

87. De V Gaudiis BMV.

Ave, virgo concipiens,
Ave, virgo parturiens,
Ave nato resurgente,
Ave ipso ascendente,
Ave, caelo collocata,
Pacem nobis da, beata
Virgo Maria.

Collect. ms. S. Iacobi in Insula Leodii saec. 12/14. Cod. Darmstadien. 2777. add. saec. 14. — Wahrscheinlich ist überall statt Ave Gaude zu lesen; vgl. Nr. 86.

88. De V Gaudiis BMV.

- | | |
|--|---|
| <p>1. O Maria, mater Christi,
Quae de sancto concepisti
Spiritu mirifice,
Gabrieli credidisti,
Praemunita quo foisti
Veritatis indice,</p> | <p>2. Verbo sacro mox repleta
Spe conceptus eras laeta;
Propter hanc laetitiam,
Cum qua salus est concreta,
Fac, Maria, mortis meta
Ut salutem sentiam.</p> |
|--|---|

3. Naturalem contra morem
Peperisti genitorem,
Virgo, mater, filia;
Tuae laudis ad honorem
Me praesenta debitorem
Patri cum familia.
4. Tu de partu laeta tali
Mihi luce sis finali
Salus et solacium,
Ne sin igne gehennali
Pro reatu criminali
Datus ad supplicium.
5. Mentem tuam conturbavit
Et dolorem provocavit
Sequens nati passio,
Te post mortem confortavit
Et post laetam restauravit
Eius resurrectio.
6. Virgo plena pietate,
Resurgente novitate
Laeta me laetifica,
Me oppressum gravitate
Ne repelli sinas a te,
Sed tu me salvifica.
7. Elevatus ascendebat,
Ascendentem subvehebat
Nubes supra sidera;
Astra tenens eligebat
Sedeni dignam, qua sedebat
Patris Dei dextera.
8. Propter eius elevamen
Tibi erat consolamen
Tua post gravamina;
In extremis adiuvalamen
Et ruinae relevamen
Esto mihi, domina.
9. Quinta vice laetabaris,
Dum in caelum levabaris,
Spes salutis hominum,
Quorum noxam recordaris,
Sed pro quibus deprecaris
Incessanter Dominum.
10. O medela noxae dirae,
Mihi velis subvenire
Mortis in itinere,
Et cum dies erit irae,
Quam quis nequit praeterire,
Noli me relinquere.

Collect. ms. S. Iacobi in Insula Leodisen. aec. 13/14. Cod. Darmstadien.
2777. add. saec. 13/14. — 10, 4 Ut cum dies.

89. De IX Gaudiis BMV.

1. Gaude, cuius uterum
decenter ornavit
Et ad opus proprium
sibi coaptavit
Caeli rex et dominus
et, qui te creavit,
Totus novem mensibus
in te repausavit.
2. Stella sole clarior,
gaude, stella maris,
Ex te clarus exiit
radius solaris;
Singularis gloriae
dono gloriaris,
Dum solem iustitiae,
virgo mater, paris.
3. Pastores accelerant
Bethlehem tendentes,
Verbum, quod audierant,
factum requirentes;
Quaerunt et inveniunt
et invenientes
Te gaudere faciunt,
tibi congaudentes.
4. Sic et magi de longe
veniunt dicentes:
Ubi est, qui natus est?
ad quem venientes
Adorant et offerunt
dona procidentes;
Laeta magos aspicias
ista facientes.

5. Gaude, cuius brachiis
 puer deportatur
 Ad templum, cum hostiis
 patri praesentatur.
 Offeritur pro perditis,
 sic pater placatur,
 Et pax tuis meritis
 reis redonatur.

6. Cum Christus ad nuptias
 in vinum mutavit
 Aquam, quibus hydrias
 impleri mandavit,
 Signorum primitias
 hoc signo monstravit,
 Quo primas delicias
 mundo propinavit.

7. Ex te, vitae vinea,
 botrus vitae natus
 Crucis ligno figitur,
 dirae morti datus,
 Cuius sic te cruciat
 crux et cruciatus,
 Mire te laetificat
 mire suscitatus.

8. Partus tui munere
 perit mors consumpta,
 Porta patet gloriae
 spe vitae resumpta.
 Cum de morte rediens
 ex morte caro sumpta
 Ad paternae dexterae
 sedem est assumpta.

9. Quando caeli solium
 laeta ascendisti,
 Laeta caeli civium
 turbis occurristi,
 Occurrentem filium
 plus laeta vidisti,
 Ad cuius consortium
 laeta tunc venisti.

10. Iam regina resides
 in regno caelorum,
 Ubi cunctis praesides
 choris angelorum,
 O pia pax pectoris,
 salus peccatorum,
 Esto tui memorum
 memor miserorum.

R^o Per hoc dulce gaudium,
 virgo, mater Dei,
 Apud tuum filium
 esto memor mei.

Orat. ms. Campense anni 1462. Cod. Darmstadien. 521. — 3, 2 ad Bethlehem. — 7, 4 mortis. — 9, 3 Laetata. — Der Rundreim wiederholt sich nach jeder Strophe und ist nur Kürze halber an den Schluss des Ganzen gestellt.

90. De XII Gandiis BMV.

1. Gaude, virgo mater Christi,
 Quae per aurem concepisti
 Gabriele nuntio;
 Gaude, quia, dum cantasti
Magnificat, exultasti
 Miro cordis gaudio.

2. Gaude, quia Deo plena
 Peperisti sine poena
 Cum pudoris lilio;
 Gaude, plaude, nam pastores
 Genu flectunt adorantes,
 Quem tenes in gremio.

3. Gaude, quia magi dona
 Tuo nato ferunt bona
 Cum magno mysterio;
 Gaude, quia iuxta legem
 Obtulisti mundi regem
 In templi sacrario.

4. Gaude, quia, quem quaesisti,
 Laeta nimis invenisti
 In doctorum medio;
 Gaude, nam ex aqua vinum
 Te optante fecit bonum
 Pro primo prodigio.

5. Gaude, quia tui nati,
Quem dolebas mortem pati,
Fulget resurrectio;
Gaude Christo ascendente,
Qui in caelos te vidente
Motu fertur proprio.

7. Ubi fructus ventris tui
Per te nobis detur frui
In perenni gaudio.

6. Gaude, virgo, quia misit
Paraclitum, quem promisit,
Sacrorum collegio;
Gaude, quae post ipsum scandis,
Et est honor tibi grandis
In caeli palatio,

Orat. ms. Parisiense[?] saec. 15/16. Cod. Parisin. 3639. — 5, 5 caelis.

91. Septem gaudia caelestia gloriosae Virginis Mariae.

1. O Maria, lux divina,
Flos sanctorum et regina,
Plena Dei munere,
Peccatorum medicina,
Me conserves a ruina
Praesumentem dicere:

2. Gaude, per quam angelorum
Gaudet chorus et sanctorum
Perenni laetitia,
Quos praecellis, gratiosa,
Super omnes gloriosa,
Speciali gloria.

3. Gaude, gemma, templum Dei.
Per quam datur lux diei
Solis de praesentia;
Per te magis illustratur,
Illustrata iucundatur
Tota caeli curia.

4. Gaude, lampas saeculorum,
Cui parent supernorum
Omnes caeli curiae,
Vultum tuum deprecantes,
Tamquam matrem venerantes
Summi regis gloriae.

5. Gaude, cella fluens melle,
Cui totum Christi velle
Satiavit caritas;
Quidquid tuae pietati,
Summae placet trinitati,
O pura virginitas.

6. Gaude, virgo, quae decoras
Servos tuos et honoras
Hic et in caelestibus;
Nos cum ipsis ad amoena
Paradisi, laude plena,
Transfer tuis precibus.

7. Gaude, rosa, princeps florum,
Super choros angelorum
Gloriosis laudibus
Exaltata iucundaris,
Trinitati sociaris
Et sanctorum milibus.

8. Gaude, cuius non marcescit
Laus et honor, non decrescit
Gaudiorum gaudium;
Iam secunda gloriaris,
Iuncta Christo coronaris
Super regni solium.

9. Omni laude mater digna,
Te laudanti sis benigna
In hac vita misera;
Imperatrix gloriosa,
Consolatrix viscerosa.
Nos a malis libera

10. Quando dies venit irae,
Fac tormenta non sentire
Haec colentes gaudia:
Sed nos tecum gloriamur,
Sine fine collaetemur
In caelesti patria.

Orat. ms. Haarlemense saec. 15 (Privatbesitz). — 4, 6 Sui regis. —
Nach jeder Str. Ave, Maria.

92. Super Ave Maria.

Semper *ave*, dia genetrix et virgo *Maria*,
Es fontis vena vivi, quoque *gratia plena*.
Dulcedo mecum tua sit, *Dominus* quia *tecum*.
Tu benedicta feres laudem *supra mulieres*,
Atque *tui victus fructus ventris benedictus*.
Per te solamen habeat meus exitus. Amen.

Collect. ms. Zwetlense saec. 12. Cod. Zwetlen. 36. add. saec. 14.

93. Super Ave Maria.

- | | |
|-------------------------------------|---|
| <i>Ave</i> , regina caelorum, | 15. <i>Tu</i> signatus fons hortorum, |
| Pia virgo tenella, | Manna [das] dulcimella, |
| <i>Maria</i> [virgo], flos florum | <i>In</i> |
| Christi[que] clausa cella, | |
| 5. <i>Gratia</i> , quae peccatorum, | <i>Mulieribus</i> tu chorum |
| Dira tulisti bella | 20. Regis, potata fella, |
| <i>Plena</i> , odor unguentorum, | <i>Et</i> vincula delictorum |
| Stirpis David puella, | Frangis nobis rebella. |
| <i>Dominus</i> , rex angelorum, | <i>Benedictus</i> rex cunctorum, |
| 10. Te gignit, lucens stella, | Quo pino de te mella, |
| <i>Tecum</i> manens, ut nostrorum | 25. <i>Fructus</i> , quo [caelo] iustorum |
| Toleret saeva tela. | Clare sonat cunella. |
| <i>Benedicta</i> mater morum, | <i>Ventris</i> sibi parat thorum |
| Nostrae mortis medela. | Nec in te corruptela; |
| <i>Tui</i> zelo satis horum | |
| 30. Languescit animella. | |

Collect. ms. incertae orig. saec. 14. Cod. Oxonien. Canon. Lat. 112. — 6 Dira abstulit bella. — 19 sq. stehen hinter 24. — 20 Regis ob nos potatus felle. — 23 Veneranda lux cunctorum. — 25 Et fructum quo. — 29 Tui celo fabris horum. — Abschrift von Rev. H. M. Bannister.

94. Super Ave Maria.

- | | |
|-----------------------------------|------------------------------------|
| 1. <i>Ave</i> , virgo singularis, | 3. <i>Gratia</i> sic illustrata, |
| Pulchrrior quam lux solaris, | Nos illustra, o beata, |
| Sponsa Christi specialis, | Ut agamus, quae sunt grata |
| Nos cunctis defende malis. | Tibi, mente praeparata. |
| 2. <i>Maria</i> , tu caeli porta, | 4. <i>Plena</i> virtutum floribus, |
| Spina, per quam est exorta | Nos poli bonis moribus |
| Nobis rosa, qua retorta | Et in caeli honoribus |
| Vis est hostis et absorpta. | Nos serves ab erroribus. |

- | | |
|---|---|
| <p>5. <i>Dominus</i>, qui cuncta regit,
Te in matrem praelegit
Et carnem de te collegit,
Per quam hostem mox subegit.</p> <p>6. <i>Tecum</i>, mater pietatis,
Vis est tota deitatis;
Ergo nostris pro peccatis
Roga, stella claritatis.</p> <p>7. <i>Benedicta</i> nos tuere,
Hora mortis cum urgere
Nos intendat, velis vere
Te praesentem exhibere.</p> <p>8. <i>Tu</i> pulchre vernans lilium,
Tuum deposce filium,
Ut in sorte humilium
Nobis det domicilium.</p> <p>9. <i>In</i> quo ipsum contemplemur
Nec ab ipso sequestremur,
Sed cum ipso gloriemur
Et in ipso collochemur.</p> | <p>10. <i>Mulieribus</i> praelata,
Es prae cunctis honorata
Es et privilegiata,
Quia es deificata.</p> <p>11. <i>Et</i> sic digne adoraris,
O praeclara stella maris,
Collaudaris, honoraris,
Adamaris, sublimaris.</p> <p>12. <i>Benedictus</i> tuus natus,
Qui pro nobis vulneratus
Exstitit et lanceatus
Nec non spinis coronatus.</p> <p>13. <i>Fructus</i> tuus noster esus,
Ille Christus dulcis Iesus,
Per te ita fiat esus,
Ne exsistat inde laesus.</p> <p>14. <i>Ventris</i> aulam virginalis
Proles intravit regalis,
Quae nos eruat a malis
Mortis sic exitialis.</p> |
|---|---|

15. Tui sumus, mater digna,
Multum dulcis et benigna,
Tuo nato nos consigna,
Ne nos laedat mors maligna.

Miss. ms. Alrispacense saec. 15. Clm. Monacen. 2873. — 1, 4 Nos a cunctis. — 10, 1 praeclara. — 11, 1 Et sicut digne — 14, 2 Prolis. — 14, 3 nos fehlt.

95. Super Magnificat.

1. Unius numinis
Sed trium nominum
Mea magnificat
anima Dominum,
Quia laetificat
filios hominum
Impetus fluminis
De fonte fluminum.

2 a. *Et in patris unico,*
Salutari meo.
Meo singulariter,
Ut qui fit de meo,
Exsultarit spiritus
meus, quod in eo
Tam gentili salus est
orta quam Iudaeo.

2 b. *Eja, Sion filiae,*
meae consodales,
Meae coancillulae,
meae consponsales,
Mecum sponso canite
cantus spiritales;
Praecino, succinite
modulos aequales.

3 a. *Sub damno veteri*
Plasmator hominem
Iam dudum deteri
Cernens per daemonem,
Misericorditer
et fortiter acturus
Surgit, pro homine
hostem debellaturus.

3 b. *Salvandi miseri*
Modus mirabilis!
Homo vult fieri
Vis immutabilis,
Ancillae Dominus
Videt humilitatem,
De me fortissimus
sumit infirmitatem.

4 a. *Consulit homini*
per hominem,
Subvenit virgini
per virginem,
Homo sibi nascitur,
Virgo sibi parit,
Nihil Deo quaeritur,
Quidquid actitarit.

4 b. *Militat in milite,*
pro milite,
Dimicat cum daemone
pro homine,
Vetus praeda tollitur,
Victus praedo cadit,
Captivator capitur,
Captivus evadit.

5 a. *Per me salus mundi salo,*
Per me malus caret malo,
Boni fit plantatio,

5 b. *Ex hoc, ecce, me beatam*
Dicent et sibi creatam
Cuncta generatio.

6 a. *Fecit, quae voluit,*
Magna qui potuit,
Sanctum, quod latuit,
Nomen innotuit
Cunctis in gentibus.

6 b. *Misericordiae*
Eius et gratiae
Sunt a progenie
Et in progenie
Eum timentibus.

7 a. *In extenso brachio*
fecit potentiam,

7 b. *In potenti parvulo*
fregit superbiam.

8 a. *Iudaeos incredulos,*
Pharisaeos pseudulos
Dispensit singulos
Per orbis angulos.

8 b. *Sublimes imperio,*
Celsos magisterio
Deponit solio,
Privat officio.

- | | |
|---|--|
| <p>9 a. <i>Exaltavit humiles</i>
 <i>rex humilitatis</i>
 <i>Et esurientibus</i>
 <i>panem dedit satis,</i>
 <i>Panem fortitudinis</i>
 <i>et satietatis</i>
 <i>Et replevit vacuos</i>
 <i>bonis vitae gratis.</i></p> | <p>9 b. <i>Et dimisit divites,</i>
 <i>quorum mensae plenae,</i>
 <i>Quorum lauta prandia,</i>
 <i>delicatae cenae</i>
 <i>Nunc inanes factae sunt,</i>
 <i>viles et egenae,</i>
 <i>Quia mendicantibus</i>
 <i>non fecerunt bene.</i></p> |
| <p>10 a. <i>Recordatur ut fidelis</i>
 <i>Servi sui Israelis</i>
 <i>Et ad vocem Gabrielis</i>
 <i>Misso filio de caelis</i>
 <i>Sumit hunc in gloria.</i></p> | <p>10 b. <i>Implet, quod per ora vatum</i>
 <i>Patribus est revelatum,</i>
 <i>Abrahamae semen beatum,</i>
 <i>De quo datum fero natum,</i>
 <i>Cui laus in saecula.</i></p> |

Collect. ms. Victorinum saec. 15. Cod. Parisin. 15163. A. — Cod. Mazarin. 1002 (948). B. — 3a, 3 deseri B. — 3b, 6 Vidit A. — 5a, 3 Bonis. — 6a, . Secum quod B. — 9b, 5 Nec inanes B. — 10a, 1 Recordatur infidelis. — Die Überschrift lautet in A: Canticum beatae virginis et matris Iesu Christi, studio Godefridi, subprioris Sancti Victoris extensum.

96. Super Salve regina.

- | | |
|--|---|
| <p>1. <i>Salve, mater miserorum,</i>
 <i>Consolatrix peccatorum,</i>
 <i>Quae caelos aperuisti,</i>
 <i>Ad te nos animo tristi</i>
 <i>Venimus collacrimantes,</i>
 <i>Ut nos iaves.</i></p> | <p>4. <i>Vita, salus et iuvamen</i>
 <i>Nobis es atque tutamen</i>
 <i>In dies atque in horas:</i>
 <i>Nolis ergo ullas moras</i>
 <i>Facere, cum moriemur,</i>
 <i>Ad iuvandum.</i></p> |
| <p>2. <i>Regina totius orbis,</i>
 <i>Medicinam nostris morbis</i>
 <i>Afferendo pietate</i>
 <i>Nemo vera caritate</i>
 <i>Te maior profecto fuit</i>
 <i>Praeter Deum.</i></p> | <p>5. <i>Dulcedo, sapor et gustus,</i>
 <i>Albedo, color venustus,</i>
 <i>In te sunt atque resplendent,</i>
 <i>Sed, quot nobis mala pendent,</i>
 <i>Nisi tu auxiliieris,</i>
 <i>Non te latet.</i></p> |
| <p>3. <i>Misericordiae et salutis,</i>
 <i>Demum cuiusque virtutis</i>
 <i>Plena es, nobis ostendis;</i>
 <i>Velis ergo, ut intendis,</i>
 <i>Miseris nobis favere,</i>
 <i>Pia virgo.</i></p> | <p>6. <i>Spes firma es nostrae vitae,</i>
 <i>Nunquam ergo nos omitte</i>
 <i>In tui conspectu nati,</i>
 <i>Eius tandem maiestati</i>
 <i>Grata sint opera nostra</i>
 <i>Te praesente.</i></p> |

21. *In* vanum saepe iuramus,
Quae sunt Dei, non curamus
Inimico suadente,
Te ergo nos dirigente
Missum faciamus morem
Tam scelestum.
22. *Hac* vita brevi et vana
Omnia, quae sunt profana,
Deberemus evitare,
Sabbata sanctificare
Legem Dei observando,
Ut mandavit.
23. *Lacrimarum* imbre fusi,
Fatemur, sumus abusi
In parentes et cognatos,
Sed tu, mater, fac nos gratos,
Ut in eos impleamus,
Quod tenemur.
24. *Valle* hac plena doloris
Deberemus cunctis horis
Pietatem exercere,
Sed manu, verbis nocere
Nos studemus occidendo
Multis modis.
25. *Eia*, etiam, benigna,
Non ignoras, quam maligna
Sunt nobis carnis momenta,
Illa sunt nostra tormenta,
Et in illis delectamur,
Unde dolor.
26. *Ergo* te valde oramus,
Ut, cum male nos vivamus
Aliena possidentes,
Simus satisfaciētes,
Antequam nos moriamur,
Et contriti.
27. *Adrocata* misericors,
Tu scis, quam vicina [sit] mors,
Suis telis est agressa,
Attamen non est defessa
Lingua nostra, ut producat
Falsum testem.
28. *Nostra* salus atque vita,
Nolis, moriamur ita,
Ut ad miseros vadamus
Neque, velis, cupiamus
Proximi nostri uxorem
Nec ancillam.
29. *Illos* etiam affectus,
Qui nostros augent defectus,
Non ignoras, mater pura;
Nostras ergo mentes cura,
Ne tanta concupiscamus
Aliena.
30. *Tuos* cantus, tuas voces
Petimus, ut nos revoces
Ad legem Dei servandam,
Aliter valde plorandam
Dubitamus diem illam
Tribunalis.
31. *Misericordes* debemus
Proximos, quos nos habemus,
Tamquam fratres amplexari,
Hoc agendo imitari
Nos possemus vitae morem
Iesu Christi.
32. *Oculos* tuos benignos
Si ad nos, quamvis indignos,
Aliqua vertebas hora,
Certo essent meliora
Ea, quae nos operamur
Hac in vita.
33. *Ad* te matrem lacrimando
Properamus, postulando,
Ut a morbis nos curemur.
Nam tuscis, quantum veremur,
Ne leprosi nos vadamus
Ad examen.
34. *Nos* maesti atque plorantes
Deo sumus supplicantes,
Ut pro nobis intercedas;
Scimus enim, si discedas.
Nos tristes atque turbatos
Permanere.

35. *Converte oculos tuos,*
Ut Iesus etiam suos
Matris more ad nos vertat,
Dubitamus, ne avertat,
Tam nefanda sunt errata,
Quae patramus.
36. *Et ne unquam pereamus,*
Sed secure incedamus,
Da nobis, qui nos conducas,
Da nobis, qui nos perducas
Ad aeternum illum locum
Paradisi.
37. *Iesum* petimus ductorem,
Tuum fructum, tuum florem,
Quem tu, virgo, germinasti,
Tu lactasti, educasti,
Vera mater verum agnum
Dei vivi
38. *Benedictum* et laudatum,
Coruscans et dilatatum
Fuit lumen, quod portasti,
Tu nos illo relevasti,
Qui eramus titubantes
In tenebris.
39. *Fructum*, quem tu attulisti,
Quem tu, virgo genuisti,
Nolis nobis denegare;
Tuus est, tu potes dare,
Ut, qui sumus contristantes,
Collaetemur.
40. *Ventris* tui inviolati,
Incorrupti et sacrati,
Quantum fuit arca digna,
Patent nobis clara signa,
Cum sub illa clausus fuit
Verus Deus.
41. *Tui* ergo Iesu, mater,
Qui noster verus est pater,
Ostende vultum benignum
Nobis, hoc crit in signum,
Ut velit, ne condemnemur
In aeternum.
42. *Nobis* tu debes amorem.
Solamen, opem, dulcorem,
Cum sis vera mater nostra;
Nobis ergo hic demonstra,
Qui ploramus cum lamentis
Casum nostrum.
43. *Post* tantas miseras curas
Nonne, virgo, tu procuras.
Ut laeti tandem vivamus?
Vivemus, si sapiamus
Te semper nos edocente
Ad salutem.
44. *Hoc* tempus nobis est maestum,
Vanum, triste et molestum,
In convalle lacrimarum
Multo magis est amarum,
Quia scimus praeterisse
In peccatis.
45. *Exilium* et dolores,
Longas clades et labores
Passi sumus in hac vita,
Sed te iuvante finita
Eruni mala cuncta nostra
Moriendo.
46. *Ostende*, mater benigna,
Ubera tua tam digna,
Ostende, quem lactaverunt.
Hostes nostri iam fugerunt,
Scientes nos clippeatos,
Si videmus.
47. *O* quanta sumus perpassi,
Utque mortem iam defessi,
Virgo materque, sperantes
Quamdiu sumus exsulantes,
Nil magis habemus boni,
Quam spem illam.
48. *Clemens*, pia, dulcis, pura,
Non ignoras, quanta cura
Indigemus ad salutem,
A visceribus in cutem
Cuncta sunt nobis aegrota,
Si non sanas.

49. *O* quis potest memorare
Tuum nobis salutare,
Quantum erat opportunum?
Sine ipso importunum
Haberemus inimicum
Semper nostrum.
50. *Pia* fuit illa hora,
Qua tu Deo sine mora
Respondisti esse promptam,
Angelus invenit comptam,
Non studio neque cura
Sed natura.
51. *O* inquam, virgo laudanda,
Quis potest, quae praedicandae
Sunt de te, recte narrare?
Tibi dicimus: Laetare,
Quae portasti salvatorem
Vitae nostrae.
52. *Dulcis*, pura atque mitis,
Nonne tu es vera vitis
Vitae fructum afferendo?
Gabriel sic referendo
Te laudavit benedictam
Inter omnes.
53. *Virgo* vivens sine labe,
In te tamquam firma trabe
Mentes nostrae sustentantur,
Corda nostra te precantur,
Ut ne unquam patiaris
Nos desertos.
54. *Maria* iuste vocaris,
Nam tu, pulchra stella maris,
Totum orbem luminasti,
Genus nostrum decorasti
Afferendo nobis Deum
Incarnatum.
55. *Amen* dicat ille Deus:
Mater, hic populus meus
Ascendat in paradisum,
Iste, quem in te confisum
Libens audis te precantem
Et laudantem.

Orat. ms. Parisiense [?] saec. 16/16. Cod. Parisin. 3639. — Nach Str. 5 scheint eine Strophe, mit *Et* beginnend, ausgefallen zu sein. — Bei dem Gedichte steht in der Hs. der Vermerk: „Petri Ludovisi“.

97. *Alia pulchra metra super Salve regina.*

Salve, flos florum, lux, vita, salus miserorum,
Semita iustorum, mediatrix alma tuorum,
Felix mater, ave, qua mundus solvitur a vae,
Quae genetrix Evae vae fecit omnia breve.
O genetrix pia, me salva, virgo Maria,
Et mea peccata dele tu, rogo, virgo Maria.

Orat. ms. Lambacense saec. 16/16. Cod. Lambacen. 756.

98. Psalmus L. Beatae Mariae V. laudibus accommodatus.

1. Miserere, mater Dei,
Miserere huius rei,
Rogo, miserere mei,
Fons misericordiae.
Miserationis multae
Mater, quidquid egi stulte,
Nequiter vel inconsulte,
Dele, datrix veniae.
2. Christi mater, virgo munda,
Peccatorem hunc emunda
Pietatis lavans unda
Peccati contagium.
Meum agnosco reatum,
Delictis attenuatum,
Pondus aufer, ne peccatum
Mihi sit contrarium.
3. Filio tuo peccavi,
Placa tu, quem irritavi,
Hostis ne sermone gravi
Vincar in iudicio.
Sola quae tu non dolorem
Passa tuum paris florem,
Solve natum peccatorem
A peccati vitio.
4. O dilectrix aequitatis,
Mihi summae veritatis
Manifesta lucem gratis,
Sole, luna pulchrior.
Hysopo compungitivae
Virtutis et purgativae
Asperge me, fac, ut nive
Niteam candidior.
5. Metum tolle mortis dirae,
Cum damnabit dies irae
Reprobos, et fac audire
Gaudium laetitiae.
A peccatis meis verte
Vultum tuum et diverte
Me ab ipsis, ut sic per te
Reddar innocentiae.
6. Cordis pravi purgans sordem
Fac, Maria, tibi cor dem,
Spiritus Deo concordem
Meis dans visceribus.
Roga fructum ventris tui,
Ne a luce vultus sui
Repellat, sed donet frui
Donis spiritalibus.
7. Tuum mihi salutare,
Iesum dona, quem precare,
Ut dignetur mihi dare
Principalem spiritum.
Doce me virtutum viam
Veramque philosophiam,
Qua profectum verum sciam,
Verbum ex te genitum.
8. Libera me, spes reorum,
A sanguine peccatorum,
Ut exsultem commissorum
Impetrata venia.
Mentis aegrae morbum cura,
Quo te laudem laude pura,
Aperi te laudatura
Cordis mei labia.
9. Iesu mater, nato cara,
Holocaustum in me para.
Cor ardens, in cordis ara
Sanctum desiderium;
Spiritus contribulatum
Atque cor humiliatum
Mihi praesta, quod est gratum
Deo sacrificium.
10. O benigna, fac benigne,
Da mirari posse digne
Salutis signum insigne
In caeli palatio.
Hoc accepta, mater Dei,
Holocaustum voti mei;
Tibi, precor, huius rei
Grata sit oblatio.

- | | |
|---|---|
| <p>11. Salve, nostri salutaris
 Parens, sed ignara paris,
 Salve, rosa puellaris,
 Salve, mundi lilium.
 Ave, mater salvatoris,
 Mater munda, miri moris,
 Audi, licet peccatoris,
 Laudes et praeconium.</p> | <p>12. Offer quoque tuo nato
 Grato et propitiato
 Holocaustum pro peccato
 Carmen hoc Davidicum.
 Ne permittas mihi claudi
 Aurem tuam, sed exaudi
 Immolantem tuae laudi
 Suppliciter canticum.</p> |
|---|---|

13. Per saecula metae nescia
 Sit tibi, virgo Maria,
 Laus, honor, virtus, gloria,
 Decus et imperium.

Orat. ms. Parisiense saec. 15/16. Cod. Parisin. 3639. — 5, 2 Quam dam-
 nabit. — 11, 6 mundo miri. — 12, 1 nato tuo. — Zwischen 12, 4 und 5
 eingeschoben folgende unechte Strophe:

Ergo mei curam habe,
 Cura cor ab omni labe,
 Corpus a corrupta clade,
 Spiritumque meum trade
 Ventris tui filio. Amen.

Ob Halbstrophe 13 echt oder Zutat, erscheint fraglich. — Aufschrift:
 Idem Psalmus (scl. L.) ad honorem et laudem beatissimae Mariae, virginis
 et matris Iesu Christi, Domini nostri, transmutatus.

99. *Cursus de B. Maria V.*

Ad Laudes.

- | | |
|---|--|
| <p>1. Caeli porta, nobis orta,
 Virgo sancta, cerne quanta
 Labe dolet, peius olet
 Totus mundus furibundus.
 Dic, quid spectas? vias rectas
 Da, perimus; cum tui simus,
 Cur nos deseris in acie?</p> | <p>2. Placa natum tuum gratum,
 Quod dignetur, cui debetur
 Laus aeterna in superna,
 Hos salvare, quos amare
 Angit poena, forti vena
 In hoc mari fluctuari,
 Cum sit abundator gratiae.</p> |
|---|--|

3. Pangit, angit, voce clangit
 Plebs fidelis verbis, melis
 Ad te, stella, Dei cella;
 Recordare, virgo, quare
 Praelecta sis effecta
 Mater Christi; genti tristi
 Da salutem tua facie.

Ad Primam.

- | | |
|---|--|
| 1. O aurora rutila,
Dies, noctem mutila,
Sol, terram illumina,
Quae super cacumina
Caeli resides sublima. | 2. O magnum mysterium!
Te laudat imperium
Terrenum et caeleste;
Nos libera a peste,
Ne decidamus ad ima. |
|---|--|

3. O vas, virgo, gratiae,
Fruens Dei facie,
Tibi laus et gloria;
Confer adiutoria.
Regnans post Christum prima.

Ad Tertiam.

- | | |
|--|--|
| 1. Nata, natum adora,
Sancta, sanctum honora.
Munda, mundum decora
Per tua suffragia. | 2. Praeclara, clarum placa,
Sic iusto, iusta, vaca
Et regem regno paca,
Tolle necis plagia. |
|--|--|

3. O digna, dignam laude
Fecit factor te, gaude,
Stratos levas a fraude
Relaxans obstagia.

Ad Sextam.

- | | |
|---|--|
| 1. Iesse florem produxit,
Flos fructum extruxit,
Fructum sapientiae,
Plantam paenitentiae
Sacro beante flamine. | 2. Is flos, virgo, fuisti,
Quae fructum peperisti,
Christum, fructum salutis,
Mirificae virtutis,
Mirabili velamine. |
|---|--|

3. Virens arbor dulcoris,
Ramus magni decoris,
Fructum nobis largire,
Quo iamiam resilire
Possimus a peccamine.

Ad Nonam.

- | | |
|--|--|
| 1. Cardo caeli,
Punctum meridiei,
Mater veli
Regnantis Galilaei,
Lux perfecta et erecta,
Lumen nobis infunde. | 2. Aufer labem
Adgravantis criminis,
Redde trabem
Fortis adiuvaminis,
Ne obscena ferox poena
Nos puniat abunde. |
|--|--|

3. Sed gratia
 Uberantis pneumatis
 Nos satia
 Et dulcore neumatis,
 Quo repleti simus laeti
 Perpetuo fecunde.

Ad Vesperas.

- | | |
|---|--|
| 1. Ave, clarum miraculum,
Prophetarum oraculum,
Summi solis umbraculum,
Libri vitae signaculum,
Ave, clavis deitatis. | 2. Ave, qua lapsi curantur
Et curati confortantur,
Confortati confirmantur,
Confirmati collaetantur,
Ave, smigma suavitatis. |
|---|--|

3. Ave, templum Salomonis,
 Perornatum miris donis,
 Obiectum divi sermonis,
 Cum imis summa componis,
 Ave, codex triunitatis.

Ad Completorium.

- | | |
|--|---|
| 1. Te lucis sinceritas,
Precamur, proselitas
Gentes Christi protegi
Hoc nocturno tempore. | 2. Cedat somni gravitas,
Et quietis leuitas
Festinet accedere
Cum salutis opere. |
|--|---|

3. Tibi laudis pietas
 Et honoris bonitas,
 Triunitatis nomiue
 Semper vale prospere.

Cursus ms. BMV. (Ruperti iunioris) saec. 15. Cod. Vatic. Palat. 541. —
 Ad Laud. 1, 4 Tuus mundus. — Ad Tert. 3, 3 sternis a fraude. — Ad
 Non. 2, 4 Fortis numinis. — 3, 5 Quod repleti. — Ad Vesp. 3, 3 divini.
 — 3, 4 imis tu summa.

100. Rosarium Beatae Mariae V.

- | | |
|---|---|
| 1. Gaude, virgo, iure matris,
Quae splendorem Dei patris
Concepisti caelitus,
Quae Iobannem illustrasti,
Ut cognatam visitasti,
Donis sancti spiritus. | 2. Quem gestans sine taedio,
Enixa es cum gaudio,
O virgo singularis,
Verbum patris, carnem factum
Ex te, tuo lacte pastum,
Ut Deum veneraris. |
|---|---|

3. *Quem mox pannis involvisti,
In praesaepo posuisti,
Nec dura reprobavit;
Quem caelorum exercitus
Glorificat, et angelus
Tunc natum nuntiavit.*
4. *Quem pastores quaesierunt,
Bethlehem hunc invenerunt
Flentem in praesaepio,
Qui carne circumciditur,
Ipsi nomen imponitur
Die Iesus octavo.*
5. *Quem tres magi adorarunt,
Verum Deum declararunt
Mysticis muneribus,
De quo Simeon laetatur,
Dum in templo praesentatur
Tuis sanctis manibus.*
6. *Cum quo maerens aufugisti
In Aegyptum et redisti
Monita ab angelo;
Quem non sponte perdidisti,
Post tres dies invenisti
Hierusalem in templo.*
7. *Quique matrem consolatur,
Quando pie querulatur
Exhibens se subditum;
Hic est tuus commensalis,
Quem terdenis annis alis
De labore manuum.*
8. *Quem Iohannes baptizavit
In Iordane, sed expavit
Stupens de miraculo;
Quem mox daemon ter tentavit
In deserto, Satan statuit
Monte et pinnaculo.*
9. *Nuptiis congratulatur,
Fons in vinum transmutatur
Praeter rerum ordinem,
Cum in mundo praedicavit,
Multos languidos curavit,
Pavit multitudinem.*
10. *Lazarum flens suscitavit,
Omnem mortem effugavit
Corporis et animae,
Cuius pedes Magdalena
Abluit ardore plena,
Munda fit a crimine.*
11. *In Thabor montis vertice
Splendet ut sol mirifice
Cum nimio candore,
Cui turbae Iudaeorum
Salvatori populorum
Occurrunt cum honore.*
12. *Corpus suum salutare
Et sanguinem dans gustare
Nobis se commendavit,
Ex horrore et pavore
Imminentis mortis horae
Tunc sanguinem sudavit.*
13. *Quem Iudaei et gens ausa
Ut latronem sine causa
Vinculis stringunt fortiter;
Annae, Caiphae delatus
Et ad mortem accusatus
Iudicatur turpiter.*
14. *Cuius vultum speciosum
Et aspectum gratiosum
Velabant conspuentes;
Quem malitiose laedunt
Colaphis et palmis caedunt
Ac pilos evellentes.*
15. *Purpura et alba veste
Stat illusus inhoneste,
Pellitur e limine;
Qui columnae alligatur,
Innocenter flagellatur,
Totus rubet sanguine.*
16. *Dire spinis coronatur,
Genu flexo sautatur,
Caesus est arundine;
Quem gens sua reprobavit,
Hunc Pilatus condemnavit
Absque legis ordine.*

- | | |
|---|---|
| <p>17. Cum scelestis deputatus
Crucem portat incurvatus,
Sternitur sub pondere;
Pius sexus lacrimatur:
Mei causa, contestatur.
Fletum noli fundere.</p> | <p>23. Ecce, agnus immolatur,
Tamquam reus morti datur
Reos solvens crimine;
Cuius latus perforavit
Miles, hastam cum vibravit,
Fluxit unda, sanguine.</p> |
| <p>18. Quem nudatum crucifigunt,
Sacrum corpus sic affligunt
Tensum crudelissime;
Cuius artus et iuncturae
Dirumpuntur, vis naturae
Dolet amarissime.</p> | <p>24. Terra tremit, sol expavit,
Heu, cor meum obduravit
Adamante durius;
Virgo, trita margarita.
Utinam me pungat ita
Tui cordis gladius.</p> |
| <p>19. Huic dolori addiderunt,
Vah Iudaei clamaverunt
Vexantes blasphemiis;
Pro his patrem rogat mere,
Qui eum crucifixere:
Parce, inquit, nesciis.</p> | <p>25. Quem de cruce deponentes
Viri iusti, tecum flentes,
Tibi dant iustissime;
Quem in novo monumento
Pretioso cum pigmento
Conduunt honestissime.</p> |
| <p>20. Ipse pendens cum latrone
Amen, dixit in agone,
Mecum eris citius;
Te Iohanni commendavit,
Illum sibi adoptavit,
Ut sit tuus filius.</p> | <p>26. Limbum patrum penetravit,
Consolatur, quos amavit,
Vinctos inde liberat;
Post haec surgens in triduo
Immenso fulgens gaudio
Valde te laetificat.</p> |
| <p>21. Gemens spirat et post pauca
Heli clamat voce rauca,
Est vox ista flebilis;
Fel, acetum et murratum
Vinum gustat sibi datum
Sitiens et debilis.</p> | <p>27. Rapit nubes hunc repente,
Caelum scandit te vidente
In virtute propria;
Inde misit, quem promisit,
Pneuma sacrum, quo invisit
Pauperum praecordia.</p> |
| <p>22. Filius intactae matris
Tunc in manu Dei patris
Commendavit spiritum;
<i>Consummatum</i> exclamavit,
Lacrimando expiravit,
Mortis solvit debitum.</p> | <p>28. Super aethera elevans
Et in dextra te collocans
Advocatam constituit;
Quae caeli scandis verticem,
Placatum nobis iudicem
Reddas ac propitium.</p> |

29. Laus, gratiarum actio
Mariae sit cum filio
Nunc et in perpetuum.

Orat. ms. Parisiense [?] saec. 15/16. Cod. Parisin. 3639 — 8, 5 statuit
ist Korrektur in der Hs.; vielleicht stand dort stavit; oder lies: In deserto
et portavit.

101. De Beata Maria V.

I.

- Rite diem festum colimus, mundo venerandum
In toto, sanctae Mariae, Domini genetricis,
Quae praeclara thronum caeli conscendit ad altum
Ingenti pompa sanctorum cum comitatu.
5. Ergo, Dei mater, miseris succurre pusillis,
Assis et desolatos refove, sacra virgo,
Ora pro populo, pariter pro supplice clero
Et pro femineo sexu devota rogato,
Optima cuius odor ceu balsama nectare multo
10. Funditur aut pulchri vernantia lilia campi.
Fasciculus murrae sponso tua membra superno
Consecrata, favos liquidi superantia mellis.
Semper ave, Christi genetrix et virgo fidelis,
Stella maris, tu porta poli, saeculi reparatrix.
15. Cuius in eximiae, praeclarae virginittatis
Electi merito sacrantur caelitus omnes.
Hinc exaltari hodie super astra polorum,
Angelicos super alma choros, per quam paradisi
Panduntur hodie nobis portae, reverenda,
20. Quas intras inter cunctas mulier benedicta.
Cantica sic dicunt de te: Vidi speciosam
Ceu volucrem, quae felle caret, rivos per aquarum
Currentem, cuius dulcedo decens inopina.
Vallabant flores et eam quasi vere sereno.
25. Tute redi, Sunamitis ovans, quo te videamus;
Sicut qui digne gaudent, habitatio nostra
In te cuncta, Dei mater, mundi induperatrix:
Pro servis deposce tuis natum tibi carum.
Gens, inquit, claram me tota loquetur et amplam,
30. Maxima nam mihimet fecit, qui pollet ubique.
Cuius virginei quoque dona favore pudoris
Exsequar, ignoro, portas quod cuncta regentem.
En, oculi, regina, tui divinitus orbis
Tamquam fons Esebon, piscinae nobilioris,
35. In porta quae fit genitae multiplicittatis,
Divini fructus in te tibi nunc animantur.
Virgo Maria, nites cunctum benedicta per aevum,
Viscera nempe tui meruerunt lucida Christum
Ferre, decora super natas felicius omnes
40. Israel, unguentis et aromate plena superno.

* * *

Tota dies laudis cumulum dicatur in altum
Haec et cum iubilo personet a populo.

- Virginis hinc recitent pueri, iuvenes in honore
Atque senum coetus nobilium niveus.
45. Sumitur in caelum genetrix pulcherrima Christi,
Gaudet et angelicus civis et obsequitur.
Lucis ad aetherae thalamum vehitur bona virgo.
In quo rex miro considet in solio.

* * *

- Plurimus occurrit sanctorum sede senatus
50. De caelis; te, Christe, canit, laudemus, amice,
Virgineumque decus praesertim voce triumphat,
Cordis ob hoc modulisque frequentibus organa dicit.

II.

- Virgo, Dei mater, David clarissima proles,
Funde preces nato pro famulis proprio,
Praemia perpetuae quo iam potiora coronae
Possimus digne te duce percipere.
5. Tu cunctas haereses perimis virtute [tonantis]
Pulchraque d[as] asseclis gaudia perfacilis.
Angelicis credens dictis magni Gabrielis
Post partum pueri virgo nites celebris.
Fortunata tuo placuisti femina Christo
10. Exemplo, titulis dignior his nitidis.
Imperium regni retines post splendida natum,
De te caelorum nam generas Dominum.

III.

- Laus veneranda bonis, Iesu clementia Christi,
Virgo Maria Dei, laus veneranda bonis.
Omnis ubique colit Iesum super astra benignum,
Sic matrem Domini omnis ubique colit.
5. Tollitur ad superos meritis iuacibus Enoch,
Post partum virgo tollitur ad superos.
Caelicolae iubilant Christo scandente superna,
Propter heri Mariam caelicolae iubilant.
Obsequio celebri vir fertur ad alta fidelis,
10. Femina summa petit obsequio celebri.
Obvia turba fuit puerorum plurima Christo,
Ac eius matri obvia turba fuit.
Subvenias populo, petimus, fili inclite Dei,
Oramus, virgo, subvenias populo.
15. Virgineum specimen laetum citharizat honorem
Et dominae carmen virgineum specimen.
Munera perpetuae nobis da, Christe, salutis,
Sponsaque, da patriae munera perpetuae.
Cuncta venena fugat superi benedictio Christi,
20. Sic mulier sancta cuncta venena fugat.

Vocibus angelicis credens genuit cito Sara,
 Dansque fidem peperit vocibus angelicis.
 Quae generas Dominum, mundo venerabilis exstas,
 Ad caelum migras, quae generas Dominum.

IV.

- Ludimus heroico versu, matrona perennis,
 Nunc tibi promeritos iterum sacramus honores,
 Quae Gabriele salutaris praecone superno.
 Pneumate mox uterum sancto gravidata beatum
5. Tempore decurso Iesum cum lumine magno
 Virgo paris, populum salvat qui crimine fidum.
 Nutritur nimia pulchrae cura genetricis,
 Pascitur et modico lactis sumptu venerandi.
 Huncque resurgentem devicto funere cernens
10. Altaque scandentem caelorum plaudis in aevum.
 Uberius hodie magna cum luce triumphas,
 Ad dextram nati residens solio rutilanti.

Collect. ms. Fossatense (?) saec. 9—13. Cod. Vatican. Reg. 566. add. saec. 11.
 I. 4 tum comitatu. — 27 cuncta clamant Dei. — 29 loquitur. — 43 recitent.

Diesen Versen geht in der Handschrift ein anderes, längeres Gedicht auf den hl. Benedikt voraus mit dem Anfange: Longobardorum gens impia cum reprobis und der Aufschrift: „Hoc opus edidit dominus Giraldus, Floriacensis monachus. Incipit translatio corporis beati Benedicti et Scholasticae sororis eius.“ Dann folgt das hier mitgeteilte Gedicht mit der Überschrift: Incipiunt versus eiusdem de Sancta Maria und der Schlussbemerkung: „Explicit ludus Domini Giraldi monachi.“

102. De Beata Maria V.

1. Magnificare piaM decet omni laude MariaM.
 Ardua reginaA, quam summa verentur et imA,
 Rite celebratuR, qua lapsus homo reparatuR,
 Immo dolor morbi veteris detegitur orbi,
 Alma precum vota cui solvat contio totA.
2. Me monet ipsorum pia virtus mysteriorum
 Ad laudis signa depromere carmine digna.
 Recte laudatuR, per quam Deus haec operatuR.
 Ipsa rubum Moysi signat flammare nec urbi,
 Astruitur porta typico sub aenigmate clausa.
3. Mox Aaron virgaM cum manna signat et urnaM.
 Arida nam virga florens cum prole Maria,
 Rursus et urna datuR, qua Christus manna probatuR
 In te, virgo Dei, redeunt convivia caeli.
 Ad quae nos regna perduc, regina benigna.

S. Gregorii Moralia (ol. Wessobrunen.) saec. 12. Clm. Monacen. 22010 A. —
 Orat. ms. Franciscan. saec. 15. Cod. Petrin. I a 14. B. — 2, 2 laudes AB. —
 2, 5 Astringitur — per ea B.

103. De Beata Maria V.

I.

1. Alma, serena, pia, praecelsa, beata Maria,
Tu fons hortorum, tu certa salus miserorum,
Lumen caecorum, requies optata laborum;
Da mihi te care, carissima, semper amare,
Te mihi da clare clara cum laude vocare.
2. Alma, serena, pia, praecelsa, beata Maria,
Dulcior es melle, te laudant quaeque puellae,
Mirantur stellae, fugiunt metuendo procellae;
Sis mihi solamen, sis aeternale levamen,
Sis et tutamen, sis et per cuncta iuvamen.
3. Alma, serena, pia, praecelsa, beata Maria,
Tu delictorum veniam mihi posce meorum
Et fac me morum vernare decore proborum;
Sis mihi salvatrix, sis, obsecro, semper amatrix,
Sis consolatrix, sis mater et auxiliatrix.
4. Alma, serena, pia, praecelsa, beata Maria,
Tu perpulchra genis, oculis tu grata serenis,
Tu dulcis, lenis, cunctis tu mater egenis,
Me tam ferventer clamantem tamque frequenter,
Respice clementer mihi subveniundo libenter.

II.

1. Diva parens, maerore carens, dilecta Maria,
Sponsa Dei, memor esto mei, miserere dolenti;
Sum fragilis, non sum stabilis, succurre cadenti.
Quid faciam, quid deveniam, quid ero miserandus?
Te rogitan, ad te fugitan venio recreandus.
2. Diva parens, maerore carens, dilecta Maria,
Te precibus, te carminibus rogo, semper adesto,
Iam venias, iam subvenias, pia, tu mihi praesto;
Culpa premit, mens pressa gemit, tormento gravatur
Da baculum, releva tremulum, te sustineatur.
3. Diva parens, maerore carens, dilecta Maria,
Si pereunt, si praetereunt, quaecumque videmus,
Nos, teneri vestri pueri, quonam fugiemus?
Stella maris, quos ipsa parat, solita pietate,
Ipsa tua nos dulciflua salva bonitate.

4. Diva parens, maerore carens, dilecta Maria,
Te lacrimis precor, oro nimis, flos optime florum,
Sis requies. sis laeta dies, sis cura tuorum;
Mire decor, te, virgo, precor, digneris adesse,
Nosque polo pereunte solo fac semper inesse.

III.

1. Clara pudicitia, pulcherrima prole Maria,
Tu vitae portus, tu delectabilis hortus,
Dulcior es manna, te felix edidit Anna;
Hortum virtutis, portum largire salutis
Et mannam vitae mihi da sine fine cupitae.
2. Clara pudicitia, pulcherrima prole Maria,
Caelorum porta, mundo feliciter orta,
Eruat a portis tua me clementia mortis,
Lacta me mamma, dulcissima mater et amma,
Lacta languentem, lacta, rogo te, sitientem.
3. Clara pudicitia, pulcherrima prole Maria,
Omnes tu flores, omnes tu vincis odores;
Flos honestatis, sit odor mihi virginitatis;
Pulchrior es luna, sublimior omnibus una,
Fac sim sublimis, mea vita levetur ab imis.
4. Clara pudicitia, pulcherrima prole Maria,
Tu vitae pomum, tu mellifluum cinamomum,
Purpureis violis radiisque simillima solis;
Da mihi, quod quaero, quod per te cernere spero,
Regnum caelorum veniam scelerumque meorum.

IV.

1. Pulchra Maria, serena Maria. benigna Maria,
Dulcis alumna, superna columna decusque perenne,
Tela maligna repelle, benigna, metumque gehennae;
Nostra mamilla Deique papilla, mei miserere,
Quem fugienda nimisque cavenda diu tenuere.
2. Pulchra Maria, serena Maria, benigna Maria,
Dira cupido, caeca libido regnat ubique,
Quisque malorum quemque bonorum truncat inique
Casta virago, sancto propago, corrige vanos,
Aula pudoris, mater amoris, protege sanos.

3. Pulchra Maria, serena Maria, benigna Maria,
Lux orborum, dux claudorum, dirige iustos,
Os matorum, spes cunctorum, sis mihi custos;
Sis dilectrix, sis protectrix, sis mihi mater;
Pulcher Iesus, dulcis Iesus, sis mihi frater.
4. Pulchra Maria, serena Maria, benigna Maria,
Dia puella, venusta puella, puella colenda,
Virgo iucunda Deoque secunda nimisque stupenda,
Tolle timorem, pelle dolorem perpetuaem,
Fac me fortem vincere mortem spirituaem.

V.

1. Mater casta, pia, clarissima virgo Maria,
Fac mihi, quae posco, melius, quam poscere nosco.
Et, quae corde peto, tribuas mihi munere laeto;
Fac me mundari, mundatum iustificari.
Iustum firmari, firmatum salvificari.
2. Mater casta, pia, clarissima virgo Maria,
Sit mihi, oro, pater carus tibi caraque mater,
Fratrum nostrorum memor esto simulque sororum
Et fac gaudentes notosque meosque parentes,
Consolans cunctos in amore pio mihi iunctos.
3. Mater casta, pia, clarissima virgo Maria,
Fac nostros reges iustas componere leges,
Principibus praesta dominari mente modesta,
Divitibus praebe cum Christi vivere plebe,
Pauperibus dona vitae gaudere corona.
4. Mater casta, pia, clarissima virgo Maria,
Ecclesiae patres concordii, protege matres,
Dilige catholicos fidei reprimens inimicos
Et non credentes fac Christo credere gentes.
.

VI.

1. Virgo puerpera, sis mihi prospera, sancta Maria,
O venerabilis, o memorabilis, o generosa,
Mater amabilis, inviolabilis, imperiosa,
Suscipe carmina, dilue crimina, suscipe vota,
Funde precamina, ferto iuvamina, spes mea tota.

2. Virgo puerpera, sis mihi prospera, sancta Maria,
Tu violaria tuque rosaria vincis odore,
Lactea lilia, pulchra monilia vincis amore;
Te modulamine, te iubilamine vocis honoro,
Te quoque pectore, te quoque corpore totus adoro.
3. Virgo puerpera, sis mihi prospera, sancta Maria,
Te, carissima, te clarissima gloria caeli,
Oro supplico, laudo, praedico mente fideli;
Tu pulcherrima, tu celeberrima, tu decus orbis,
Tu nostris pia ac ad omnia consule morbis.
4. Virgo puerpera, sis mihi prospera, sancta Maria,
Splendida moribus, altior omnibus, optima victrix,
Me, rogo, dirige, me, pia, dilige, sis mihi tutrix;
Iam mea cantica, spes precor unica, dulcius audi,
Iam mea tympana, iam, precor, organa praecipe claudi.

VII.

1. O flos egregia nascens de stirpe, Maria,
Sancta tua dextra benedic nos intus et extra,
Per te vivamus, per te Christo placeamus;
Fac nostras animas meritis, oramus, opimas,
Corpora purifica, virgo sacra, virgo pudica.
2. O flos egregia nascens de stirpe, Maria,
Assis oraclis, assis nostris habitaculis,
Assis et rebus cunctis, benedicta, diebus,
Non has flamma voret, non hos ardere laboret,
Non sit tempestas, non saeviat ulla potestas
3. O flos egregia nascens de stirpe, Maria,
Terraec fecundae, plenae sint piscibus undae,
Conserva fructus, undarum comprime fluctus,
Ventos refrena, caelum pluviale serena,
Fulminis ardorem, tonitrus depelle fragorem.
4. O flos egregia nascens de stirpe, Maria,
Magnos algores, nimios moderare calores,
Pestis tollatur, bellum non inveniatur,
Crimina linquantur, cuncti veniam mereantur,
Christus adoretur, Christus, rex verus, ametur.

Collect. ms. Lirensis saec. 12. Cod. Ebroicens 48. A. — Collect. ms. Insulae Reginae Caeli anni 1479. Cod. Darmstadien. 2653. B.

I. 1, 1 wiederholt sich nicht B. — Nach 1, 1 in B: Suscipe vota pia servorum cum melodia. — 1, 4 te clara A. — 2, 3 metuunt fugiendo B. — 4. 4 Te tam B; tamque libenter A. — 4, 5 fehlt A. —

II. 1, 1 wiederholt sich nicht B. — 1, 4 quo deveniam B. — 1, 5 venio revocandus B. — Str. 2 fehlt A. — 3, 2 Si pereunt, si non tereunt, quaecunque tenemus B.

III. 1, 1 wiederholt sich nicht B. — Str. 1 fehlt B. — 2, 5 me sitientem B. — Vor 3, 2: Mater casta pia etc. wie unten V.; Zeilenfolge in Str. 3: 4, 5, 2, 3 B.

IV. 1, 1 wiederholt sich nicht B. — Vor 1, 2 steht 4, 3 B. — 1, 3 De maligna de peste benigna metuque B. — 1, 4 Vestra mamilla B. — 1, 5 Qui B. — 2, 3 premit ubique B. — 2, 5 mater honoris B. — 3, 2 Dux orborum, dux B. — 3, 5 dulcisque B. — 4, 4 und 5 umgestellt B. — 4, 5 praefortem B.

V. 1, 1 nicht wiederholt B. — 4, 4 fehlt B. — VI und VII fehlen B. — IV steht bereits allein aus anderer Quelle Anal. XXXII. 168.

104. De Beata Maria Virgine.

1. Virgo Dei genetrix mundique potens reparatrix,
Regula virtutis, divini forma decoris,
Tu primos lapides vario splendore micantes
Excellis merito signasque decore venusto.
2. *Iaspidis* insignem fidei virtute virorem
Exprimis imprimis, hinc prolis honore bearis,
Qui vetus a populo solvit phantasma redempto.
3. Spes in caeruleo te vestit honore *sapphiro*,
Quae regis mater cum virginitate refulges,
Digna Dei solio caeloque serenior ipso.
4. Tamquam *chalcedon* caelestis canduit ardor
In te, stella maris, divini exemplar amoris,
Quae pulchra ut luna es, ceu sol electa refulges.
5. Herbida vernantis species et grata *smaragdus*
Nec mediocris honos te prospicit, inclita virgo,
Quae fons signatus vernas conclusus ut hortus.
6. Gratia *sardonii* te signat honore triformi,
Cuius mens humilis candentia lilia vincit,
Pulchrior ipsa rosis niveo splendore pudoris.
7. *Sardius* ex toto rubet ut cruor ordine sexto,
Quo rubuit Christus hora sexta crucifixus,
In quo purpuream meruisti passa coronam.
8. Aurea *chrysolithi* te forma notat speciosi,
Quod, Christi genetrix, regum regina probaris,
Cuius es a dextris induta cycladibus aureis.
9. Limpidus et purus ceu sol in aqua radiatus
Digne confertur tibi, virgo Maria, *berillus*,
Cuius ab intacta sol iustitiae micat aula,

10. Maximus in pretio primusque decore *topaton*
Aetheris ac fulvi speciem simul exhibet auri,
In quibus arridet tua virtus et meritum ingens,
Quo superos superas, melior mortalibus exstas.
11. Lumine purpureus, facie viridis *chrysoprassus*
Distinctusque auro tua fert insignia, virgo,
Quae solido fidei prudens patiensque fuisti.
12. Prasso guttatus viret ut maris unda *iacyntus*,
Et tu, nostra salus ac mundi praeclue sidus,
Virtutum titulis in nostra carne notaris.
13. Optime purpureus ac suave rubens *amethystus*
In te virtutis specimen speciale refundit,
Regia progenies christorumque inclita proles,
Qua fulsit mundo verus rex atque sacerdos.

Maius Chronicon ms. Fontanellense saec. [9.] 12. [15.]. Cod. Portus Gratiae 332.

105. De Beata Maria V.

Salve, virgo pia, caeli regina Maria,
Exemplis clara, miseris succurre, regina.
Dura velut saxa tu crimina nostra relaxa,
Ianua tu caeli, tu porta patens paradisi,
Posce tui fructum ventris qui nos benedictum
Collocet in caelis, tribuens pia gaudia cunctis,
Filius ille pater tibi, cui tu filia. mater,
Si petis, ipse dabit, quia matri nulla negabit.

Collect. ms. Zwetlense saec. 12. Cod. Zwetlen. 355. add. saec. 18/14.

106. De Beata Maria V.

Virgo restauratrix mundique salutis amatrix,
Lucis adornatrix, tenebrarum stella fugatrix,
Vitae larga datrix, dirae mortis superatrix,
Caelica regnatrix, mediatoris mediatrix,
Sis consolatrix, sis nobis auxiliatrix.

Antiph. ms. Lambrechtense saec. 12/13. Cod. Graecen. 258 add. 12/13.
(mit Neumen). A. — Collect. ms. Gottwicense saec. 15. Cod. Gottwicen.
507. B. — 3 mortis imperatrix B.

107. De Beata Maria V.

- Mater virgo Dei, decus orbis, ianua caeli,
Ad te clamantum suscipe vota precum.
Tu, regina poli, tu sidus praeclue mundi,
Ora pro nobis, confer opem miseris.
5. Tu suspirantes de caelo respice, mater,
Et ne labamur, tende, benigna, manus.
Quamvis in solio sedeas, regina, superno,
Nos tamen in terra compatiente iuva.
Placa censorem miseris, averte mucronem
10. Nobis atque pium concilia Dominum.
Inter fluctivagi rege nos discrimina mundi
Ac semper stella caelitus irradia,
Et, subito vita cum mors spoliaverit ossa,
Sis praesens animae, ne pereat misere.
15. Arce procul hostes, furvas dirasque phalanges,
Spiritus incedat per loca luciflua.
Non videat manes, Orci non sentiat ignes,
Pallentes umbras te duce profugiat.
Obviet angelicus sibi mox cum lumine coetus,
20. Qui ferat hunc aulam regis ad aetheream,
Rex ubi caelestis propriis partitur amicis,
Qui placuere sibi, praemia pro meritis.

Orat. ms. Benedictin. (Monial.) saec. 12/13. Cod. Bibl. Capit. Schaffnaburg. 181. — Zu v. 3 vgl. Nr. 104, Str. 12, 2.

108. De Beata Maria V.

- Virgo, maris stella, Iesse de stirpe puella,
Quam de gente David virtus divina vocavit,
Ut verbo patris fieres substantia matris,
Ut pareres Christum, qui mundum solveret istum,
5. Sic etiam pareres, ne virginitate careres,
Foedere digna pari genetrix et virgo vocari,
Te voco, virgo pia, genetrixque, requiro, Maria,
Ut miserum sanes, curas qui tractat inanes,
Et miseri curas divinis ignibus uras
10. Sum miser, obscenus nimiaque putredine plenus,
Complue peccatis caelestis aquas pietatis
Facque tuo lotum dulci medicamine totum,
Quidquid post sacrum commisit culpa lavacrum.
Qui per me labor, nunquam sine te revocabor,
15. Porrige, virgo, manum, subito me sentio sanum.

- In partem laevam quem traxit culpa per Evam,
Ad dextram releva, tu, mater mitior Eva;
Porta patet, saevam fuerat quae clausa per Evam,
Placatrix irae, quibus illam vis aperire.
20. Cum sub extremo poterit succurrere nemo,
Quis faciet tutum turpissima quaeque secutum,
Ni mihi tutelam des iudicis ante querelam?
Cum mundus flebit, cum terra polusque timebit,
Sola potes terrae miseris suffragia ferre.
25. Sors ubi sanctorum desperat opem meritorum,
Flectitur irati per te sententia nati;
Quare ad examen misero concede iuvamen.
Sentio damnari, si differs auxiliari;
Nam datus ad mille tormenta Theophilus ille
30. Per te salvatur Christoque reconciliatur.
Hic ita peccavit, qui Christum teque negavit,
Nec caruit venia te, virgo, iuvante, Maria;
Ergo peccator, non corde vel ore negator,
Credo salvari per teque reconciliari,
35. Propter peccantem si vis orare tonantem.
Haec, sacra, dispone, quae transfers ex Babylone,
Fac, pia, Ierusalem conscendere spiritualem,
Pax ubi succedat, quam nulla calumnia laedat,
Rex ubi virtutis sit potus escaque salutis,
40. Lux ubi reginae sit apta mihi sine fine,
Ante redemptorem sortitae sedis honorem.
Vox peccatoris te clamat, aula pudoris,
Ad caeli numen metuentis vertere lumen
Et nihil audentis de nomine cunctipotentis.
45. Audi clamantem, te, virgo beata, vocantem,
Si non turberis, quod ab illius ore voceris,
Qui vitiis foedus permansit ut mollis hoedus.
Paenitet errorum, iam foetet ineptia morum,
Labilis et vanus sum plus quam quatruiduanus;
50. Suscipe conversum, noviter Babylone reversum,
Fac male deceptum, fac cum pietate receptum.
Sic veniam posco, sic flens mea crimina nosco;
Non ego damnari, non debeo iam reprobari,
Nam decet auctorem non exercere furorem,
55. Iam debet pietas odiis imponere metas.
In te sperantem non vidi, virgo, vacantem,
In te iactatum non vidi ludificatum.
Me tibi commendo, reus ad te, spes mea, tendo,
Eripe labentem, culpas absolve fatentem,
60. Offensum natum mihi redde reconciliatum,
Dimerso mundo tenebris mortisque profundo.
Sancta parens Christi, dare praesidium potuisti,

- Si plures stellis animas a morte revellis,
 Quam vetus illorum transgressio, culpa duorum;
 65. Ergo mihi soli *Non possum* dicere noli.
 Par tibi maiestas et adhuc manet ipsa potestas,
 Post tantum munus levius salvabitur unus.
 Nec dicas: „Natum vereor tam saepe rogatum.“
 Vult mediatricem Deus esse suam genetricem,
 70. Qui se pulsari, pro peccatore rogari
 Non indignatur, sed cum petitur, miseratur,
 Qui super errantum gaudet revocamine tantum,
 Et faciet secum caelos gaudere per aevum,
 Qui prius ad vitam traxit populum Ninivitam,
 75. Quo miserante bonis sors est coniuncta latronis,
 Qui Lazarum flevit, triduana morte quievit,
 Praeda superbiorum cum sit pro morte duorum.
 Prolatae sortis Iesu de munere mortis,
 Dans mundo pacem fac me, regina, capacem,
 80. Simque redemptorum per te concivis eorum,
 Pro quibus est Iesus mortali corpore laesus.

Collect. ms. incert. originis saec. 13. in. Cod. Tolosan. 871. — 13 culpae
 ratum. — 17 te leva tu. — 43 vertite lumen. — 64 transgredio. — Abschrift
 von Adr. Carrère S. J.

109. Versus in honore sanctae Mariae.

- Naturam nostram Christus, non crimine nostro
 Participare volens, crimine solvit eam.
 Tempore dignatur nasci sine tempore natus,
 Ut supra legem temporis esset homo.
 5. Servus de domino, pauper de divite factus,
 Nos a pauperie liberat atque iugo.
 Ad patris imperium sacram de flamine sacro
 Conceptam prolem femina sacra parit.
 Concipiens, pariens non sentit damna pudoris
 10. Casta parens, partu sanctificata suo,
 Et quod nulla fuit in concipiendo voluptas,
 Matri nullus adest in pariendo dolor.
 Fert radix Iesse florem, profert Aaronis
 Arida virga nucem, regia virgo Deum.
 15. Regem caelorum paupercula, filia patrem,
 Iustitiae solem stella Maria maris.
 Nec perdit radix emissio flore virorem,
 Nec nascente Deo virginis illa decus.
 Flos Christus, fructum vitae generans et odorem,
 20. Perpetua matrem virginitate beat,

- Fracto naturae mirantur saecula iure,
 Quod sit facta Dei filia mater ei.
 Virgo tenet puerum, puer omnia, nata parentem,
 Ubera dat, sugit, replet et illa Deus.
 25. Hic vere rutilat gemmis ornata beatæ
 Virginis effigies speculumque reverberat auri.

Collect. ms. S. Mariae de Prato saec. (12 ex. et) 13. Cod. Parisin. 16699. — Diesem Gedichte gehen in der Hs. noch folgende drei Verse voraus, die ersichtlich nicht dazu gehören, vielleicht ein Ganzes für sich bildeten, vielleicht ein anderwärts entlehntes Bruchstück sind:

Salve, digna parens Dominoque per omnia parens,
 Solaris splendor, divina luce serena,
 Me miserum serva, clemens, pia, dulcis, amoena.

Nach Vers 20 sind neun Hexameter eingeschaltet, die in der folgenden Nummer als ein Gedicht für sich mitgeteilt sind.

110. Versus in honore sanctae Mariae.

Virgo parit florem, flos fructum, fructus odorem,
 Virgo redemptorem, veniae vitaeque datorem.
 Insolito more cum virginitatis honore
 Fit fecundata sine semine virgo beata.
 Lumine solari nescit vitrum violari,
 Nec vitrum sole nec virgo puerpera prole.
 Cuncta creata regens fit et hic in corpore degens,
 Lux et imago patris per sacrae viscera matris
 Ad nos accessit, sed non a patre recessit.

Collect. ms. S. Mariae de Prato saec. [12. ex. et] 13. Cod. Parisin. 16699. Eingeschoben zwischen Vers 20 und 21 des vorhergehenden Stückes.

III. De Beata Maria V.

Te mihi pacifica, vitae fons, virgo Maria,
 Immaculate decor, mundifica bene cor.
 Me tibi concilia lacrimae parcendo, Maria,
 Esto lapsis pes, propria tu mihi spes.
 Me tere, me gere, me preme, virgo regia, deme
 Saevia, da socium me fore nobilium.

Collect. ms. Anglican. saec. 14. Cod. Coll. Corp. Christi Oxonien. 232. Abschrift von Rev. H. M. Bannister.

112. De Beata Maria V.

Stella Maria maris, quae caelis praedominaris,
 Et quae praeclaris hic laudibus intitularis,
 Expers sola paris tu, quae per Ave gravidaris
 Et fecunda daris, mater virgoque vocaris.
 Luce tui iubaris me, deprecor, intuearis,
 Subvenias hilaris et pro me, quaeso, loquaris.
 Quodsi dignaris, frustra, Satan, insidiaris,
 Si dedignaris vel quantumcunque moraris,
 O mora, damna paris, et velle nocere probaris.

Collect. ms. Carth. Maguntin. saec. 14. [13. et 15]. Cod. Maguntin. 186.

113. De Beata Maria V.

- Salve, Christi parens et nata Dei benedicta,
 Omni labe carens, quae lumine solis amicta
 Lunae sub plantis calcas iubar irradiantis,
 Sertum de stellis prae virginibusque puellis,
5. Regia matrona, geris, alma puerpera Christi.
 Hic, elegisti, quod tua veneretur icona,
 Per tua condigna miracula, virgo benigna.
 Me tibi consigna Satanae de fraude maligna.
 Tu patrona bona, tu glorificata beata,
10. Tu speciosa rosa, tu mater honoris, amoris.
 O fons dulcoris, caeli regina superna,
 Me prece materna tuearis in omnibus horis.
 Mater humillima, spes miserorum certa reorum
 Atque facillima propitiatio semper eorum,
15. Mystica cella, benigna puella, suavis, amoena,
 Lumine plena, decore serena, maris quoque stella,
 Virgo sacrata, per astra levata, Deo sociata,
 Sis miserata mei, pia, grata Davitica nata.
 Diva propago, dulcis imago, floriger hortus,
20. In maris unda valde profunda ancora, portus,
 Fons bonitatis semper inundans, vas pietatis
 Prorsus abundans, cum deitatis prole iucundans,
 Auxiliatrix, induperatrix, alleviatrix,
 Sis medicamen, da relevamen, pelle gravamen.
25. Amen, implores, ores, ut gaudia caeli
 Heli det, dia, diadema mihique, Maria.

Orat. ms. Campense anni 1462. Cod. Darmstadien. 521. A. — Collect. ms. Insulae Reginae Caeli (prope Wesaliam) anni 1479. Cod. Darmstadien. 2653. B. — 4 pia virginibusque. — 13 spes miseratio certa B. — 20 undis valde profundis B. — 23 insuperatrix B. — 24 mediamen A. — Aufschrift:

„Sequitur oratio metrica magistri Iohannis de Beka poetae et habet fere omnem colorem metricum.“ A. — „Hoc dictamen metricum scripsit magister Iohannes de Beka, egregius poeta, quod dominus Iohannes de Arkel, episcopus Traiectensis, confirmavit, concedens omnibus devote dicentibus xl dierum indulgentias et unius carenae. Et habet fere omnem colorem metricum.“ B.

114. Oratio metrica de laude beatæ virginis Mariæ.

- O mater matrum, materno more medere,
Parce reis et opem fer eis, miserere, tuere,
O benedicta David proles, tu manna saporis,
Tu generosa Iudith, Abigail, Hesther honoris.
5. Fixa polo stella, tu legis glosa novella,
Foederis arcella, Moysi duplata tabella,
Cum nato mella, quoque lac tua sancta labella
Stillent, debella vires Satanaeque flagella.
Dux morum, lux caecorum, regina polorum,
10. Spes veniae, fuga tristitiae, medicina dolorum.
Turbant saligia, pia respice virgo Maria,
Cum sis sola via patriae, duc, dirige, dia.
Surgens aurora, tu sancta theotocon, ora
Protinus, absque mora pro me pereunte labora.
15. Astripotens mater, mundi stupor et generosa,
Me perimens ater hostis petit arte perosa;
Os, cor, opus, vim, res muni, duc daque iuvamen,
Ut meritis sim pres, cum mors hinc separet. Amen.

Orat. ms. Campense anni 1462. Cod. Darmstadien. 521. A. — Collect. ms. Domus Insulae Reginae Caeli anni 1479. Cod. Darmstadien. 2653. B. — 4 gloriosa Iudith B. — 6 Foederis cartella Moysi est dupla A. — 7 Tu nato A — 8 Stillant A. — 15 Astripotis B. — 17 sq. fehlen A. — Dies Gedicht folgt in B unmittelbar auf das vorhergehende (Salve Christi parens) mit neuer Initiale, doch ohne neue Aufschrift. Ob es ebenfalls Iohannes de Beka zum Verfasser hat, bleibt daher zweifelhaft. Die vorgedruckte Überschrift gibt A.

115. De Beata Maria V.

- Virgo serena, mater amoena, virgo sacrata,
Iustitiae dux, laetitiae lux, sponsa beata.
Blanda precanti, dulcis amanti, vas deitatis,
Dura malignis, grata benignis, fons pietatis.
5. Sancta propago, lucis imago, virgo decoris,
Cellula mellis, nescia fellis, fructus honoris.
Virgo benigna, femina digna, virgo pudica,
Ianua solis, filia prolis, regis amica.

- Lucida stella, pura puella, sacra sacrarum,
 10. Fructificans mons, mellificans fons, spes animarum.
 Praevia iuris, virgula turis, lux tenebrarum,
 Flos sine spina, stella marina, pulchra rosarum.
 Pax odiorum, meta dolorum, consilii ros,
 Cedrus odora, gemma decora, munditiae flos.
 15. Regula morum, forma bonorum, vera lucerna,
 Pacis alumna, summa columna, porta superna.

Collect. ms. Domus Insulae Reginae Caeli anni 1479. Cod. Darmstadien.
 2653. „Aliud pulchrum et laudifluum dictamen.“

116. De Beata Maria V.

- Ianua solis, filia prolis, lucida stella,
 Arca decoris, mater honoris, munda puella.
 Nescia fellis, stillula mellis, regis amica,
 Blanda precanti, dulcis amanti, virgo pudica.
 5. Virgo suavis, caelica clavis, summa columna,
 Regula morum, forma bonorum, pacis alumna.
 Lux tenebrarum, pulchra rosarum, gemma decoris,
 Summa bonorum, pax odiorum, cedrus odoris.
 Munditiae flos, consilii ros, porta superna
 10. Et rosa florum, meta laborum, vera lucerna.
 Praevia iuris, virgula turis, flos sine spina,
 Mellificans flos, fructificans fons, stella marina.
 Spes animarum, sacra sacrarum, femina digna,
 Gemma decoris, fructus honoris, amanda, benigna.
 15. Vas deitatis, fons pietatis, lima malignis,
 Grata benignis, gloria dignis, prodita signis.
 Iustitiae lux, laetitiae dux, sponsa beata,
 Aula suavis, caelica clavis, inviolata.
 Tu camera templi, lilium, tu puteus altus,
 20. Tu portus verbi, de caelo clausaque saltus,
 Tu lectus, thalamus caelestis et arca sophiae,
 Tu victrix, tutrix, mercedis praevia diae.
 Navis et ancora, nostra sis orbita, gemma probata,
 Platanus, hortus, virgula, portus, palma vocata.
 25. Urbs murata, benigna velata, corona sacrata,
 Esuriam, sitiam, cupiam te, virgula nata.
 Virtutum species, via caelica, mater amoenae,
 Post mortem videam te, caeli munere plena.

Collect. ms. Insulae Reginae Caeli anni 1479. Cod. Darmstadien. 2653. —
 18 clavis unica lata. — 26 Esuriam. — Dies Gedicht hat viele Verse mit
 dem vorhergehenden gemeinsam.

117. De Beata Maria V.

Alma poli stella, lux mundi, pura puella,
Quae concepisti verbo, sine vae peperisti,
Servum ferventem tibi me fac et trahe mentem
Ad Christum sursum, qui vitae det mihi cursum
Sancte finire braviumque poli reperire.
Suscipe servorum pia vota precesque tuorum,
Ablue peccata tu, Theophili miserata.

Collect. ms. Domus Insulae Reginae Caeli anni 1479. Cod. Darmstadien. 2653. — In derselben Handschrift wie auch in Cod. Darmstadien. 521 findet sich auch noch ein anderes Gedicht in leoninischen Versen auf Maria, mit dem Anfang *Mater formosa, tu nobilis et generosa*; jene nennt es „*Aliud laudifluum dictamen*“, diese macht die Bemerkung: „*Item sequuntur alia metra laudiflua de gloriosa virgine Maria.*“ Das Gedicht ist aber nur ein Bruchstück eines längeren, wie das Akrostichon ausweist, welches nur die Worte *Mulieribus et benedictus fructus ventris* umfaßt. Da die Worte „*Mater formosa*“ etc. also nicht den Anfang des Gedichtes bilden, habe ich dasselbe nicht aufgenommen.

118. De Beata Maria V.

Gaude, sola pia sine crimine virgo Maria,
Sancte concepta, specialius omen adepta,
Quo superas cunctos supera iam sede beatos,
Me vitiis natum caelo da purificatum.

Collect. ms. Domus Insulae Reginae Caeli anni 1479. Cod. Darmstadien. 2653. — Ob dies kurze Gedicht ein selbständiges Ganzes oder aber vielleicht Entlehnung aus einem größeren, vermag ich nicht zu sagen.

119. De Beata Maria V.

- Stella maris, candoris ebur, speculum paradisi,
Fons veniae, vitae ianua, virgo, vale.
Caeli scala. boni schola. pacis fibula, turis
Virgula, pigmenti cellula, virgo, vale.
5. De te tot laudum rutilant insignia, nescit,
Quo plus ascendat, tantus honoris apex.
Omnes virtutum species et aromata totam
Te simul aspergunt turis odore sui.
Tu sine defectu radius, tu flos sine spina,
10. Tu sine nube dies, tu sine viro parens.
Quid loquor? hinc nullum clementum laus tua sumit;
Frustra luce facis tempto iuvare diem.
Quanta tuis pateat virtutibus area, nullis
Flosculis laudum claudere lingua potest.

15. O flos munditiae, nostri, petimus, miserere,
 Sis medicina reis crimina nostra levans.
 Sponsa redemptoris, salva nos omnibus horis
 Piaculis Satanae carnis et illecebris.

Orat. ms. Campense anni 1462. Cod. Darmstadien. 521.

120. Versus ad laudem Virginis Beatae.

Laus tibi,	caelorum	dux,	morum	maxima	mater,
Caelorum	domina,	nitidum	vas,	patris	amoeni
Dux,	nitidum	sidus	miserorum,	gloria	regis,
Morum	vas,	miserorum	gloria,	splendor,	bonestas,
Maxima	patris	gloria,	splendor,	libera	virgo,
Mater	amoeni	regis,	honestas,	virgo,	Maria.

Collectan. ms. Gemmeticense saec. 15. Cod. Rotomagen. 587 (A 263).

121. Salutatio alphabetica et mystica de beata virgine Maria.

- Ave, sancta Dei genetrix, o virgo Maria,
 Botrus Cypri, fragrans balsamus, alma Maria,
 Cupressusque Sion, Libani cedrus alta, Maria.
 Dogma salutis, lux bonitatis, clara Maria,
 5. Exemplar morum, virtutum norma, Maria.
 Fons signatus, favus stillans, divina Maria,
 Gloria mundi, gemma poli, regina Maria.
 Hospita regis, principis aula, beata Maria.
 Ignea flamma, rubus non ustus, mira Maria.
 10. Kathedra doctrinae, via recta, colenda Maria,
 Lucida nubes, fulgida luna, decora Maria.
 Mitis ovis, formosa columba, benigna Maria,
 Nardus odorans, fumus turis, aroma, Maria.
 Ortus conclusus, flos campi, pulchra Maria,
 15. Porta domus clausa, tu caeli scala, Maria.
 Quercus Basan, turris David, firma Maria,
 Regia proles, sponsa Dei, speciosa Maria.
 Stella maris, solis aurora, serena Maria,
 Templum pacis, mannatis arca repleta, Maria.
 20. Virga virens, vellus Gedeonis, casta Maria,
 Xristotocos digna, te dulcis, quaeso, Maria,
 Ymnus sit gratus, tibi quem pro laude, Maria,
 Zelo depromo; misero miserere, Maria.
 Ave, salve, vale, spes mea, virgo Maria.

Collect. ms. Mellicense saec. 15. Cod. Mellicen. 77. A — Collect. ms. Mellicense saec. 15. Cod. Mellicen. 121. B. — Collect. ms. Lambacense

saec. 15. Cod. Lambacen. 328. C. — Orat. ms. Franciscan. saec. 15. Cod. Petrin. I a 14. D. — Collect. ms. S. Petri Salisburgen. saec. 15. Cod. Petrin. b VI 3. E. — 6 diva Maria ABCD. — 8 principalis aula C. — 10 Maria fehlt D. — 11 Lucida nubes fehlt D. — 12 Mitis avis E. — 13 Nardus odoris A. — 15 Porta conclusa (reclusa E) rubens rosa tu DE; Porta domus clausa, tu rubens rosa C. — Aufschrift aus A; statt dessen in C: De laude beatissimae virginis Mariae.

122. De Beata Maria V.

Mater ave Christi, sanctissima virgo, Maria,
Partu, post partum, sicut et ante manes.
Virgo, quae Christum peperisti, lacte educasti,
Mergere me serva, me tueare potes.
Me tibi commendo, me, virgo, relinquere noli,
Ne peream, Christo funde, Maria, preces.

Breviarium et Oration. ms. S. Servuli Venet. saec. 15. Cod. Cicogna 36 (2373). — 3 lacte ducasti. — 5 derelinquere.

123. De Beata Maria V.

- Stelligeri splendor, salve, tu gloria poli,
Mater insignis, salve, formosa Maria.
Tu maris immensi praelucida stella vocaris.
Mundi labentis nam candida nubila pulsas.
5. Antidotum felix mortis, regina, salubris,
Monstres in tenero dulcem mihi corpore natum,
Sumpsit quem Simeon canus ad brachia laetus,
Spiritus angustas nusquam contempserat auras.
Te duce tartareos contingat linquere campos
10. Officiatque nihil furibunda felle Megaera;
Protinus, casta, precor, ostendas lumen Olympi.

Collect. ms. Eberspergeuse saec. 15/16. Clm. Monacen. 6007.

124. De Beata Maria V.

Splendida stella maris, pia virgo Maria, vocaris
Et veri solis deicaeque puerpera prolis.
Venter et intactus, in quo Deus est homo factus,
In medio cuius Deus est homo conditus huius.
Esto Dei media nostrique, benigna Maria,
Per tua lux merita datur orbi veraque vita.

Orat. ms. Parisiense(?). saec. 16/16. Cod. Parisin. 3639.

125. De Beata Maria V.

Gaude, Deo plena, gaude, pariens sine poena,
Gaude, resurgenti congaude, superna petenti,
Cum Christo gaude, reguans dignissima laude;
Elegit qui te, det nobis gaudia vitae.

Orat. ms. Parisiense(?) saec. 16/16. Cod. Parisin. 3639.

126. Carmina de Laudibus Virginis.

I.

Caeli reginam te iure, Maria, fatemur,
Ex cuius thalamo processit iustitiae sol.
Virgo, creatoris caelorum mater et orbis,
Innocuis manibus mundo quoque corde beata,
Rite Dei pinguem meruisti scandere montem.

II.

Gratia caelestis, reparatrix totius orbis,
Diffusa est labiis, virgo Maria, tuis;
Propterea regum te rex benedixit in aevum
Et facit a dextris casta sedere suis,
Aurea quam fulvo vestis circumdata limbo
Ambit et exornat riteque condecorat.

Missale Turonense imp. Rothomagi 1492, 1493 A. — Missale Turonense
imp. Parisiis 1533. B. — In beiden Quellen nach dem Kalendarium.

127. Ad Beatam Mariam V.

1. Maria, summa
orta ex prosapia,
Angelus tibi:
Ave, plena gratia,
Dominus tecum;
sume nostra cantica,
Quae tibi canunt
electorum agmina.

2. Ecce, beata,
credidisti auntio
Et patris verbum
concepisti utero,
Virginitatis
nulla est corruptio,
Ubi est sancti
spiritus infusio.

3. Lucem, Maria,
genuisti saeculo,
Involvens pannis
locasti praesaepio,
Mundum qui regit
potenti imperio
Et arvis lucet
lumine sidereo.

4. Ubre tuo
bibit guttas Dominus,
Qui mari undas,
fluere dat fontibus;
Hunc, virgo, roga,
laxet culpas omnibus,
Qui dat coronas
suis confessoribus.

5. Sacri ad templi
quem portasti limina,
Huic caelestis
deservit militia,
Qua comprehendit
tanta mirabilia,
Quae sunt concessa
tibi splendidissima.

6. Perrexit templum
iustus senex Domini,
Est videns Christum,
quam beati oculi!
Suscepit eum
a te matre nobili,
Gratias agens
uni Deo homini.

7. Regina caeli,
osculasti filium,
Ex patre magnum
et ex te parvissimum,
Hominem verum
et Deum fortissimum.
Quem genuisti
manens virgo virginum.

8. Ex te, Maria,
sublimis puerpera,
Carnem suscepit
Dei sapientia,
Quae caelum girat
et fundavit aequora,
Terrena regit
simul et caelestia.

9. Scala caelestis
et Dei hospitium,
Ex te est ortus
finis et principium,
A patre natus
est ante luciferum,
Hunc, virgo mater,
fac nobis propitium.

10. Beata valde
tua est humilitas,
Quam gloriosa
simul et virginitas,
Per quam divina
venit ad nos pietas,
Audi, cum rogat
te nostra fragilitas.

11. Ille, beata,
tibi erat subditus,
Qui cunctis mundi
imperat virtutibus,
Respicit terram,
et tremescit funditus,
Regnat in caelo
et tonat in nubibus.

12. Tuumque nomen
maris stella dicitur,
Gens namque per te
luce vera ducitur,
Dum trinitatis
lumine perfunditur,
A protoplasti
tenebris excluditur.

13. Ex ventre tuo
verbum sumpsit hostiam,
Quam immolavit
extra Ierosolymam,
Hanc manducamus
ob eius memoriam
Et hoc per fidem
tenemus orthodoxam.

14. Regina, regis
mater, regum filia,
Cum voluisti.
o gloriosissima,
Ut inchoaret
Christus mirabilia,
Tunc fecit vinum
ex aqua in hydria.

15. En, Christus pendens
 crucis in patibulo,
Quo liberaret
 mundum a supplicio,
Te matrem dedit
 virgini discipulo,
Ut semper virgo
 non careres filio.
16. Tunc Simeonis
 iuxta vaticinium
Gladius tuum
 pertransiuit spiritum,
Quando occidi
 tuum vides filium,
Licet credebas
 surgere post triduum.
17. Mortuus Iesus
 cruce est depositus,
Quem sepelivit
 Ioseph et Nicodemus
Novo sepulcro,
 in quo nullus positus,
Tristatur mater
 et fidelis populus.
18. O alma virgo,
 gaude cum apostolis,
Qui crucifixus
 fuit Ierosolymis,
Die surrexit
 tertia a mortuis,
Sacris vidisti
 tuis illum oculis.
19. Nec non vidisti
 cum plebe fidelium,
Quando ad regnum
 ascendit aethereum,
Ibi erexit
 matris desiderium,
Ubi cum patre
 regnat ante saeculum.
20. Ascendit postquam
 super caelos Dominus,
Tu, virgo, atque
 coetus apostolicus
Permanebatis
 in orationibus,
Hoc tibi erat
 diebus ac noctibus.
21. Caelesti regno
 assumpsit te filius,
Et exsultavit
 Iesus benignissimus;
Tibi post Deum
 omnis servit spiritus,
Regina, nobis
 esto tu propitius.
22. Hoc certe credit
 Christianus populus,
Quod tuus sponsus,
 filius et dominus
Exaudit, virgo,
 te prae sanctis omnibus,
Quodcunque petis,
 donat tibi protinus.
23. Ut nos coniungas
 cum sanctorum coetibus,
Pias inclina
 aures nostris precibus,
Quibus rogamus
 et obnixe petimus,
Procul absistat
 fornicator spiritus.
24. Spiritum irae
 tolle et tristiitiae,
Castrimargiae
 atque philargyriae
Invidiaeque
 nec non et acediae,
Gloriae vanae
 simul ac superbiae.

128. De Beata Maria Virgine.

- | | |
|---|---|
| 1. O Maria, gloriosa
angelorum domina,
Maris stella, vincens cuncta
claritate sidera,
Virgo pulchra, virgo casta,
me clementer adiuva. | 5. Ubi sanctis animabus
datur lux assidua,
Angelorum turmae larga
iunctis Dei gratia,
Qua repleti memet tua
faciant precamina, |
| 2. Sumpsit enim ex te carnem
Dei sapientia,
Ut humano per te vita
generi est reddita,
Quod subegit neci culpa
primae matris noxia. | 6. Ut eadem sim mundatus
a culparum macula
Et decenter exornatus
virtute multimoda,
Summo regi voce dulci
Canam laudum chrismata, |
| 3. Super astra manens mira
potiris laetitia,
Ibi servit omni die
tibi phalanx caelica;
Mihi, quaeso, fer iuvamen
presso mole terrea. | 7. Hunc qui laudat operando,
quae sunt illi placita,
Obtinebit vere summi
felix regni culmina
Et manebit sine fine
dives omni gloria. |
| 4. Assit mihi tua manns
semper invictissima,
Nec me diri Leviathan
extinguant certamina,
Sed sim victor coronandus
in aula stelligera. | 8. Hac me dita, Iesu Christi
mater integerrima,
Et eidem me commenda
tua prece sedula,
Ut cum illo plene gaudens
maneam per saecula. Amen. |

Collectan. ms. S. Ebrulphi saec. 12. Cod. Alenconien. 1. add. saec. 12. — 6, 6 crysmata. — 8, 5 Et cum. — Aus dieser Quelle publiziert von Léop Delisle im Annuaire Bulletin de la Société de l'Histoire de France. Paris 1863; II. partie, p. 9 sqq. Dort unmittelbar verbunden mit dem Reimgebet „Micael cum Gahriele“, entsprechend der Quelle. Schon das „Amen“ zeigt aber deutlich, daß es sich um zwei Gedichte handelt. Als Auctor vermutet Delisle — wohl mit Recht — Ordericus Vitalis.

129. De Beata Maria V.

- | | |
|---|--|
| 1. O Maria, mater Dei,
Miserere, precor, mei
Atque pro me roga Deum,
Ut absolvat istum reum. | 3. Respice huc, o Maria,
Dei mater et filia,
Et visita hunc miserum,
Oppressum mole scelerum. |
| 2. Ecce, tibi me commendo
Meque tibi servum trado,
Ut domina me suscipe
Et clementer me respice. | 4. Serva tibi commendatum,
Tibi servire paratum,
Tuae donum pietatis
Me absolvat a peccatis. |

- | | |
|--|---|
| <p>5. O Maria piissima,
Omni laude dignissima,
Fac me digne te laudare,
Venerari et amare.</p> <p>6. O domina dominarum,
O regina reginarum,
Propter tuam pietatem
Tolle meam paupertatem.</p> <p>7. Pauper enim et egenus,
A Deo sum alienus,
Adversum me irritavi
Deum, in quem tam peccavi.</p> | <p>8. Deum mihi pacifica,
Dei mater et amica,
Hoc te posse impetrare
Nullus debet dubitare.</p> <p>9. O praeclara stella maris,
Quae cum Deo gloriaris,
Fac me ad portum venire,
Nunquam sinas me perire.</p> <p>10. O Maria, flos virginum,
Ora pro me ad Dominum,
Ut ad caeli palatia
Perveniam te praevia.</p> <p>11. In qua miser nequissimus
Possim esse vel ultimus,
Laudans Deum per omnia
Saeculorum saecula.</p> |
|--|---|

Collect. ms. Radingense saec. 12. Cod. Oxonien. Laud. Miscell. 79.
add. saec. 12. — 9, 4 Nusquam. — Abschrift von Rev. H. M. Bannister.

130. De Beata Maria V.

- | | |
|---|---|
| <p>1. Mole gravati criminum
Ad te, regina virginum,
Confugientes poscimus,
Adesto nostris precibus.</p> <p>2. Aeternae vitae ianua,
Aurem nobis accommoda,
Per quam spes vitae rediit,
Quam Eva peccans abstulit.</p> <p>3. Virgo, tu mater iudicis,
Vitam deposce famulis
Et paenitendi spatia
Nobis, oramus, impetra.</p> <p>4. Exora, virgo, filium,
Praesens confer auxilium,
Ut perpetrata nequiter
Purgentur efficaciter.</p> | <p>5. Vere, virgo, post genitum
Preces exaudi supplicum,
Et quid poscenti Dominus
Tibi negabit filius?</p> <p>6. Si tantum velis, domina,
Nostra delentur crimina.
Quapropter te praecipue,
Servos, oramus, respice.</p> <p>7. Te orante, sanctissima,
Sanctorum orant agmina,
Si te adversam praevidet,
Caelestis ordo conticet.</p> <p>8. Per te, mater castissima,
Nobis donetur venia
Tuisque sanctis precibus
Concilietur Dominus.</p> |
|---|---|

- | | |
|--|---|
| <p>9. Virgo Maria, respice
Precesque nostras suscipe,
Peccata iam praeterita
Remittat nobis, obsecra.</p> <p>10. Exaudi, virgo virginum,
Pro nobis ora filium,
Futura mala prohibe
Miserisque compatere.</p> | <p>11. O virgo. mater Domini,
Attende voces populi,
Per te cleri criminibus
Ignoscens parcat Dominus.</p> <p>12. Virgo gloriosissima,
Vota comple fidelia
Nosque post vitam fragilem
Ad veram perduc requiem.</p> |
|--|---|

Orat. ms. incertae orig. saec. 12. Cod. Oxonien. Canon. Miscel. 266. A. — Collect. ms. Benedictin. saec. 12. Cod. Vindobonen. 532 add. saec. 12. B. — Orat. ms. Lunaclacense anni 1451. Cod. Vindobonen. 3835. C. — 1, 2 reginam B. — 3, 2 deposce miseris B. — 3, 3 Et paenitentis A: Ac paenitenti B. — 4, 2 Patris confer B. — 4, 3 Ut per peccata A. — 4, 4 purgemur A. — 5, 3 petenti C; Dominus fehlt A. — 5, 4 Denegabit tibi Dominus B; Tibi denegat filius C. — 6, 1 velit A. — 8, 4 Nobis reconcilietur Dominus BC. — Str. 9 12 fehlen B. — 12, 4 Perduc ad veram. C. — In B und C als Lectiones wie Anal. XXIV, 55, aus jüngeren Quellen; in A unmittelbar angeschlossen an Nr. 134. Unser Gedicht ist ein selbständiges Stück, aber von demselben Verfasser wie dieses; das beweist hier Str. 7, dort Str. 28.

131. De Beata Maria V.

- | | |
|--|---|
| <p>1. Stella maris, o Maria,
Porta caeli, vitae via.
Maris portus naufragantum,
Naufragantes duc ad portum.</p> <p>2. Nos submersos in peccatis
Salva, mater pietatis,
Da, quod per paenitentiam
Veniamus ad veniam.</p> | <p>3. Tu piscina probatica,
Miserorum spes unica.
Ablue nos exterius
Et munda nos interius.</p> <p>4. Vitiorum de sentina
Nos erue, virgo pia,
Ignem extingue Veneris,
Ne crememur cum miseris.</p> |
|--|---|

Collectan. ms. S. Orientii Auxitani saec. 12. Cod. Parisin. Nouv. acq. 456. add. saec. 13.

132. De Beata Maria V.

- | | |
|--|--|
| <p>1. Virgo, mater melliflua,
Te deprecantes adiuva,
Surge, virgo puerpera,
Hostis repelle machinas.
Ave, Maria.</p> <p>2. Gregis caulas ne deseras,
Lupum mordacem conteras
Et hostiles versutias
Procul a nobis facias.
Ave Maria.</p> | <p>3. Surge, materna pietas,
Tua nos reple gratia,
Quae hostium insidias
Effuget et nos muniat
Per te, Maria.</p> <p>4. Surge, virgo fructifera,
Genetrix integerrima,
Confer nobis iuvamina
Auferens cuncta noxia,
Pia Maria.</p> |
|--|--|

- | | |
|--|--|
| 5. Quae baiulasti filium,
Vitae et mortis dominum,
Fuga catervas daemonum,
Donans nobis remedium,
Virgo Maria. | 10. Parce iam culpis, domina,
Parce, mater piissima,
Rumpe Satanae retia,
Nostras dirige semitas,
Virgo Maria. |
| 6. O consolatrix domina.
Quae omnibus es omnia,
Delicti solve vincula,
Quae me torquent tam gravia,
Mater Maria. | 11. Funde preces pro miseris,
Colentibus te subveni,
Ut puri a contagiis
Poli fruamur gaudiis
Per te, Maria. |
| 7. Heu, quam nefanda crimina
Et omni labe sordida,
Plenus sum immunditiis
Et foetore libidinis;
Parce, Maria. | 12. Mater supremi iudicis,
Virgo, misellis subveni.
Ut per te cum caelicolis
Personemus hymnidicis
Aula, Maria. |
| 8. Heu, dirae mortis sarcina,
Quae ut fur omnes enecas!
Quo mea ibit anima,
Quae tot complevit vitia?
Audi, Maria. | 13. Tu igitur ad sidera
Nos ad te sursum eleva,
Ut inter sacras epulas
Tecum simus in gloria,
Sancta Maria. |
| 9. Heu, quam fuerunt dulcia
Plena foetore crimina!
Si comparantur omnia,
Quis est, qui me eripiat?
Parce, Maria. | 14. Hoc nobis trina unitas
Et simplex donet trinitas,
Ut non sit nobis sarcina
Mortis finis, sed gloria.
Ave, Maria. |

Orat. ms. Benedictin. (Monial.) saec. 12/13. Cod. Capit. Schaffnaburgen.
181. — 2, 7 caulas ne differas. — 8, 3 Plena. — 12, 5 Lies Ave, Maria?

133. De Beata Maria V.

O regina angelorum,
mitis hera gentium,
Porta caeli, mater Dei,
flos et gemma virginum,
Funde preces apud tuum,
quo laetaris, filium,
Ut caeleste nobis regnum
tribuat post obitum.

Orat. ms. Benedictin. (Monial.) saec. 12/13. Cod. Capit. Schaffnaburgen. 181.

134. Oratio ad laudem beatæ Mariæ, matris Domini.

- | | |
|--|---|
| 1. Salve, regina omnium,
Virgo mater, post filium,
Salve caelestis ianua,
Peccatoribus patula. | 10. Audi voces miseriae,
Quas non possum exsolvere,
Nisi tibi, sanctissima,
Virgo post partum unica. |
| 2. Salve, tu Dei genetrix,
Virgo florens et fertilis,
Tuo processit utero
Tamquam sponsus de thalamo, | 11. Ne tibi sit offensio
Tot scelerum confessio,
Nam se calcari pedibus
Meis nollet diutius, |
| 3. Qui nos venit redimere,
Mundum dignatus visere,
Ne sit mihi damnatio,
Piissima redemptio. | 12. Si me terra cognosceret,
Se sup̄ me dehisceret,
Sum enim bonis omnibus
Malis meis contrarius. |
| 4. Ecce, quantum horribilis
Castis assisto oculis,
Tuis primum, post omnium
Felicibus caelestium, | 13. Quod diligis, non diligo,
Virginitatem fugio,
Perversus, mendax, invidus,
Illicitorum cupidus, |
| 5. Quorum mea luxuria
Mordetur pudicitia;
Nec solum istud vitium
Mihi infert iudicium, | 14. Ira frendens et odio
Et semper studens otio.
O quam lugere debeo.
Tot vitiis quod servio! |
| 6. Sed quot dicuntur nomina,
Tot mihi insunt vitia,
Quorum miser dominio
Assiduus inservio. | 15. Nam non urbis excidium,
Sed animae periculum;
Imago Dei deperit,
Anima caelo decedit. |
| 7. Et quia moles criminum
Me malis facit miserum,
Ad te solam confugio,
Tuum solamen quaerito. | 16. Quid dicam ante iudicem,
Caelis, terris terribilem,
Dum statuet iudicium
Et iudicabit saeculum? |
| 8. Pande mihi piissimum
Pietatis sacrarium,
Pateant aures beatæ
Meæ vocis angustiae. | 17. Vix iustus tunc salvabitur
Et impius damnabitur,
Ibi parebunt omnia
A saeculis abscondita. |
| 9. Appella pro me filium
Dei tuique unicum,
Ut sit mihi remissio,
Quod te prae omnibus quaero. | 18. Unusquisque pro merito
Recipiet a Domino,
Boni bonorum gaudia,
Mali malorum praemia. |

19. Locus mei similibus
Cum igne, gelu, vermibus,
Infelices, qui talia
Passuri sunt supplicia,
20. Ego tamen prae omnibus
His horum ero socius.
Heu, heu, mihi misero!
Cur processi ex utero,
21. Cur lactatus uberibus,
Cur nutritus remissius,
Ut infernales pascere
Et caeli regna perderem?
22. Mors mea nimis misera;
Lugete mecum, omnia,
Dole, caelum, superius,
Terra, nec non inferius,
23. Immo Christum exposcite
Et pro me intercedite.
Quonam miser confugiam,
Quem advocatum repetam?
24. Sum peccator prae omnibus,
Idcirco nec sublimius;
Expedit me transcurrere
Et adiutorem quaerere.
25. Tu, sancta Dei genetrix,
Hac es in re possibilis,
Te spem meam constituo,
Tibi me servum offero.
26. Fide mea me suscipe,
Nato tuo restitue,
Mea infelix anima
Ne sit in fine perditâ.
27. Praesta mihi subsidium,
Dum hoc suspiro saeculum;
Et cum recedet spiritus,
Adesto castis precibus.
28. Nam te orante, domina,
Sanctorum surgent milia,
Si tu sola silueris,
Vox nulla erit aliis.
29. Nam es regina caelitum,
Rectrix, redemptrix omnium,
Noli silere, domina,
Esto mihi propitia.
30. Non vult enim me perdere,
Qui me redemit sanguine,
Ille, regina, unicum
Quem genuisti filium.
31. Fac festum eius angelis,
Fac nunc vacare gaudiis,
Mea enim conversio
Fiet eis laetatio.
32. Et conversum a vitiis
Custodi, Dei genetrix,
Me cunctis locis protege,
In viam pacis dirige.
33. Stantem, sedentem corrige,
In cunctis factis dirige,
Manum sacratam porrige
Labentem nec non erige.
34. Marina stella, obsecro,
Serve me maris taedio,
Aufer a me periculum,
Ut vales et scis indigum.
35. Vales enim prae omnibus,
Quos praecellis virtutibus.
Tu angelorum domina
Et prophetarum gloria,
36. Apostolorum, martyrum,
Confessorum et virginum
Nec non sanctorum omnium,
Ut est ordo caelestium,
37. Quorum iuncta consortio
Ora pro me miserimo,
Solve mei miseriam
Et impende clementiam.
38. Ab hoedis tristem eripe
Et ovibus intersere,
Fac me gaudere floridis
Paradisi deliciis,

- | | |
|---|--|
| 39. Ut Christi vocem audiam,
Per quam regnum possideam,
Per te, regina omnium,
Virginitatis speculum. | 44. Ut sit mihi proficuum
Et avertat periculum,
Cumque micabit terminus
Omnium rerum caelitus, |
| 40. Audi, Christe piissime,
Patris matrisque unice,
Illius absque termino,
Istius in hoc saeculo, | 45. Eius mihi confessio
Sit scelerum remissio,
Et adipiscar veniam
Evadendo sententiam. |
| 41. Audi matrem piissimam,
Quam sic fecisti inclitam.
Haec est, cuius visceribus
Dulcis prodisti dulcibus. | 46. Nec imputes stultitiae,
Rex Christe clementissime,
Quod nominare audeo,
Exponere quod nequeo. |
| 42. Dulcedinem inveniam,
Quam in te spero unicam.
Tu es enim suavitas
Et singularis pietas. | 47. Legem enim necessitas
Neque habet adversitas.
Vale, redemptor omnium.
Generale dominium, |
| 43. Adiuro te, rex, iterum
Per hoc nomen mirificum,
Cunctis rebus terribile,
Cunctis saeculis mirabile, | 48. Vale, beata trinitas
Et triplicata unitas,
Vale per omne saeculum
Et dele massam scelerum. |
49. Salve, tu Dei genetrix,
Virgo inaestimabilis,
Salve, caelestis pietas
Et pietatis caritas,
Sis servi tui, deprecor,
Immeriti non inmemor.

Orat. ms. Benedictin. (Monial.) saec. 12/13. Cod. Capit. Scaffnaburgen.
181. A. — Orat. ms. incertae orig. saec. 12. Cod. Oxonien. Canon.
Miscell. 266. B. — 2, 1 Salveto Dei B; vgl. 49, 1. — 5, 2 Virgo B.
— 4, 3 prae omnium B. — 5, 3 Nec solum unum vitium A; Nec istud
modo vitium B. — 6, 3 misera A. — 6, 4 Assidua A. — 7, 2 malus B. —
8, 3 aures beatæ Mariae A; aures sanctissimæ B. — 9, 3 Et sit A. —
9, 4 quaero prae omnibus AB. — 11, 1 Ne sit mihi A. — 12, 2
Me subter se discerperet B. — 12, 4 contraria. — 13, 3 Perversa, mendax,
invida B. — 13, 4 cupida B. — 14, 2 Studensque semper A. — 16, 3 Cum
B. — 19, 1 meis B. — 20, 2 socia A; Si horum B. — 20, 3 miseram A. —
21, 1 lactata A. — 21, 2 nutrita A. — 21, 3 infernale A. — 23, 3 misera
effugiam A. — 23, 4 expetam A. — 24, 1 Cum peccator B; Sum peccatrix
A. — 25, 4 me ancillam offero A. — 29, 1 caelorum A. — 31, 4 Fiat A. —
34, 2 Servare maris B. — 34, 3 Aufer mihi B. — 34, 4 indigam A; In-
dignum B. — 35, 2 Quas A. — 37, 2 miserrima A. — 40, 3 Illiusque B. —
43, 1 Adoro te B. — 43, 2 mirificum tetragrammaton A. — Str. 47 fehlt
A. — 49, 5 Sis ancillae tuae obsecro A. — 49, 6 Iam meritis non A. —
Ein Bruchstück dieses Liedes siehe Anal. XXXII, 193. In B schließt sich
an dies Lied unmittelbar Nr. 130 an. — Die Kollation von B nach Abschrift
von Rev. H. M. Bannister.

135. De Beata Maria V.

1. Maria, virgo regia.
Sponsa regis et filia,
Quam Dei sapientia
Elegit ante omnia.
2. O benedicta femina,
Universorum domina,
Summi regis arcaria
Et eius secretaria,
3. Dei reclinatorium
Et eius consistorium,
Armarium paracliti,
Sacrarium altissimi.
4. Domus regis eburnea,
Eius interna camera,
Quam dedicavit caelitus
Missus ab eo spiritus,
5. Maria, fons iustitiae
Et vena indulgentiae,
Casti pudoris cumulus
Ac pietatis titulus.
6. Caritatis signaculum,
Totius boni speculum,
Aurora veri luminis,
Arca divini seminis.
7. Columba placidissima,
Turtur, avis castissima,
Cui faber Deus aureas
Praeparavit marenulas,
8. O margarita candida,
O stella mundi splendida,
Vera eius pacifera,
Facta caeli clavigera,
9. Tu paradisi porta es,
Ad caelum scala facta es,
Per quam Deus ad homines,
Ad Deum scandunt homines.
10. In domo Dei supera
Oliva es fructifera,
Tu cella olearia,
Repleta Dei gratia,
11. Aromatum areola,
Ab hortulano consita,
Tu in horto arbuscula
Salubris, aromatica.
12. Aeterni sponsa principis,
Tu affluis deliciis,
Decora et spectabilis,
Tota desiderabilis.
13. In Salomonis ferculo
Tu es lignum de Libano,
Columna es marmorea
De base sargens aurea.
14. Turris David fortissima,
Quae habet propugnacula,
Contra Damascum respicis,
Cives regis ac protegis.
15. Tu frigus idolatriae
Et gelu ignorantiae,
Tu Aquilonem deicis,
Cum regem Austri concipis.
16. Sublimis es puerpera,
Virga lesse florigera,
Flos ille tuus filius,
Ortus ex tuis ilibus.
17. Cui caeli servit solium,
Tu genuisti filium,
Creatura principium,
Deum, regem mancipium.
18. Mira regis humilitas,
Miranda tua sanctitas!
Qui tua suxit ubera,
Caelo locavit sidera.

19. Lucis solaris artifex
Sub sole homo factus est
Et, qui creavit omnia,
Creatur inter omnia.
20. Qui erat sine tempore,
Humanatur in tempore,
Et verbum invisibile
Per carnem fit visibile.
21. Ut sexus omnis gaudeat,
Ut Dei laudes ambiat,
Puer ille, qui nascitur,
Femina, unde nascitur.
22. Laetetur ergo femina,
Sua solvuntur crimina;
Quod in Eva peccatum est,
In Maria donatum est.
23. Virgo quae caret macula,
Tersit eius piacula,
Mater per suum filium
Evae tulit opprobrium.
24. Quam benedicta virgo es
Inter omnes mulieres,
Quae mediatrix facta es
Inter Deum et homines!
25. Quam capax tuus uterus,
Quam magnus urbis ambitus,
Quo Deus et ecclesia
Laeti celebrant nuptias!
26. Quam laeta haec coniugia
Et quanta plena gratia,
Ubi sponsus, qui filius,
Pater et ipse dominus!
27. Qui sibi matrem eligit,
Sponsam eandem perficit,
Ex eius ortus semine
Suo lustravit sanguine.
28. Tanti pompam mysterii
Laeti celebrant angeli,
Dum Deo canunt gloriam
Terrisque pacem nuntiant.
29. Et tu, mater sanctissima,
Virgo gloriosissima,
Dum sedes ad praesaepia,
Cantas epithalamia.
30. In iubilo psalterii
Assumpta tuba ductili
Dulci cantu et supplici
Vagitus tenes pueri.
31. Quam laeta tympanistria,
Quae sua canit gaudia,
Inter sua convivia
Sancta discurret saltria!
32. Laeta stupet mysterio,
Quo mater nubit filio,
Ubi ancilla domino
Et humilis altissimo.
33. Quicumque fidei brachiis
Dei cultum amplecteris,
Tantam pensa potentiam
Et admirare gratiam.
34. Tu non eras, creavit te,
Tu lapsus es, erexit te,
Ut dives caelo fieres,
In terra pauper factus est.
35. Terra transit in hominem,
Homo in Dei subolem,
Ut homo Deus fieret,
Deus homo effectus est.
36. Assumens carnis pallium
Carnis extinxit vitium,
Secus decursus fluminum
Lignum fuit firmissimum.
37. Exultat fortis ut gigas
Mundi percurrens semitas,
Suo exemplo currere
Et mundum docens vincere.
38. In summi patris vinca
Vitis fuit plenissima;
Iudas per avaritiam
Distraxit hanc vindemiam.

39. Iudaeus prelum posuit,
Sanguis et unda profluit;
Inde te, homo, abluit
Et paradiso reddidit.
40. Botrus ille dulcissimus
In vecte crucifigitur,
Incredulus confunditur,
Sed christianus pascitur.
41. Quot lacrimarum rivulos
Tuos lucentes oculos
Dicam fudisse, domina,
In cordeque suspiria,
42. Cum tuum, mater, unicum
Pati vides suspendium,
Dira transpunctum lancea,
Corona saeptum spinea,
43. Agnum de tuo semine
Rubro vernante flumine
Inter manus carnificum
Torqueri hominem-deum!
44. Quot edidisti gemitus,
Quando tibi vicarius
Pro magistro discipulus,
Pro rege datur famulus!
45. Doloris acutissimo
Transverberata gladio
In passione filii,
Mater, martyr efficeris.
46. Sciebas quidem, domina,
Afflata Dei gratia,
Quia de morte filii
Salus manaret homini,
47. Quod mortis abolitio,
Quod vitae reparatio
De hoc crucis mysterio
Exiret omni populo,
48. Quod agnus obit innocens,
Ut mortis vincat principem,
Ut mortem mors exterminet,
De morte vita pullulet.
49. Sciebas, quod in filio
Mundi esset redemptio,
Quod de hoste victoria,
De passione gloria.
50. Maternus tamen animus
Pios effundit gemitus,
Et insitiva caritas
Dulces extorquet lacrimas.
51. Redemptionem hominum
Plenum habebas gaudium,
Sed tua carne genitum
Prosequeris per gemitum.
52. Sed et salvantis gratiam
Ac pietatis unicam
Dum attendens circumspicis
Et admirans amplecteris,
53. De pietatis opere
Egrediuntur lacrimae,
Pro salvatrice gratia
Pia mentis angustia.
54. Hunc, mater, mihi filium
Praesta, quaeso, propitium,
Fac, mihi manum porrigat,
Me male lapsum erigat.
55. Ego peccator sordidus
Lepraque turpi tabidus,
Omni leproso turpior,
Omni nequam miserior,
56. Cururri per nefaria
Iniquitatis opera,
Non declinavi omnia
Pollutionis genera.
57. Quod culpaee est, quod criminis,
Nunquam implere destiti,
Omni reatu sordui
Et omni sorde putui.
58. In torpore socordiae,
In foetore malitiae
Ut iumentum in stercore
Longo cubavi tempore.

- | | |
|---|--|
| <p>59. Iam pro natura vitium,
Iam versum est in habitum,
Iam rationis oculus
Caligine confunditur.</p> <p>60. Sed ora, precor, filium,
Ut per lucis collirium
Malam tollat albuginem
Et mentis hebetudinem.</p> <p>61. Per spiritalem faculam
Solvat peccati nebulam,
Ad sequendam institiam
Lucem refundat perditam.</p> | <p>62. Det aspernari noxia
Et amplecti utilia,
In me confringat omnia
Lutulenta negotia.</p> <p>63. Sic me transire faciat
Huius mundi tendiculas,
Ne me captum retineat
Saecularis illecebra.</p> <p>64. Sit mihi ductor, sit via,
Qua revisatur patria,
In qua pater et filius
Regnant cum sancto spiritu.</p> |
|---|--|

Orat. ms. Benedictin. (Monial.) saec. 12/13. Cod. Capit. Scaffnaburgen.
181. A. — Collect. ms. saec. 13. in. Cod. Tolosan. 871. B. — 4, 2 in terra
B. — 5, 1 Maria splendor gratiae A. — 12, 3 es spectabilis AB. — 20, 4
Crescenscens fit B. — 21, 2 Et Dei B. — 22, 3 sq. fehlen B. — 27, 4 Sine virili
sanguine B. — 28, 3 Cum B. — 29, 3 Cum sedes B. — 31, 4 psalteria B. —
33, 4 factus es B. — 36, 3 Tuo B. — 38, 2 Unde B. — 40, 1 Quos A. —
Nach 41, 4 in B nur noch 51, 3 und 4; 52, 1 und 2 und 53. — 43, 1
Quos edidisti geminus A. — 51, 3 Cum B. — 53, 4 De male B; lapsam A. —
54, 1 peccatrix sordida. A. — 54, 2 tabida A. — 62, 3 captam A.

136. De Beata Maria V.

- | | |
|--|---|
| <p>1. Ave, virgo gloriosa,
Sponsa Dei speciosa,
Summi regis thalamus,
Templum sancti spiritus,
Creatoris omnium
Genetrix et filia,
Es solamen peccatorum
Et iustorum gloria.</p> | <p>2. O Maria, stella maris,
Medicina salutaris
Corporis et cordium,
In hac valle lacrimarum
Sis dux et propitia,
Ut in fine sine fine
Mereamur pervenire,
Ubi sancti voce pia
Cantant Ave Maria.</p> |
|--|---|

Collectan. ms. S. Mariae Rivipellensis saec. 13. in. Cod. Parisin. 5132.

137. De Beata Maria V.

- | | |
|--|---|
| <p>1. Ave, virgo, mater pia,
Dei genetrix Maria;
Ave, din praedicata
Et figuris demonstrata.</p> <p>2. Ave, virgo patri cara,
Plus quam sol et stella clara,
Ave, Christi mater munda,
Sancto spiritu fecunda.</p> | <p>3. Ave, virgo gloriosa,
Dei mater speciosa,
Ave, caeli nitens porta,
Per quam terris lux est orta.</p> <p>4. Ave, virgo Deo grata
Et ab ipso consecrata,
Ave, pulchra plus quam luna,
Quam fideles petunt una.</p> |
|--|---|

- | | |
|--|---|
| <p>5. Ave, virgo praelecta,
Dei genetrix effecta,
Ave, omni labe pura,
Desperatis spes futura.</p> <p>6. Ave, virgo admiranda,
Iam a cunctis veneranda,
Ave, decens et decora,
Clarior lucis aurora.</p> | <p>7. Ave, virgo et intacta,
Salvatoris mater facta,
Ave, cunctorum regina
Et dolorum medicina.</p> <p>8. Ave, virgo benedicta,
Incorrupta mater dicta,
Ave, clemens et serena,
Pietate semper plena.</p> |
|--|---|
9. Ave, virgo, maris stella,
Quae post partum es puella,
Ave, fulgens margarita,
Per quam nobis data vita.

Collect. ms. liturgicum incert. orig. saec. 13. in Cod. Tolosan. 871. — 1, 3 Que diu. — 2, 2 sol et caelo clara. — 3, 4 Per quam caelis lux. — Abschrift von André Carrère S. J.; vgl. Revue des langues Romanes 1895, p. 121. Verbunden ist mit dieser Dichtung der Rhythmus „Vale virgo regia“, der offenbar ein Ganzes für sich bildet.

138. De Beata Maria V.

- | | |
|---|--|
| <p>1. Vale, virgo regia,
Dei plena gratia;
Vale, Iesse virgula,
Florida per saecula.</p> <p>2. Vale, stirps Davidica
Et mater deifica,
Vale, decus virginum,
Quae portasti Dominum.</p> <p>3. Vale, mater Domini,
Grata sancto flamine;
Vale, caeli domina,
Nostra delens crimina.</p> <p>4. Vale, quae per filium
Es salus fidelium,
Vale, expers criminis.
Mater veri luminis.</p> <p>5. Vale, in quam caelitus
Venit sanctus spiritus,
Vale, quae caelestia
Regis et terrestria.</p> | <p>6. Vale, per quam Dominus
Delet nostrum facinus,
Vale, vita saeculi
Et spes vera populi.</p> <p>7. Vale, sole clarior
Atque luna pulchrior,
Vale, plus quam lilium
Candida convallium.</p> <p>8. Vale, semper floribus
Redolens prae omnibus,
Vale, virgo habilis,
Mater ineffabilis.</p> <p>9. Vale, virgo inclita,
Iuxta Christum posita,
Vale, super aethera,
Pia gestans viscera.</p> <p>10. Vale super omnia,
Omni digna gloria,
Vale, quae peccantium
Misereris omnium.</p> |
|---|--|

Collect. ms. incert. orig. saec. 13. in Cod. Tolosan. 871. A. — Collect. ms. incert. orig. saec. 15. Cod. Parisin. Nouv. acq. 1544. B. — Str. 1–6 inkl. fehlen B. Nach Str. 10 fügt dieses bei:

Virgo perennis, ave, qua mundus solvitur a Vac,
Porta salutis, ave, per quam patet exitus a Vac:
Venit ab Eva Vae; Vae quae tollis, ave!

In A verbunden mit dem Rhythmus „Ave, virgo, mater pia“. Abschrift daraus von André Carrère S. J.; vgl. *Revue des langues Romanes* 1895, p. 121 sq.

139. De Beata Maria V.

- | | |
|--|--|
| 1. O regina sanctitatis
Et magistra pietatis,
Disciplina veritatis,
Instrumentum bonitatis,
Nutrimentum libertatis,
Documentum lenitatis. | 7. De te praesumentium.
In te confidentium,
Lacrimas fundentium,
Misere gementium,
Amare dolentium,
Vere paenitentium. |
| 2. Audi preces, quas fundimus,
Te placare contendimus,
Quam semper offendimus,
Nosmetipsos confundimus,
Non peccata defendimus,
Cicatrices ostendimus | 8. Virgo beatissima,
Sanctarum sanctissima,
Piarum piissima,
Dulcisque dulcissima,
Magnarum permaxima,
Mater amantissima. |
| 3. Tibi, mater, quam laesimus;
Quidquid enim commisimus
In fide, quam promisimus,
In te, pia, peccavimus
Nec te pie vocavimus,
Cum a bono vacavimus. | 9. Singularis femina,
Dominarum domina,
Dele nostra crimina
Et tuorum nomina
[Per tua iuvamina]
[Scribe] vitae pagina. |
| 4. Tu diadema regium.
Tu miseris refugium,
Contra hostes praesidium
Et suave remedium,
Confer nobis auxilium
Et utile consilium. | 10. Attende suspiria
Ad te suspirantia,
Comple desideria
Te desiderantia.
Innumerabilia,
Tuis odibilia |
| 5. Placare cura filium.
Qui lumen est fidelium.
Audi, virgo virginum,
Quae lactasti Dominum,
Verum lumen luminum,
Redemptorem omnium, | 11. Vitiorum retia
Disrumpe propitia,
Ut caeli palatia
Ingressi te praevia.
Calcata superbia
Et eius familia, |
| 6. Preces supplicantium,
Sese accusantium,
Te desiderantium,
Ad te suspirantium,
Per te dimicantium,
In te gratulantium, | 12. Absorpta miseria
Et omni penuria,
Cum summa victoria
In caelesti curia
Regnemus in gloria
Per aeterna saecula. |

Collect. ms. incert. orig. saec. 13. in. Cod. Tolosan. 871. — 9, 6 Suis in vitae pagina. — 11, 6 Ut eius. — Abschrift von André Carrère S. J.; vgl. auch *Revue des langues Romanes* 1895, p. 123.

140. De Beata Maria V.

(Figurae veteris Testamenti.)

1. Gaude, virgo laudabilis,
Gaude, mater mirabilis,
Nati per exordia,
Dei mater et filia,
Ipsi nos reconcilia
Impetrando gaudia.
2. Gaude, mater virginalis,
Gaude, virgo triumphalis,
Per Dei potentiam,
Inter matres nulla talis,
Nato consubstantialis
Per carnis materiam.
3. Post esum pomi vetiti,
A sponsa sponso traditi
Serpentis astutia,
Post collatam miseriam
Traheris in memoriam
Praemunis malitia.
4. Praedixit Deus veteri
Serpenti caput conteri
Muliebri capite;
Tu caput es femineum,
Concalcans vipereum
Paupertate divite.
5. Sponsis serpens mortem parat,
Fratr fratrīs caput arat
Vulnere letifero;
Fratricida fit Iudaeus,
Cum mortem passus est Deus
Ligno salutifero.
6. De lumbis Adae prodiens,
Ab arcae claustris exiens
Successorum germine,
Collata benedictio
Tua multiplicatio
In sanctorum agmine.
7. Dumque patris nuda videt
Cham pudenda, male ridet
Sibi dans opprobrium,
Deridentes facta Dei
Crucifixi sic Iudaei
Sibi dant exitium.
8. In filio iucundare,
Promisso filio Thare
Procedente tempore,
Tres videns unum honorat,
Cibos ponit et adorat
In prostrato corpore.
9. Theos Abrahæ sic dicam:
Benedicens benedicam
In data progenie,
Nam filium Saræ dabo,
Ismael multiplicabo
Numero familiae.
10. Sacerdos magnus, rex Salem
Vini, panis immortalem
Placat sacrificio;
Sic verus sacerdos fratri
Misertus obtulit patri
Se crucis supplicio.
11. Tu es odor agri pleni,
De quo memoria seni
Caligatis oculis,
Postremum benedicienti
Placet Deo et parenti
Fitque notum saeculis.
12. Videns Deum Iacob luctat,
Benedictus sic eructat:
Vidi Deum facie;
Datur nomen, salus datur
Et nobiscum minoratur
In humana specie.

13. Redemptorem Christum credit
Iob temptatus nec recedit
A fidei solio,
Resurrecturum se clamat
Et visurum se, quem amat,
Ultimo iudicio.
14. A patre missus accedit
Ad fratres Ioseph. recedit
Venditus in pretium.
Noster a patre descendens
Verus Ioseph fit ascendens
Post crucis supplicium.
15. Primus Ioseph venundatus
Honoratur et temptatus
Profecit scientia,
Noster pie humanatus.
Temptatus et cruci datus
Resurgit potentia.
16. Fraternitas non cognoscit
Fratrem, nec minus ignoscit
Humilis in prosperis;
Ab angelo minoratus
A proximis ignoratus
Miseretur miseris.
17. Dixit Iacob: Princeps erit
Iudas nec stirpi deerit
Sceptralis potentia,
A gentibus expectatus
Donec veniet rex natus,
Dei sapientia.
18. Rubum videt inflammatum
Moyses nec minoratum
Pastor factus ovium;
Stat rubus in incendio,
Sic stat in puerperio
Virgo gignens filium.
19. A servitute lutea
Surgens abit gens Hebreæ
Sequens Dei famulum;
Ab inferni potentia
Redemit sapientia
Deus Dei populum.
20. Dat Hebraeis salutare
Nubis, ignis luminare
Auferendo devium;
Sic geminat in renatis
Luminare caritatis
Pellens omne noxium.
21. Manna mandunt in deserto,
Carnes pluunt in aperto,
Tollitur inopia;
Manna replet vas aureum,
Sic uterum virgineum
Deus Dei copia.
22. Pontificis virga floret,
Fructificat, cum ignoret
Naturae suffragium;
Virgo, natura mirante
Illibata post et ante
Dei parvis filium.
23. Per Balaam appellaris
Stella Iacob, lux solaris.
Luminis initium;
Ex Israel surgens domo
Praeparans Deus et homo
Ducibus exitium.
24. Turbis inquit legislator:
Post me surget profanator,
Tamquam me suscipite;
Prophetam qui recipiet
Venturum, nunquam periet
A sanctorum tramite.
25. Signa quaerit, dantur signa
Gedeoni duo digna,
Pluvia madentia;
Ibi Deus a simili
Divina confert humili
Rorans beneficia.
26. Samson ducit alienam,
Revocat Christus egenam
Gentium ecclesiam;
Samson urbis claustra tulit,
Inferni Christus abstulit
Captivam familiam.

27. Anna sterilis a pari,
Cum te vidit fecundari,
Grates agit Domino;
Praedicat Christum regnare
Et deinceps iudicare
Ignorato termino.
28. Regem dedit Israeli
Loquens Deus Samueli
Facie ad faciem;
Reprobat, cum non obedit,
Deus hunc, alterum dedit;
Cognitus per speciem.
29. Regnat David et post eum
Regnare promittit Deum
Deus suo semine;
Semen David assevero
Verbum in homine vero,
De te natum virgine.
30. Ego flos campi, lilium
Sum, Deus, et convallium
Spes, salus humilium.
Tibi, mater, virginitas,
Tibi, virgo, fecunditas,
Duplex beneficium.
31. Salomonis consecrata
Mulier quaerit a data
Frui sapientia:
Sterilis et viduata
Ad Christum est revocata,
Cedit idolatria.
32. Veniet rex, inquit illa
Austri regina Sibylla,
Sceptra praebens regibus,
Novus nova signa dabit
Et in fine iudicabit
Cum suis principibus.
33. Iuxta vaticinium
Isaiae filium
Profers maris nescia;
Rorat caelum, nubes pluunt
Salvatorem et effluunt
Eius beneficia.
34. Novum fecit Deus mirum,
Cum tu sine viro virum
Concepisti, femina;
Placantem genus hominum
Deo patri tu Dominum
Peperisti, domina.
35. Clausam vidit portam sera
Ezechiel et revera
Notatur sacrarium;
Clausam semper exstitisti
Parens, Deo tribuisti
Humile refugium.
36. Adventu sancti sanctorum
Cessabit circumcisorum
Regalis inunctio,
Fiat licet temporalis
Eius virtus, triumphalis
Sic sanctorum natio.
37. Signum datur sannianti
Regi lapis, ignoranti
Lapidis officium;
Lapis Christus struens reges,
Idolatrix novas leges
Dans vitae commercium.
38. Tres illaesi sunt ab igne,
Quia Deus suos digne
Salvat salvans omnia;
Patri, nato, paraclito
Laudes referunt subito
Sopita calumnia.
39. Mira videns mira refert
Rex indignus, cui defert
Superna clementia;
Quantus, inquit, Dei natus
His apparens miseratus
Adest cum laetitia.
40. Sic eructat Virgilius:
De caelo natus filius
Et nova progenies
Procedet tam subtilius,
Quam ipse mirabilis
Novat novas facies.

41. De te, virgo singularis,
Prodit lapis angularis
Aptus aedificio,
In structura, cum surrexit,
Duas uno circumtexit
Gentes beneficio.

Serm. mss. incert. orig. saec. 13. in. Cod. Oxonien. Laud. miscell. 269.
add. saec 13. ex. — 21, 1 Magna mandunt. — 21, 4 Magna replet. — 35, 2
Iezechiel. — 36, 6 sanctorum facio. — Abschrift von Rev. H. M. Bannister.

141. De Beata Maria V.

- | | |
|---|---|
| 1. Ad sermonem nostrae laudis,
Miseris quas nunquam claudis,
Aures tuae pietatis
Nunc inclina,
Orbis terrarum regina. | 8. Splendor expers tenebrarum,
Quo processit lumen clarum,
Maria, virgo beata,
Sic fuit in mundo nata. |
| 2. Dona nobis intellectum,
Ut loquamur, quod est rectum,
Ne iuxta pravorum morem
Incidamus in errorem. | 9. Orta genere regali
Gratia spirituali
Affluenter est imbuta,
Servans legis instituta. |
| 3. Fac, vox nostra sit sonora,
Quo te laudet omni hora,
Et concelebre mens munda
Laudatione iucunda. | 10. Haec diligenter nutrita
Et honeste custodita,
Ioseph sancto desponsata,
Permansit inviolata. |
| 4. Mater Dei o benigna,
Angelorum laude digna,
Non ad plenum tua gesta
Cuiquam sunt manifesta, | 11. Gabriel, Dei electus.
Ad quam est post haec directus,
A quo pulchre salutata
Erubuit perturbata. |
| 5. Tua facta nec referre
Gens valet totius terrae,
Dum quisque pro posse suo
Psallit in honore tuo. | 12. Verbis consolatur blandis,
Documentis venerandis
Ab angelo edocetur,
Quod mater Dei vocetur. |
| 6. Si quis preces pro peccato
Adfert, has praesentâ nato,
Offerre quae tibi cernis,
Mente devota non spernis. | 13. Cui sic respondet illa:
Ecce, Domini ancilla,
Fiat mihi, ut dixisti,
Sim genetrix Iesu Christi. |
| 7. Virgo sancta, mater Dei,
Ad quam confugiunt rei,
Ab his poenis, quas meremur,
Tua prece liberemur. | |

14. O puerpera sublimis,
O sancta, laudanda nimis,
Cui mysterium caeleste
Creditor angelo teste.
15. Suscipiens illud Ave,
Dulce verbum et suave,
Quod cunctis nimis est mirum,
Concipis nesciens virum.
16. Est tuum corpus intactum
Templum Dei in te factum,
Quem revera genuisti
Et [tuo] lacte pavisti.
17. Caelum, terram gubernantem
Dum conspiceres reptantem,
Piam dextram porrigebas
Et sustinens erigebas.
18. Hic in cunis dum vagiret,
Blandimentis, ut dormiret,
Saepius obtinuisti
Et pannis operuisti.
19. Mater Dei atque nutrix,
Esto nobis nunc adiutrix,
Sicut nos cognoscis velle,
[Et] peccata procul pelle.
20. O nova res et miranda,
Per saecula memoranda,
Qui terram palmo concludit,
Cum virgine matre ludit!
21. Qui caeli continet thronum
Et a quo est omne bonum,
Quemadmodum illi placet,
In sinu puellae iacet.
22. Quae laetatur, sicut debet,
Et oscula ci praebet,
More feminei sexus
Nato suo dat amplexus.
23. A quibusdam dubitatur
Haec viro cur desponsatur;
Dicamus, ne quis ignoret,
Nimirum, ut custos foret.
24. Demonstrat sancta scriptura,
Istud factum propter plura,
Scilicet, ut hunc antiquus
Non cognoscat inimicus.
25. Nam si vere cognovisset,
Deum non crucifixisset,
Pretio sanguinis empti
Nec fuisset redempti.
26. Dedit illi Deus tale
Solacium maritale,
Ne corrupta crederetur
Et ob hoc lapidaretur.
27. Princeps virginum, Maria,
Per te reddita est via,
Quam clauserat nobis Eva
Pro suasionem saeva.
28. Forma, decus puellarum
Et sanctorum feminarum,
Regem, iustitiae solem,
Gaudens esse tuam prolem.
29. Ut sanctus evangelista
Fideliter dicit ista,
Deum verum incarnatum
Confitemur tuum natum.
30. Verba, quae dixit propheta,
Cognoscimus adimpleta,
Dat Deus benignitatem
Propter suam caritatem.
31. Terra nostra dedit fructum
De caelestibus adductum,
Quo cibati et refectioni
Universi sunt electi.
32. Hanc, ut psalmista praedixit,
Terram Deus benedixit,
Avertens captivitatem
Et dans nobis libertatem.
33. Praefulgida maris stella,
Iesum Christum interpella,
Ut tua prece placatus
Nostros expurget reatus.

- | | |
|--|---|
| <p>34. In mundo pro quo pressuram
Tu sustinuisti duram,
Martyrium passa forte
Illius conspecta morte.</p> <p>35. Capta nimio maerore,
Sauciata es dolore,
Dum dator aeternae lucis
Toleraret poenam crucis.</p> <p>36. Tu assumptionis hora
Consurgens velut aurora,
Sicut cunctis est compertum,
Mundum relinquis desertum.</p> | <p>37. Adest angelorum coetus,
Et Iesus occurrit laetus,
In caelesti throno secum
Te locans, ut fuit aequum.</p> <p>38. Inter claras margaritas,
In caelesti sede sitas,
Das fulgorem claritatis,
Nil habens obscuritatis.</p> <p>39. Sancta sic glorificata,
Dilue nostra peccata,
Rogans regem sempiternum,
Ne cadamus in infernum,</p> |
|--|---|
40. Regnum quo possideamus,
In quo semper gaudeamus
Cum agminibus sanctorum
Per saecula saeculorum.

Collect. ms. incert. orig. (Gallicum?) saec. [12. et] 13. Cod. Bernen. 702. — 6, 2 quas praesenta — 19, 1 et nutrix. — 25, 1 cognovissent. — 25, 2 Dominum non crucissent. — 27, 1 virginum regina. — 29, 2 dicit ita. — 36, 4 relinquisti. — 40, 1 Regnum ergo possideamus. — Die Handschrift überschreibt das Gedicht: S. Gregorius de beata Maria. Selbstverständlich ist dasselbe höchstens aus der zweiten Hälfte des elften, wahrscheinlicher erst aus dem 12. Jahrhundert. 15, 2 zitiert die Sequenz: Verbum bonum et suave.

142. De Beata Maria V.

- | | |
|---|--|
| <p>1. Stillat in stellam radium
Caeleste stillicidium,
Mel stillans, quo nil melius,
Virginale praecordium
Praeter naturae studium
Dum replet Dei filius.</p> <p>2. Gaudet virgo, quae filium
Patrem parit humilium,
Praeter quem non est alius;
In luctum vertit gaudium
Crucis sustinens taedium
Stella praesente radius.</p> | <p>3. Maternum cor fit anxium,
Dum videt, quod supplicium
Filius sentit anxius.
Nam propitiatorium,
Sacri cordis sacrarium,
Percussit ipse gladius.</p> <p>4. O virginale lilium,
Rosa per hoc martyrium,
Donum nacta beatius,
Ora patrem, pia, pium,
Post huius vitae stadium
Ut sit nobis propitius.</p> |
|---|--|

Collect. ms. Gallicum saec. 13. Cod. Parisin. fr. 25408.

143. De Beata Maria V.

1. Salve, parens adornata
Virtutibus et signata
Signo pudicitiae,
Praelectum vas honoris,
Sanctissimum vas odoris,
Vas omnis munditiae.
2. Vas decoris, vas sacratum,
Vas splendoris, deauratum
Auro sapientiae,
Vas prae cunctis sublimatum,
A Deo miseris datum
In necem miseriae.
3. Vas sine pari formatum,
Omni bono perornatum,
Plenum omnis gratiae,
Vas mundatum, nos emunda,
Saepe munda et remunda,
Vas misericordiae.
4. O theotocos, flos florum,
O redolens arca morum,
Tu candes ut lilium;
Parum dixi, nam candore
Nivem vincis et odore
Omne aromaticum.
5. O electa spreta Vasthi,
Gentem tuam liberasti
Aman morti tradito,
O fiscella Mosaica,
Vultum benignum indica
Gregi tibi subdito,
Virgo munda, nos emunda,
Saepe munda et remunda,
Gratis, non ex merito.
6. Salve, mater pietatis,
Adnullatrix vetustatis,
Novae vitae formula.
Salve, virgo, noster [risus],
Archa Noe, paradisus
Et Aaron virgula.
- Virgo munda, nos emunda,
Saepe munda et remunda,
Iustitiae regula.
7. Mater dulcis, clemens, pia,
Mundi [salus], caeli via,
Tu Engaddi vinea,
Gemma caeli, mundi rosa,
Proles David gloriosa,
Tu es urna aurea,
Virgo munda, nos emunda,
Saepe munda et remunda
Eruens a framea.
8. Mater veri Salomonis
Atque vellus Gedeonis,
Nos in pace visita,
Quae per rubum designaris
Et regina nuncuparis
Prae omnibus inclita,
Virgo munda, nos emunda,
Saepe munda et remunda
Et nobiscum habita.
9. Felix Anna, iucundare,
Quae meruisti portare
Genetricem gloriae,
Quae puteum sine fundo
Arenti dedisti mundo,
Unde potus veniae.
10. Sancta Lucia, laetare,
Quae parenti sine pare
Servis vera nuntia,
Illi prae amore iuncta,
Servitio rite functa
Pietatis gratia.
11. Sancta Fides cum socia
Elisabeth, matre pia,
Nobis posce veniam,
Ad hoc rei suspiramus,
Te propter hoc exoramus
Et caelestem curiam.

- | | |
|---|---|
| 12. Ad te, Maria, redimus,
Quia sine te perimus,
Porta caeli pervia,
Omnis intrans intrat per te,
Hoc scit et videt aperte,
Qui manet in patria. | 13. Fac nos immunes a malo,
Quod attulit Eva malo,
Et post mortem in gloria
Nos recipe cum gaudio
Regnatos cum filio. |
|---|---|

Collect. ms. S. Mariae de Noa saec. 13. Cod. Parisin. 3388.

144. De Beata Maria V.

- | | |
|--|--|
| 1. Ave, gloriosa,
Dulcis et formosa,
Mater gratiae,
Stirpe generosa,
Prole pretiosa,
Fons clementiae. | 6. Tu virgo sacrata,
Flore comparata
Rosae, lilio,
Moribus ornata,
Vernas sicut prata
Flore vario. |
| 2. Gemma pietatis,
Nexus unitatis,
Lanx iustitiae,
Norma sanctitatis,
Dulcor caritatis,
Datrix veniae. | 7. Tu es fons salutis
Robore virtutis
Et clementia,
Caecis, surdis, mutis,
Ope destitutis
Das remedia. |
| 3. Tu laus angelorum,
Speculum tuorum,
Caeli gloria,
Tutrix pupillorum,
Ductrix captivorum
Ad praesidia. | 8. Tu post Deum prima,
Summis ligas ima
Pacis fascia,
Nobis zeli lima
Culpa purgas zima,
Sis propitia. |
| 4. Tu maestis solamen,
Aegris medicamen,
Piis praemia,
Lapsis dans levamen,
Salus post certamen
Caeli gaudia. | 9. Ave, margarita
Pura, non polita
Fulgens lumine,
Turris monte sita,
Fortis et munita
Sancto flamine. |
| 5. Ave, flos pudoris,
Parens salvatoris,
Plena gaudio,
Donis sacri roris,
Cordis, artus, oris
Carens vitio. | 10. Tu es benedicta,
Nesciens delicta,
Vatum carmine,
Virga, rubus dicta,
Constans et non ficta,
Sine dumine. |

- | | |
|--|---|
| <p>11. Tu sacro pudore,
Sacro fusa rore,
Paris lilium,
Nec te matris more
Cruciat dolore
Puerperium.</p> | <p>15. Tu nautarum stella,
Nautas in procella
Salvans, diceris,
Tu es Dei cella,
Favus stillans mella,
Arca foederis.</p> |
| <p>12. Tu, virgo beata,
Maria vocata,
Spes fidelium,
Pure salutata
Votis et parata
Te precantium.</p> | <p>16. Tu pons et piscina,
Portus et carina,
Quae prae ceteris
Confers in ruina
Gratia divina
Opem miseris.</p> |
| <p>13. Ave, vas virtutum,
Salutis imbutum
Aromatibus,
Cui nil hirsutum
Haeret nec pollutum
Culpa sordibus.</p> | <p>17. Ave, puellarum
Speculum sanctarum,
Splendor gloriae,
Praemium sanctarum,
Palma viduarum,
Flos munditiae.</p> |
| <p>14. Tu desiderata
Diu, tandem data
Sanctis patribus,
Viam das post fata
Mente tibi grata
Famulantibus.</p> | <p>18. Scala peccatorum
Ad regna polorum,
Dono gratiae
Nos per viam morum
Duc ad lucis chorum
Et laetitiae.</p> |

Cod. Coll. Corp. Christi Oxonien. 119. — 3, 2 suorum. — 5, 4 sacris. — 6, 2 phaona comparata. — Abschrift von Rev. H. M. Bannister.

145. De Beata Maria V.

- | | |
|---|---|
| <p>1. Res nova mirabilis,
Virgo semper amabilis,
Virgo venerabilis,
Omnibus comes utilis.</p> | <p>3. Virgo, caeli regia,
Referta plena gratia,
Deitatis pluvia
.</p> |
| <p>2. Virgo, decus virginum,
Caeleste lumen luminum,
Ave, salus gentium
Firmaque spes fidelium.</p> | <p>4. Virgo super omnia,
Tu dele nostra vitia
Et percepta venia
Perducas nos ad gaudia.</p> |

Liber ms. Miraculorum BV. saec. 13. Cod. Parisin. (Arsen.) 3517. — Aus derselben Quelle Gautier, Oeuvres Poétiques d'Adam de St. Victor II, 356.

146. De Beata Maria V.

1 a. Area,
Rosea,
Vinea
 Poderis,
Scirpea,
Vitrea,
Laurea,
 Aetheris
 Lux miseris
 Assereris.

1 b. Aurea,
Turea,
Mellea
 Nasceris,
Gemmea,
Lactea,
Myrthea
 Superis
 Et inferis
 Extolleris.

1 c. Olea
Iudaea,
Iessea
 Diceris,
Tu dea
Nivea,
Laus mea,
 Aderis,
 Quae flecteris,
 Dum posceris.

2 a. Erravimus,
Peccavimus
Et Dominum offendimus,
Id luimus,
Quod lusimus,
Hoc bravio, dum currimus
In stadio, deficiamus.

2 b. Sed gemimus
Et petimus,
Ut emundetur animus,
Nam serimus,
Quod fecimus,
Sed ad portum confugimus,
Dum virginem requirimus.

2 c. Rex optimus,
Altissimus
In hac regnat humillimus,
Quo surgimus,
Quo vivimus,
Quo veterem exuimus
Adam, novum induimus.

3 a. Plebi miserae,
Lapsae temere,
Sere
Propere
Nectar ab aethere.

3 b. Proles liberae
Parens, nitere
Vere
Reddere
Vitam pro munere.

4 a. In te sidere
Detur surgere,
Mente cernere,
Munde vivere,
Iugo subdere
Lasciviae iumentum.

4 b. Caeco vulnere
Nos occumbere
Dat carnis blandimentum,
Sed da vivere,
Da conterere
Vipereum pigmentum.

5 a. Speciosa
Virgo rosa,
Salva peccatores,
Gratiosa,
Virtuosa,
Fac nos meliores.

5 b. Trans clivosa,
Trans saxosa
Rege in amores,
Per spinosa,
Per umbrosa
Dirige cursores.

6 a. Generosa,
Luminosa,
Tuos da fulgores,
Ne lutosa,
Bituosa
Trahant transgressores.

6 b. Animosa,
Gloriosa,
Submove tortores,
Hic annosa
Procellosa,
Stringe percussores.

7. Ave, virgo caelica.
Flos specialis
De stirpe Davidica,
Laus virginalis,
Sponsio prophetica,
Sanguis regalis.

8 a. Lux maritalis,
Spes vidualis,
Da gaudia,
Lux, via
Praevia,
Thalamus decoris,
Mater salvatoris.

8 b. Tu curialis
Pagina moralis,
Tu Maria,
Tu pia
Venia,
Salus peccatoris,
Genetrix pudoris.

8 c. Stella navalis,
Lux verticalis
In patria.
Gloria,
Filia,
Tui genitoris,
Summi conditoris.

- | | |
|--|--|
| <p>9 a. Nostris hostibus
Subrepentibus
Tuis viribus
 Subeas,
 Niteas
 Et nos adeas,
 Cynthia fulgoris.</p> | <p>9 b. Tuis precibus
Tersis sordibus
Nostris mentibus
Deleas,
Paleas
Et exhibeas
 Pascua viroris.</p> |
| <p>9 c. Nobis flentibus
Et labentibus
In his rupibus
 Advehas,
 Augeas,
 Nostri foveas
 Gratiam vigoris.</p> | |
| <p>10 a. Singularis
Stella maris,
 Decor et flos florum,
Sublimaris,
Adornaris,
 Vernans aula morum.</p> | <p>10 b. Exemplaris,
Militaris
 Vita beatorum,
Popularis,
Praesularis
 Laus et spes reorum.</p> |
| <p>11 a. Virgo parens absque pari
 Munda nos, emunda,
Pietate puellari
 Nobis inunda,
 Mellis . .
 unda.</p> | <p>11 b. In gehenna carcerari
 Plebe cum immunda
Nobis absit, sed ornari
 Stola iucunda
 Fac in Christi
 corona rotunda.</p> |
| <p>12. Propera, libera,
Sanes ut vulnere
 Animae mortifera,
 Resera, lux, sidera.</p> | |
| <p>13 a. Nostrum desiderium,
 O desiderata,
Extingue cauterium,
 Quo fervent peccata,
Caro dum incendium
 Parit inflammata.</p> | <p>13 b. Sed tu, candens lilium,
 Deo conformata,
Flentium refugium,
 Absterge reata

 </p> |
| <p>14. Cantica
Lyrica,
 Rhythmica finio,
Mystica
Caelica
 Cantans in gaudio,
 Quiete fruar praevio
 Praesidio.</p> | |

Collect. ms. Vedastinum saec. 13. Cod. Cadomen. 14 (IV^o 18). — 1a, 5 Cirpea. — 1c, 6 Vinea. — 1c, 7 Laus manens. — 5b, 3 amore. — 5b, 6 cruores. — 6b, 4 amosa. — 8c, 3 In fehlt. — 9a, 6 nos adhesis. — 9b, 4 Doleas. — 9c, 4 Adveas. — 11b, 3 adsit. — 11b, 4 Stola nos. — 13b, 4 Abstergens rata. — Der Form nach zu urtheilen, möglicherweise auch Cantio. Von demselben Verfasser das Lied Veris flos, Herba, ros.

147. De Beata Maria V.

- | | |
|---|---|
| 1. Mente gaudens praedicabo
Dei matrem et laudabo,
Tibi carmen decantabo. | 12. O mater virtutum,
Servis tuis scutum
Semper praebere tutum. |
| 2. Cordis mei nosce votum,
Malum a me pelle totum
Et amoris auge votum. | 13. Ut hostis mali sortes
Ipsi vincant fortes
Nec malorum sint consortes. |
| 3. Mater, audi et exaudi,
Miserere miseri,
Me nunc cerne nec hunc sperne
Cantum tui servuli. | 14. O Maria, mater pia,
Mundi salus, vitae via,
A te, quidquid gessi,
Virgo, non recessi,
Te in corde gessi. |
| 4. Ave, mater desponsata,
Dei mater praenotata,
Virgo semper illibata. | 15. Opem a te quaero,
Mater, nec despero.
Sed iuvamen quaero. |
| 5. Ave, lumen Simeonis,
Vellus madens Gedeonis,
Sponsa prudens Salomonis. | 16. Solve meorum
Vincla peccatorum.
Lumen angelorum. |
| 6. Ave, solis florens hortus,
Stella maris, tutus portus
Et optatus semper potus. | 17. O fons indeficiens,
Dulcis et reficiens,
Ad te curro sitiens. |
| 7. Ave, moris disciplina,
Tu caelorum es regina
Et dolorum medicina. | 18. Imple desiderium
Cordis et suspirium,
Dulce refrigerium. |
| 8. Ave, virgo puellarum,
Lux sanctorum et sanctarum,
Per te crescunt nec marcescunt
Flores pudicitiae. | 19. Tu in me robur insere,
Ut hostem possim vincere
Et tecum semper vivere. |
| 9. Ave, rosa speciosa,
Gemma splendens pretiosa,
Virga Iesse fructuosa. | 20. O quam beata,
Per quam reserata
Sunt Adae vitia!
O quam laudanda
Mater et amanda
Per quam tanta munia! |
| 10. Deum caeli peperisti,
Mundo lapso succurristi,
Nexum mortis denexisti. | 21. O quam serena
Virgo, fide plena,
Cuius mira iustitia
Nostra fuit laetitia. |
| 11. (O) virgo Dei sanctissima,
Tu pax mundi tutissima
Et vitis fecundissima. | |

- | | |
|---|--|
| 22. Haec despexit haec terrena,
Caelis regnat haec suprema,
Ubi nulla tristitia. | 31. O res mira, virtus diva
Illibata permansisti,
Natum caelis praemisisti,
Ad cuius dextram resedisti,
Quando mundum reliquisti. |
| 23. Haec est vita mortuorum,
Dulce carmen angelorum,
Interventrix scelerum,
Per quam Christus, rex caelorum,
Vincla solvit peccatorum,
Preces audit contritorum. | 32. Ibi semper veneraris,
Virgo parens, et laudaris,
Quae cum Christo gloriaris. |
| 24. Haec est illa, quae nescivit
Thorum viri, dum . . .
Porta patens caelica, | 33. O quam pium est laudare
Dei matrem et amare,
Toto corde suspirare. |
| 25. Haec est virgo, quae portavit
Deum verum, quem amavit,
Quem laudat plebs angelica. | 34. Quae laudantem protegit
Nec plorantem despicit,
Sed quasi mater respicit. |
| 26. Haec in caelis veneratur
Et in terris adoratur
A plebe catholica. | 35. Gaude, mater pietatis,
Gaude, norma caritatis,
Gaude, forma sanctitatis. |
| 27. Mater dulcis, nos dignare
Tua laude confirmare
Et virtute roborare. | 36. Gaude, virgo castitatis,
Gaude, templum trinitatis,
In manus tuae pietatis
Me commendo, lux claritatis,
Ut me mundes a peccatis. |
| 28. Ne in mundo hoc cadamus,
Te iuvante evadamus,
Lapsi per te resurgamus. | 37. O virgo
Dei piissima.
Ad me pia
converte viscera. |
| 29. Virgo, dulcis parens,
Tactu viri carens.
Modo miro peperisti,
Deum caeli genuisti,
A quo facta tu fuisti,
Post quem virgo permansisti. | 38. O quae via es filiis,
Tuis succurre servulis,
Cunctis fer opem miseris. |
| 30. Tu a Christo es electa
Et ab ipso es protecta,
Cuius mater es dilecta. | 39. Mater dulcis, non me fraudo,
Quando Iesum teque laudo,
Preces audi, carmen claudio. |

148. De Beata Maria V.

1. Ave, mea specialis,
Pulchra, suavis, curialis,
Meus amor, spes in malis,
Non est tanta, non est talis,
 Tu omnium pulcherrima.
Ave, mater, audi, cara,
Sancta parens, aurem para,
Salutanti, supplicanti,
Te amanti, te laudanti
 Tu semper esto proxima.
2. Tu imago Dei viva,
Sanctitatis expressiva,
Vultum tuum rosulentum,
Adornatum, luculentum
 Recogito, considero.
Vellem, vellem te sentire,
Quod sis praesens, fac me scire,
Intuentem intueri,
Sinum tuum fac patere,
 Me totum tibi offero.
3. Ave, ave, dulcis rosa,
Delicata, pretiosa,
Diligenter inquisita,
Sitienter concupita,
 Cur diligentem despicias?
Diu, diu me neglectum,
Praetermitis ut abiectum,
Pia mater appellaris,
Ne in finem irascaris,
 Amantes te non decipis.
4. Ave, mea singularis,
Rosa, rosa tu vocaris;
Et quid dicam tuis caris,
Si sperantem aspernaris,
 Si diligentem despicias?
Ad te vadam et te quaeram,
Cuius ero, sum et eram,
Quoadusque lacessita
Convertaris vel invita,
 Quae diligis, quos eligis.
5. Ave, dico te salutans,
Non ingratum tibi putans,
Signum da, quod sis vicina,
Tuam aurem huc inclina,
 Me qualemcumque audias.
Ave, cuius cor amavi,
Vivas, vivas exclamavi
Et cor meum coaptavi
 Quod nescio, si nescias.
6. Ave, ave tibi dico,
Me habeto pro amico,
Nec sit, cara, tibi grave,
Quod frequento tuum ave,
 Nec, qualis sim, memineris.
Ave suave tibi fero,
Te complexus corde mero,
Esto praesens, dum te quaero,
Te praesentem non despero,
 Amantem te ne oderis.
7. Ave, mea quam dilecta,
Cuius melle mens allecta
Currit, ardet, gaudet, amat,
Ave, salve, gaude clamat,
 Quam dulcis es amantibus.
Ave, clemens advocata,
Sic a tuis es vocata,
Licet vilis sim persona,
Mea tamen tu patrona,
 Praesidium in omnibus.
8. Ave, cuius amor mirus,
Qui te fugit, est delirus,
Propter te qui stulti fiunt,
Omne bonum per te sciunt
 Agentes vitam liberam.
Tuus stultus esse volo,
Quam ex toto corde colo,
Causa tui si confundor,
Inde laetor et iucundor,
 Libenter cuncta sufferam.

9. Ave, bonum magnum meum,
Salus mea tu post Deum,
O amata, o beata,
Semper sis mihi parata,
Nec tua desit gratia.
Ave, ave, quam amare
Est in Christo iam regnare,
Cuius cor ad te pertingit,
Totum se ad te compingit,
Cohaerens cum fiducia.
10. Ave, ave, quam sentire
Est amando te sitire,
Nam tu es in veritate
Maior omni suavitate;
Felices, qui te cupiunt.
Ave, ave, quam nescire
In torpore est perire,
Te qui ardent, ad te vadunt,
In amplexus tuos cadunt,
O quid est hoc, quod sapiunt?
11. Ave, dives et sublimis,
Mea merces magna nimis,
Post laborem, post maerorem
Transfer nos ad tuum florem,
In pratum verni nemoris.
Ave, pro qua non quiesco,
Quam amando iuvenesco;
Tuus amor totus suavis,
Lenis, levis et non gravis,
Impinguans flatum pectoris.
12. Ave, cuius pro amore
Mori vellem in dulcore;
O beata mortis bora,
Ubi ades, o decora!
Quam felix, cui tunc aderis!
Visitari, consolari
Per te sperant tui cari:
De excelsis, virgo, caelis
Mibi tunc adessee velis;
Saluto te, dum veneris.
13. Ave, ave exclamabo
Meque tibi commendabo,
Ave, dicam, ave, pia,
Esto mecum hac in via,
Maria, modo libera.
Cara mea, tunc appare,
O Maria, non morare
Veni
Et me tuo fer dilecto
Porrecta mihi dextera.

Orat. ms. Franciscan. saec. 14. in. (Privatbesitz). — 3, 6 neglectam. — 3, 7 abiectam; dafs die Form zu ändern ist, zeigt 6. 2. — 6, 7 complexa. — 8, 6 Tua stulta. — 12, 5 qui tunc. — Dies Lied ist verwandt mit dem Gedichte Anal. XXXII, Nr. 63, den Liedern bei Mone I, Nr. 123—126 und III, Nr. 1195, und zwar nicht blofs in bezug auf die metrische Form, sondern ebensoschr rücksichtlich der Diktion und der Behandlung des Stoffes.

149. De Beata Maria V.

1. Alma redemptoris
Mater, omnium,
Salus peccatoris,
Spes fidelium,
Quae porta caeli pervia
Manes filia.
2. Stella maris
Vocaris.
Subleva cadentes
Et flentes
In hac via, pulcherrima
Virgo Maria.

- | | |
|--|--|
| <p>3. O quam laudanda,
Beanda
Mater Dei,
Nostrae spei
Domina
Tu propitia!</p> <p>4. Rosa fragrans
 misericordiae,
Pelle pia
Nostra vitia,
Quae genuisti
 regem omnium.</p> | <p>Domina
Piissima,
Praesta auxilium,
Tuum, genetrix, filium
Fac propitium.</p> <p>5. Assis nobis
 modo celerius,
Te invocamus,
Laudamus,
Mater, filia,
Nos tuo nato reconcilia,
Virgo vere,
Nostri miserere.</p> |
|--|--|

Collect. ms. S. Floriani saec. 13. et 14. Cod. Florian. XI 587. add. saec. 14.

150. Ad Beatam Mariam V.

- | | |
|--|---|
| <p>1. Ave, mater salutaris,
Christi sponsa singularis,
Audi, clara stella maris,
 Audi, plena gratia.</p> <p>2. Benedicta es in caelis,
Christi genetrix fidelis,
Advocata nostra velis
 Esse plena gratia.</p> <p>3. Cunctis semper es amoena,
Virgo dulcis, o serena,
Omni dono tu es plena,
 Speciosa domina.</p> <p>4. De supernis salutata.
Bona mater, cunctis grata,
Virgo manens impraegnata,
 Salve, mater gratiae.</p> <p>5. Eia, fratres, auscultate,
Talem matrem invocate
In vestra necessitate,
 Quae est vena veniae.</p> <p>6. Felix namque es tu dicta,
Christi mater benedicta,
Audi, virgo, mater dicta
 Piissima clementiae.</p> | <p>7. Gaude, mundi lux divina,
Gaude, caeli et regina,
Clara stella matutina,
 Fons misericordiae.</p> <p>8. Haec est illa tam decora,
Quae ascendit ut aurora;
Ut conserves omni hora,
 Te rogamus hodie.</p> <p>9. Illa virgo figurata,
Multis dotibus ornata,
Super caelos exaltata
 Mater fuit Domini.</p> <p>10. Kyrie, qui nos fecisti,
Et Mariam elegisti,
Ex qua carnem assumpsisti,
 Dans medelam homini.</p> <p>11. Lux es alta, o Maria,
Peccatorum recta via,
Iesu Christi sponsa pia
 Et regina saeculi.</p> <p>12. Mater, nostra es beatrix,
Afflictorum consolatrix,
Peccatorum liberatrix
 Totius periculi.</p> |
|--|---|

Brev. ms. S. Bartholomaei Trisulten. saec. 14. Cod. Vatican. 7683. add. saec. 14. — Der Abedarius scheinbar unvollständig.

151. De Beata Maria V.

- | | |
|--|---|
| <p>1. Qui te orant, o Maria,
 Esto sui recta via,
 Tuo nato dic, o pia:
 Miserere peccatorum.</p> | <p>3. Tu es mater puritatis,
 Vas beatae trinitatis,
 Plena summae bonitatis,
 Paupertatis remedium.</p> |
| <p>2. Tu es decus beatorum,
 Via, portus viatorum
 Advocataque cunctorum,
 Florum flos virginitatis.</p> | <p>4. Egestorum (es) solacium,
 Errantibus refugium,
 Peccantibus subsidium,
 Aegrotantibus medicina.</p> |
5. Clara stella matutina,
 Flos et rosa sine spina,
 Contemplatio divina,
 Salva nos, virgo Maria.

Collect. ms. Veronense saec. 14. Cod. Capit. Veronen. 823 (819). —
 Die Schlufszeile jeder Strophe reimt mit den drei ersten Versen der folgenden Strophe; 5, 4 mit 1. 1ff.

152. Ad Beatam Mariam V.

- | | |
|---|--|
| <p>1. Mater patris et filia,
 Supernorum laetitia,
 Stella maris eximia,
 Audi nostra suspiria.</p> | <p>2. Regina poli curiae,
 Mater misericordiae,
 In hac valle miseriae
 Sis reis porta veniae.</p> |
|---|--|
3. Maria, propter filium
 Confer nobis praesidium;
 Bone fili, prece matris
 Dona tuis regnum patris.

Cod. Oxonien. Laud. Miscell. 507. saec. 14.

153. De Beata Maria V.

- | | |
|---|---|
| <p>1. Illustrator cordium
 Fit nostrae propaginis,
 Salutis exordium
 Compictor imaginis.</p> | <p>3. Hanc domum, portam, tumulum,
 O Maria, visita,
 Carnis nostrae simillima,
 Ad veram vitam excita.</p> |
| <p>2. O res nova, mirabilis!
 Rosa fraglat lilium,
 Ignara viri seminis
 Virgo profert filium</p> | <p>4. Ave, mater gratiae,
 Solamen miserorum,
 Speculum munditiae,
 Purgamen immundorum.</p> |

5. Nobile triclinium,
Tu forma virginalis,
Deitatis scrinium
Et flos imperialis.
6. Nunc rore plena gratiae
Nubesque luminosa,
Canticum laetitiae,
Restaura ruinosa.
7. Et vinculum malitiae
Dissolve, dominatrix,
Caelesti militiae
Coniunge, mediatrix.
8. Sis nobis propitia,
Diva pietatis,
Solve nostra vitia,
O decus castitatis.
9. Karitatis vinculo
Nos semper constringe
Et caritatis viscera
Nos indue benigne.
10. Emulos nos facias
Verae castitatis,
Amatores facias
Christi paupertatis.
11. Casta virgo et regina,
Mater salvatoris,
Serva nos a tristi nece
Omnibus in horis.
12. Karbybdis malitiae
Nos nunquam involvat
Et orcus miseriae
Nos non deprehendat.
13. Eia, virgo regia,
Rivus fluens melle,
Tua per suffragia
Mala procul pelle.
14. Nunc virtutum regula,
Genetrix benigna,
Cuncta prece sedula
Comprime maligna.
15. Salve, regis gentium
Sponsa Sunamitis,
Sitim pelle mentium,
Radix verae vitis.
16. Tuum nobis iugiter
Assit consolamen,
Ac in morte firmiter
Prosit adiuvamen.
17. O Christi puerpera
Dulcis et patrona,
Nos peccantes repara
Auferendo vana.
18. Regina dulcis, filium
Pro nobis tunc exora,
Quando suum stimulum
Mors offert sine mora.
19. Fac, o pacis vinculum,
Virgo singularis,
Ut tergantur crimina,
Portus salutaris.
20. Fiat et per gratiam
Nostri salvatoris,
Ut sis piatrix criminum
Pultrixque maeroris.
21. En, tu sole pulchrior
Stella matutina,
Nos famulantes tibi
Serves a ruina.
22. Rogamus ergo supplices
Te, flos virginitatis,
Nam portus indulgentiae
Es, forma sanctitatis.
23. Da nobis tuam gratiam,
Gratiae pincerna,
Ad tuendum propera,
Mergamur ne inferna.
24. Es radix odorifera,
Veniae lucerna,
Purga nos, puerpera,
A labe veterna.

- | | |
|--|---|
| <p>25. Suavitatis poculo
 Venenum depellis,
 Quod immittit astutia
 Maligni versipellis.</p> <p>26. Te fatemur dominam
 Reginamque caelorum,
 Secerne nos a loculis
 Et poenis infernorum.</p> <p>27. Regis habitaculum,
 Domini Messiae,
 Salva nos in stadio
 Praesentis huius viae.</p> <p>28. Ave, o ficulnea.
 Dans signum aestatis,
 Ad verna aetherea
 Duc nos cum beatis.</p> <p>29. Virgo admirabilis
 In conditione,
 Assis tuis famulis
 Cum protectione,</p> | <p>30. Benigna tu defensio
 Tuorum devotorum
 Atque salus omnium
 Et mater orphanorum.</p> <p>31. In hoc ergo corpore
 Et mundi procellis
 Lites aufer cordium
 Et finem pone bellis.</p> <p>32. Nostra nunc precamina,
 Virgo, fac iucunda
 Christo tuo filio,
 Fac corda nostra munda.</p> <p>33. Gaude, nostrum gaudium
 Atque consolamen,
 Patronam nunc rogamus
 Mentis per nictamen
 Carnis post excidium.
 Ne remoriamen
 Facias, sed hostium
 Vim repellas. Amen.</p> |
|--|---|

Orat. ms. S. Petri Salisburgen. saec. 15. Cod. Petrin. a IV 39. — 33, 3 Et patronam nunc. — 33, 4 Zu nictamen die erklärende Glosse vigilantiam. — Aufschrift: „Oratio de adiutrice nostra, Maria theotocos, continens hoc nomen Iohannes Keckenstorffer de Straubing in serie capitalium.“ — Iohannes de Straubing war Mönch von St. Peter in Salzburg, prof. 28. Juli 1456, ob. 25. Mai 1501.

154. De Beata Maria V.

- | | |
|---|--|
| <p>1. Deus admirabilis,
 Solus immortalis,
 Filius spectabilis,
 Patri coequalis,
 O inenarrabilis,
 Spiritus aequalis,
 Trium manens stabilis
 Norma socialis.</p> | <p>2. Sempiterna trinitas,
 Ens in unitate,
 Trinitatis unitas
 Pari maiestate,
 Perseverans deitas
 In aequalitate,
 Conformis aequalitas
 Una deitate.</p> |
|---|--|

3. Eius influentia
Vivimus et donis,
Angelis potentia
Praesidet et thronis,
Nulla differentia
Dominationis,
Unus in essentia
Trius in personis.
4. Frustra modus quaeritur
Generationis,
Nam quaerens obruitur
Vigor rationis,
Sola fides fungitur
Vi probationis,
Haec et prima ponitur
Pars orationis.
5. O praedestinatio
Proflueus abunde!
Deus in palatio
Virginis fecundae
Incarnatur, ratio
Nescitur et uude
Prolis sit donatio
Genetrici mundaе.
6. Sola scit mysterium
Incarnationis,
Sola refrigerium
Consolationis,
Sola puerperium
Generationis,
Cuius est imperium
Dominationis.
7. Mater est et dicitur
Virgo prolis purae,
Creator transgreditur
Legem creaturae,
Vincitur, non laeditur
Prima lex naturae,
Auctori conceditur
Uti plus quam iure.
8. Quam felix fecunditas
Virginis praesentis,
Quam perpes integritas
Matris parientis,
Quam mera simplicitas
Angelo credentis,
Quam regit humilitas
Incorruptae mentis!
9. Cellula vinaria,
Rosa sine spina,
Evae tu contraria,
Per te lex divina,
Virtus multifaria,
Virginum regina,
Stella marinaria
Luxque matutina.
10. Praeclusisti devium,
Virgo singularis,
Concepisti praemium
Vitae spiritualis,
Ducem vitae praevium,
Aula virginalis,
Contra mortis taedium
Virgula vernalis.
11. Tu es oris osculum,
Plena caritate,
Mundo dans spectaculum
Cum humanitate,
Solis tabernaculum
Mira claritate,
Dei habitaculum
Salva castitate.
12. Te sanctorum populus
Canit in scripturis,
Nullus vacat locus
Siquis aut figuris,
Es exempli baculus
Novis et futuris,
Tuae laudis titulus
Multis forma iuris.

13. Deus ex te nascitur
Sub humana veste,
De virga flos oritur
Isaia teste,
Vetus homo moritur
Rigida de peste,
Novum genus solvitur
Criminis a reste.

14. Te figurat mystice
Vellus Gedeonis,
Te designat typice
Rubus visionis,
Tu terra verifice
Repromissionis,
Praelata mirifice
Angelis et thronis.

15. Te mirandam posteris
Textus praedicavit
Testamenti veteris,
Te significavit
Arca vetus foederis,
Urna, quae gestavit
Manna, te prae ceteris
Signis denotavit.

16. Nostrum es sacrarium,
Quos exemplo praeis,
Patens oratorium,
Liber novae legis,
Tu reclinatorium
Mundum summi regis,
Propitiatorium,
Medicina reis.

17. Literarum apices
Tibi famulantur,
Prophetarum ordines
Te vaticinantur,
Te superni iudices
Digne venerantur,
Reges ac pontifices
Per te sublimantur.

18. Verum sed absconditum
Manna tu portasti,
Carne dum reconditum
Deum generasti,
Patribus hoc abditum
Verbum revelasti,
Genus Adae perditum
Sic recuperasti.

19. In te mercimonia
Plena sunt dulcoris,
Perpes castimonia
Nivei decoris,
Patrum sanctimonia
Laudis et honoris
Praebent testimonia
Matri redemptoris.

20. Per te repromissio
Facta consummatur,
Et praevaricatio
Prima relevatur,
Legis excaecatio
Per te declaratur,
Sed et novae datio
Gratiae monstratur.

21. Solamen plangentium,
Spes desolatorum,
Cura delinquentium,
Venia reorum,
Norma te sequentium,
Pausa viatorum,
Vera salus gentium,
Portus naufragorum.

22. Nullus in periculis
Se sentit derelictum,
Sed nec in spectaculis
Mundi se relictum,
Precibus qui sedulis
Cornu gerit fictum,
Orans pro piaculis
Nomen benedictum.

23. Tolle vehementiam
Dirae passionis
Apponendo gratiam
Consolationis,
Moveat clementiam
Vis compassionis,
Mater, fer sententiam
Restitutionis.

24. O Maria, quaerulus
Asto hic peccator.
Tui sancti sedulus
Nominis amator;
O Iesu, puerulus,
Matris et creator,
Asto tibi credulus,
Meus sis salvator.

Collect. ms. Stiriaceuse saec. 15. Cod. Stiriacen. L 26 [s. n.]. — 3, 8
Trinis in. — 4, 4 Vigore. — 6, 1 Sola sit. — 10, 1 Praeclusti. — 12, 1
populis. — 13, 8 Omnibus in veste. — 16, 7 Tu propitiatorium. — 17, 3
ordines gegen den Reim; lies indices? — Nach 24, 8 noch: Praestante etc.

155. De Beata Maria V.

1. Ave, plena gratia,
Angelorum domina,
Virgo Maria;
Ave, mundi gloria,
Stella maris fulgida,
Virgo Maria.

3. Salve, beatissima,
Rege cordis intima,
Virgo Maria;
Nostra dele peccamina
Tergens et cuncta crimina,
Virgo Maria.

2. Consolatrix omnium,
Tu maestorum cordium,
Virgo Maria;
Placa tuum filium,
Creatorem omnium,
Virgo Maria.

4. Sana corda saucia,
Dona vitae gaudia,
Virgo Maria,
Post hanc vitam veniam
Ad salvandam animam,
Virgo Maria.

5. Nos commenda filio
Ducens ab exilio,
Virgo Maria;
Pande caeli ostium
Dans aeternum gaudium,
Virgo Maria.

Orat. ms. Franciscanum saec. 15. Cod. Petrin. a I 14. A. — Ibidem
2^o. B. — Orat. ms. S. Petri Salisburgen. saec. 15. Cod. Petrin. a IV 9.
C. — 1, 4 mundi domina A. — 3, 1—3 fehlt A; — 4, 5 Da salvandam AB;
Dei salvandam D.

156. De Beata Maria V.

I.

- | | |
|--|--|
| 1. O Maria, mater Dei,
Ad te camant omnes rei,
Ut [tu] fundas preces ei,
Qui dat regna requiei. | 7. Virgo felix, gloriosa,
Apud Christum virtuosa,
Mea membra vitiosa
Purga prece curiosa. |
| 2. Mater summae pietatis,
Mitte preces pro culpatis,
Roga fontem bonitatis,
Ut det regnum baptizatis. | 8. Tu, virgo, patrociniū,
Tuum potens auxilium
Praesta mihi, consortium
In conventu fidelium. |
| 3. Ad te clamo, qui sum reus,
Non te latet dolor meus,
Te precante Christus Deus
Ut sit suffragator meus. | 9. O regina caelestium,
Exora tuum filium,
Ut det mihi consilium
Et salutis remedium. |
| 4. Me agnosco vitiorum
Mole carnis otiosum,
Qui me scio criminosum
Et supernis odiosum. | 10. Maria, lumen virginum,
Nostrorum sordes criminum
Et peccatorum omnium
Exstingue, pacis vinculum. |
| 5. Sed tu, virgo laudabilis,
Mater et venerabilis,
Sis mihi supplicabilis,
Te oro lacrimabilis. | 11. Ut [Christus], tuus filius,
[Me] eruat propitius,
Per preces [tuas citius]
[Mundet] culpis attentius. |
| 6. Te oro flexis genibus
Et cum magnis gemitibus,
Ut me mundes criminibus
Mundis orationibus. | 12. Ergo precare filium,
Ut mihi sit refugium
Concedatque consortium
In choro caeli civium. |

II.

- | | |
|---|---|
| 1. Mundi salus, o Maria,
Per te patet caeli via,
A te poscunt suffragia,
Quos constringit angustia. | 3. Purga labem vitiorum,
Medicinaque laborum,
Miserere populorum
Dans veniam defunctorum. |
| 2. O caelorum imperatrix,
Virgo felix, o beatrix,
Ad te clamat gens humana,
Mediatrix, [purga vana]. | 4. Stella maris apellaris
Et regina salutaris,
Gentes, quibus dominaris,
Ab iniquis tuearis. |

- | | |
|---|--|
| <p>5. Tu ingens spes credentium,
Ipsis praebe praesidium.
.
.</p> <p>6. O tu virgo valde pia,
Dei mater et filia,
Hostis nequam contraria
Tua vincens potentia.</p> <p>7. Nostrae carnis, o Maria,
Est abundans miseria,
Sua virtus et gloria
Marcescunt sicut folia.</p> | <p>8. Ergo, virgo sanctissima,
Mater Christi carissima,
Tua prece piissima
Roga pro nobis, Maria,</p> <p>9. Quem genuisti, filium,
Ut det mihi consortium
Inter turmas fidelium,
Perennis vitae gaudium.</p> <p>10. Pronus flector ad altare,
Te delector adorare,
Ut me semper custodias,
Preces meas exaudias,</p> |
|---|--|

Virtutibus enutrias
Et post mortem suscipias.

Orat. ms. S. Petri Salisburgen. saec. 15. Cod. Petrin. a IV 38. — I 3, 3 Christe. — 3, 4 Sis mihi suffragium. — 4, 3 me scis. — 6, 4 Tuis mundis. — 8, 1 praecenium. — 8, 4 Interventu. — 10, 4 per pacis. — 11, 2 Erat propitius. — 12, 4 In horis celi celium. — II 1, 4 contingit. — 5, 1 Tu es ingens. — 7, 3 Sed tuae virtutes ex gloria. — 8, 4 o Maria. — 9, 3 Inter animas fidelium. — 9, 4 Et perennis. — 10, 2 A te lector adorare. — 10, 3 custodiat. — 10, 4 exaudiat. — 10, 5 Virtutibus me et enutriet. — 10, 6 mortem animam meam suscipiat; danu noch: Et ad vitam aeternam perducat.

157. De Beata Maria V.

- | | |
|--|--|
| <p>1. Ave, Maria,
Tua mihi memoria
Dulcis sit super omnia.</p> <p>2. Sermonem
De te libens habeo,
Sed culpas meas timeo.</p> <p>3. Ergo tu, sanctissima,
Peccatorum spes unica,
Conforta tuum famulum,
Ut tibi dicat canticum.</p> <p>4. O Maria,
Pia et benigna,
Tu mater es et filia,
Tu patris sapientia,
Tu filii laetitia
Et trinitatis gloria.</p> | <p>5. O Maria,
Tu caeli regina,
Tu spes, tu medicina
Tu stella matutina
Et rosa sine spina.</p> <p>6. O Maria,
Tu sponsa, tu thalamum,
Tu solis habitaculum,
Tu forte propugnaculum,
Hostis non timens vinculum.</p> <p>7. O Maria,
Tu datrix gratiae,
Tu fons misericordiae,
Tu custos innocentiae
Et speculum munditiae.</p> |
|--|--|

- | | |
|---|---|
| <p>8. O Maria,
 Tu sidus clarum,
 Tu medela animarum,
 Tu puteus aquarum
 Et hortus deliciarum.</p> <p>9. O Maria,
 Tu thronus Salomonis,
 Tu rubus visionis,
 Tu vellus Gedeonis,
 Tu plena caeli donis.</p> <p>10. O Maria,
 Tu virgula fructifera,
 Tu planta salutifera,
 Tu gemmula lucifera,
 Tu nardus odorifera.</p> <p>11. O Maria,
 Tu dulcis et [mitis]
 Fecundissima vitis,
 Tu via regni caelestis,
 Tu arca albae vestis.</p> <p>12. O Maria,
 Tu tota formosa,</p> | <p>Tu legis glosa,
 Tu stirps generosa
 Et felix puerpera.</p> <p>13. O Maria,
 Tu flos candens,
 Tu gemma resplendens,
 Tu stella clarificans
 Et sidus irradians.</p> <p>14. O Maria,
 Tu tutum refugium,
 Tu scutum debiliū,
 Tu sanctitatis lilium
 Et vas virtutum omnium.</p> <p>15. Quid dicam plus, Maria?
 Tu sancta amica,
 Tu vera concordia;
 Scis, quod potes omnia.</p> <p>16. Ergo, virgo virginum,
 Placa tuum filium,
 Ut post vitae terminum
 Ducat ad caeli gaudium.</p> |
|---|---|

Orat. ms. Franciscan. saec. 15. Cod. Petrin a I 14. A. — *Collect. ms. Lunaelacense* saec. 16. Cod. Vindobonen. 4100. B. — 1, 2 memoria mibi. — 4, 3 Tu fehlt B. — 7, 5 Et fehlt B. — 13, 2 Tu fons candens AB. — 15, 2 sancta anima B.

158. Ad Beatam Mariam V.

- O fons misericordiae,
 Dulcis regina veniae,
 Origo pudicitiae,
 Pacis atque concordiae
5. Reparatrix, virgo, flos virginum,
 O consolatrix cordium,
 Miseratrix humilium,
 Auxiliatrix fidelium,
 Audi voces precantis agminis.
10. O clemens, dulcis, humilis,
 Virga lesse propaginis,
 Dei mater et hominis,
 Virgo inviolabilis,

- Exaudi iam preces ecclesiae,
 15. Ut quae versatur hodie
 In errore tam impie.
 Sedato schismate prece pia
 Tui sit fides in ea,
 Non a Christo pharisea,
 20. Sibi grata et acceptabilis.
 Bella, lites et proelia,
 Orbi tam horribilia,
 Pacifica, Maria nobilis.

Orat. ms. Tegurinum saec. 15. Clm. Monacen. 19824. — Fol. 175 b von
 anderer Hand:

Wesselprunnenses fratres, ite, Christe, precantes,
 Matris ob merita defunctis sis pia vita
 Et nos viventes tibi devote famulantes
 Protege, conserva, mors ne [nos] laedat acerba.

159. De Beata Maria V.

- | | |
|---|---|
| 1. Salve, mater salvatoris,
Fons salutis, vas honoris,
Scala caeli, porta et via,
Salve semper, o Maria. | 4. Vera salus infirmorum,
Advocata peccatorum,
Afflictorum consolatrix,
Dulcis Iesu gene[ra]trix. |
| 2. Salve, Dei sponsa electa,
Sine macula concepta,
Tota pulchra et formosa,
Salve, virgo gloriosa. | 5. Tu columna nostra fortis,
Nos conforta in hora mortis,
Sancta parens, virgo pia,
Salve semper, o Maria. |
| 3. Salve, rosa sine spina,
Mater regis et regina,
Decus mundi, stella maris,
Inter omnes singularis. | 6. Salve, virgo veneranda
Atque semper praedicanda,
Salve, virgo, fons honoris,
Mater Christi salvatoris. |
| 7. Salve, virgo singularis,
Mundi decus, stella maris,
Per te patet caeli via:
Salve semper, o Maria. | |

De Levis, Anecdota sacra, p. 109 sq., ohne nähere Quellenangabe.

160. De Beata Maria V.

- | | |
|---|---|
| 1. Salve, decus feminarum,
Expiatrix nequitiae,
Universis sidus clarum,
Regnum inaurans gloriae. | 2. Regis regum mater cara,
Errantium consolatrix,
Gaude, felix stella clara,
Nostra o auxiliatrix. |
|---|---|

3. Ave, palma fructu pleno
Virtutisque cellarium,
Lava sordes, o amoena,
Dulcis rosa, solsequium.

4. Evae mortis commutatrix,
Ductrix tuta mortalium,
Expia, potens oratrix,
Labem, culpam et vitium.

5. Ad te curro, spes unica,
Gaudium summis et imis,
Alma proles Davidica,
Reum me excuses nimis.

6. Duc me, precor, ad superna
Collegans caeli civibus
Cordisque purga interna
Malis et vitiis omnibus.

Brev. ms. Recollectorum Parisiensium saec. 15. Cod. Mazarin. 443 (1018).
add. saec. 15. — 5, 4 Ream me.

161. De Beata Maria V.

1. Ave, clara lux solaris,
Salve, micans stella maris,
Ave, mater orphanorum,
Spes, solamen miserorum.

2. Ave, mitis et benigna.
Sempiterna laude digna,
Aula Dei virginalis,
Flos sanctorum specialis.

3. Te precamur, o Maria,
Per quam patet vitae via,
Audi voces servulorum,
Solve nexus delictorum.

4. Deus in te venit, pia.
Conformaris tunc sophia,
Per te mundum visitavit
Et a morte liberavit.

5. Flos candoris, vernans rosa,
Nulla res est tam formosa,
Praeter Deum nihil tale
Nec tam prorsus speciale.

6. Claritate vincens solem
Protulisti mundo prolem,
Hostes nostros qui destruxit
Et ad vitam nos reduxit.

Collect. ms. Carmeli Treviren. saec. 15. Cod. Treviren. 306. — Nach
Str. 3 noch die überzähligen Zeilen:

Supplices pio corde
Nos ab omni purga sorde.

162. De Beata Maria V.

1. Ave, virgo gloriosa,
Mater Christi pretiosa,
Supra solem luminosa,
Ave, plena gratia.

2. Virgo, vellus Gedeonis,
Virgo, templum Salomonis,
Virgo, septem plena donis,
Audi nos propitia.

3. Exsulamus pro peccatis
In Aegypto vanitatis,
Sed tu, mater pietatis,
Reduc nos ad patriam.

Collect. ms. incert. orig. saec. 15. in. Cod. Parisin. 11343. — Akro-
stichon: Ave.

163. De Beata Maria V.

- | | |
|--|---|
| <p>1. O regina paradisi,
 mater Christi, domina,
 Quae cum caelo gloriaris
 super caeli sidera,
 Conservare me dignare
 purum contra crimina,
 Ne antiqui inimici
 vincat me fallacia.</p> | <p>2. O serena stella maris,
 spes sanctorum hominum,
 Quae es lumen et lucerna
 peccatorum omnium,
 Mentem meam hic informa
 ad amandum Dominum,
 Ut implere semper possim
 eius beneplacitum.</p> |
|--|---|

Collectan. ms. incert. orig. saec. 15. Cod. Oxonien. Canon. Patr. Lat. 225. — 1, 7 inimica. — 2, 2 omnium. — 2, 5 meam me informa. — „Oratio subscripta habet centum dies indulgentiae.“ — Abschrift von Rev. H. M. Bannister.

164. De Beata Maria V.

- Ave, decus ecclesiae,
 Mater misericordiae,
 Virgo mitis et benigna,
 Sola bona, sola digna
5. Omni laude et honore,
 Omni loco et tempore,
 Omni maior praeconio
 Omnique desiderio.
 Tuas virtutes canere,
10. Laudes auditas facere
 Nec ipsa vox angelica
 Nec tota possit musica.
 Te amare, te laudare,
 Te post Christum suspirare
15. Sit nostra sapientia,
 Sit nobis super omnia
 Tua dulcis praesentia.

Orat. ms. Campense anni 1462. Cod. Darmstadien 521.

165. De Beata Maria V.

- | | |
|---|---|
| <p>1. Virgo clemens, virgo pia,
 Virgo dulcis, o Maria,
 Creator in te formavit
 Clavem, unde reseravit
 Semitas promissionis,
 Aeternae salvationis.</p> | <p>2. Verus flos virginitatis,
 Puteus humilitatis,
 Rosa florens illuminans,
 Cunctas sordes exterminans,
 Lacte tuo nutritivisti
 Pretiosum corpus Christi.</p> |
|---|---|

3. Propterea rogo pie,
Ut me conserves hodie,
Ut non peccem mortaliter
Nec moriar atrociter,
Sed per tuam potentiam
Da mihi paenitentiam
Cum firma contritione
Et vera confessione.

Orat. ms. Campense anni 1462. Cod. Darmstadien. 521. — 3, 1 te rogo pie.

166. De Beata Maria V.

- | | |
|--|--|
| 1. Mater dulcis, nos dignare
Tua laude confirmare
Et virtute roborare;
Ne in mundo hoc cadamus,
Te iuvante evadamus,
Lapsi per te resurgamus. | 4. Natum tuum praemisisti,
Ad cuius dextram sedisti,
Quando mundum reliquisti.
Ibi semper veneraris,
Virgo prudens, et laudaris. |
| 2. Virgo dulcis parens,
Tactu viri carens,
Miro modo peperisti,
Deum caeli genuisti,
A quo facta tu fuisti,
Per quem virgo remansisti. | 5. O quam pium est laudare
Dei matrem et amare,
Corde toto suspirare,
Quae laudantem protegit
Nec plorantem despicit,
Sed quasi mater respicit. |
| 3. Tu in mundo es electa
Et ab ipso es protecta,
Cuius mater es dilecta.
O res mira, virtus Christi!
Illibata permansisti. | 6. Virgo Dei piissima,
Ad me converte viscera
Et quasi mater filiis
Succurre cunctis servulis
Et fer iuvamen miseris. |

Orat. ms. Campense anni 1462. Cod. Darmstadien. 521. — 3, 4 virtus dira. — 4, 2 resedisti.

167. De Beata Maria V.

- | | |
|---|---|
| 1. Collaudo te matrem Dei,
Laudo fructum ventris tui,
Sint benedicta viscera
Et tua sancta ubera,
Quae lactaverunt Dominum,
Aeterni patris filium;
Qui non habet initium
In te sumpsit exordium. | 2. Sit benedicta pietas
Et virtus et humilitas
Et tua pudicitia
In caelesti laetitia.
Ex toto corde et anima,
Mente et virtute mea,
Visceribus ventris mei
Collaudo matrem Domini. |
|---|---|

- | | |
|--|--|
| <p>3. O Christi mater Maria,
Iesum clementer invoca,
Ut ipsius conceptio
Sit vitae nostrae protectio.
Eius sancta virginitas
Et virtus et humilitas,
Baptisma atque passio,
Mors atque resurrectio</p> | <p>4. Sint et eius ascensio
Semper nostra defensio
De cunctis poenis inferi,
Anxietate saeculi.
Ex filii tui meritis
Et eius sanctis precibus
Sit in caelesti gloria
Mea perpetim anima.</p> |
|--|--|

5. In manus tuas, Domine,
Commendo omni tempore
Corpus meum et animam,
Quia redemptor meus es
Et mater tua mea spes.
De cunctis poenis inferi
Defendat me mater Dei.

Orat. ms. Campense anni 1462. Cod. Darmstadien 521. — 2, 7 Et visceribus. — 3, 5 Et eius sancta. — 3, 8 et resurrectio. — 4, 1 Sint fehlt. — 4, 2 Sint semper. — 4, 4 Et de anxietatibus. — Nach 5, 7 folgt noch die bekannte Strophe: Maria, mater gratiae, Mater misericordiae etc.

168. De Beata Maria V.

- | | |
|---|---|
| <p>1. Ave, Christi mater digna,
Pia, mitis et benigna,
Ave, Christi sponsa cara,
In virtutum vite clara.</p> | <p>5. Ave, virgo iuvans mundum
Corruentem in profundum,
Ave, virgo, quae infernum
Vincis tenens ius supernum.</p> |
| <p>2. Ave, Christi parens alma,
In supernis patens palma,
Ave, Christi mater, dicta
Super omnes benedicta.</p> | <p>6. Ave, virgo, quae per natum
Mortem sternis et peccatum,
Ave, virgo, morti datum
Tuum ora pro me natum.</p> |
| <p>3. Ave, Christi splendens stella,
Mundo fulgens nix novella,
Ave, Christi clara cella,
Pro me Christum interpella.</p> | <p>7. Ave, clemens imperatrix,
Terrae, caeli dominatrix,
Ave, clemens et amatrix
Et virtutum operatrix.</p> |
| <p>4. Ave, virgo, Dei templum
Castitatis et exemplum,
Ave, virgo scandens caelum,
Inde lumen dans serenum.</p> | <p>8. Ave, clemens vitae datrix,
Vitiorum enervatrix,
Ave, clemens miseratrix
Peccatorum, non peccatrix.</p> |

- | | |
|---|---|
| 9. Ave. clemens expiatrix,
Culpa lapsis reparatrix,
Ave, clemens mediatrix.
Quaeso, mei sis salvatrix. | 14. Ave, tuis sidus fulgens,
Ut aurora mane surgens,
Ave, tuis pacem ferens,
Inimici vires terens. |
| 10. Ave, sponsa, florens vitis,
Cuius fructus botrus mitis,
Ave, sponsa grata cunctis,
Pia vivis et defunctis. | 15. Ave, tuis zelo degens,
Vitam praebe nostra regens,
Ave, mater speciosa,
Albens manna, rubens rosa. |
| 11. Ave, sponsa salutaris,
Dulcis rebus in amaris,
Ave, sponsa singularis,
Caecis splendens lux solaris. | 16. Ave, mater plus decora
Sole, luna et aurora,
Ave, mater absque mora,
Cuncta potens omni hora. |
| 12. Ave, sponsa potens satis,
Me tuere a peccatis,
Ave, tuis gemma lucens,
Maius solis lumen ducens. | 17. Ave, mater rubens signis
In figuram ardens ignis.
Ave, pia, meta mortis
Et caelestis dux cohortis. |
| 13. Ave, tuis decor splendens,
Et in nocte non offendens,
Ave, tuis lux ostendens
Claritatem et portendens. | 18. Ave, via vitae portis,
Paradisi flos in hortis,
Ave, pia, hora mortis
Da ius mihi primae sortis. |

Orat. ms. Parisense [?] saec. 15/16. Cod. Parisin. 3639. — 13, 2 noctem. — 17, 1 rubet.

169. De Beata Maria V.

- | | |
|---|--|
| 1. Maria, virgo virginum,
Ora pro nobis Dominum,
Fundamentum ecclesiae,
Fons, aula sapientiae. | 3. Summi regis hospitium.
Lumen, vita fidelium,
Mundi salus, protectio.
Nos tuo pasce gaudio. |
| 2. O virgo plena gratia,
Mater Dei et filia,
Virgo peccati nescia,
Sancti spiritus gratia. | 4. Nobis tibi canentibus
Succurre tuis precibus,
Gratia tua faciat,
Ut Deus nos custodiat. |

5. O tu es nobis omnia,
Nos tua pascat gratia.

Orat. ms. Parisiense [?] saec. 15/16. Cod. Parisin. 3639.

170. De Beata Maria V.

- | | |
|--|---|
| <p>1. Mater misericordiae,
Devotos tuos protege,
Nos peccatores adiuva
Prece, clemens, continua.</p> | <p>3. Maria, mater Domini,
Sacrarium paracliti,
Virgo, regina virginum,
Ora pro nobis Dominum.</p> |
| <p>2. Ut quidquid mali fecimus,
Remittat tuus filius
Et purget nos ab omnibus
Vitiorum sordibus.</p> | <p>4. Per tuum, virgo, genitum,
Per patrem, per paraclitum,
Praesens assis ad obitum
Meumque muni exitum.</p> |

Orat. ms. Franciscanum. saec. 15. Cod. Petrin. a I 14. — 2, 3 sq. fehlen; ergänzt nach Anal. XXXII, 174 (Str. 4 und 5 in not.). — 3, 4 ad Dominum. — 4, 1 filium. — 4. 3 Praesens sis.

171. De Beata Maria V.

- | | |
|--|--|
| <p>1. Maria, per ingenitum
Patrem precor, ut exitum
Animae meae observes
Hostis depulsa rabie.</p> | <p>3. Maria, per paraclitum
Veni, dulcis, ad obitum,
Tuam pone dulcedinem
Contra mortis acredinem.</p> |
| <p>2. Maria, unigenitum
Deposco te per filium,
In mente me illumina
Vera fide et laetitia.</p> | <p>4. O Maria, trichlinum
Trinitatis eximium,
Mihi post hoc exilium
Ostende tuum filium.</p> |

Orat. ms. Traunkirchense anni 1523. Cod. Vindobon. 4090. — 4, 1 O fehlt. — 4, 3 per hoc. — 4, 4 Ostende pulcherrimum tuum.

172. De Beata Maria V.

- | | |
|--|--|
| <p>1. Maria, virgo virginum,
Quae genuisti Dominum
Sine virili semine,
Verum lumen de lumine.</p> | <p>4. Per tuum ergo genitum,
Per patrem, per paraclitum
Assis praesens ad obitum
Nostrumque muni exitum.</p> |
| <p>2. Tu sola vitae ianua,
Tibi sit laus assidua,
Virtus, decus continuum,
Imperium perpetuum.</p> | <p>5. Mater Dei sanctissima
Atque virgo perpetua,
Offer nos tuo filio
In caelesti palatio.</p> |
| <p>3. Largire nobis omnibus
Ad te confugientibus
Per tui nati gratiam
Aeternitatis gloriam.</p> | <p>6. In hora mortis, domina,
Tu sis nostra custodia
Et perduc nos ad atria,
Ubi est pax et gloria.</p> |

Orat. ms. Parisiense [?] saec. 15/16. Cod. Parisin. 3639. — 4, 1 filium gegen den Reim. — 5, 1 sq. und 6, 1 sq. läßt der unreine Reim eine Entstellung des ursprünglichen Textes vermuten. — Vgl. zu Str. 4 Nr. 170 Str. 4.

173. De Beata Maria V.

1. Imperatrix egregia,
Salus humanitatis,
Angelorum domina,
Secretum deitatis,
2. Tu nos dignare te laudare,
Dulcis ter o Maria,
Gabrielis ore loquelis
Affaris, virgo regia,
Tu salutaris, consecraris,
Mater Christi pia.
3. Tu plenitudo gratiae,
Tu celsitudo gloriae,
Munditiae exemplum,
Tu lux caelestis curiae.
Speculum innocentiae,
Tu trinitatis templum.
4. Imperialis calamus
Pietatisque thalamus,
Erogabilis balsamus.
5. Tu textuum congeries,
Tu legis expositio,
Tu testamenti series,
Tu prophetarum visio.
6. Tu cedrus in Libano,
Flos odoris et decoris,
Sine spina rosa,
Tu cupressus in Sion,
Tu oliva fructifera.
Fonde speciosa.
7. Tu gemma pudicitiae,
Mater misericordiae,
Tu cella vera Dei,
Tu pacis et concordiae,
Tu nutrimentum gratiae,
Tu claritatis stella.
8. Nardus odorifera,
Frutex aromatica,
Flos stipis Davidicae.
9. Tu es virtutum omnium
[Insigne] receptaculum,
Tu castitatis lilium,
Tu pacis habitaculum,
Tu vitae principium.
Tu finis mortis . . .
Tu mater Dei,
Tu mater spei
Et veritatis.
10. Tu via viris invia,
Tu parens parvis nescia,
Tu thalamus sine mora,
Tu sol illustrans omnia,
Tu sola plena gratia,
Tu sola natum exora,
11. Ut nobis paenitendi
det spatium
Et paenitentibus det
solacium,
Ut post hanc vitam regnemus
in caelesti curia
Cum omnibus sanctis.

Collect. Lunaelacense saec. 16. Cod. Vindobonen. 4100. — 2, 3 ore verbis. — 4, 1 Imperialis aula summus. — 4, 2 Thalamusque pietatis. — 5, 1 Tu textum vera. — 5, 2 Tu fehlt. — 6, 1 Tu cedrus altitudinis in. — 6, 2 Tu flos. — 6, 5 Uncta oliva fructifera verna. — 8, 3 Flos fehlt. — 10, 6 filium exora. — 11, 1 paenitentibus. — 11, 3 Et paenitendi. — „Orationem sequentem canonizavit Gregorius papa primus anno pontificatus sui primo, qui dedit omnibus ipsam devote dicentibus centum dies indulgentiarum criminalium et venialium et a poena et a culpa.“

174. De Beata Maria V.

- | | |
|---|---|
| 1. O regina caelorum,
Maria, domina angelorum,
Cum sis mater miserorum
Medicina et reorum, | 5. Advocata tu vocaris,
Pro me bona tunc loquaris,
Cum iudex iudicabit
Et omnes revocabit. |
| 2. Dele in me, quod peccavi,
Et reduc me, nam erravi,
Viam rectam nec agnoscens,
Precor te, sis mihi poscens | 6. Tunc me salvum et securum
Facias, ne verbum durum
Audiam a causa dicti:
Ite [a me], maledicti, |
| 3. Veniam ad tuum natum,
Iesum Christum vulneratum
Pro me vili et indigno,
Duro fixum crucis ligno, | 7. Sed potius quod dicetur
Iustis, quando dividetur
Optimum a pessimo
Ab aeterno Domino. |
| 4. Passum in humanitate
Et non in divinitate.
Imploro te, virgo beata,
Ut sis mihi semper grata. | 8. Hoc praesta mihi, virtus patris,
Ob amorem tuae matris,
Quae te Christum parturivit,
Postquam ab angelo audivit |

Procul omni fallacia:
Ave, plena gatia.

Collect. ms. Lunaelacense saec. 16. Cod. Vindobonen. 4100. — 1, 1 Lies Ave, regina? — 1, 2 Lies O domina angelorum? — 2, 2 Ut reduc. — 2, 3 ne agnoscens. — 3, 4 Dura; fixum fehlt. — 4, 2 deitate. — 5, 3 Lies Quando iudex? — 7, 1 Sed fac potius.

175. De Beata Maria V.

R^o Funde preces in caelis,
Maria, stella maris.

- | | |
|---|---|
| 1. Remove cito peccata,
Unde vota sint grata
Omniumque prolata,
Maria, stella maris. | 3. Alta unda caelorum
Et decus angelorum,
Audi preces peccatorum,
Maria, stella maris. |
| 2. O Dei benedicta,
Ab angelo iam dicta
Et in caelis descripta,
Maria, stella maris. | 4. Tu tota es formosa,
Tu tota speciosa,
Tu tota gratiosa,
Maria, stella maris. |

- | | |
|--------------------------|------------------------|
| 5. Tu es norma iustorum, | 6. Eia, glorificata |
| Tutela peccatorum, | Et cum Christo locata, |
| Laetitia sanctorum, | Sis nostra advocata, |
| Maria, stella maris. | Maria, stella maris. |

7. Ut a morbo pestilentiae
Et ab omni pravo scelere
Nos defendat semper et hodie
Maria, stella maris.

S. Iohannis Damasceni opera imp. Venetiis 1514. — „Oratio devotissima ad virginem Mariam.“

DE SANCTIS.



176. De Omnibus Sanctis.

1. Miserere mei, Deus,
Miserere, factor meus,
Miserere, Iesu Christe,
Ne pereat reus iste.
2. Iesu Christe, miserere
Fac me digne paenitere,
Paenitenti mihi parce,
Hostes meos procul arce.
3. Propter tuam bonitatem
Habe de me pietatem,
De me pietatem habe,
Munda cor ab omni labe.
4. Mentem meam in te firma
Et gratiam mihi praesta,
Me non possum emendare,
Nisi velis adiuuare.
5. Precor ergo, Iesu bone,
Meas sordes tu depone,
Renova me veteratum,
Consolare me turbatum.
6. Eleva me corruentem,
Erige pigrum iacentem,
Ovem require errantem,
Dirige me deviantem.
7. Fac quietum me vagantem,
Sana, precor, aegrotantem,
Exaudi me te precantem
Et gratiam requirentem.
8. Pastor bone, rex benigne,
Ure me spiritus igne,
Ut ipsius per calorem
Noxium perdam torporem.
9. Virgo mater salvatoris,
Memor esto peccatoris,
Porta caeli, maris stella,
Pro me natum interpella.
10. Sancte chorus angelorum,
Omnes virtutes caelorum,
Apud Deum me iuvate
Et pro me semper orate.
11. Sancte chorus prophetarum,
Contio patriarcharum,
Exorate creatorem,
Ne me perdat peccatorem.
12. Sancte Iohannes baptista,
Audi vota clemens ista,
Agnum fac mihi placatum
In Iordane baptizatum.
13. Tu quoque, Petre beate,
Claves caeli cui sunt datae,
Pro me roga salvatorem,
Qui posuit te pastorem.
14. Paule, vas electionis,
Exemplum conversionis,
Ora tuum conversorem,
Ut meum tollat errorem.

- | | |
|---|--|
| <p>15. Frater Simonis Andrea,
Ad te veniat vox mea,
Hanc ad aurem porta Christi,
Pro quo navem reliquisti.</p> <p>16. Super ceteros dilecte
Et de nuptiis electe,
Custos Dei nimis care,
Pro me Christum deprecare.</p> <p>17. Iacobe, Bartholomaeae,
Philippe, Thoma, Matthaeae,
Iacobe, Simon, Tbaddaeae,
Mementote precis meae.</p> <p>18. Sancte chorus innocentum,
Mibi detis iuvamentum,
Qui fuistis moriendo
Testes Christi non loquendo.</p> <p>19. Stephane Christi beate,
Propter Christum lapidate,
Quod orasti lapidanti,
Ora mihi supplicanti.</p> <p>20. Martyr Domini Laurenti,
Certe plus ardens ardenti,
De thesauro pietatis
Opus auge caritatis.</p> <p>21. Sancte Clemens, Sixte, Clete,
Precibus meis favete,
Sacerdos Martine Dei,
Supplicis memento mei.</p> | <p>22. Nicolae, praesul Cbristi,
Misero succurre isti.
Augustine et Gregori,
Subvenite peccatori.</p> <p>23. O sancte Petre confessor,
Mihī fias intercessor,
Ita mihi subvenite,
Ut ad regnum ducar vitae.</p> <p>24. Paule, Iohannes, Antoni,
Estote mihi patroni,
Sancte abbas Benedicte,
Custos mentis sis afflictāe.</p> <p>25. O vos omnes eremitae,
Votis meis assentite,
O Maria Magdalene,
Tu memoria me tene.</p> <p>26. Agnes, Agatha, Lucia,
Scholastica, Caecilia,
Katherina, Margareta,
Me ducite ad roseta.</p> <p>27. Vos, sancti et sanctae Dei,
Vestri mementote rei,
Me nautam in mūndi salo
Servetis ab omni malo.</p> <p>28. Sit laus patri creatori
Filioque salvatori,
Eandem babeat flamen
Per cuncta saecula. Amen.</p> |
|---|--|

Collect. ms. S. Mariae in Pontano saec. 13. Cod. Vatican. 4363. A. —
Orat. ms. Caelestin. S. Mariae de Parisius saec. 15. Cod. Mazarin. 3897
(605). B. — A unvollständig, nur bis Str. 14 inkl. — 1, 4 Ne damnemur reus
iste A. — Statt Str. 3 und 4 hat A:

- | | |
|---|---|
| <p>3. A me tolle casus reos,
Procul arce hostes meos,
Propter tuam bonitatem
De me habe pietatem.</p> | <p>4. Pietatem de me habe,
Munda cor ab omni labe,
Qui per meam pravitatem
Tuam sprevi sanctitatem.</p> |
|---|---|

4, 2 gratiam tuam mihi B. — 5, 2 Mea crimina deponere A. — 5, 3 Revoca
me fugientem A. — 5, 4 Excita me dormientem. — Str. 6 und 7 in A zu-
sammen in eine:

Dirige me deviantem
Et require me errantem,
Fac quietum me vagantem
Sana, precor, aegrotantem.

8, 4 teporem A. — 10, 1 Ave, Mater A. — 9, 4 Pro me mater interpella. A. — 10, 2 Et virtutes vos caelorum A. — 10, 3 Dominum A. — 10, 4 Pro me semper et A. — 11, 2 Et chorus A. — Str. 12 fehlt A. — 13, 1 Princeps Petre ceterorum A. — 13, 2 Qui es clavi[g]er caelorum A. — 13, 3 Ora pro me A. — 13, 4 te posuit A. — Nach 22, 3 noch: Ieronyme et Ambrosi gegen Strophensbau und Reim B. — Nach 23, 2 noch: Mihi sitis adiutores B. — 29, 4 ducite ad gaudia B. — 27, 1 O vos B. — 27, 2 Vestri mementote mei B.

177. De Omnibus Sanctis.

- | | |
|--|---|
| <p>1. Michael cum Gabriele.
caeli cives incliti.
Qui astat is coram Deo
laudibus assidui,
Proclamate: „Sancte Deus,
parce tuo supplici.“</p> | <p>6. Innocentes, qui pro Christo
inter matrum ubera
Ab Herode necis dira
suscepistis vulnera,
Per haec in me abluatis
scelerum contagia.</p> |
| <p>2. In Iordane qui tinxisti
agnum sine macula.
Non ut sua, sed ut nostra
solverentur crimina.
Tu, Iohannes, tua prece
reduc me ad supera.</p> | <p>7. Gloriose Dei serve,
protomartyr Stephane,
Qui primus habetis sacro
martyrum in ordine,
Me per preces tuas turmae
socia caeligenae.</p> |
| <p>3. Petre, pastor, cui praecepit
Christus oves pascere,
Quem ad vocem ter negasti
unius ancillulae,
Parce mihi, ut per culpam
didicisti parcere.</p> | <p>8. O makari Dionysi,
mea dele scelera.
Qui Francorum Deo colla
subiugasti pingua,
Dehinc rubro rore tinctus
penetrasti aethera.</p> |
| <p>4. Paule doctor, mentem meam
tu doctrinis instrue,
Quibus iram Dei mei
valeam evadere
Et de culpis ad virtutem
cito queam currere.</p> | <p>9. Christi piscis, o Laurenti,
te nunc supplex adeo,
Quem assavit Daciana
fervens persecutio,
Ut ab omni vitiorum
me mundes contagio.</p> |
| <p>5. Iesu Christi coheredes,
ceteri apostoli,
Illum pro me supplicate
voce consolabili,
Quo pellatur a me mortis
formido periculi.</p> | <p>10. Fortis mecum sta, Vincenti,
contra trucem viperam,
Ut hac vita te iuvante
consequar victoriam
Et in caelis praeparatam
victoribus gloriam.</p> |

11. O Thebaea sublevata
super astra legio,
Quae draconem durum claro
superasti proelio,
Hunc eundem mihi subde,
te nunc pie flagito.
12. Bellatores gloriosi
invictique martyres,
Quos produxit ex se mater
velut vitis palmites,
Me vobiscum hinc transferte
supra caeli cardines.
13. Pastor alme, Nicolae,
poli civis inclite,
Caeli regem in decore
fac me tecum cernere,
Cuius mira claritate
fungeris assidue.
14. Meritorum luce fulgens
Martine sacerrime,
Quem diversae gentes laudant
per orbem magnifice,
Me nitentes iugulare
potenter persequere.
15. Monachorum, Benedicte,
doctor insignissime,
Venenata dirae lupae
flammas in me destrue
Et da mihi tuae sanctae
iugum ferre regulae.
16. Sancte pater, dux, Ebrulfe,
monachorum inclite,
In extremo mens csto
defensor examine
Et me prece fac solaris
civem Ierosolymae.
17. Sempiterni regis miles,
Aegidi clarissime,
Incursantes me demerge
Acherontis carcere,
Ut excelsum ad Olympum
laetus possim tendere.
18. Confessores, quos munivit
fidei confessio
Nec a Deo separavit
carnis titillatio,
Vestra prece mihi sitis
semper in auxilio.
19. Monachorum sacer chorus
et cultores eremi,
Quibus pastum praebuere
panes cinericii,
Illum pro me supplicate,
in quo gloriamini.
20. Iam, Maria Magdalena.
mihi sis piissima
Et arcentes me culpae
nexus prece disliga,
Qui te nitor sequi mea
lugendo flagitia.
21. Generosa Katherina,
Christi sponsa fulgida,
Ipsam pro me interpella
prece constantissima,
Ut ab ipso vehar post hanc
vitam super aethera.
22. Virgines electae Dei,
Fides, Spes et Charitas,
Quas nequivit superare
Adriana feritas,
Me servate, ne malorum
me laedat perversitas.
23. Iam a Deo coronatae
virgines et viduae,
Quae nocivos ignes docte
meruistis vincere,
Saevientis in me flammas
Veneris extinguite.
24. Omnes sancti, apud Deum
pro me intercedite,
Quatenus inferni poenas
valeam evadere
Et a culpis liberatus
caeli regna scandere.

25. Laus et virtus et potestas
 patri sit ingenito,
 In eodem permanenti
 honor unigenito,
 Ab utrisque procedenti
 gloria paraclito.

Collectan. ms. S. Ebrulphi saec. 12. Cod. Alenconien. l. add. saec. 12.
 — Daraus mitgeteilt von Léop. Delisle im Annuaire Bulletin de la Société
 de l'Histoire de France. Paris 1863; II. Partie, p. 10 sq.; dort wie auch in
 der Quelle unmittelbar verbunden mit dem Rhythmus: „O Maria, gloriosa
 angelorum domina.“ — Als Verfasser vermutet Delisle — wohl mit
 Recht — Ordericus Vitalis.

178. Cursus de Omnibus Sanctis.

Feria tertia.

Ad Matutinum.

- | | |
|--|--|
| 1. Rex, civium caelestium
In quo laetatur contio,
Psallens sanctorum omnium
Iam summo cum tripudio. | 2. In quorum laudem munera,
Quae tibi nunc offerimus,
Sint nobis salutifera
Tibique grata, petimus. |
| 3 Regi sanctorum omnium
In cunctis dominatio,
Sit honor, laus, imperium
Et gratiarum actio. | |

Ad Laudes.

- | | |
|--|---|
| 1. Te Deum canit iugiter
Omnis chorus angelicus,
Patriarcharum pariter
Et cuneus propheticus. | 3. Sic martyrum organica
Te tympana suaviter
Et confessorum cantica
Mulcent in corde dulciter. |
| 2. Te turba apostolica
Hymnis, chorea virginum
In cithara harmonica
Psallendo laudat Dominum. | 4. In cymbalis sonantibus
Tota caelestis curia
Et melicis concentibus
Coniubilat in gloria. |

5. Regi sanctorum omnium.

Ad Primam.

- | | |
|--|---|
| 1. Per sanctos tuos, Domine,
Quos iam caelesti lumine
Irradiatos novimus,
Suppliciter deposcimus, | 2. Nos legem tuam pariter
Fac meditari iugiter,
Ut semper fructum operum
Reddamus salutiferum. |
|--|---|

3. Deo patri per omnia
Sit virtus et victoria,
Qui nos cum sanctis omnibus
Coronet in caelceſtibus.

Ad Tertiam.

- | | |
|--|---|
| 1. Te ob ſanctorum merita,
Deus, precamur inclita,
Qui in caelorum culmine
Tecum quiescunt, Domine. | 2. Nos corde, ore, opere
Fac innocenter vivere,
Ut caeli tabernacula
Intremus sine macula. |
|--|---|

3. Deo nostro per omnia.

Ad Sextam.

- | | |
|---|--|
| 1. Per pretiosam omnium
Sanctorum mortem praemium
Caelorum, Deus, citius
Confer nobis propitius. | 2. Reatus rumpe vincula
Et submove pericula.
Ut vota nostra dulciter
Tibi reddamus iugiter. |
|---|--|

3. Deo nostro per omnia.

Ad Nonam

- | | |
|---|---|
| 1. Beati sunt, qui habitant
Caelos; ut hos, qui militant
In terris, iuvent precibus,
Praesta, Deus, supplicibus. | 2. Nunc reple nos virtutibus,
Confer cum sanctis omnibus
Nobis post dona gratiae
Aeterna bona gloriae. |
|---|---|

3. Deo nostro per omnia.

Ad Vesperas.

- | | |
|--|---|
| 1. Promissa, Deus, praemia
Nobis in fine temporum
Cum sanctis da sublimia,
Perennes dotes corporum. | 3. Da animabus pariter
Aperte te cognoscere
Ac frui te suaviter
Perfecteque diligere. |
| 2. Hinc clara et subtilia
Glorificata corpora,
Cita, impassibilia
Et tui plena pectora. | 4. Fac nos cum sanctis omnibus
In te gaudere Domino,
Dum omnia in omnibus
Es regnans sine termino. |

5. Regi sanctorum omnium.

Ad Completorium.

- | | |
|---|---|
| <p>1. O lux, sanctorum speculum,
Da nobis post hoc saeculum
Te sublevatis manibus
Laudare in caelestibus.</p> | <p>2. Te quoque benedicere,
Tuas virtutes canere,
Da, Deus exercituum,
Laudemus in perpetuum.</p> |
|---|---|

3. Deo nostro per omnia.

Orat. ms. Vallis Iocosaë[?] saec. 15. Cod. Labacen. 45. — Ad Mat.
1, 3 Psallentes. — Ad Laud. 2, 2 Hymnus. — Ad Non. 1, 1 sunt fehlt. —
1, 3 iuvant. — Ad Vesp. 2, 4 tua. — 3, 3 te fehlt.

179. De Paradiso.

- | | |
|---|--|
| <p>1. Paradisi
amoena regio,
Qnam possedit
quondam primus homo
.
.</p> <p>2. In te loca
pulchra sunt omnia,
Nullus turbo,
procul snnt nubila,
Clari dies,
secura tempora.</p> <p>3. In te spirant
odore gramina,
Rabet rosa,
albescunt lilia,
Et arbusta
profundunt balsama.</p> <p>4. Pulcher hortus,
mellita flumina,
Sonat aura
lenis per nemora,
Ibi flores
et mala punica.</p> <p>5. Duodecim
exornant lapides
Portas urbis
suas per species,
Quos non radet
annorum series.</p> | <p>6. In sublime
muri divinitus,
Nil debentes
humanis artibus,
Sunt constructa
vivis lapidibns.</p> <p>7. Fundamentum
primo fundamine
Est fundatum
praeclaro iaspide,
Saphyrns est
secundus ordine.</p> <p>8. Subsequitur
hinc chalcedonius,
Quartus adest
smaragdus optimus,
Post sardonix
atque sardonius.</p> <p>9. Chrysolithus
in loco septimo
Irradiat
fulgore aureo,
Et beryllus
est cum topasio.</p> <p>10. Chrysoprassus
existit decimus,
Et iacynthus
adest purpureus,
Amethystns
post duodecimus.</p> |
|---|--|

11. In istorum
colore lapidum
Est signata
vita fidelium,
Qui caeleste
currunt ad bravium.

12. Non est pronum
vel leve dicere,
Qua requie
quave dulcedine
Perfruuntur
fideles animae.

Collect. ms. S. Arnulphi Meten. saec. 12/13. Cod. Berolinen. Phil. 1694 (180). — Nach jeder Str. wiederholen sich als Rundreim die Worte: „Quam pulchra es sanctis animabus et requies.“ — Aufschrift: „Rhythmus domni Gibuini, Lingonensis episcopi.“ Einen Bischof von Langres mit Namen Gibuinus hat es nicht gegeben, wohl aber einen Guibuinus, archidiaconus Lingonensis, der später (1077—1082) Erzbischof von Lyon wurde. Ihm wird gewöhnlich dieser Rhythmus zugeschrieben. Zeitgenossen waren übrigens ein Gibuinus II., ep. Catalaunensis († 1004), und ein Gibuinus, ep. Laudunensis, der unter Leo IX. auf dem Konzil zu Reims anwesend war. Cfr. Migne, PP. LL. 142, 1438. — Vgl. Wattenbach, Sitzungsberichte der Kgl. preuss. Akademie der Wissenschaften 1891. 97 ff.

180. De Caelesti Ierusalem.

1. O felix regnum patriae supernae,
In quo quiescunt agmina sanctorum,
Gloria multa decorata, cincta
Pace perenni.
2. Non est scribentis calami signare
Nec eloquentis hominis narrare,
Quanta paravit in te regnaturis
Deus aeternus.
3. Ad te suspirat generis humani
Perdita proles in parente primo,
Sed redemptoris caelitus directi
Morte redempta.
4. Bene suspirat tenebris addicta,
Quae paradisi gaudiis privata
Perdidit lumen, quo fruuntur semper
Cives superni.
5. Namque praesentis luminis splendore
Fallitur caeca iuvenum caterva,
Putans iucundum, quod adimplet mundum
Fletu perenni.

6. Quid enim potest homo moriturus
Nisi deflere miseras ruinas
Atque lugere incolatus sui
Tempore brevi?
7. Est namque miser et infelix valde,
Qui se, dum vivit, exsulem ignorat,
Qui non suspirat ad illius regni
Felicitatem.
8. O si quis posset in palato cordis
Illius regni epulas sentire,
Sperneret cuncta, quae iucunda praesens
Vita mentitur.
9. Nec mirum tamen, si notatur opus
Pro creaturae merito distinctum,
Bonis et malis mediisque trinum
Ante paratum.
10. Nam caelum, terra infernusque simul
Considerata singula demonstrant,
Dum in respectu singuli pensatur
Singulum quodque.
11. Infernus infra tenebrarum locus,
Desuper caelum luminis superni,
Media manens arida, communis
Inter utrumque.
12. Infernus nequam angelos includit,
Regnum supernum spiritus beatos,
Terra serpentis sauciatum ore
Genus humanum.
13. Iam si quaeratur singulorum status,
Tartarum simul atque paradisum
Crederet mundum, qui duo diversa
Contempleretur.
14. Nam in respectu loci tenebrarum
Mundus hic fallax creditur amoenus,
Caeli respectu barathrum putatur
Et iure quidem.
15. Vallis haec namque dicta lacrimarum,
Lacrimas praestans parentibus primis.
Omnem suorum filiorum turbam
Flere coegit.

16. Cur enim non flet homo peregrinus,
Qui supra flumen sedens Babylonis
Memor est matris, dum privatur visu
Tempore multo?
17. O vere mater, civitas superna,
Ad te suspirant animae fideles,
Quae tibi roris pocula degustant
Caelo demissa.
18. Claritas tua claritas aeterna,
Honor et decus in turribas tuis,
Et per murorum moenia iucunda
Cantica laudum.
19. Lapides tui lapides electi,
Aurum obrizum pulchritudo tua,
Ex margaritis ianuarum decus
Omne consistit.
20. Pretiosorum lapidum structura
Singula tui fundamenta vernant,
Et per plateas ligni vitae fructus
Multiplex surgit.
21. O lignum felix, quod rigatur unda
Fontis aeterni, qui de throno manat,
Impetu cuius hilaescit semper
Civitas Dei.
22. Hae tuae laudes, civitas iucunda,
Et quas nec lingua resonare potest,
Immo nec cordis sufficit humani
Sensus rimari.
23. Verum, si licet, latius pensemus,
Quanta sit tibi gloria iustorum,
Qui laureati manent ante thronum
Regis aeterni.
24. Nunquam laborant, esuriunt nunquam
Semper exsultant, iubilant et psallunt,
Quippe cum nulla tempora festiva
Gaudia claudant.
25. Iam enim imber transiit et hiems,
Flores in terra undique vernabunt,
Et exsultantis turturis os nova
Cantica promet.

26. Voxque laetantis audietur sponsi:
Surge, quae dormis, propera, dilecta,
Accipe, felix, tibi praeparatam
Ante coronam.
27. Iam nuptiarum copula fecunda
Citat cantorum organa iucunda,
Concrepet simul cohors laetabunda
Citharoedorum.
28. Ad quorum vocem resonat et tellus,
Chori sanctorum pariter exsultant,
Et inaudita convivarum corda
Gaudia replent.
29. Verum haec parva exhibet aspectus
Illius sponsi regis et magistri,
Qui super omnes imperat et regnat
Unus et idem.
30. Cuius quam mira gloria, maiestas,
Claritas summa, bonitas immensa,
Cuius decoris species illustrat
Saecula cuncta.
31. Ergo fallacis gloria contempta
Mundi quaeramus gaudia superna,
Ubi sanctorum cunei laetantur
Sorte felici.
32. Gloria tibi, cunctipotens pater,
Gloria nato et, qui ab utroque
Semper procedit similis amborum,
Sit honor unus.

Petri Treccn. Hist. schol. saec. 13. Cod. Francofurten. Barth. 56. add. saec. 13. in. (nach Böhmer, Zeitschr. für deut. Altert. V (1845) p. 467 ff.) A. — Collect. ms. Constantini Caietani saec. 17. Cod. Alexandrin. 99 (III). B. — 1, 3 cuncta B. — 3, 4 redempti A. — 4, 3 quod fruuntur B. — 5, 1 Iamque B. — 5, 3 mundus B. — 6, 3 Ac flere lugens B. — 8, 2 fercula sentire B. — 10, 2 demonstrat A. — 11, 2 lumen A. — 12, 1 nequam spiritus B. — 12, 3 supernum spem beatorum A. — 13, 1 Nam si AB. — 14, 1 Namque respectu B. — 15, 1 Vallis hic A; haec quoniam dicta B. — 16, 1 Cur iam non flebit homo B. — 18, 3 Et perteurorum A. — 22, 1 Haec tuae laudis A; Has tuas laudes B. — 22, 2 Quasque nec B. — 22, 3 humanus A. — 24, 3 In his cum nulla gaudia festiva B. — 24, 4 Tempora claudant. — 25, 2 Flores in terra florida vernabunt B. — 26, 3 Et acceptura veni praeparatam B. — 26, 4 Tibi coronam B. — 27, 2 Sanctorum citat B. — 28, 1 voces B. — 30, 1 gloriae B. — Str. 32 fehlt A. — Aufschrift in B: Ioachimi, abbatis Florentis, hymnus de caelesti Hierusalem et gloria sanctorum. — B enthält noch ein anderes längeres Gedicht desselben Verfassers, das nicht in die hymnologische Literatur einschlägt. Der Anfang desselben lautet:

- | | |
|--|---|
| <p>1. Visionem admirandae
ordior historiae
Et succincte scribam textum.
Felicias memoriae</p> <p>2. Quidam vir religiosus,
fama non incognitus,
Scripsit rem, quam vidit quidam
in extasi positus.</p> <p>3. Ductus animi excessu
ambulat per invia,
Nulli sibi patent campi,
nulla loca pervia.</p> <p>4. Primo die moto gressu
in latrones incidit
Et ligatus strictis loris
paene vita deficit.</p> | <p>5. His solum lux secunda
semivivum suscipit,
Non curandum, sed mactandum
scorpionum ictibus.</p> <p>6. Tertia his liberatus
traditur exsilio,
Iter agit destitutus
hominum consilio.</p> <p>7. Nihil minus quarto die
patitur discriminis,
Fame, siti et fervore
maceratur eremi.</p> <p>8. Quinto asperis ferarum
laniatur unguibus
Et frequenter laceratur
bestiarum morsibus etc.</p> |
|--|---|

181. De Superna Hierusalem.

- Eia, veracis Hierusalem visio pacis,
Ordinibus miris Sion fundata saphiris,
Obvia procedens, voces dulcedinis edens,
Voces laetitiae, voces dans hymnologiae
5. Cantica cantando, Dominum Sabaoth venerando,
Suscipe laetanter Christum regem iubilanter,
Qui te sacravit, propria sibi morte dicavit,
Qui cruce signavit, qui sanguine purificavit.
Auro sterneris, gemmis ornata nitebis,
10. Luce coruscabis, similis vitro rutilabis.
Tu radio magno patris illustraberis agno,
Tu solem radius septemplex superabis,
Sistris virgineis puerilibus atque choreis
In te laudetur, sed et Alleluia canetur.
15. Parietibus vastis tua propugnacula Iaspis-
Que crystallus erit, portae siue fine patebunt,
Nunquam claudentur, quia firma pace fruuntur.
Te Deus elegit, populos et regna subegit,
Cunctis praelatam terris dedit immediatam
20. Christus, rex regum, cuius diadema serenum
Est, electorum lapidum structura novorum
In lapides bis sex, quos iu diademate fert rex,
Discipuli bis sex, quibus est commissa Dei lex.
Ornatur gemmis vitae structura perennis,
25. Quorum splendores dant veros noscere mores,
Ut lapides vivi mereamur in aethere scribi.
Plaude, Sion, nobis intra stellata colonis.
Laus et hosanna Deo, qui iunxit terrea caelo.

182. *Pro fidelibus defunctis.*

Ante tuam faciem cum iustis atque beatis
Aeternam requiem dona, Deus, hic tumultatis
Et, quos morte crucis salvasti, ne moriantur,
Perpetuae lucis fac ut splendore fruantur.

Collect. ms. saec. 15. Clm. Monacen. 641. — Es folgt noch, von obigen Versen getrennt:

Christus, fidelissimus amicus noster,
non diu expectavit,
Sed statim peracta passione
sanctos in carcere visitavit,
Et hoc nobis exemplum,
quod, si volumus animabus subvenire,
Si protrahimus suffragia,
non videntur eis expedire;
Gravissime enim cum taedio
expectare comprobantur,
Qui tam inenarrabilibus
poenis cruciantur.

183. *De sancta Agnete.*

- | | |
|--|--|
| <p>1. Mitis Agnes, quae nupsisti
Agnō miti, quem quaesisti
Mentis in memoria,
Nec ab agnō potuisti
Poenis flecti, permansisti
Constans fide media.</p> | <p>2. Denudata dum fuisti,
Nudam texit virtus Christi
Capillorum copia,
Quae in agnō te dedisti
Et in agnō placuisti,
Mihi sis custodia.</p> |
|--|--|

Orat. ms. Anglican. saec. 13. Cod. Londinen. Ar. 201.

184. *De sanctis Angelis.*

- | | |
|---|---|
| <p>1. Salve, sancte Michael,
caeli proelior
Et draconis perfidi
potens debellator,
Tui vilis servuli
Sis patrocinator
Et ad caeli gaudia
Eius adportator.</p> | <p>3. Salve, sancte Gabriel,
decus angelorum,
Ad Mariam virginem
nuntium decorum
Te misit omnipotens
cardine caelorum,
Per te nobis Dominus
regna det caelorum.</p> |
| <p>2. Salve, sancte Raphael,
patri qui Tobiam
Reduxisti sospitem
per tam longam viam,
Fac nos caelo cernere
caeli hierarchiam
Omnem et cum filio
virginem Mariam.</p> | <p>4. Salve, sancte Uriel,
iugi visione
Summi patris hilaris,
te precor, mi bone,
Tui patrocinii
trino nos agone
Munias a perfido
taetroque dracone.</p> |

5. Spiritus angelici
omnes, vos avete,
Deo qui fruimini
summa cum quiete,
Nos ad amicitiam
Dei promovete
Et in caeli semita
Stabiles tenete.

Officium novum beati Iohannis imp. Bononiae 1525.

185. De s. Angelo Custode.

Ad Matutinum.

1. Ave, custos dulcis meus,
Angele piissime,
Cui me totum dedit Deus,
Rege fidelissime,
Ne sim malis mortis reus,
Vivere sanctissime
Fac me semper, rector meus,
Et mori laetissime.

Ad Laudes.

2. Ave, Christi delegate
Ad mei custodiam,
Dulcis angele beate,
Per divinam gloriam,
De caelesti pietate
Iugem da memoriam
Et cum omni sanctitate
Vincere malitiam.

Ad Primam.

3. In me per te roboretur
Fides, spes et caritas,
In me semper dominetur
Tota sancta trinitas,
In me Christus epuletur
Et eius suavitas,
In me tandem reveletur
Et felix aeternitas.

Ad Tertiam.

4. Sana pectus suspirantis
Gemitu gravissimo,
Educ viam supplicantis
De torrente pessimo,
Ut sit grata manus dantis
Iesu clementissimo,
Cuius visu me formantis
Fruar beatissimo.

Ad Sextam.

5. Pastor bone, memor esto
Ovem tuam pascere,
Illi semper sic adesto,
Ut, dum lupus rapere
Temptat eam, tu sis praesto
Mox illam eripere.
Quam praesentes illi festo,
Quod nequit deficere.

Ad Nonam.

6. Ave, sacer spiritualis
Amicorum intime,
Comes, dux et rex . . .
Corporis et animae,
Esto mihi dux vitalis
Et a culpis exime
Atque me de cunctis malis
Hora mortis redime.

Ad Vesperas.

7. Des iugiter extirpare
Semina zizaniae,
Verba vitae seminare,
Pacis et concordiae,
Proximum aedificare
Per opus iustitiae,
Cunctos hostes debellare
Cum palma victoriae.

Ad Completorium.

8. Pie pater, me digneris
Protegere tenere,
In adversis recorderis
Me nunquam deserere,
De errore memoreris
Ad te me reducere,
Ne depascar ab his feris,
Quae me volunt perdere.

Orat. ms. Beneventanum [?] saec. 14/15. Cod. Borgian. M VI 21. — 4, 4 pessimo fehlt. — 4, 8 Senum beatissimo. — 5, 6 Demdat. — 6, 8 In hora.

186. Cursus de Angelis.

Feria secunda.

Ad Matutinum.

1. Quem veneratur civium
Caelestium exercitus,
Regem adorant omnium
Angelique spiritus,
2. Per hos rogamus intime,
Nostra sume precamina,
Custodi nos tutissime
Cuncta pellens discrimina.
3. Laus tibi, Deus, penitus,
Quem laudum voce sedula
Collaudat omnis spiritus
In saecularum saecula.

Ad Laudes.

1. Aeterne rerum conditor,
Qui mare, solum, aethera
Gubernas, iustus redditor
Cuiusque iuxta opera,
2. Superhum nempe spiritum
Cunctosque suos complices
Damnando in interitum
Veros firmasti supplices.
3. Qui laudum tibi carmina
Nunc concinunt alacriter,
Per quos nostra peccamina
Relaxa placabiliter.
4. Nos consoleris iugiter
Ser spiritus angelicos,
Cum his ut hymnos pariter
Tibi pangamus melicos.

5. Laus tibi, Deus, penitus.

Ad Primam.

1. Deus, qui ad imaginem
Tuam creando hominem
Hunc paulo minus minuis
Ab angelis innocuis,
2. Te ergo cum hymnidicis
Choris laudamus caelicis,
Qui nos in locum suscipis
Deiecti mundi principis.

3. Sit angelorum Domino
 Laus, honor sine termino,
 Qui suis in caelestibus
 Nos societ spiritibus.

Ad Tertiam.

- | | |
|--|---|
| 1. O principes angelici,
Creati regis caelici
Ad contemplandam speciem
Eiusque puram faciem | 2. Portas vestras attollite,
Pie nobis occurrите,
In montem ferte Domini
Eius psallentes nomini. |
|--|---|
3. Sit angelorum Domino.

Ad Sextam.

- | | |
|---|---|
| 1. O Deus exercituum
Caelestium spirituum,
In thronis caeli residens
Cunctisque mire praesidens, | 2. Nos, quaesumus, custodiat
Ac incessanter muniat
Virtus tibi astantium
A telis malignantium. |
|---|---|
3. Sit angelorum Domino.

Ad Nonam.

- | | |
|--|--|
| 1. Caelestis regis principes,
Cuius ut nos participes
Simus cum caeli civibus,
Vestris iuvate precibus, | 2. Tersoque mentis nubilo
Vobiscum dulcis iubilo
Nos Deo exercituum
Psallamus in perpetuum. |
|--|--|
3. Sit angelorum Domino.

Ad Vesperas.

- | | |
|---|--|
| 1. Summae Deus potentiae,
Qui ordines ierarchicos
Virtute sapientiae
Mire distinguis caelicos, | 3. Nos consolando visitent,
Purgent, inflamment, doceant,
Ad bona semper incitent,
Vim daemonum coerceant |
| 2. Precamur te suppliciter,
Hos defensores dirige,
Nobis per quos fertiliter
Salutis dona porrige. | 4. Devotisque congaudeant
Ac roborent virtutibus,
Ut hi ipsorum compleant
Cohortes in caelestibus. |
5. Laus tibi, Deus, penitus.

Ad Completorium.

- | | |
|--|--|
| 1. [O] angelorum gloria,
Fac horum nos custodia
Semper peccata fugere
Hostemque saevum vincere. | 2. Nunc munda cordis aciem,
Ut facie ad faciem
Te contemplerur dulciter
Cum angelis perenniter. |
|--|--|
3. Sit angelorum Domino.

187. De s. Angelo Custode.

Salve, splendor paradisi,
mi gloriose angele,
Salve, iubar claritatis
supernalis curiae.
Ave, flos immortalitatis,
Ave, gemma puritatis,
Ave, dulcor caritatis

Triumphantis patriae,
Tu norma sanctitatis
Divinalis oboedientiae,
Tu, qui mei curam (gratis) accepisti,
ab omni hoste protege,
Ut simul perfruamur [gloria]
coram immenso iudice.

Missale speciale Toletanum saec. 15. Cod. Vatican. 6264. — Am Ende der Messe auf den h. Schutzengel angehängt unter dem Titel „Laus“.

188. De sancta Anna.

1. Gaude, felix Anna,
mater matris Christi,
In urbe de Bethlehem
nata tu fuisti,
Regum ex progenie
sancta processisti,
Unde laudes debitas
digne promernisti.

2. Gaude, felix Anna,
diu desponsata
Viro iusto Ioachim
proleque privata;
Tunc tibi ab angelo
verba sunt prolata,
Quod felici fieres
fructu fecundata.

3. Gaude, felix Anna,
quia tibi soli
Competit, ut mater sis
matris regis poli,
Funde preces filiae
filiaeque proli,
Ut nobis non noceat
daemon, doctor doli.

4. Gaude, felix Anna,
de qua procreata
Est haec virgo virginum,
Maria vocata,
Nostra sis cum filia,
mater, advocata,
Ut nos salvet suboles
virginis beata.

5. Gaude, felix Anna,
pia mater, plaude,
Plena melle canna.
nos in tua laude
Famulos, o, sana
qualibet a fraude
Quasi mel et manna;
felix Anna, gaude.

Clm. Collect. ms. Libehardi prioris Reichenbacen. anni 1476. Clm. Monacen. 2990. — 1, 4 na fuisti. — 3, 2 sq. competit soli.

189. De sancta Anna.

- | | |
|---|---|
| 1. Anna stellam matutinam,
Stellam maris et reginam
Peperit clementiae, | 3. O beata radix viva,
Mirae pietatis oliva,
Nutu Dei electa, |
| 2. Cum qua vere iam laetatur.
Quia Deum contemplatur
Revelata facie. | 4. Ex qua processit cunctorum
Virgo origo bonorum.
Homini fructifera. |
5. Tu nos, Anna, mater pia,
Cum tua prole Maria
Duc ad caeli gaudia.

Cursus de Domina sec. ecclesiam Hamburgensem imp. Rostochii 1522. —
4, 1 sq. Ex qua cunctorum processit origo bonorum. — 5, 1 mater fehlt.

190. De s. Antonio Eremita.

- | | |
|--|---|
| 1. O Antoni, sancte pater,
Salutaris vitae crater,
Quae nos turbat multis malis,
Pestis epidimialis
Ut a nobis extirpetur,
Tua virtus operetur. | 4. O Antoni, tanta caede
Ne caedamur, intercede
Mox ad Deum mente pura,
Sua ne nos creatura
Per ipsius morbi ramnum
Patiamur illud damnum. |
| 2. Es signifer et lucifer,
Sis noster ergo scutifer,
Ne morbus hic nos feriat,
Precamur te, quod pereat
Radix eius atque fomes,
Malus est nam ipse comes. | 5. Morbus hic contagiosus
.
Ne nos tam repente necet,
Te, confessor alme, decet
Arte tua nos mederi,
Namque scimus illud vere, |
| 3. Tamquam fur in nocte venit,
Tunica non, quam invenit,
Vel pallio nos spoliat,
Sed pelle nos excoriat,
Et non solum privat pelle,
Aufert vitam suo felle. | 6. Si vis, potes nos mundare
Et hunc morbum effugare.
Fuga ergo venenosum
Morbum hunc et dolorosum
Praeservando non habentes
Et sanando patientes. |

- | | |
|---|---|
| <p>7. Nos videmus veris signis,
Infernalis quod est ignis;
Morbo passim liberantur
Per te, pater, et sanantur;
Placa Deum tua prece,
Nos ut salvet ab hac nece.</p> | <p>8. O Antoni, te precamur
Confidenter et affamur,
Nil Deus tibi denegat,
Cuius manus nos protegat,
A peste momentanea
Et morte subitanea.</p> |
|---|---|

Orat. ms. Campense anni 1462. Cod. Darmstadien. 521. — 1, 2 scater. —
1, 3 Qui. — 4, 5 rampnum. — 4, 6 dampnum.

191. De sancta Apollonia.

1. Virgo landanda,
Impetra impetranda,
Me libera ream,
Ut te laudare queam,
O virgo pia, grata,
Mea terge peccata,
Tuo intercessu
Me purga ab excessu
In hoc dentium dolore,
Pulchrior es nam omni flore.

* * *

2. Apolloniam nobilem
Dominus exaltavit,
Ancillam suam humilem
Ad caeles elevavit,
Digne immarcassibili
Serto hanc exornando
Et supernorum agmini
Clemens associando.

Orat. ms. Bohemicum saec. 15. Cod. Ducumburgen. 89. — 1, 3 reum
gegen den Reim. — 1, 5 O virgo pia Apollonia grata.

192. De sancto Augustino.

- | | |
|--|---|
| <p>1. Augustinus, ex honestis
Genitus parentibus,
Inventutem in modestis
Consummavit moribus,
Fide tamen atque gestis
Distans a fidelibus.</p> | <p>2. Umbras haeresis profanae
Obscuratur misere,
Multum errans per inane
Praeceptis coepit ruere,
Quaerens verum et mundanae
Lucis more cernere.</p> |
|--|---|

- | | |
|---|---|
| <p>3. Gratia divina dante
 Tractus ab exitio,
 Sectam, quam defendit ante,
 Verbi uecat gladio.
 Et baptisma mediante
 Percepit Ambrosio.</p> | <p>7. In divinis scripturarum
 Ipse voluminibus
 Mundo luxit sidus clarum
 Scriptis et sermonibus,
 Umbras fugans tenebrarum
 Ex humanis cordibus.</p> |
| <p>4. Ualidus haereticorum
 Dicitur hinc malleus,
 Factus et catholicorum
 Monitor idoneus,
 Lux doctorum, forma morum,
 Scripturarum puteus.</p> | <p>8. Nobilem de clericali
 Statu scripsit regulam,
 Vivens ipse lege tali
 Ad sanctorum formulam,
 Veste, victu generali
 Utens strinxit crapulam.</p> |
| <p>5. Sprevit saeculi honores
 Vitans causas scelerum,
 Sequens mundi contemptores,
 Amans vitam pauperum,
 Regulavit vitae mores
 Ad exemplar veterum.</p> | <p>9. Vitae dies in senectam
 Explicat utiliter,
 Bonis actibus perfectam
 Sinit ipsam dulciter,
 Caeli patriam dilectam
 Intrat immortaliter.</p> |
| <p>6. Totus quidem caritatis
 Ferbuit incendiis,
 Ex supernae claritatis
 Illustratus radiis,
 In abyssum caritatis
 Fertur desideriis.</p> | <p>10. Sancte pater Augustine,
 Tuae fer familiae
 Opem gratiae divinae
 Et misericordiae,
 Ut ditemur sine fine
 Tecum bonis patriae.</p> |

Orat. ms. Campense anni 1462. Cod. Darmstadien. 521. — 2, 3 erras. — 3, 2 Tractus fehlt. — 3, 5 baptismo. — Akrostichon: Augustinus.

193. De sancta Avia.

- | | |
|--|--|
| <p>1. Inclita martyr Avia,
 Du cuer humblement te suplie,
 Conducat me recta via
 En ceste trouble et mortel vie ;
 Prie la doulce virge Marie,
 Que fert reis remedia,
 Quae en labenoi te compaignie
 Puisse avoir caeli gaudia.</p> | <p>2. Humiliter te rogamus,
 Tres doulce virge, sainte Avoye,
 Ad gloriam, quam optamus,
 Nos ames conduys et avoye.
 Mayne nos par si droite voye,
 Que hostem uon timeamus,
 Chantans en perdurable ioye
 Omnes: te Deum laudamus.</p> |
|--|--|

Orat. ms. Montis S. Michaelis saec. 15. Cod. Abrincen. 45.

194. De sancta Barbara.

Barbara, virgo Dei, spes perpetuae requiei,
 Lux verae fidei, quaeso, memento mei.
 Ut supernorum me turbis adnumerari
 Et collaetari contingat in arce polorum.
 A patre terrestri, sanctissima virgo, necaris,
 Sed de caelesti, dignissima, vivificaris.
 Hoc magnum munus mihi det, qui cuncta creavit
 Teque coronavit, qui regnat trinus et unus.

Collect. ms. Insulae reginae caeli anni 1479. Cod. Darmstadien. 2653. —
 An dieses Gedicht schliessen sich in der Hs. noch die folgenden Verse:

Barbara, tu mentem Satanae compesce tumentem,
 Barbara ne sua vis noceat, virgo, rogo, suavis.

195. De sancta Barbara.

1. *Ave*, Barbara beata,
 Martyr quoque Deo grata,
 Afflictorum advocata,
 Tu adiutrix sis rogata,
 Ut defectus et peccata
 Nostra per te sint ablata.
 Sponsa Christi es vocata,
 Audi, quaeso, mea vota,
 Propter tuam passionem
 Tutum meum fac agonem.

2. *Salve*, candens margarita,
 In cubili regis sita,
 Quae in aula nuptiali

Et conventu virginali
 Locum tenes praeparatum,
 Sponsum nobis fac placatum.

3. *Ave*, gemma claritatis
 Ad instar carbunculi,
Ave, rosa paradisi,
 More fragrans balsami,
 Barbara, virgo nobilis
 Martyrque dives meritis,
 Te orantes
 protege a periculis
 Ac caelorum
 iunge gaudiis.

Oration. ms. S. Petri Salisburgensis saec. 15. Cod. Petrin. a VI 35. —
 1, 1 *Ave*, virgo N beata. — Aufschrift: „Oratio bona de s. Barbara vel
 alia virgine.“ Aus 1, 9 sq. und 3, 5 geht indes hervor, daß das Gedicht
 auf Barbara beabsichtigt war.

196. De sancta Barbara.

- | | |
|---|---|
| <p>1. Ave, sancta Barbara,
Christo desponsata,
Et virginum aureola
Ab ipso ornata.</p> | <p>3. Mundi florem et nitorem
Refutasti,
Sed angelorum dominum
Tu amasti.</p> |
| <p>2. O beata,
Deo grata,
Sponsa Christi Barbara,
Esto pia
Mibi, quia
Sum in labe misera.</p> | <p>4. Ergo digna, o benigna,
Nunc implora et exora
Pro me Dei filium,
Ut peccata perpetrata
Iam deflenti paenitenti
Detur mihi venia;</p> |
5. Ut post vitam hic finitam
Fine bono Dei dono
Fruar caeli gloria.

Orat. ms. Bohemicum saec. 15. Cod. Ducumburgen. 89. — 1, 4 Ab ipso digne ornata. — Als „Oratio“ bezeichnet.

197. De sancta Barbara.

- | | |
|--|--|
| <p>1. Ave, gemma o praeclara,
Martyr Dei Barbara.
Salve, lucens margarita,
Virtutum flore redimita,
Ave, virgo gloriosa,
Sponsa Christi praeformosa.</p> | <p>Cum Christo, o pulcherrima,
Inter sanctorum agmina</p> |
| <p>2. Salve, rosa vallium,
Paradisi lilium,
Pulchra nimis, Deo grata,
Quae a patre es truncata,
Nunc vero iugi gloria
Regnas in caeli curia</p> | <p>3. Ora pro nobis iugiter,
Ne morte damnabiliter
Nos laedat culpa criminum
Nec taetra turba daemonum,
Sed sacro Christi corpore
Et pretioso sanguine
Refecti sinus dulciter,
Ut tecum aeternaliter
Gustemus Christi munera
Per infinita saecula.</p> |

Orat. ms. Stirpinense[?] saec. 15. Cod. Stirpinea. 43. — 3, 7 sumus. — 3, 10 saeculorum saecula. — „Quicumque sequentum orationem vel unum Pater noster et Ave Maria ob honorem sanctae Barbarae, virginis et martyris, cotidie dixerit, et diem passionis eius celebraverit cum ieiunio et divino officio, si potest, nunquam subitanea morte nec sine dominico sacramento nec etiam sine confessione et contritione morietur.“

198. De sancto Bartholomaeo.

- | | |
|--|---|
| <p>1. Excitare, o cor meum,
Laudando Bartholomaeum
Cum voce laetitiae,
Qui est petens apud Deum,
Ne me damnet suum reum
Rigore iustitiae.</p> | <p>5. Nam octavus descendendo
Es et quintus ascendendo
Recte magistraliter.
Ex quo facto hoc perpendo,
Dulcem, pium te essendo
Valde specialiter.</p> |
| <p>2. O Bartholomaeae care,
O mi princeps, o praeclare
Dux magnificentiae,
Tu es magnum luminare,
Toti mundo salutare,
Mirae resplendentiae.</p> | <p>6. Quia chorda tensa bene
Dulcem sonum reddit plene,
Sic tu passus gravius;
Stricte corpus tensa lene
Pelles, nervi sunt et venae,
Ergo sonas suavius.</p> |
| <p>3. Tu ditator egenorum,
Propugnator peccatorum
Hos Deo pacificans,
Liberator devotorum,
Ligator daemoniorum
Haec urens, mutificans.</p> | <p>7. Multis malis sum innisus,
Sed oro de te confisus,
Ut ab his excorier,
Circumquaque circumcisis,
Hoc sit mihi paradisus,
Ut sic novus glorier.</p> |
| <p>4. Gaude, in apostolorum
Numero duodenorum
Vere stas dulciflue,
Quo tanguntur flores florum,
Penes artem musicorum
Sonando melliflue.</p> | <p>8. O mi pater pietatis,
Adiutor necessitatis
Omni in periculo,
Hostes pelle pravitatis
Et me loca cum beatis
In mortis articulo.</p> |

Orat. ms. Campense anni 1462. Cod. Darmstadien. 521.

199. De sancta Birgitta.

- | | |
|---|--|
| <p>1. Beataram mulierum
Birgitta sanctissima,
Nam novisti Deum verum
Fide ornatissima,</p> | <p>4. Christi scatens fons et rivus,
Canna fecundissima,
Unde fluxit cibus vivus,
Doctrina doctissima.</p> |
| <p>2. Ad bonum a iuventute
Te allexit gratia.
In Deo vixisti tute
Summa cum fiducia.</p> | <p>5. Rex te caeli praelegit,
Viduarum speculum,
Sibi totam te compegit
Nunc usque in saeculum.</p> |
| <p>3. Inclita tu sponsa Dei,
Oliva tu gratiae,
Augmentatrix sanctae spei,
O lampas ecclesiae.</p> | <p>6. O quam multis te dotavit
Donis, signis, meritis,
Iam in caelis te locavit
Praemiis cum inclitis.</p> |

- | | |
|---|---|
| 7. Gaude, mater generosa,
Arbor salutifera,
Ave, o Swecorum rosa,
Vitis tu fructifera. | 12. Sis nunc mater orphanorum,
Tutrix in periculis,
Et salvatrix sis cunctorum
Flentium in vinculis. |
| 8. Quanta tibi revelavit
Christus mundo lucida,
Multos per te illustravit,
Gemma Iesu nitida. | 13. Te honorat et implorat
Tota christianitas,
Perquam membris Christi orat
Caritatis suavitas. |
| 9. In adversis es probata,
Sanctitate florida,
Nobili de stirpe nata,
Peregrina placida. | 14. Utriusque status, sexus
Capita sanctifica,
In his sit amoris nexus,
Iam reos vivifica. |
| 10. Perlustrasti loca sancta
Iussu Christi Domini,
Doctrinarum clara planta,
Honor Dei nomini. | 15. Amatrix sis clericorum,
Reduc cunctos ordines
Ad perfectam viam morum,
Flecte caeli cardines. |
| 11. Tu virtutum pulcher hortus,
Vas morum purissimum,
Tu salutis laetus portus,
Sidus splendidissimum. | 16. Pacem regnis, Dei zelum
Cunctis datis precibus
Electorum posce caelum
Aeternis cum laudibus. |

Brev. ms. Gnadenbergense saec. 15. Cod Holmien. s. n.

200. De sancta Birgitta.

- | | |
|---|--|
| 1. O Birgitta, stella clara,
Genita in Suecia,
Ut sol fulgens luce clara
Ex divina gratia, | 2. Mentis nostras et illustra
Luce sapientiae,
Quae praefulges tam venusta
Multiformis gratiae. |
|---|--|

Klemming I, 34. — Mit der Angabe: „S. Birg. Openb. IX.“ Es folgt dann noch die Antiphon *Rosa rorans veritatem* (sonst *bonitatem*) aus dem Officium der Heiligen, Anal. XXV, 162.

201. De sancta Caecilia.

- | | |
|--|--|
| 1. Salve, sancta Caecilia,
Vere Mariae filia,
Sprevisti carnis vilia,
Caeli amasti lilia. | 3. Salve, quia angelico
Aspectu et alloquio
Perfruebaris saepius
Diebus atque noctibus. |
| 2. Salve, quod Dei filium
Sic dilexisti unicum,
Quod eius evangelium
Semper gerebat cor tuum. | 4. Salve, sponsa cum virgine
Quae pro tuo precamine
Esse vera meruisti
Gratia praestante Christi. |

- | | |
|---|--|
| 5. Salve, virgo, cilicio
Tua membra, ieiunio
Quae domabas exterius,
Ut templum esses spiritus. | 10. Salve, verna studiosa.
Ut apis argumentosa,
Christo pure serviendo,
Incredulos convertendo, |
| 6. Salve, quae Valerianum
Pium eius et germanum
Christi fidem docuisti
Et martyrem effecisti. | 11. Per quod Christus praedicatur,
Exaltatur et laudatur,
Quod puellam virginalem
Famulam haberet talem. |
| 7. Salve, tuo cum coniuge
Quod sine lege coniugum
Vitam duxisti caelibem
Juxta Mariam virginem. | 12. Salve, quae te tradidisti
Ad mortem amore Christi,
Quem pro me, quaeso, implora
Mecum sisque mortis hora. |
| 8. O felices vos personae,
Quibus datae sunt coronae
Factae rosis ac liliis
A manibus angelicis! | 13. Salve, tuum corpusculum
Quod inter tumbas praesulum
Digne locari meruit
Signisque multis claruit. |
| 9. Salve, virgo, quae impium
Superasti Almachium
Ratione, vi verborum
Tibi caelitus datorum. | 14. Salve, [martyr] gloriosa,
Inter virgines famosa,
Quae a matre benedicta
Sancta virgo tu es dicta. |

15. Rogo, sancta Caecilia,
Me Christo reconcilia
Atque tua per merita
Absterge mea crimina.

Collect. ms. Libehardi, prioris Reichenbacen., anni 1476. Clm. Monacen. 2990. — 11, 1 Per quos.

202. De sancta Caecilia.

- | | |
|---|--|
| 1. Florens, virgo, caeli rore,
Obumbrata florum flore
Caelitus, Caecilia,
Sponsum tuum ab errore,
Fratrem eius pari more
Vocasti propitia. | 2. His Urbanum in candore
Ut caelestem in splendore
Demonstrasti conscia;
Per te salus in languore,
Detur, quies in labore,
In delicto venia. |
|---|--|

Orat. ms. Anglican. saec. 13. Cod. Londinen. Ar. 201.

203. De sancta Caecilia.

- | | |
|--|---|
| <p>1. O praeclara Caecilia,
Quae puritatis lilia
Virtutumque insignia
Christo obtulisti;
Tu summi regis filia,
Pulchra gerens monilia
Virtutum, per exsilia
Hinc regnum introisti.</p> | <p>2. O beata Caecilia
Salva corda debilia,
Precor, et fac agilia
In divino servitio.
Fac, ut nostra exsilia
Facta fiant utilia,
Salubria consilia
[Tuo, virgo, auxilio].</p> |
|--|---|

Orat. ms. Campense anni 1462. Cod. Darmstadien. 521.

204. De sancta Christina.

- | | |
|--|---|
| <p>1. Ave, virgo tu Christina,
Ave, dulcis et divina,
Ave, sponsa Christi vera,
Ave, mitis et sincera.</p> <p>2. Martyr Dei, Deo digna,
Tua prece me consigna,
Preces audi peccatoris
Et me mundes intus, foris.</p> <p>3. Preces audi, praesta votum,
Cor in bono fac immotum,
Confer mihi cor contritum,
Rege visum et auditum.</p> <p>4. Rege gustum et olfactum,
Virgo sancta, rege tactum,
Ut in cunctis te regente
Vivam Deo sancta mente.</p> | <p>5. O sancta martyr Christina,
Babylonis de sentina
Mihi tutum da ducatum,
Christum Iesum fac placatum.</p> <p>6. Esto mihi consolatrix.
Pro me sis interpellatrix,
Pro me Christum interpella,
Solve mortis de procella.</p> <p>7. Superare me fac mundum,
Ne demergar in profundum,
Me non sinas naufragari
In peccatis in hoc mari.</p> <p>8. In conspectu potens Dei,
Memor esto, precor, mei,
O servitrix Christi fortis,
Esto praesens hora mortis.</p> |
|--|---|

9. Decumbentem fove, leva
Et de morte solve saeva,
Ut resurgam novus homo,
Civis in caelesti domo.

Orat. ms. Campense anni 1462. Cod. Darmstadien. 521.

205. De sancto Christophoro.

- | | |
|--|---|
| <p>1. Gaude, martyr Christophore,
Qui curasti servus fore
Solo Christi nomine.</p> | <p>2. Gande, quia sitivisti
Iesum, ter a quo fuisti
Baptizatus flumine.</p> |
|--|---|

3. Gaude, quia ferrum durum
Liquivit ut cera purum
Tuo deprecamine.

4. Gaude, quia confortasti
Dagnum luscum, quem sanasti
Cum lutoso sanguine.

5. Gaude, caelo exaltatus
Et in mundo denotatus
Consolator inopum.

Orat. ms. Ultraiectinum saec. 15. Cod. Nordkirchen. s. n.

206. De sancto Christophoro.

Ave, martyr Christophore,
Qui regem caeli et terrae
Tuis portas in umeris
Per aquas diri fluminis,
Duc nos per fluctus saeculi,
Ne demergamur naufragi,
Sed fac per mortem corporis
Sociemur in superis.

Horae BMV. ad usum Venetensem saec. 15. Cod. Vindobonen. 1919. —
7 Sed fac nos per.

207. De sancto Christophoro.

O sancte Christophore,
martyr Iesu Christi,
Qui pro eius nomine
poenas pertulisti,
Opem confer miseris
atque mundo tristi,
Qui caelestis gloriae
regna meruisti.

Horae ms. sec. usum Sarum saec. 14. Cod. Coll. Iesu Oxonien. 32.
A. — Horae ms. sec. usum Sarum saec. 15. Cod. Oxonien. Canon. Miscel.
98. B. — Salicetus, Antidotarium animae imp. Argent. 1489. C. — Anti-
dotarium animae imp. Argent. 1491. D. — 1. O fehlt, AC; Gaude sancte B. —
3 pro Christi nomine C. — Quae caelestis B. — An diese Zeilen schließt
sich in allen Quellen unmittelbar an: Christophori sancti speciem
quicumque tuetur, Anal. XXXIII, Nr. 75.

208. De sancto Clemente.

- | | |
|--|--|
| 1. Ave, martyr triumphalis,
Christi praesul specialis,
Nos a mundi sana malis,
Ne nos amor mundialis
Mergat in flagitia. | 4. Ut tua per magnalia
Crescant spiritualia.
Nec desint temporalia,
Post haec et aeternalia
Dentur Christi munera. |
| 2. Palma nitens triumphali,
Aqua mersus marinali,
Vitam claudis morte tali,
Ut post mortem immortal
Fruereris infula. | 5. O Clemens, martyr Domini,
Tuo beato nomini
Nostra subscribe nomina
In libri vitae pagina
Christi dante gratia. |
| 3. Una voce, mente pari
Nos honore singulari
Te studemus venerari;
Dum versamur in hoc mari,
Exhibe suffragia, | 6. Ne permittas spe frustrari,
Quibus potes suffragari,
Fac nos Christo praesentari,
Ut hunc tecum contemplari
Possimus in gloria. |
| 7. Ubi nec cras, nec hesternum,
Sed est idem hodiernum,
Ubi salus, ubi vita,
Ubi pax est infinita,
Ubi Deus omnia. | |

Orat. ms. Campense anni 1462. Cod. Darmstadien. 521. — 2, 4 immortalis. — Das Lied zeigt namentlich am Schlusse starke Entlehnungen.

209. De sancto Cuthberto.

- O decus Anglorum, titulis pollens meritorum,
Mi Cuthberte pater, pronis pius, hostibus acer,
Te mihi suspiro, te spe, prece, mente requiro.
Novimus, alter erit, tua qui suffragia querit,
5. Tristis letatur, flens ridet, egensque beatur.
Nunc hilaris maestro, misero miserator adesto.
Sum maestus plane, quod vixi, fugit inane,
Fugit enim, dixi, vita nil utile fixi.
Quantum peccavi! flens crimina post iteravi.
10. Quae bona, quae liqui, nil detestatus iniqui?
O me peccantem! sprevi peccando tonantem,
Quem quotiens sprevi, me de caelis abolevi.
Exosus caelo, terrae, cur vivus anhelos?
Postponens Christum delegi mortis abyssum,
15. In barathri fundum mergit scelus omne profundum.
Horreo, peccantem me dico, tanta patrantem,
Non fero me talem, me conspiciens animale.

- Fonte Dei lotus renovabar et unguine fatus,
Splendidus exivi, sed post sordes repetivi.
20. Vae michi, peccavi, culpas culpīs cumulavi!
Vae michi, quo vadam? novus in me decidit Adam,
Ingemino vae, vae, repeto vae filius Evae.
Non tolero memet, nec possum linquere memet.
Tu locus effugii, pater, es, patiaris adiri,
25. Huc magis ipse cito, miseri miserendo venito.
Respice languentem, peccavi, morte paventem,
Exora Iesum, velit me visere laesum.
Saucius ex telo culpae medicamen anhelō.
Fer, precor, antidotum, medicus, medicina dolorum.
30. Porrige, quaeso, manum, facias mox surgere sanum,
Porrige, quo mundum reddat, baptismā secundum.
Spes mea post Christum, prece pellas omne sinistrum,
Oro, iuvare velis, et mox tibi stabo fidelis.
Posce mihi flatum, quondam tibi mystica fatum,
35. Quae puer octennis perdiscis ab ore triennis.
Ut te de caelis Raphael, me trade medelis,
Dans nautis portum fac, tendam pacis ad ortum,
Orans intente, transcendens terrea mente,
Quo tu tendebas, sanctum transire videbas,
40. Fac, ut eo tendam, dum morti iura rependam.
Te, pater insignis, daemon expavit et ignis
Te, fugiant per te Satanas, Venus, hostis uterque.
Pastus ut in terris paradisi pane referris,
Fac, vivi panis nunquam mea mens sit inanis.
45. Orans, praedicens, praesens, absens benedicens,
Potu, pane, manu, cruce, chrismate, munere, tactu
Morbis marcentes subito das ire valentes.
Aegrum peccatis relevato, pater pietatis,
Me repares, queaso, fer opem, pater optime, laeso.
50. Respice prostratum, culparum mole gravatum,
Stabo sanatus, si vis audire rogatus.
Quod vis, fac velle, procul a me cetera pelle,
Velle, quod odisti, da vivam victimā Christi.
Vivam non mundo, sed caelis sine secundo.
55. O cui te credis secretae gratia sedis,
Te bene, te novit, secretius abdita fovit,
Quae solvi carne te viderat inclita Farne.
Sancte Dei civis, melius post funera vivis,
Sanctus cum sanctis felicior ore tonantis,
60. Sanctus sanctorum tua pars, tua palma laborum.
Suscipe vota precum, peto, fac me vivere tecum.
Dic, rogo, dic amen, dic consummendo precamen.

210. De sancto Dominico.

- | | |
|---|--|
| <p>1. O sancte Dominice,
Confessor magnifice,
Christi praedicator,
Fidei catholicae
Pugil et haereticae
Pestis exstirpator,
Legis evangelicae
Simul et propheticae
Fervens aemulator,
Pie hic nos respice
Coram summo iudice
Noster mediator.</p> | <p>2. Eia, pater, propera,
Clementer accelera,
Iuva te rogantes,
Inter huius aspera
Saeculique prospera
Rege fluctuantes;
Quae nos girant, onera
Tua dele dextera
Et te collaudantes
In hac valle misera
Ad te super aethera.
Subleva laetantes.</p> |
|---|--|

3. Pro benefactoribus
Ac familiaribus,
Pro recommendatis,
Pro itinerantibus
Et pro paenitentibus
Sive desperatis
Te profusis precibus,
Petimus, ut omnibus
Veniam peccatis
Impetres et sedibus
Coniungas caelestibus,
Pater pietatis.

Orat. ms. Campense anni 1462. Cod. Darmstadien. 521. — 1, 2 Confessor Domini magnifice.

211. De sancta Dorothea.

- | | |
|---|--|
| <p>Iesus, Mariae filius
Et Dorotheae dominus,
Qui virtute sancti spiritus
Ab hoste eam liberavit</p> <p>5. Atque eam dulciter
Mox ad se vocavit
Ac rosas cum rosario
Mense Februario
Ad preces eius notario</p> | <p>10. Cum frondibus donavit,
Ipse dulcis Dominus,
Nos liberet hic protinus
A falsis criminalibus
Et a peccati nexibus,</p> <p>15. Qui testis est fidelis,
Ac Dorotheae precibus
Et gloriosis meritis
Coronet nos in caelis.</p> |
|---|--|

Orat. ms. Campense anni 1462. Darmstadien. 521. —

212. De sancta Dorothea.

- | | |
|--|--|
| 1. Gaude, virgo Christo grata,
Dorothea sic vocata
Disponente Domino. | 7. Gaude, maestis es solamen
Miserorum et velamen
In saeclo naufragantium. |
| 2. Gaude, virgo gratiosa,
Dorothea speciosa,
Deitatis gratia. | 8. Gaude, decus humilium.
Mihi confer auxilium,
Et pro me ora Dominum. |
| 3. Gaude, virgo, te quaerenti
Et sincere diligenti
Certa das tripudia. | 9. Gaude, quanta impetrasti.
Ictus ensis dum sperasti.
Sub praefecto Fabricio. |
| 4. Gaude, dulcis advocata,
Caeli serto coronata,
Ardens ut carbunculus. | 10. Gaude, cuncti ablutricem
Scelerum, te assistricem
Sciant mortis periculo. |
| 5. Gaude, splendens pulchritudo,
Virginum tu claritudo
Ad instar carbunculi. | 11. Christi dona visionem,
Peccatorum tersionem,
Veram cordis compunctionem, |
| 6. Gaude, virtutum area,
Urbe nata Caesarea,
Tu a me pelle vitia. | 12. Dei matris praesentiam,
Tuamque apparentiam,
Duc nos ad Dei gloriam. |

Orat. ms. Tirnsteinense saec. 15. Cod. Ducumburgen. 84. — 4, 3 *Ardens carbuncule*. — 5, 2 *tu* fehlt. — 7, 1 *es* fehlt. — 10, 1 *adiutricem*. — 10, 3 *in periculo*. — 12, 3 *Duc nos post te ad*.

213. De sancta Dorothea.

- | | |
|---|---|
| 1. Ave, virgo Deo grata,
Dorothea sic vocata
Parentum elogio;
Ave, rosa sine spina,
Vulneratis medicina
Meriti fastigio. | 3. Ave, dulcis advocata,
Caeli serto coronata
Ardentis sardiunculi.
Ave, splendens claritudo,
Inexhausta pulchritudo
Ad instar carbunculi. |
| 2. Ave, virgo virtuosa,
Dorothea speciosa
Deitatis gratia;
Ave, omni te quaerenti
Et sincere diligenti
Magna dans solacia. | 4. Ave, maestis consolamen,
Miserorum relevamen,
Triumphatrix zabuli;
Ave, digna tu videre
Salvatorem tunc sincere
Sub forma pueruli. |

5. Tu virtutum es area
Vere, nata Caesarea,
O decus humilium;
Stirpe namque procreata,
Castitate phalerata,
Parentum sublimium.
6. O quam, virgo, ruda multa
Pertulisti sic suffulta
Sacro sub umbraculo,
Nunc a doctis et mirandis
Datur tibi honor grandis
Sponsi adminiculo.
7. O quot bona impetrasti,
Ictum ensis dum spectasti
Praesidis Fabricii;
Mulieri parienti
Nomen tuum invocanti
Datur spes remedii.
8. Ut postremum infamati,
Paupertate adgravati
In praesenti saeculo
Sciant sibi assistricem
Celeremque adiutricem
Quovis in periculo.
9. Et in fine suae vitae,
Omnes, rogo, hoc audite
Colentes memoriam,
Veram cordis punctionem,
Peccatorum tersionem
Post ad poli gloriam.
10. O suave tuum nomen
Nobis praestet per te, Amen,
Mala cuncta fugere,
Ut concedat fidem rectam
Caritatemque perfectam,
Spe nunquam deficere.
11. Eucharistiae ducamen
Contra hostis obluctamen
Larga det devotio.
Hoc condonet, qui est unus,
Vere quoque exstat trinus,
Aevi stans causatio.
12. Huius virtus infinita,
Qua paratur nobis vita
Et cunctis ab exordio,
Clementia non fabilis,
Ens incomprehensibilis
Teste sacro eloquio.

Orat. ms. S. Petri Salisburgen. saec. 15. Cod. Petrin. a IV 39. — 6, 2
Protulisti. — 11, 5 Ve quoque. —

214. De sancta Dorothea.

1. Ave, virgo Dorothea,
Cor mundum in me crea,
Vitam [meam] sic gubernas,
Tuus ut sim dignus verna,
Ignem da sancti pneumatis,
Ut ex toto corde queam
Spem te singularem meam
In praesenti collaudare
Possimque tibi decantare
Melos sonori neumatis.
2. O virgo virginum praeclara,
Quae tormenta tam amara,
Ferventis olei vicisti
Et illaesa exivisti,
Me de peccatis erige.
O votiva spes lapsorum,
Quae per manus angelorum
Es in carcere nutrita,
Me fove nunc in hac vita,
Gressus meos dirige.

3. O Dorothea laude digna,
Idola per te maligna
A Fabricio erecta,
Ab angelo sunt abiecta,
A me fuga haec idola.
In eculeo suspensa,
Facibus dire succensa,
Me ure caritate Dei,
Ancora sis meae spei,
Ne fraude vincar subdola.
4. O Dorothea, sponsa Christi,
Memorare, quod misisti
Rosas cum malis, munus mirum,
Theophilo, cum frigus dirum,
Erat brumali tempore;
Mitte rosas cordi meo,
Me coniunge soli Deo,
Ut per talem convecturam
Mortem evadam praeduram
In anima et corpore.
5. O virgo, cum hinc transmigrasti,
Sub gladio tunc impetrasti,
Deum qui deprecaretur
Per te, mox ut exaudiretur
Cunctis in periculis.
O Dorothea, virens vitis,
Assertorem tuae litis
Hic astantem contemplare,
Gemescientem tam amare
Singulibus nunc sedulis.
6. O vas multum opulentum
Super aurum et argentum,
In paupertate me amara
Solve, virgo, precor, clara,
Languentem prae inopia;
- Non me tuum asperneris
Nec indignum indigneris,
Me commendo tibi totum
In amore tuo potum,
O pietatis copia.
7. O rosa rubens sine spina,
Flos illaesus a pruina.
Tortor, virgo, ne me laedat,
Nexus inferni ne me caedat,
Me audi, vernans lilium.
O Dorothea, martyr Dei,
Miserere, virgo, mei,
Te laudantem non ignora.
Sed pro me semper exora
Christum, Mariae filium.
8. O Dorothea, spes virtutum,
Me sordibus multum imbutum,
Servum tuum nunc exaudi,
Fine malo ne me claudi
Sinas in meis vitiis.
O virgo castitatis mirae,
Tibi decrevi nunc servire,
Sub tua cura tam suavi
Me habe, nam te amavi
Prae cunctis deliciis.
9. O virgo, cum hinc emigrare
Me contingit, tunc aptare,
In horrenda mortis hora,
Veni, virgo, sine mora
Tuere me et libera.
Sis securum mihi scutum,
In agone fac me tutum,
Da, ut hostem non pavescam,
Sed in Christo requiescam
Quiete salutifera.

Orat. ms. S. Petri Salisburgen. saec. 15. Cod. Petrin. a IV 39. — 1, 7
Spem firmam singularem. — 1, 10 sonoris. — 5, 4 mox et. — 5, 6 vivens.
— 5, 10 Singultatibus. — 6, 6 aspernaris. — 6, 7 indignaris. — 6, 9 tue.
— 8, 9 te virgo amavi. — Nach dem Amen folgt noch die A:

Dorothea Christo grata,
Afflictorum advocata
Adiutrix[que] sis rogata,
Ut defectus et peccata
Nostra per te sint ablata.

215. De sancta Dorothea.

- | | |
|--|--|
| 1. Margarita pretiosa
Et virtutum vernans rosa
Senatorum genere,
Pater Dorcus, mater Thea,
Sic vocata Dorothea
Congregato nomine. | 3. Condigne Cappadocia
Cum urbe Caesarea
Te sustinet martyrem,
Ubi tuum laceratur
Corpus atque maceratur
A rege Fabricio. |
| 2. Tibi sponsum elegisti
Christum, per quem meruisti
Paganorum numerum,
Tui sanguinis sorores,
Non habentes Christi mores,
Perducis ad Dominum. | 4. In mense Februario
Tu scribae Theophilo
Mittis mala bina,
Trinas quoque rosas
Vernantes, speciosas
Sub gratia divina. |

5. Qui videns Deum timuit,
Martyrium sustinuit
 Intrans caelorum gloriam:
Nunc animae et corporis
Tu nostri in periculis
 Habeto memoriam.

Orat. ms. S. Petri Salisburgen. saec. 15. Cod. Petrin. a IV 38. — 3, 5
et maceratur. — 5, 1 et timuit. — 5, 2 Et martyrium.

216. De sancta Elisabetha.

- O viridis palma, bonitatis Elisabeth alma,
Flos Alamannorum, consolatrix miserorum,
Hortus honestatis, fons totius bonitatis,
Ex Christo data, regali stirpe creata,
5. Tu schola virtutis, aegris spes certa salutis,
Non fuit in mundo patientior hoc furibundo.
Exstas insignis meritis, multis quoque signis,
Organa das lucis, defunctos ipsa reducis.
Herbida tu tellus, Gedeonis nobile vellus,
10. Hesther cum Iudith in te sua munera fudit.
Pro nobis ora, cum mortis venerit hora,
Pandens absque mora paradisi regna decora.

Collect. ms. Libehardi, prioris Reichenbacen. anni 1476. Clm. Monacen.
2990. — 5 virtutum. — 7 multis fehlt. — 12 mora fehlt.

217. De sancta Eulalia.

Terna iam dena moriens Eulalia plena
More, boni vena fuit orbi, luna serena.
Nuda flagellatur, oleo sua mamma crematur,
Plumbo temptatur, ignita calce probatur.
In fornace Iesum caelestem palpitatur esum,
Quae nos prece pia perducatur ad aethera summa.

Orat. ms. Campense anni 1462. Cod. Darmstadien. 521.

218. De sancta Fide.

R^o. Praesidium vitae qui quaeritis, ecce, venite,

1. Quique laboratis, si vultis opem pietatis,
Tollite clamorem sub sanctae Fidis honorem
Eius laudando numen simulatque precando,
Haec ut vestrarum sit portus aegrimoniarum.
2. O mundanarum despectrix divitiarum,
Virtutum telis armata manendo fidelis,
Nomen de veris rebus duxisse videris,
Fides praeclari meriti bene digna vocari.
3. Lucifer ut stellis aliis praelata puellis,
Iudice sub tristi flammas quae tuta subisti,
Exaudi tantum tibi debita vota precantum,
Possint adiuti quo per te vivere tuti.
4. O pia bellatrix, virtutum semper amatrix,
Pro voto Christi gladio caput exposuisti
Hoc pacto fortis subeundo pericula mortis,
Unde tibi laetus congaudet in aetere coetus.
5. Peste nimis dira Daciani ferbuit ira,
Ut male puniret, quos Christo credere sciret;
Agmina sanctorum fugiunt ex urbe virorum,
Sed pugnax hosti tu sola resistere nosti.
6. Formoso toto succumbis corpore leto
Sanguineis rivis, Christo sed in aethere vivis,
Corpus et algescit, sed in astris vita calescit;
Hic tibi sedes est, quo iustis scandere spes est.
7. Gaudes sidereis, virgo, sociata choreis,
Caelitus aeterno regi copulata superno.
Corporis et vita frueris in morte potita,
Obstans hostili rabiei corde virili.

8. Laudibus aeternis caelo celebraris et arvis,
Cuius maiestas, nomen simulatque potestas
Cunctis clarebunt, dum terrea regna manebunt,
Et si transibunt, tamen haud tua facta peribunt.
9. Sponsa Dei magni, qui Christus dicitur, agni
Virginis atque pia, virgo, nurus atque Mariae,
Sis praesens genti non aequa sorte dolenti
Menteque devota, quae fundimus, accipe vota.
10. Desolatorum gratissima spes animorum
Atque laborantum requies te, laeta, vocantum,
Martyr et insignis, precibus moveare benignis,
Huius in adversis vitae dans prospera mersis.
11. Quos titubare vides, te poscimus, inclita Fides,
Conservare velis illaesos, virgo fidelis,
Nos validos per te fieri, quod scimus aperte,
Nec prece frustrata quemquam sinis ire vocata.
- R^o Nunc populo maesto praesens, pia martyr, adesto.
12. Te nisu toto petimus cum supplici voto,
Ut via virtutis sis nobis atque salutis,
Et, quod peccamus, solvat tua cura, rogamus,
Praebens tutelam miseris necnonque medelam.
13. Vinculastrarum nostrarum dissolvat tristitiarum,
Robur et augmentum tua fortitudo gementum,
Te si mens orat pia, non frustrata laborat,
Ut noxas pleret, sed dico, si sua maeret.
14. Fortunam maesto, depressis gaudia praesto,
Pacem turbatis, perversis vim pietatis,
Pellens languorem malesanis atque vigorem,
Exsulibus patriam stolidis rectamque sophiam.
15. Virtutis verae cultrix, pia virgo, medere
Cunctorum morbis per climata totius orbis
Perque tuum nomen rectum des omnibus omen,
Gratibus immensis celebreris ob ista repensis.
16. Adversis rebus praesentibus, alma, diebus,
Virgo, tuum munda templum dans cuncta secunda.
Expers maeroris ut floreat omnibus horis,
Iniciens maestus curas pellatur egestas.

17. Pro culpis demum Dominum, pia, flecte supremum,
Cum discussurus iudex erit ista futurus,
Tempus ad extremum cogens finire supremum,
Pacifica miram districti iudicis iram.
18. Illud ad examen tua plebs tunc laeta iuvamen
Sentiat, infernis non iuncta sed usa supernis,
Iudex iratus ne vindicet ille reatus,
Quam nos torqueri, potius velit et misereri.
19. Cum tamquam plebis princeps tunc, virgo, sedebis,
Pro stupefactorum desudes parte reorum,
Qui sibi non secum fidunt, fac vivere tecum,
Dans laqueos illis evadere perditionis.
20. Nostros placatus pater audiat ipse precatus,
Illius et natus concedat nos miseratus,
Roboret et flatus veniens ab utroque paratus;
Creditur iste Deus personis sub tribus unus.

R^o Laudes mens illi referat gregis ergo pusilli.

Passionale ms. S. Fidis Conchensis saec. 11. ex. Cod. Selestadien. 95 (1187). — Nach Strophe 1—10 inkl. folgt jedesmal der Rundreim: „Praesidium vitae“, nach den übrigen Strophen: „Nunc populo maestro.“ — Vgl. Bouillet, *Liber miraculorum sanctae Fidis* Paris. Picard. 1897.

219. De sancto Francisco.

1. O Francisce, pater sancte,
Devotionis fuisti tantae,
Quod divinus amor se signavit
Teque sibi assimilavit
Et in amore confirmavit,
Nunc quem sibi associavit.
2. Supplico tibi, bone pater,
Tui ordinis velut frater,
Respice in numero fratrum Minorum
Me, quem gravat onus peccatorum,
Impetra mihi veram paenitentiam
Firmamque perseverantiam.
3. Devotionem mihi procura,
O pie pater, de te sit mihi cura,
Rogo te per Iesum Christum crucifixum,
In quem scio te confixum,
Nunc et in morte sis adiutor,
Ne me perturbet persecutor.

4. O Iesu, Francisci amator,
Te nunc rogo pauper peccator,
Propter preces patris mei
Miserere mihi, fili Dei.
O bone Iesu, propter tuam mortem
Hunc patrem mitte ad meum agonem,
Ne formidem hostem fortem,
Sed me ducat ad tuam cohortem.

Orat. ms. Campense anni 1462. Cod. Darmstadien. 521. — 2, 4 gravet. —
4, 8 tuum.

220. De sancto Francisco.

- | | |
|---|---|
| 1. O Francisce,
Concupisce
Cordibus imprimere
Crucem Christi,
Quam tulisti
Stans in hoc itinere. | 6. Insignitum
Fac, munitum
Me crucis signaculo,
Fac transfixum
Et infixum
Crucifixi iaculo. |
| 2. Fac ardere
Nos, languere
Cura crucem Domini,
Et sit totum
Cor devotum
Pretioso sanguini. | 7. Maculatum
Per peccatum
Me defende miserum,
Fac ferventem
Servientem
Mortis, crucis, vulnerum. |
| 3. Cordi funde
Iam profunde
Crucifixi vulnera,
Quibus dentur
Et parentur
Nobis salutifera. | 8. Hunc thesaurum
Super aurum
Me sitire facias
Et immensum,
Fac, accensum
Ad cor tuum rapias. |
| 4. Det saporem
Crux, odorem
Nobis et dulcedinem,
Qua pascamur
Et ducamur
Ad beatitudinem. | 9. Suffragare,
Pater care,
Tuis ante Dominum,
Fac Minores
Esse flores
Ceterorum hominum. |
| 5. Cor ad crucem
Quasi lucem
Speculando gaudeat,
In qua fixe
Stet, prolixo,
Firmiter inhaereat. | 10. Crucem ament,
Ad te clament
Cordis desiderio,
Sint ferventes
Te sequentes
Filii vestigio. |

- | | |
|---|--|
| <p>11. Pater sancte,
Te invante
Simus in caelestibus,
Haec nos vere
Fac habere
Tnis sanctis precibus.</p> | <p>12. Adiuvarē
Nos dignare
Stantes in exsilio;
Te sequamur,
Ut fruamur
Paradisi gaudio.</p> |
|---|--|

Horar. ms. Franciscanum. saec. 15. Cod. Vatic. Regin. 165. — 2, 1 Fac nos ardere. — 4, 4 Quam. — 6, 3 Nostrae crucis. — 8, 4 immensium. — 8, 6 Et cor tuum. — 9, 3 ante Christum. — Trotz der Überschrift „Sequentia“ in der Quelle ein Reimgebet.

221. De sancta Frideswitha.

- Firma Frideswida, fidei flos, femina fida,
Rectos rite regens regem reprobando repellens,
Ignis institutiae iubar irradiavit in illa,
Dogmata digna Dei dominabus dans duodenis,
5. Edibus ex eius enormes expulsi estus.
Sacras sancta sibi studuit sociare sodales,
Virgo venusta vicens virtutis vendicat vsum,
Vt viris vetitum vitium vitare volebat.
Iudex institutiae iubar ingens intulit illi,
10. Turris tuba truce[m] tortorem tundere temptans.
Hic habitans humilis hostiles horruit hamos,
Angelicas acies adamans ascendit ad astra.

Orat. ms. Anglicanum saec. 15. Cod. Oxoniens. Rawl. C 550 (12 403). — 2 reprobando repelle. — 12 ab astra. — Es folgen in der Handschrift einige andere erzählende Verse mit dem Anfang: Carne Frideswidam genuit rex Didanus iste, die indes mit obigem Gedichte nichts zu tun haben. — Abschrift von Rev. H. M. Bannister.

222. De sancta Genovefa.

- | | |
|---|--|
| <p>1. <i>Genovefa</i>, flos virginum
Post matrem lucis luminum,
Excuset apud Dominum
Nostrorum lapsus criminum.</p> | <p>3. <i>Genovefae</i> subiaceat
Nostrae mentis intentio,
Ne vitiosa foeteat
Tumens cordis elatio.</p> |
| <p>2. <i>Genovefae</i> praeconium
Pangat landis confessio,
Et virginis praesidium
Nos absolvat a vitio.</p> | <p>4. <i>Genovefam</i> fidelium
Veneretur devotio,
Culpa[m] poscat remedium
Fervens cordis compunctio.</p> |

5. *Genovefa*, generalis
Salus in te sperantium,
Spes tuorum spiritalis,
Praebe tuis solacium.
6. *Genovefa* supplicante
Nullis premar supplicis,
Christo mihi miserante
Non puniar cum impiis.
7. Virgo clara virtutibus,
Virtutum fulgens titulo,
Coniunge caeli civibus
Exsules in hoc saeculo.
8. Virgo, per manus praesulis
Sponso dicata virginum,
Esto pro tuis famulis
Mediatrice ad Dominum.
9. Virgo, quae matris oculos
Luci restauras pristinae,
Participes fac servulos
Aeternae vitae lumine.
10. Virgo, quae facis puteum
Profundum superfluere,
Fac cor meum lapideum
Lacrimas tibi fundere.
11. Virgo, Parisiensium
Salus a persequentibus,
Esto nobis refugium
Ab inimicis omnibus.
12. Virgo, cui panis hordei
Cum fabis est refectio,
Nobis sit cibus fidei
Lacrimarum profusio.
13. Virgo, potans artifices
Dato de sursum poculo,
Satia tuos supplices
Aeternae vitae pabulo.
14. Virgo, quae prae te cereum
Lumen facis recipere,
Me facias sidereum
Verum lumen attingere.
15. Virgo, pro furti crimine
Caecata reddens lumina
Culpam fatenti feminae,
Mentes nostras illumina.
16. Virgo, quae membra plurium
Liberas a paralysi,
.
.
.
.
.
.
17. Virgo, quae viros liberas
A morte morti deditos,
A via mortis transferas
Ad vitam tibi subditos.
18. Virgo, puellac debili
Pedum reddens officium,
Via indeclinabili
Me duc ad summum gaudium.
19. Virgo, suspendens aere
Correptos a daemoniis,
Dignare nos eripere
A daemonum insidiis.
20. Virgo, quam falsae virginis
Non fallit simulatio,
Fac nos expertes criminis,
Dignos iustorum praemio.
21. Virgo, quae mersum precibus
Matri restauras filium,
A nostris deme cordibus
Vitae praesentis taedium.
22. Virgo, quae manum aridam
Sanasti tuis meritis,
Fac mentem nostram turbidam
Christi parere monitis.
23. Virgo, pulsus daemonibus
Sequanam reddens pervium,
Fac, ne cum peccatoribus
Iter carpathi devium.
24. Virgo, per quam solidatur
Membrorum dissolutio,
Per te nobis concedatur
Peccatis absolutio.

25. Virgo, quae viros liberas
Vexatos a daemónio,
Fac mentes nostras liberas
A daemonum dominio.
26. Virgo, quae caecam virginem
Redditis sanas oculus,
Mentis nostrae caliginem
Precibus pelle sedulis.
27. Virgo, per quam procuratur
Frigus et ardor febrium,
Per te nobis concedatur
Inter utrumque medium.
28. Virgo, quae naves fluvio
Periclitantes liberas,
Nos a mundi naufragio
Ad vitae portum transferas.
29. Virgo, nactas mirifice
Quae das fruges famelicis,
Caelesti pane refice,
Quos temporali reficis.
30. Virgo, quae pro pauperibus
Furtum facis laudabile
Dans panes indigentibus,
Crimen arce damnable.
31. Virgo, debilem pedibus
Surdumquesanans hominem,
Da nobis aequis passibus
Imitari te virginem.
32. Virgo, per quam parentibus
Sana redditur filia
De vita desperantibus,
Duc nos ad vitae praemia.
33. Virgo, quae parcis homini
Nolenti servo parcere,
Caelesti tuos agmini
Stude servos coniungere.
34. Virgo, foedis vestigiis
Foedum fugans daemonium,
A foetentibus vitiis
Purga secreta cordium.
35. Virgo, cuius potentiam
Sentiant energumini,
Da nobis sapientiam
Christi devotam nomini.
36. Virgo, fractum vas olei
Pulso reformans daemone,
Praeceptis sanctae fidei
Parere tuos admone.
37. Virgo, quae demis pluviam
Messibus et messoribus,
Riga cordis duritiam
Salutiferis imbribus.
38. Virgo, quae corpus liberas
Oppressum morbo calculi,
Cordibus nostris auferas
Amorem huius saeculi.
39. Virgo, quae mirabiliter
Incurvos sanas digitos,
Sana misericorditer
Actus nostros illicitos.
40. Virgo, cuius praesentia
Moventur immobilia,
Fac in Christo stabilia
Corda, quae sunt mobilia.
41. Virgo, quae tuis meritis
Sequanae sedas impetum,
Ab actibus illicitis
Restringe mentis impetum.
42. Virgo, quae circumstantibus
Ab aquis servas lectulum,
Intactum iustis fluctibus
Riga mentis cubiculum.
43. Virgo, quae sacri caelitus,
Sedas ignis incendium,
In me criminum penitus
Extingue flammam omnium.
44. Virgo, me tuum famulum
Caeli fac dignum solio,
Quae vivum servas servulum
Templi lapsam fastigio.

- | | |
|---|--|
| 45. Virgo, quae signis celebris
Rivos distillas olei,
Eripe nos a tenebris
Fonte repletos fidei. | 49. Quam reddit venerabilem
Signorum iugis gratia,
Quam suis admirabilem
Christus aequat in gloria, |
| 46. Virgo, dulce refugium,
Spes certa laborantium,
Medicina languentium,
Languorum salus omnium, | 50. Qua supplicante venia
Confertur peccatoribus,
Qua mediante praemia
Vitae dantur fidelibus, |
| 47. Cuius vita gloriosa,
Mors longe gloriosior,
Cuius vita pretiosa,
Mors multo pretiosior, | 51. Inclina nostris precibus
Aures misericordiae,
Nostris infundens mentibus
Donum caelestis gratiae. |
| 48. Cui subiacent daemonia
.
Cuius iusensibilia
Corpus adesse sentiunt. | 52. Tu profugis refugium,
Desolatis consilium,
Tu nobis sis auxilium
Mortis arcens exsilium. |

Legend. ms. S. Genovefae saec. 13. Cod. Parisin. 5667. add. saec. 13. — 13, 2 Datum. — 17, 3 Virgo mortis. — 19, 2 Correctos. — 38, 2 carculi. — 44, 4 fastidio. — Aus derselben Quelle bei Saintyves, Vie de Sainte Geneviève, Paris 1846, p. CXLII sqq., mit einigen Lesefehlern, die hier anzumerken überflüssig sein dürfte. 16, 2 ergänzt Saintyves: Servos emunda scelerum | A peste detestabili; diese Ergänzung verbietet der Reim. — 48, 2 füllt er aus: Quam et praesentem fugiunt; hier ist wenigstens der Reim gewahrt.

223. De sancto Hieronymo.

- | | |
|--|--|
| 1. Hieronymus, scholastica
Imbutus disciplina,
Tam graeca quam hebraica
Cognovit et latina. | 5. Oblitus est praeterita
Extentus in futura.
Aggreditur insolita
Eremitarum iura. |
| 2. Hic presbyter eligitur
Romanus cardinalis,
Quem acriter persequitur
Tumultus clericalis. | 6. Naturam domat variis
Laboribus virtutum,
Vigiliis, ieiuniis
Secundum patrum nutum. |
| 3. Elatos, vagos, ebrios,
Gulosos increpavit,
Quo contra semet impios
Ut canes irritavit. | 7. In disciplinis talibus
Discipulus imbutus,
In imbuendis pluribus
Magister constitutus. |
| 4. Recessit ergo longius
Relinquens civitatem,
Gaudeat adit serius
Deserti vastitatem. | 8. Muovit sacrae paginae
Scripturas veritate,
Quae veterum caligine
Fuerunt vitatae. |

9. Virtute manens stabilis
Devenit ad extrema,
Defunctus servus humilis
Defertur ad suprema.

10. [Sacer]dos beatissime
Pro nobis in[tercede],
[Ne nostrae] fiant animae
Daemoniorum prae[dae].

Orat. ms. Campense anni 1462. Cod. Darmstadien. 521.

224. De sancto Hieronymo.

1. Hic sacerdos fuit ordine,
Peregrinans maris culmine,
Heremita solitudine,
Denum regulae professor,
Claustri sancti fabricator
Et monachorum pastor.

6. Hic caritate fervidus,
In Deo nunquam tepidus,
Proximo benignus,
In zelo semper sobrius,
Ad pacem compositus
Et ab odio depositus.

2. Hic per flagella vocatus,
Omnis linguae peritus,
Interpres omnis ritus,
Fuit veritatis doctor,
Scriptorum verus translator
Et summus compositor.

7. Hic districtus in iustitia
Misericors cum illa,
Circumspectus prudentia,
Memorans praeterita,
Ponderans praesentia
Et providens futura.

3. Hic scribendo certas metas
Omnem statum docuit,
Omnes David et prophetas
Ipse solus exposuit,
Super Salom et tres athletas
Eius doctrina floruit.

8. Hic virtute fortissima
Derisit terribilia,
Attritus abstinentia
Postposuit carnalia,
Fulcitus temperantia
Quae contemnit nimia.

4. Hic fidei pugil et vexillum,
Malleus haereticorum,
Ipsorum iuge flagellum,
Hostis fuit vitiorum,
Virtuti fecit scabellum
Tradens doctrinam morum.

9. Hic humilitate deiectus,
Pietate mollitus,
Oratione devotus,
Lacrimarum effusor,
Comtemplatione sublatus
Et utilis actione.

5. Hic spe certissimus,
Iudici non pavidus,
Operator sollicitus,
Nunquam otiosus,
Sperantium firmarius
Et confortator strenuus.

10. Hic pauperum subventor,
Elemosynarum largitor,
Tristium consolator,
Laetantium temperator,
In adversitate securior,
In prosperitate devotior.

11. Hic virgo carne,
Purus in mente,
Iam senex aetate
Docuit in morte,
Quae sine forte
Sunt plena salute.

12. Hic leonem domuit,
Qui obsequia praebuit,
Dogmatizavit Paulam,
Quae praecessit in patria,
Infra vide, quot post mortem
Coruscarunt miracula.

Hieronymianus ms. Johannis Andreae, saec. 15. Cod. Rossian. VIII, 231. A — Collect. ms. incert. orig. saec. 14. Cod. Vindobonen. 4689. B. — 5, 1 Hic saepe certissimus B. — 5, 2 Iudicem A. — 5, 3 Sperator A. — 5, 5 fumarius. A. — 9, 5 inolitus A. — 12, 1 domuit leonem A. — 12, 2 obsequia praebuit A. — 12, 4 in fehlt B. — 12, 5 Supra vide quid B. — Vgl. Mone III, 341 (in not.); ferner: Hieronymianus imp. s. l. 1482 (Hain 1082). — Der Autor bemerkt zu seinem Produkte: „Deo teste nihil, quod falsum putem, immiscui in hoc stilo studiose diffirmi; nec hic rimas vel ritmos facere intendebar, in quibus requiritur uniformi[ta]s.“

225. De s. Hugone Gratianopolitano.

Gaude perpetuo, praedulcis, amabilis Hugo,
Tu meritis plenus, fidei pietate serenus,
Illustris donis divinae cognitionis,
Mundi calcator, Christi fervens imitator,
Iustitiae forma, morum rectissima norma.
O pater, exora pro nobis mortis in hora,
Ut simus digni postrema luce beari.

Orat. ms. Campense anni 1462. Cod. Darmstadien. 521.

226. De s. Hugone Lincolnensi.

1. Est Hugo de Burgundia
Excelsa Christi gratia
Sublimatus in Anglia
Pontificatus infula.

4. Gloriam summis hic figens,
Ficta ininis reperiens,
Carthusiensem ordinem
Subegit nox asperrium.

2. Humo plasmatus arida
Irroratur aerea
Humiditate, frigida
Ardet natura ignea.

5. Odas canunt altissimo
Assumpto ab exilio
Hugone cives superi
Ad asylum Dei veri.

3. Vitae sancti principis
Mortis versis mellifluis
Hugonis sine dubio
Est simplex generatio.

6. Aeterna Christi munera
Hugo figens memoria
Leprosis dedit oscula
Et sensit illa dulcia.

- | | |
|---|---|
| <p>7. Superna ergo procura
Nobis prece continua,
Nunc apud qui te Dominum
Fecit pastorem gentium.</p> | <p>8. Tibi patri, Deo vero,
Laus, honor sit et filio
Cum spiritu paraclito
Finem iungens principio.</p> |
|---|---|

Collect. ms. Guilelmi Reed, Epi. Cicestren. saec. 14. Cod. Coll. Novi Oxonien. 264. — „A clerico quodam, anno 1316 scholae grammaticalis Lincolnensis didascolo, compositum.“ — Abschrift von Rev. H. M. Bannister.

227. De sanctis Innocentibus.

- Insontes Domini, nobis succurrite sancti,**
Nos gravibus vitiis per Christi solvite nome**N**.
Suscipe tu, dominans, sanctorum suspice voce**S**.
Omnibus et miserere tuis, quos sanguine fus**O**.
5. Nempe redemisti; splendens in carcere lume**N**.
Traxisti de morte tuos; mors mortua dormi**T**.
Ex quo morte tua reserasti gaudia vit**E**.
Sanguinis effusor saevusque inimicus Herode**S**.
Destruitur per te victus, fortissime Davi**D**.
10. Ocior hostis erat volitans omni quoque vent**O**.
Mordax ut frendens cupiens leo perdere Christu**M**.
Innocuos pueros sternebat corpore nec**I**.
Non tamen extinctos inclusit tartara daemo**N**.
In gremium caeli vexit sed gratia summ**I**.
15. Nomina habent in fronte sua, patris quoque nome**N**.
Omnes et clamant modulando carmine pulchr**O**.
Bombo qui luctus lacrimantur coniuge Iaco**B**.
In superis plorat pueri ceu mater ablat**I**.
Sed nimio non vult luctu cessare deplangen**S**.
20. Sunt quia, sed non est illis regressio tristi**S**.
Ut veniant iterum mundum qui planctus in us**U**.
Cosmica cuncta manent detersa tristia, donec**I**.
Cunctipotens veniens nos omnes colligit illu**C**.
Uivida vos, sancti, clamat mea palpebra flet**U**.
25. Rectorem mundi precibus, rogo, flectite sempe**R**.
Rex fortis, Iesu, dominans, miserere, precamu**R**.
Impie quod gessit *Froumundus* corpore fact**I**.
Tollite peccatum, quod Christus sanguine tinxit**T**.
30. Eudochias os oplon stephanosas, Kyrie Christ**E**.
Sanctos innocuos, qui cantant carmina laudi**S**.
Ante thronum Domini cantant sibi cantica pulchr**A**.
Nostrum vindica ema, splendens de lumine lume**N**.
Confratrum numerus, dictum est, requiescite, donec**I**.
35. Tempus adhuc modicum, cum rex fortissimus asta**T**.
Insontes Domini, nobis succurrite sancti.

Collectan. ms. Tegurinum saec. 10. Clm. Monacen. 19412. — 30. *Εὐ-
δοξίας ὅς ὄπιον στεφανῶσας χίριε.* — 33 *ema = αἶμα.* — Doppelakrostich:
Insontes Domini, nobis succurrite sancti; der Verfasser nennt sich Vers 27.

228. De sancto Iudoco.

- Mulciber exsulta mons, crebra laude resulta,
Iudoco fulta venient tibi nunc bona multa.
Nec mala sunt ulla, mihi si datur ampla gugulla.
Laus tibi sit, Christe, cuius pietate vir iste,
5. Cultor apostolicus, Iudocus, pacis amicus,
Iuvaviam grata sua pignora, grata, beata
Mittere dignatus est sicque iuvare paratus
Se collaudantes illic et eum venerantes.
Ex hoc nunc gaude manibusque, Iuvavia, plaude
10. Iudoco praesto, solito iucundior esto.
Sed magis exsulta, mons Erntrudis, quia multa
Est tibi collata pax haec per pignora grata.
O furtum dignum sacrilegiumque benignum!
Iudoci pignus cur hoc venit? quia dignus,
15. Latius ut crescat, Iudocus, ubique virescat.
Sic pateat, quanti sit ubique potentia sancti
Huius mirifici, Christi regalis amici,
Morbos curantis et maestos exbilarantis.
O Iudoco pater, ne me capiat locus ater,
20. Christum dignare pro me, te quaeso, rogare.

Collect. ms. Zwettlense saec. 13. Cod. Zwettlen. 64. add. saec. 14. —
14 cur hoc vere quia. — Dies Gedicht berichtet von einem Reliquiendiebstahl für Nonnberg.

229. De sancto Iudoco.

- Iuste Iudoco, precum nostrarum suscipe voces,
Tu, qui iuste doces, ad vitam nos trahe tecum.
Iudicium docuit fidei doctrina Iudocus,
Unde sui potuit nominis esse locus.
5. Felix confessor, pastor venerande, Iudoco,
Vitae confessor, nos faciendo doce.
Summo clamore tibi laus est danda, Iudoco,
Iucunda voce faventis cordis amore.
Corde laetabundo, pater alme, preces tibi fundo,
10. Qui procul a mundo fugiebas ut moribundo.
Sic me non mundo, scelerum qui sorde redundo.
Iunge Deo mundo me, qui meritum mihi non do,
Ne baratbri fundo merear, Deus, esse profundo.

Collect. ms. Zwettlense saec. 13. Cod. Zwettlen. 64. add. saec. 14. —
Dies Gedicht scheint aus mehreren kleineren zusammengesetzt und nach
Vers 12 (mundo — non do) französischen Ursprungs zu sein.

230. De S. Iohanne Bridlingtoniensi.

- | | |
|---|---|
| <p>1. Bridlingtonis prior pie,
Repraesenta nos Messiae,
Qui tot flores moribus,
Ut nos solvat in hac die
A cutis doloribus.</p> | <p>2. Sicut clamat vox in Rama,
Funde preces atque clama
Pro nobis ad Dominum,
Servos, prior [sancte], ama
Sordes tergens crimum.</p> |
|---|---|

Miss. ms. Sarisberiense saec. 15. Cod. Oxonien. Rawl. C 142. — 1, 1
Bridlingtonem. — Nach 1, 1 noch überzählig Imitator castae viae.

231. De s. Iohanne de Bridlington.

- Salve, sancte prior, maestorum salvificator,
Cum grave quid patior, tibi confugior, medicator.
Ergo memento mei, cum sis plenus pietate,
Laus gentisque Dei, mihi praesta, quod precor a te.
5. Tu poteris Christi, scimus, prece ferre iuvamen
Omnibus in tristi spectantibus orbe levamen.
Virtus namque tuae multos relevat pietatis,
Noxia continue pellens a dire gravatis.
Inclite pastor, ave, per te simus procul a vae.

* * *

10. Tua nobis detur gratia petitione pia
Et simus semper in gloria cum Iesu et Maria.

Horae sec. usum Sarum saec. 15. in. Cod. Oxonien. Lat. lit. f 2. —
Die zwei letzten Verse scheinen nicht mehr zum Vorhergehenden zu gehören.
Es ergibt sich dann ein Akrostichon: Scelto uni, das ich nicht zu deuten
weiße. Oder sollte dasselbe nur der Laune des Zufalls sein Dasein ver-
danken? — Abschrift von Rev. H. M. Bannister.

232. De s. Iohanne Baptista.

- | | |
|--|--|
| <p>1. Cleri universitas,
Solve laudes debitas
Beato Iohanni,
Ut per eum siccitas
Cesset et humiditas
Assit bonis anni.</p> | <p>3. Iohannis nativitas
Per sortes exhibitas
Claruit praeclare,
Cui laudes debitas
Populi immensitas
Debet decantare.</p> |
| <p>2. Gaude, cleri contio,
Laetare cum gaudio,
Iohannem implora,
Ut eius subsidio
Aestuum effusio
Cesset absque mora.</p> | <p>4. Dum iuventa floruit,
Maculari respuit
Naviloquo felle;
Hic eremum coluit
Et pro pastu habuit
Locustas cum melle.</p> |

5. Vitam ducens asperam
Docuit ad litteram
Atque baptizavit,
Vestem gerens buceram
Nec vinum nec siceram
Nec mustum potavit.

6. Mundo nolens subici
Nominis angelici
Voce nominatur,
Carne spernens infici
Laurea centuplici
Caelo laureatur.

7. Lux, lucerna praevia,
Hos aestus abhinc via
Pulsa livione
Ac in caeli curia,
Ubi pax et gloria,
Nos tecum repone.

Collect. ms. Trecoriense saec. 14. Cod. Parisin. Nouv. acq. 426. —
5, 3 Hunc vane baptizavit. — 5, 4 bugeram.

233. De s. Iohanne Baptista.

1. Salve, Iohannes sancte,
Baptista reverende,
Inter sanctos ceteros
merito praeferende,
Post Christum et Mariam
praecipue colende,
Pro nobis preces Domino
iugiter impende.

4. Gaude, quia iuvenis
eremum petisti
Utriusque sexus
turmasque fugisti,
Peccato consentire
qui [non] voluisti,
Fac culpas nos odire,
sicut tu odisti.

2. Gaude, qui per angelum
coannuntiatus,
Priusquam concipereris,
Iohannes nominatus,
In ventre tuae matris
conceptus et sacratus,
In nobis tuis precibus
sit Christus hospitatus.

5. Gaude, quia carnem
tuam domuisti,
Cum mel et locustas
sponte comedisti,
Nec sicerae nec vini
pocula bibisti,
Fac, ut simus sobrii.
qui sic abstinuisti.

3. Gaude, quia nomen per
ortum tibi datur
Iohannes, Dei gratia
quod interpretatur,
Pater pius et mutus
prophetando fatur,
Divina nobis gratia
per te concedatur.

6. Gaude, quia Domino
viam praeparasti,
„Paenitentiam agite“
quando praedicasti,
„Regnum Dei prope est,“
Iudaeis nuntiasti,
Fac nos paeniteri
vitando, quod vitasti.

7. Gaude, quia Iesum
digito demonstrasti,
„Ecce, agnus Dei“
dicens proclamasti,
In flumine Iordanis
Christum baptizasti,
Fac nobis hunc propitium,
quem tunc honorasti.

8. Gaude, quia Herodem
tu redarguisti,
Quem fratris uxorem
duxisse tu scivisti,
Capitis sententiam
propter hoc subisti,
Nos vitam fac finire
in caritate Christi.

9. Gaude, qui post mortem
ad limbum descendisti
Ac existentes ibi
vere praemunisti,
Quod essent exituri
in adventu Christi,
De barathro nos eripe
eius[que] poena tristi.

10. Gaude, quia redemptor
pius populorum
Extraxit post ab inferis
[patriarcharum chorum]
Secumque reduxit
ad gaudia caelorum,
Fac nos gaudere secum
precibus illorum.

Orat. ms. Eliense saec. 14. Cod. Coll. SS. Trinitatis Oxonien. 7. —
2, 3 Priusquam tu. — 5, 5 Ciseri nec vini. — 6, 6 Indeum. — 8, 7 fac
finori. — 9, 4 veri. — 10, 1 redemptor filius. Abschrift von Rev. H. M.
Bannister.

234. De s. Iohanne Baptista.

Ad Matutinum.

1. Dulce melos tangat caelos
In Iohannis praeconio,
Cuius pater, sic et mater
Nomen tangant praesagio.

2. Gabrielis vox de caelis
Dubitanti Zachariae
Hunc futurum nasciturum
Promit cum vitae serie.

3. Sidereo regi Deo
Laus, honor, virtus, gloria.
Qui nos ducat et perducatur
Ad caelorum palatia.

Ad Laudes.

1. Gaudet coetus noster laetus
Christum mundiredeptorem,
Agonistam qui baptistam
Suum fecit praecursorem.

2. Dum non credit, vox recedit
Zachariae, sancti patris,
Sensit plausus adhuc clausus
In utero suae matris.

3. Sidereo regi Deo.

Ad Primam.

Mundi sator et plasmator
Tui praeconis munere
Te laudare, te amare
Fac nos et tecum vivere.

Ad Tertiam.

Catechizans et baptizans
Iohannes paenitentiam
Diligeat et colebat
Prae cunctis innocentiam.

Ad Sextam.

Eremita, tua vita
Exemplum est munditiae
Ad pulsandum, detestandum
Crimen impudicitiae.

Ad Nonam.

Iuvans prece nos a nece
Dira, Iohannes, eripe,
Pngil fortis, hora mortis
Hanc plebem tuam sncipe.

Ad Vesperas.

- | | |
|---|---|
| 1. Dignus laude martyr, gande,
Virgo baptizans Dominum,
Doce formam, trade normam
Delendi sordes criminum. | 2. Salus praesto nobis esto
Virtutis donans meritum,
Hic gratiam et gloriam
Nobis post noc exsilium. |
|---|---|

3. Sidereo regi Deo.

Ad Completorium.

- | | |
|--|--|
| 1. Tu signifer, tu lucifer
Praecurrens ante Dominum,
Ad quem ire fac secure
Nos per saeculi terminum. | 2. Sidereo regi Deo
Laus, honor, virtus, gloria,
Qui nos ducat et perducatur
Ad caelorum palatia. |
|--|--|

Horae BMV. sec. usum Carnotensem saec. 14. Cod. Vatican. Regin. 180. — Ad Mat. 2, 2 Viventis Zachariae. — Ad Prim. 1, 2 Iohannis praeconio munere. — Ad Tert. 1, 3 Diligebat et servabat. — Ad Sext. 1, 1 vita tua. — 1, 3 sq. Ad populum sanctitatis crimine. — Ad Vesp. 2, 4 Lies: Nobis post vitae exitum? — Die Doxologie wiederholt sich nach jeder Tageszeit.

235. De s. Iohanne Evangelista.

- | | |
|---|---|
| 1. Extollamus virum sanctum,
Qnem Iesus dilexit tantum,
Pangat sibi novum cantum
Militans ecclesia.
Sanctus hic evangelista
Almus Dei fit symmista,
Laude praesens sit in ista,
Det nobis auxilia. | 3. Totus plenns sanctitate,
Luculenta veritate,
Custos virginis sacratae
Exstitit et filius.
Haec est arca thesaurorum,
In qua cibns angelorum
Atque manna beatorum
Et fructus eximius. |
| 2. Hic Iohannes vir amoris,
Vir candoris et decoris,
Sacri roris et dulcoris
Plenus charismatibus,
Caritatis excellentis,
Castitatis redolentis,
Quo repletur ardor mentis
Flaminis affectibus. | 4. Hic Iohannes vir divinus,
Cuius visus angelinus,
Ad superna qui festinus
Contemplando clarnit.
Hic prae ceteris dilectus
Et defensius et protectus,
Iesu Christi supra pectus
In cena recubuit. |

- | | |
|--|---|
| <p>5. Suxit ibi documenta
Evangelii fluentia,
Quae plus fragrant quam unguenta
Valde redolentia.
Hic melliflui sermonis
Vir, coruscans sacris donis,
Vere dignus est coronis
In caelesti patria.</p> | <p>7. Sic apostolus mirandus,
Valde semper honorandus,
Reverendus et amandus,
Vitans omne terreum.
Iesum amans Nazarenum
Sprevit mundum quasi caenum,
Vicit bibitum venenum
Atque fervens oleum.</p> |
| <p>6. Gravitationem dum servavit,
Ad sublimia volavit,
Mira Dei demonstravit
Divina clementia.
Contemplator supernorum,
Suscitator mortuorum
Et ostensor arcanorum,
Intuens mysteria.</p> | <p>8. Quis non amet hunc amore
Speciali cum dulcore,
Quodam intimo sapore
Inclitum discipulum?
Quem et Christus sic amavit,
Decoravit, exaltavit,
Matrem pendens commendavit
Perferens patibulum.</p> |
9. O dilecte Christi Dei,
Dulcis nate Zebedaei,
Memor esto semper mei,
Donec ad te veniam.
Semper geras de me curam,
Fac, ut ducam vitam puram,
Me perducas ad futuram
Sempiternam gloriam.

Horar. ms. Franciscan. saec. 15. Cod. Vatican. Reg. 165. — 1, 6 Dei fit nomista. — 2, 4 Plenus fehlt. — 2, 6 recoletis. — 3, 6 cibis. — 3, 7 Et manda beatorum. — 4, 2 Cuius visque. — 5, 1 Susit. — 5, 3 frangant. — 5, 6 Vim. — 6, 3 Misericordia Dei. — 6, 7 Et fehlt. — 8, 2 Speciali tamen. — 8, 3 Quondam. — 8, 6 exsultabit. — 9, 1 Christe. — 9, 5 geris. — Trotz der Bezeichnung als „Sequentia eius“ ein Reimgebet.

236. De sancto Iohanne Evangelista.

Ad Matntinum.

- | | |
|--|---|
| <p>1. O Iohannes amabilis,
Apostole mirabilis,
Vir valde venerabilis,
Sis nobis favorabilis.</p> | <p>2. Iohannes virgo, ceteris
Dilectior apostolis,
Sacer, plenus dulcedinis,
Custos beatæ virginis.</p> |
|--|---|
3. Ora pro nobis iugiter,
Instante ac salubriter,
Ut tecum simus pariter
In caelis aeternaliter.

Ad Laudes.

- | | |
|--|---|
| 1. Evangelista fulgidus
Iohannes et apostolus
Tollat a nobis noxia
Et ducat ad caelestia. | 2. Maria, mater inclita,
Virginitate praedita,
Cum virgine discipulo
Nobis succurrat sedulo. |
|--|---|

Ad Primam.

- | | |
|--|---|
| 1. Iohannes apostole,
Evangelista fulgide,
Tuis devotis subveni
Cum sacra matre Domini. | 2. Tibi, Iesu, rex omnium,
Laus, honor et imperium,
Per Iohannem apostolum
Duc nos ad caeli gaudium. |
|--|---|

Ad Vesperum.

- | | |
|--|--|
| 1. Iohannes amantissime,
Cum genetrice virgine
Fac nobis eius filium
Semper fore propitium. | 2. Succurre nobis omnibus
Tuis sacratis precibus,
Per hanc tui memoriam
Duc nos ad caeli gloriam. |
|--|--|

Horar. ms. Franciscan. saec. 15. Cod. Vatic. Regin. 165. — Ad Mat.
2, 2 Dilector. — Ad Prim. 1, 2 Evangelistaque. — 2, 1 Iesu fehlt. — Ad
Vesp. 2, 3 tui fehlt. — 2, 4 gratiam. — Das Akrostichon: „O Io[hann]e[s]
mitis“ zeigt, daß das Ganze unvollständig ist.

237. De sancto Iohanne Evangelista.

- | | |
|--|---|
| 1. En, Iohannes, humi pronus
Te adoro volens bonus
Esse tui servulus,
O quam felix in supernis
Regnas, ubi Iesum cernis,
Qui est tui iubilus. | 4. Tu columna militantis
Et perpulchrum triumphantis
Decus es ecclesiae,
Multum timent te, Iohannes,
Nec audire possunt Manes
Laudes tuae gloriae. |
| 2. Et Mariam contemplando,
Ipsam pie collaudando
Sentis dulce gaudium,
Toto corde iucundaris,
Dum unius contemplaris
Trinique mysterium. | 5. Sanctus omnis et beatus
Te collaudet et firmatus
Angelus in gratia,
Ego servus tui data
Tibi terris mente lata
Texo privilegia. |
| 3. In suprema hierarchia
Locum tenens melodia
Dulci Deo iubilas,
Virgo martyr et propheta,
Doctor fulgens ut planeta
Caelo valde rutilas. | 6. Gaude, nate Zebedaei,
Quia virgo Mater Dei
Est tua matertera;
Gaude, quia meruisti
Consobrinus esse Christi
In hac vita misera. |

7. Gaude, preces ad Mariae
Iesus ornat tuas pie
Vino saucto nuptias;
Gaude, sponsam reliquisti
Et sic semper tenuisti
Virginum munditias.
8. Gaude, Iesus te elegit
Et ab aevo praelegit
Suum in apostolum.
Gaude, Iesus te amavit
Et prae cunctis demonstravit
Se tibi benevolum.
9. Gaude, Iesum speciosum
Conspexisti gloriosum
Tabor in cacumine;
Gaude, parans Iesu cenam
Monte Sion, omni plenam
Caelica dulcedine.
10. Gaude, Iesus proditorem
Tibi pandit gerens morem
Tui desiderio;
Gaude, tibi Iesu pectus
Fit in cena mollis lectus
Dulcisque pausatio.
11. Gaude, Iesus, quando sedes,
Lavat pronus tibi pedes
Angelis mirantibus;
Gaude Iesus, postquam sedit,
Se in cibum tibi dedit
Sacris suis manibus.
12. Gaude, Iesu care frater,
Cuius parens tua mater
Suo fit imperio;
Gaude, nam post mortem Christi
Suae matris habuisti
Curam pio studio.
13. Gaude, viros Iesum fleutes
Ac de cruce deponentes
Adiuvasti propere;
Gaude, fuit tumulatum
A te corpus Iesu, datum
Morti nostro scelere.
14. Gaude, gaude cessans flere,
Nam surrexit Iesus vere,
Dulce manna superis;
Gaude, manus, pedes, latus
Redemptoris osculatus,
Cum redit ab inferis.
15. Gaude, Iesus de te vere
Dixit: eum sic manere
Volo, donec veniam.
Gaude, saepe Dei natus
Fecit tibi suscitatus
De se ipso copiam.
16. Gaude, Iesus scandit caelos
Te cernente, cui melos
Caeli cives faciunt;
Gaude, ignis dona dando
Venit in te, dies quando
Pentecostes finiunt.
17. Gaude, fili Zebedaei,
Sepelisti matrem Dei,
Portam ad caelestia;
Gaude, cernis, quod Maria
Caelos intrat harmonia
Angelorum praevia.
18. Gaude, sospes exivisti,
Zelo Iesu quod inisti,
De ferventi dolio;
Gaude, scribis altas omnes,
Quas vidisti, visiones
Manens in exilio.
19. Gaude, quia, quam amasti,
Drusianam excitasti
Ephesum ingrediens;
Gaude, lustrans caeli pratum
Scribis: verbum caro factum
Est in mundum veniens.
20. Gaude, sine laesione
Potas virus in agone
Propter Iesum inito;
Gaude, tecti cum fuerunt
Tua veste, surrexunt
Mortui persubito.

- | | |
|--|--|
| <p>21. Gaude, multos retraxisti
A peccatis, quibus Christi
Valde gaudet curia;
Gaude, quia sine poena
Transivisti ad amoena
Paradisi gaudia.
Gaude, cernens iam vestitum
Tuum corpus et amictum
Stolae suae gloria.</p> <p>22. Te, Iohannes, ego peto,
Sume munus vultu leto,
Quod tibi nunc offero;
Per te Iesus castitatem
Mibi det et caritatem,
Quam valde desidero.</p> <p>23. In me fides viva crescat
Cunctis horis, qua decrescat
Satanae nequitia;
Culpis meis non desperem,
Sed in Iesu morte sperem
Suique clementia.</p> | <p>24. Non sit murmur meo corde
Nec inquinet os cum sorde
Culpa detractoriae;
Fac me templum frequentare
Zelo Iesu nec me dare
Crimini desidia.</p> <p>25. In adversis patientem
Et in poenis me gaudentem
Crucis fac memoria,
Mortem Iesu fac me flere,
Suae matrisque dolere
Nimia tristitia.</p> <p>26. O Iohannes, mi patrone,
Meae mortis in agone
Mihi sis praesidio,
Post cum Iesu fac videre
Me Mariam et gaudere
Tecum caeli solio.</p> |
|--|--|

Officium novum beati Iohannis imp. Bononiae 1525.

238. De sancto Ioseph.

- | | |
|---|---|
| <p>1. Inclite Christi confessor,
Sancte Ioseph, te deprecor
Cum Maria, matre Christi,
Cuius sponsus tu fuisti,</p> <p>2. Virginitatis merito
Eius iunctus consortio
Non gignendi proposito
Sed latenti mysterio.</p> <p>3. Inter ceteros electus,
A Christo magis dilectus,
Cuius curam tu gessisti,
Quem in ulnis baiulasti.</p> | <p>4. Quia ex te in hac vita
Grata tulit obsequia,
Ob id per tua merita
Acgris confert remedia.</p> <p>5. Unde dignus magna laude
Apud Christum intercede,
Ut per suas dignas preces
Nostros expellat languores.</p> <p>6. Gloriosa tua prece
Nos ab omni lava faece,
Ut post istam miseriam
Perducamur ad gloriam.</p> |
|---|---|

Devotae Orationes (Fontrebaldenses) imp. Parisiis 1546. — 6, 3 ipsam.

239. De sancta Katharina.

- | | |
|---|---|
| 1. Katherina, gemma clara,
Sponsa summi regis cara,
Secretorum Dei gnara,
Castitate florida. | 5. Exsufflavit blanditores,
Sprevit Caesaris tortores,
Fatuati sunt doctores
Virginis prudentia. |
| 2. A regali stirpe nata,
In virtute solidata,
Mente sagax, forma grata,
In sermone provida. | 6. Roboratur Deo plena
Fides martyr in poena,
Fractis rotis cum catena
Triumphavit omnia. |
| 3. Tot virtutibus protecta,
Ad calcandum es electa,
Contra Dominum erecta
Colla regum turgida. | 7. Imminente die mortis
Decollatur virgo fortis,
Manu caelicae cohortis
Sepulturae traditur. |
| 4. Hanc Maxentius tormentis,
Minis, probris, blandimentis
Nisus est a firmæ mentis
Trahere constantia. | 8. Nunc exuta corruptelis,
Dives meritis, in caelis
Pro terrestribus fidelis
Advocata creditur. |

9. Alma virgo Katherina,
Tuis famulis propina
De caelesti medicina,
Quae de te dispergitur.

Orat. ms. Campense anni 1462. Cod. Darmstadien. 521. — Der Reim bindet je drei Strophen zu einer Einheit. — In derselben Handschrift findet sich ein anderes Reimgebet auf dieselbe Heilige mit dem Anfange: Gaude, virgo Katharina, Es conversa vi divina. Dasselbe ist indes infolge von Beschädigung der Handschrift so verstümmelt, daß von einer Wiedergabe abgesehen werden mußte.

240. De sancta Katharina.

- | | |
|---|--|
| 1. Christi virgo Katharina,
Lege constans in divina,
Vicisti Maxentium;
Miti voce columbina
Convertisti cum regina
Militem Porphyrium. | 2. Te sub rotis peregrina
Fractis arte iuvat trina
Deitas per nuntium;
Esto mihi medicina
Contra morbum et me mina
Sub duce fidelium. |
|---|--|

Orat. ms. Anglican. saec. 13. Cod. Londinen. Ar. 201.

241. De sancta Katharina.

1. Salve, martyr et regina,
Virgo sponsa Katherina
Regis regum omnium,
Salva, sciens trinitatem
Et indivisam unitatem
Vere non per somnium.
2. Salve, quae in paganismo
Vero usa es baptismo
Cuncta spernens idola;
Salve, quae contra naturam
Vitam castam ducens puram
Vera es amygdola.
3. Salve, pulchra supra modum,
Colens trinitatis nodum,
Patrem, pneuma, filium;
Salve, quae mundum vicisti,
Vera imitatrix Christi,
Ferens rosa lilium.
4. Salve, fortis in agone,
Proeliatrix cum dracone
Una cum Maxentio;
Salve, clamans: ego certo
Pro regno Dei in aperto
Et hoc sub silentio.
Salve, vincens quinquagenos
Oratores, sed amoenos
Verbis et ingenio.
5. Salve, caesa verbere,
Caeco clausa carcere
Caeli luce perfruens;
Salve, cum militibus
Reginam caelestibus
Disciplina imbuens.
6. Salve, freta Christo, laeta
Regis spernens titulos,
Salve rotam vincens totam
Versam in incredulos.
7. Salve, dum sic inclinata
Stares morti praeparata,
Orasti ad Dominum;
Salve, dicens: peto te
Iesu, sponse dulcissime,
Ut quicumque hominum
8. Christianae professionis
Meae mortis et passionis
Egerit memoriam,
In quacumque necessitate
Seu vitae extremitate
Me invocet, ob gloriam
9. Tuae propitiationis
Effectum suae petitionis
Consequatur plenissime.
Salve, postquam haec prolata,
Ad te vox de caelo grata
Affatur dulcissime:
Salve, veni, speciosa,
Dilecta flagrans ut rosa,
Tibi caelum apertum est.
10. Salve, quam Caesar proclamari
Iussit, post haec irrogari
Statim vitae dispendium.
Salve, gladium per amarum
Caput tuum libens carum
Deo dans stipendium.
11. Salve, cuius absque norma
Anima visa est in forma
Columbae candidissimae;
Salve, in visu paganorum
Caelestem ascendisti chorum
Suscepta splendidissime.
12. Salve, virgo, postquam caesa
Pro sanguine lac de laesa
Vena prosilierat;
Salve, quod chorus angelorum
Corpus tuum, virgo, decorum
In Sina sepelierat.

- | | |
|---|--|
| <p>13. Salve, decumbens in Sina,
Salutaris medicina
Prece te quaerentium;
Salve, cuius ex tumba manat
Oleum, quod morbos sanat
Cunctorum languentium.</p> | <p>15. Salve, cuius preces Deus
Exaudivit, clamor meus
Sic aures tuas impleat;
Salve, hanc petitionem
Propter tuam passionem
Dominus adimpleat,</p> |
| <p>14. Salve, martyr, funde preces,
Cordis mei purga faeces
Sensus terge vitiis.
Salve, confer quaeque bona,
Castitatis cinge zona
Et virtutum initiis.</p> | <p>16. Quod peccantem et pollutum
Me a poenis reddat tutum
Es a claustris inferi.
Audi, Christe, rex divine,
Per precatum Katherinae
Me sanctis tuis inseri.</p> |
17. Qui perire nullum sinis,
Ut me bonus tangat finis
In hoc praesenti saeculo,
Ut possim tecum gloriari,
Me in aeternum contemplari
In deitatis speculo.

Orat. ms. Campense anni 1462. Cod. Darmstadien. 521. — 2, 6 Die Form amygdola schützt der Reim. — 9, 8 Mea dilecta flagrans rosa. — 12, 2 sp. lac de vena laesa fluendo prosilierat. — Str. 13 steht zwischen 16, 3 und 4. Es gehört aber inferi (16, 3) als Reim zu inseri (16, 6). — 14, 1 mater funde. — 15, 4 Salve ut hanc.

242. De sancta Katharina.

- | | |
|---|---|
| <p>1. Gaude, virgo, sponsa Christi,
Quod videre meruisti
Vivens Dei filium;
Gaude, quia convertisti
Sapientes, quos traxisti
Tecum ad martyrium.</p> | <p>3. Gaude, quia vox amoena
Caeli patet et serena
Ad tuum suffragium;
Gaude, nam suavitatis
Liquor manat, qui dat gratis
Salutis subsidium.</p> |
| <p>2. Gaude, virgo Deo plena,
Nam rotarum fracta poena
Non sentis supplicium;
Gande, flos virginittatis,
Quae in signum castitatis
Lac fundis mellifluum.</p> | <p>4. Gaude, virgo et athleta,
Post tormenta transis laeta
Ad caeli palatium;
Fac nos hic ita vivere,
Ut post mortem lucis verae
Sortiamur gaudium.</p> |

Collect. ms. Carthusiae Capellae S. Mariae apud Angiam saec. 15. Cod. Bruxellen. 4961. — 4, 2 Quae post tormenta. — Nach dem Liede folgt noch vor der Oratio eine Ant. mit V. und R.

- | | |
|---|--|
| <p>A. O caelestis regni rosa,
Katherina generosa,
Quae probata velut aurum
Coram Christo defers laudem,</p> | <p>V. Esto nobis medicina,
Veneranda Katherina,
R. Ut tecum laudis iubilum
Simus canentes in caelum.</p> |
|---|--|

243. De sancta Katharina.

- | | |
|---|---|
| <p>1. Plebs fidelis et devota,
Katherinam mente tota
Laudet istam, cum sit nota
Angelis, hominibus.
Istae laudes Katherinae
Quasi dulces medicinae
Nobis prosint sine fine
Ipsam diligentibus.</p> | <p>4. Felix ista Katherina,
Plena gratia divina,
Tamquam stella matutina
Micat in caelestibus,
Cuius corpus honoratum,
Virginale, tam beatum,
Est in Sinai delatum
Angelorum manibus.</p> |
| <p>2. Quam felices, qui hoc audent,
Katherinam si collaudent
Nec ab eius se defraudent
Maximis auxiliis.
O quam fortis est inventa
Inter aspera tormenta,
Cuius membra sunt distenta
Gravibus suppliciis.</p> | <p>5. Katherina, mater pia,
Esto nobis dux et via,
In caelesti hierarchia
Nos gaudere facias.
Sapientes convertisti
Ad beatam fidem Christi,
Confortando quos duxisti
Ad caeli delicias.</p> |
| <p>3. Crucifixi per amorem
Tulit poenam et dolorem,
[Fundit olei liquorem],
Quo sanantur languidi,
Per quam funditus mundati
A foetoribus peccati
Secum sinus coronati
Claritate fulgidi.</p> | <p>6. Katherina, decus morum,
Tu dulcedo devotorum,
Tu dilecta angelorum,
Sis nobis propitia.
Eia ergo, quae mereris,
Quam in caelo palmam geris.
Nos perducere digneris
Ad aeterna gaudia.</p> |

Horar. ms. Franciscan. saec. 15. Cod. Vatic. Regin. 165. — 1, 2 montem tota. — 4, 6 Virginalem. — 6, 2 Tu ducendo. — 6, 3 dilectis. — 6, 5 quae meritis. — In der Handschrift fälschlich als Sequenz bezeichnet.

244. De sancta Katharina.

Ad parvas horas.

- | | |
|---|--|
| <p>1. O sacra virgo nobilis
Et martyr venerabilis,
Katerina laudabilis,
Sis nobis favorabilis.</p> | <p>2. Tuum [per patrocinium]
Fac Christum, Dei filium,
Nobis fore propitium,
[Cum venerit iudicium].</p> |
| <p>3. Tibi, Christe, sit gloria,
Cui benedicant omnia,
Nos Katerinae gratia
Duc ad caeli palatia.</p> | |

Horar. ms. Franciscan. saec. 15. Cod. Vatic. Regin. 165. — Die übrigen Hymnen und rhythmischen Antiphonen dieses Stundengebetes sind Entlehnungen.

245. De sancta Katharina.

- | | |
|---|---|
| <p>Ave, virgo Katharina,
Martyr sancta et regina,
Patrona mea specialis,
Defende me a cunctis malis.</p> <p>5. Memento, quod obtinuisti,
Quidquid pro nobis petivisti,
Ut divina vox spocondit,
Quae tibi taliter respondit:
Constans esto, mea formosa,</p> <p>10. A me tibi potestas datur,</p> | <p>Quod, quicumque te veneratur,
In tribulatione securus
Ac in bonis permansurus.
Quapropter, virgo Katharina,</p> <p>15. Martyr beata et regina,
Cum potestas sit tibi data,
Tuos devotos sic defendi,
Ut nunquam possint offendi,
Me sume sub tuum iuvamen;
20. Ut sissemper nobiscum [Amen].</p> |
|---|---|

Orat. ms. Lambacense saec. 15/16. Cod. Lambacen. 756. — 2 et felix regina. — 7 Et divina. — 12 In omni tribulatione erit securus. — 14 Quapropter o beata virgo. — 15 beata fehlt.

246. De sancta Katharina.

- | | |
|---|--|
| <p>Aurea vale virgula,
Katherina, munuscula
Cape, quae corde, cartula
Solve tibi, quem tremula</p> <p>5. Detinent hic ergastula.
Haec es experta pravula
Delicata puellula,
Pasta Christi avicula.
Salve, Christi discipula,</p> <p>10. Tua me stringe fibula
Et contra carnis stimula
Refrenet tua ferula.</p> | <p>Te deprecor, sis sedula
Mea diligens specula</p> <p>15. Et scutum contra spicula
Inimici; tu vincula
Peccati solve singula,
Sis post vitae curricula
Fidelis dux ac regula</p> <p>20. Ad caeli tabernacula,
Ubi parata pabula
Aeterna sine crapula
Sempiternaque pocula.
Virgo, vale per saecula.</p> |
|---|--|

Cod. Oxonien. Laud. Miscell. 75. saec. 14. — 19 vigila wahrscheinlich Schreib- oder Lesefehler. — Abschrift von Rev. H. M. Bannister.

247. De sancta Katharina.

- | | |
|---|--|
| <p>1. O beata Katherina,
Virgo clemens et benigna,
Per te possim ad divina
Pervenire gaudia.</p> <p>2. Katherina, virgo pia,
Cuius fideli sophia
Doctorum philosophia
Vana fuit et confusa,
Deum mihi pacifica.</p> | <p>3. Katherina, virgo casta,
Virgo prudens et honesta,
Virgo mitis et modesta.
Roga Deum, ut lamenta
Mea vertat in gaudia.</p> <p>4. Katherina, templum Dei,
Per te sumpserunt fidei
Veritatem philosophi,
Per te salvi sunt effecti
Et in caelis coronati.</p> |
|---|--|

- | | |
|--|---|
| <p>5. Per te, virgo specialis,
Sim a cunctis liberatus
A delictis liberatus
Et in caelis collocatus
Tuis patrociniis.</p> | <p>9. Katherina. vas decorum,
Servitutem idolorum
Quae sprevisi, domino[rum]
Regem Deum et deorum
Coluisti, sempiternum
Da mihi solacium.</p> |
| <p>6. Katherina, lumen clarum
Et lucerna puellarum,
Virginale speculum,
Praecellens carbunculum,
Me salva, tuum famulum.</p> | <p>10. O beata Katherina,
Quae mortis supplicia
Pro Christo non minima
Tolerasti, tolle mea
Deo iuvante crimina.</p> |
| <p>7. Katherina, Dei templum,
Castitatis es exemplum,
Da virtutis indumentum.
Sanctitatis incrementum
Verae lucis radium.</p> | <p>11. Katherina, virgo pia,
Quae caeli gaudes curia.
Roga Deum, ut in sua
Me captivum gloria
Coronet in laetitia.</p> |
| <p>8. Katherina, virgo sancta,
Quae pro tuo servitio,
Caeli gaudes palatio,
Roga Deum corde toto,
Ut me sumat [suo] regno.</p> | <p>12. Quod praestare tu digneris,
Invocantes quae tueris,
Quae laudari promereris,
Quae regentem intueris
Per saeculorum saecula.</p> |

Klemming III, 54. — 5, 3 liberata. — 5, 4 collocata. — 6, 5 tuam famulam, was aber nicht mit carbunculum reimt. — 12, 1 tu digneris praestare. — 12, 2 In sanctos quae tueris. — Es blieb nicht übrig, als dies Gedicht nach Klemming mitzuteilen, da es in der von ihm angeführten Quelle sich nicht gefunden.

248. De sancta Katharina.

Ad Matutinum.

1. Artes docta regis nata,
Regi regum nubere
Quaerens, eius desponsata
Annulo, dispergere
Paternas egenis opes
Non cessat, arguere
Maxentium de nefandis
Nec tremet; colligere
Curat coetus excaecatos,
Ut possit dividere
Virginem a norma recti,
sed nequit sufficere.

Ad Primam.

2. Quinquaginta sapientum
caterva colligitur,
Ut disputent contra solam
virginem, concluditur
Horum error ratione
vera, mox conspicitur
Turba Christum confiteri,
in medium mittitur
Grandis ignis, sed nec vestis
nec capillus uritur,
Et tandem inviolata
paradiso redditur.

Ad Tertiam.

3. Quam non potest ratione
tyrannus convincere
Nec promissis neque blando
sermone seducere,
Verberibus laceratam
taetro clausit carcere,
Caelesti cibo refectam
venit sponsus iungere.
Duodenis in diebus
nocte curat spargere,
Regis uxor cum ducentis
baptisma recipere.

Ad Sextam.

4. Insanit rex, cum a cunctis
incolumis cernitur,
Quam aestimat fame tortam,
nefanda conficitur
In eam rotarum moles,
quae fulmine solvitur,
Paganorum quater mille
numerus opprimitur.
Regis uxor tortis mammis
decollata redditur
Christo, deos detestata,
per quos rex decipitur.

Ad Nonam.

5. Exsecratum cor crudele
dum milites comperit
Cum Porphyrio baptismum
recepisse praecipit
Decollari et dimitti
canibus; tunc perficit
Eius iussa spiculator,
necem turma despicit,
Parvipendens peritura
gressus illuc dirigit,
Ubi mortem vita nescit
eclipsisque deficit.

Ad Vesperas.

6. Katherina condemnata
rogat tunc praesidio
Christum, precans imitatur,
demulcet alloquio.
Vox divina Fiat venit,
caput offert gladio,
Genu flectens, ne tardetur
palmae retributio,
Pro sanguinis unda lactis
manavit effusio,
Philosophi naturalis
hebetat hic ratio.

Ad Completorium.

7. Ab angelis baiulatur
completo certamine
Infra lapidem humanda
Sinai cacumine
Longe triginta dietis,
fluxitque de virgine
Oleum languidos curans
quocunque rubigine
Morbi; precor, sic me lavet
sordis a caligine,
Merear ut secum frui
summo rerum lumini.

Horae BMV. sec. usum Carnotensem saec. 14. Cod. Vatican. Reg. 180. —
2, 11 Et tamen. — 3, 10 spergere. — 4, 3 fame tutam. — 5, 5 Decollati. —
6, 3 Ipsam precans. — 6, 5 veni. — 6, 9 lacte.

249. De sancto Kentigerno.

Ad Matutinum.

1. Matutino tempore
virtute divina
Kentigernus suscitatur
a mortis ruina
Virum atque volucrem,
gaudet tunc regina,
Annulus cum trahitur
de fauce piscina.

Ad Primam.

2. Hora prima coeperat
corpus castigare,
Quater in hebdomada
solet ieiunare,
Gelidos ramusculos
in ignem sufflare,
Sicco pede transiens
vult flumen calcare.

Ad Tertiam.

3. Hora nempe tertia
peregre laborat,
Romam visit septies,
papa quem honorat,
Ut serviret praesuli,
avi se decorat
Et campanam sustinet,
quae sonos dulcorat.

Ad Sextam.

4. Hora sexta pontifex
in Glasgu moratur,
Lupus cervo iungitur,
ut terra colatur,
Iubet, ut pro semine
arena spargatur,
De qua suo tempore
messis grata datur.

Ad Nonam.

5. Hora nona Domino
paret imperanti
Terra, praebens cathedram
sancto praedicanti,
Sacramenta praebuit
Merlino precanti,
Post mortemque spiritum
terra dat creanti.

— Collect. ms. Scoticum saec. 16. in. Cod. Univ. Edinburgen. A.C. 2. 26; daraus in Registrum Episcopatus Glasguensis I (Edinburgi 1843, p. XCVII. sq.). — Es fehlen die Strophen für Vesper und Complet.

250. De sancto Landelino.

1. Salve, pater exsultantem
Landoline, qui non tantum
Peregre exstitisti,
Sed ad palmam pervenisti
Martyrum laudabilem.
De Scotorum stirpe natus
Adulescens tu beatus
Adis freta navigatus,
Flumen Rheni transfretatus,
In terram amabilem.

2. Hospitatus a relictis,
Altorf villa infit dicta,
Cuius nata tunc afflicta
Est et visu derelicta
Dei iudicamine.
Nemus intras et evellis,
Struis, plantas. sed duellis
Venatores pleni fellis
Teque duris artant bellis
Toto cum conamine.

- | | |
|---|---|
| <p>3. Sed ut Samson cum leone
 Tu pugnabas in agone,
 Homi iactum cum mucrone
 [Te necarunt], sic coronae
 Es adiunctus martyrurum.</p> | <p>Te tunc Deus honoravit,
 Hunc nam locum irrigavit,
 Terrae fontes ministravit,
 Per eosdem et sanavit
 Morbum multifarium.</p> |
|---|---|

4. Te cum nata tandem dicta
 Quaerit felix haec relictā,
 Sentit dona benedicta
 Luminis per reditum.
 O beate Landeline,
 Roga Deum sine fine,
 Perducamur in sublime
 Regnum eius caelicum.

Collect. ms. Argentinense saec. 15. Cod. Vindobonen. Suppl. 4029.
 saec. 15. — 1, 8 Adis leto.

251. De sancto Laurentio.

- | | |
|--|---|
| <p>1. Laurentius, in ordine
 Diaconus, te, Domine,
 Clarificat in gentibus,
 Constanter coram regibus
 Fatetur voce viva.</p> | <p>6. Non desinit in carcere
 Salutis verbum serere,
 Lucratur quidem plurimas
 Ad Christi fidem animas
 Praeclaris documentis.</p> |
| <p>2. Amator hic iustitiae,
 Contemptor avaritiae
 Caeleste verbum seminat,
 De cordibus exterminat
 Fidelium nociva.</p> | <p>7. Triumphat hic incendium,
 Eculei suspendium,
 Lictorum saeva verbera
 Et catenarum pondera
 In Deo mens robusta.</p> |
| <p>3. Vult mori cum antistite
 Nec ipsum se superstite,
 Vult vitae palmam capere,
 Qui iussit ipsum tradere
 Pecuniam egenis.</p> | <p>8. In ferrea craticula
 Accensa subtus flammula
 Ad instar piscis volvitur,
 Assatur nec deicitur
 Infirmitas ambusta.</p> |
| <p>4. Recepto per episcopum
 Mandato turbas inopum
 Collegit, quibus tradidit
 Thesauros, quos recondidit
 De publicis crumenis.</p> | <p>9. Uim acrem vicit caumatis
 Ardore sancti pneumatis,
 Ferventi desiderio
 Flagrabat in martyrio
 Ad patriam supernam.</p> |
| <p>5. Expleto iussu capitur,
 Terroribus afficitur,
 Squalori datur carceris
 Vexatur et innumeris
 Pressuris et tormentis.</p> | <p>10. Salutem nobis animae
 Procura, martyr optime,
 Nos absolutos vitiis,
 Ereptos de suppliciis
 Ad vitam duc aeternam.</p> |

Orat. ms. Campense anni 1462. Cod. Darmstadien. 521. — 1, 2 Diaco-
 natus.

252. De sancto Leonhardo.

Ave, confessor
 Leonarde Iesu Christi,
 Qui gaudia aeterna
 a Deo meruisti,
 Hic in terris fuisti gratus
 Et in caelo sublimatus,
 Tu es enim afflictorum
 et maestorum consolator,
 Captivorum
 et infirmorum liberator.
 Nunc pius sis adiutor
 Ab omnique periculo tutor
 Atque tuum per oramen
 Cunctis prosis ad solamen,
 Qui te quaerunt mente pura,
 In quacunq; manent cura,
 Precor tuam pietatem
 Et immensam caritatem,
 Ut in nostris paupertatibus
 Et corporis necessitatibus
 Nobis velis subvenire
 Et non sinas nos subire

Ullam causam laesionis
 Atque perversae suasionis.
 Diei noctisque hora
 Pro nobis Deum exora,
 Ut hic omne malum vincamus
 Et Christo Iesu adpropinquamus,
 Ut a delictis mundi tuti
 Contriti atque devoti
 Et a morte
 secunda non pavescamus
 Neque in conspectu
 iudicis erubescamus,
 Sed post hoc exsilium
 Possimus Dei filium
 Gaudenter
 contemplare cum beatis
 In conspectu
 divinae maiestatis,
 Quod nobis praestare dignetur
 Sancta trinitas, quae laudetur,
 Pater et filius
 Et sanctus Spiritus.

Orat. ins. Pataviense saec. 15. Cod. Gottwicen. 444. — 9 Et quod tuum. — Der Text des Liedes ist an einigen Stellen so rhythmisch richtig, daß man ihn an andern für verderbt halten möchte.

253. De sancto Leopoldo.

O flos primatum, decus o Leopoldo beatum,
 Perpetuo gratum, modo quod teneas dominatum,
 Quod tibi stellatum solium sit perpetuatum,
 Est declaratum per signaque digna probatum.
 Virginis ad natum, pie marchio, funde precatum,
 Hunc fac placatum, nostrum prece terge reatum.
 Ast intentatum Stygis avertas cruciatum,
 Da cor placatum, sit ut in Christo solidatum,
 Te duce ditatum, simul angelicum comitatum
 Felicemque statum, sine fine bonis cumulatum,
 Nos praestolatum facias reperire pacatum.

Collect. ms. S. Mariae ad Scotos saec. 15. Cod. Vindobonen. 4257. — Das Gedicht stammt nach Angabe der Hs. aus den Jahren 1323—25.

254. De sancta Lucia.

1. O viva Christi hostia,
Lucia fortissima,
Tua sit mihi passio
Peccatorum remissio,
Tua sit dilectio
Mis animae refectio.
Tua commemoratio
Sit mentis reparatio.

2. Salve, virgo, funde preces,
Cordis mei purga faeces,
Sensus terge vitiis;

Salve, confer quaeque bona
Castitatis cingar zona
Et virtutum initiis.

3. Audi, Christe Iesu pie.
Per preces sanctae Luciae
Me sanctis tuis insere,
Qui perire nullum sinis,
Ut me bonus tangat finis
In hoc praesenti saeculo,
Ut possim tecum gloriari
Et in aeternum contemplari
In deitatis speculo.

Orat. ms. Campense anni 1462. Cod. Darmstadien. 521. — Zu Str. 2 und 3 vgl. Nr. 541, Str. 14 und 17.

255. De sancta Lucia.

O nobilis virgo Lucia,
Gloriosa, mitis et pia,
Quae castitatis flore
Succensa et amore

5. Terrenum sponsum respuisti
Et caelestem elegisti,
Matri tuae supplicabas,
Ne alium, quam amabas,
Tibi sponsum nominaret
10. Neque fructum expectaret
Carnis tuae moriturae.
Praesentis vitae et futurae
Deum verum es confessa

Et pro ipso es perpessa

15. Capitaletn sententiam.
Quam exoro reverendam,
Ut in hac vita fragili,
Mortali atque labili,
Conferas auxilium
20. Et sanum consilium,
Quo contemnarn peritura
Bona gliscam et futura
Atque tua prece fretus
Ex hac vita pergam laetus
25. Ad caeli palatia,
O gloriosa Lucia.

Collect. ms. S. Petri Salisburgen. saec. 15. Cod. Petrin. VI 3. — 26
O gloriosa virgo et martyr Lucia.

256. De sancta Lucia.

1. O Lucia gratiosa,
Vultu, forma speciosa,
Carnis elegantia,
Fide pulchra velut rosa,
Amans mente viscerosa
Christum ab infantia.

2. Clara stirpe virgo nata,
Prae coaevis cunctis grata
Excellenter nituit,
Adulescens hanc amavit
Et in sponsam postulavit,
Sed hunc ipsa renuit.

3. Gaude, virgo nunc Lucia,
Nam vicisti mente pia
Mundum et diabolum;
Sponsum carnis contempsisti,
Iesum Christum elegisti
Eiusque consortium.
4. Fides tua impetravit,
Matrem tuam quod sanavit
Christus a languoribus;
Paganismum detestatur
Mater atque baptizatur
Magnis cum honoribus.
5. Facultates expendisti
Paternas amore Christi
Egenis et pauperibus.
Ob hoc virgo accusatur
Et tyranno praesentatur
Suisque tortoribus.
6. Inimicus omnis boni
Quaerit, cui religioni
Se subdere censuerat.
Ad haec respondit Lucia
Constanter menteque pia,
Quod Christo se subdiderat.
7. Tunc tyrannus cum furore
Fremens dixit et horrore
Ad tenellam virginem:
Nisi diis des honorem,
Dabo cunctis te pavorem
Et tuam progeniem.
8. Principum si spernis iura,
Deorum perit cultura
In meam perniciem.
Sic cum virginem affatur,
Ipsa deos detestatur
Horumque effigiem.
9. Deorum qui blandimenta
Credunt, incurrent tormenta
Seipsosque damnificant,
Daemonum hi sunt figmenta
Et a malis adinventi,
Errant, qui his sacrificant.
10. Iudex plenus tunc furore
Stupet dicens: quonam more
Magna haec audes eloqui?
En, quae ego loquor ore,
Spiritus sancti fit rore,
Quem suis solet ingeri.
11. Tunc edictum promulgatur,
Ad lupanar ut ducatur
Virgo Christi turpiter;
Spiritus sanctus tunc fugatur,
Dum haec scortum patitur;
Haec cogitavit nequiter.
12. Respondit sancta puella
Tyranno, qui dura bella
Inferre proposuit:
Si invitae violatur
Corpus, corona duplicatur,
Si consensus defuit.
13. Tunc orat Dei filium,
Ut summ det auxilium
Ab eoque servetur;
Sic virgo Christi nobilis
Stetit ut mons immobilis
Nec inde removelur.
14. Ista iudex dum percepit,
Spiculatori praecepit,
Ut decollaret virginem;
Cuius guttur perforavit,
Sacer cruor hinc manavit
Mox in terrae pulverem.
15. Dimisitque in vulnere
Ensem et coepit fugere
Magno cum timore.
Mira patent in virgine,
Quod haec de magno munere
Christi fert et amore.
16. Orat pro vitae spatio,
Ut corporis solacio
Christi muniretur;
Assunt ministri ocus,
Communicant devotius,
Antequam moreretur.

- | | |
|---|--|
| <p>17. Hinc exorat Dominum
Pro salute hominum,
Qui hanc invocaret
In praesenti saeculo
Vel in vitae termino,
Ut eos bearet.</p> | <p>20. Gaude, rosa transplantata
De hac valle ad beata
Paradisi gaudia;
Gaude, sponsa Christi grata,
Quae non ivit via lata,
Ad Dominum sed regia.</p> |
| <p>18. Da his, Cbriste, qui agonem
Meum colunt, quod praedonem
Salutis non videant,
Sed per tuum dulce nomen
Sanctam da communionem,
Ut hinc securi exeant.</p> | <p>21. En, tu virtutis speculum
In relinquendo saeculum,
Virgo sancta, claruisti,
Virginitatis titulum,
Honoris adminiculum
Constanter tenuisti.</p> |
| <p>19. Tunc commendabat animam
Christo, ut caeli ianuam
Intret regnatura,
Cui adhaesit fortiter
Et adamavit dulciter
Prae omni creatura.</p> | <p>22. Ergo regnas cum Domino
In caelo sine termino,
Quod Iesum dilexisti,
Cum Christo sine nubilo
Gaudes cum omni iubilo.
Cum sancta matre Christi.</p> |

Orat. ms. Campense anni 1462. Cod. Darmstadien. 521. — 12, 6 Si
mentis consensus.

257. De sancta Lucia.

- | | |
|--|---|
| <p>1. Lux illucens illustravit
Te, Lucia, quam paravit
Viae luminarium;
Morbum matris effugavit
Tua fides et donavit
Salutis auxilium.</p> | <p>2. Vis in bobus dormitavit,
Virtus in te vigilavit
Indurans Paschasium;
Christus, qui te conservavit
Et ad se qui te vocavit,
Me vocet ad gaudium.</p> |
|--|---|

Orat. ms. Anglican. saec. 13. Cod. Londinen. Ar. 201.

258. De s. Ludovico Alamando.

1. Agmine sidereo de cuius luminis haustu
Astra iubar rapiunt, liquidum secas aera pennis,
Sublimibus volans ab alis es Alamagnus,
Ludovicus lucens regia celsa manu.
2. Sancte, qui tanti mensuram nominis imples,
Qui gemmas gemmis, nobilitate genus,
Dulcis, pacifice, mitis, pie, grate, pudice,
Nunc videas populum altus ab arce tuum.

3. Corpore formoso, sed mente magis generoso
Flores aetate, floride virgo, flores.
In superum requie pulsa caligine nitens,
Effice me meritis tempus in omne meum.
4. Vas redolens morum, malo scie ponere lorum,
Nomen ab aeterno posteritate ferens,
Ad tua me fluctus proiectum litora portent
Occurramque oculis intumulatus tuis.

Collect. ms. Mellicense? saec. 15. Cod. Mellicen. 962. — 3, 2 aetate virgo floridus flores. — Außerdem noch zwei Gedichte in Hexametern, die den Hymnen noch weniger beizuzählen, endlich eine Epistula, Gebet in Briefform, unterzeichnet: „Vincentius de Ruppe“; ist er auch Verfasser der Gedichte?

259. De s. Lupo Trecensi.

Ave, praesul honestatis,
Pater magnae sanctitatis,
Sancte Lupe, vir laudande,
Orbi toti praedicande,
Qui das lapsis relevamen,
Tu pro nobis intercede,
Ut caelesti nos mercede
Ditet Deus cum beatis
Regno suae claritatis.

Orat. ms. Trecense(?) saec. 15. Cod. Capit. Strigonien. Mss. III. 172.

260. De sancto Luthardo.

- Sanctus Luthardus. regali stemmate natus.
Christo servivit, cuius praecepta subivit.
Pectore devoto prudenter cordeque toto
Hic dives mundo proiecit dulcia mundi.
5. Parva quidem terrena putat, caelestia captans,
Tanto feliciorem se probans ac nobiliorem,
Dans constanter opem languentibus atque salutem.
O venerande comes, conserva te venerantes.
Caelica, Christe, tuis qui praestas praemia sanctis,
 10. Protege Luthardi venerantes festa beati.

Orat. ms. Campense anni 1462. Cod. Darmstadien. 521.

261. De sanctis Maccabaeis.

- | | |
|--|--|
| O vos sancti Maccabaei,
Martyres electi Dei,
Qui ob legis observamen
Inauditum cruciamen | 10. Ac per matrem confortati
Vitam mundi contempsistis
Et ad caelos conscendistis,
Ubi vestro pro tropaeo
Confruentes estis Deo. |
| 5. Tolerastis patienter
Et obistis innocenter
Saeva morte atque vili
Sub Antiocho gentili.
Dei donis inspirati | 15. Quem pro nobis exoretis,
Aeternalis ut quietis
Gaudia participemus
Et vobiscum habitemus. |

Orat. ms. Campense anni 1462. Cod. Darmstadien. 521.

262. De s. Maria Magdalena.

- | | |
|---|--|
| 1. Omnis homo, qui premeris
Enormitate sceleris,
Sit in tua memoria
Sancta peccatrix Maria. | 7. Et procumbens uberrimis
Abluit pedes lacrimis
Fusoque crine capitis
Tergit osculis additis. |
| 2. Si formam paenitentiae
Et locum quaeris veniae,
Reducas ad memoriam
Mariae paenitentiam. | 8. Ingeminantur oscula,
Instatur prece sedula,
Peccatricis devotio
Hoc monstratur obsequio. |
| 3. Si iussa Dei spreveras
Et peccatis offenderas,
Prae oculis sit Maria.
Mundata Christi gratia. | 9. Fundit unguentum pedibus,
Linit devotis manibus,
Cuius odoribus bonis
Domus impletur Simonis. |
| 4. Hanc imitandam censeo,
Quam paenitentem video,
Quae tam digne paenituit
Et veniam promeruit. | 10. Haec gemit inter epulas
Precesque fundit sedulas,
Ut mundet Christi gratia,
Quod timet conscientia. |
| 5. Haec abhorrendo crimina
Simonis intrat limina.
Ubi prandendi gratia
Erat Christi praesentia. | 11. Sed Simon hanc conspiciens
Et intra se despiciens
Dicit: si propheta foret
Hic, ream iam cognosceret. |
| 6. Tristis, maerens et anxia
Christi petit vestigia,
Non desperans de venia
Vota fundit humilia. | 12. Sciret quidem innumera
Iam peccatricis scelera,
Nec ad se hanc accedere
Pateretur aut tangere. |

- | | |
|--|---|
| 13. Sed Dei sapientiae,
Secretorum non insciae,
Patet haec cogitatio
Non emissa colloquio. | 22. Non es largitus oscula,
Sed haec, in votis sedula,
Sedentis cum prandentibus
Dedit oscula pedibus. |
| 14. Tunc accersito Simone
Tali fruitur sermone:
Te cogitasse perperam
In hoc monstro, quod referam. | 23. Non oleo perfudisti
Caput meum vel unxisti,
Haec pretioso unguine
Non cessat pedes ungere. |
| 15. Debitores erant duo
Cuidam diti conspicuo,
Alter quinquaginta nummos,
Alter debens duplicatos. | 24. Propterea dico tibi:
Plurimas remitto sibi
Enormitates scelerum.
Quia dilexit nimium. |
| 16. His vero non habentibus
Nec reddere valentibus
Motus misericordia
Dives dimisit omnia. | 25. Qui vero minus ceruitur
Debere, cum remittitur,
Ut rationis exigit
Lima, et minus diligit. |
| 17. Cuins ergo dilectio
Et amplior devotio
Exhiberi debet ei,
Dimissori tantae rei? | 26. Et loquitur ad Mariam
Quaerentem flendo veniam:
Datur tibi remissio,
Vade cum pacis gaudio. |
| 18. Simon inquit: iudicio
Meo postulat ratio,
Ut, cui plus dimiserat,
Plus ab hoc amandus erat. | 27. O admiranda pietas,
O praedicanda bonitas,
Cuins superna gratia
Tanta fit indulgentia. |
| 19. Iesus autem dixit ita:
Recte reddis inquisita,
Est enim procul dubio
Huic credendum iudicio. | 28. O quam sancta mutatio,
Quam excellens provectio,
Quae purgatur criminibus,
Iam ornatur virtutibus. |
| 20. Et conversus ad Mariam:
Vides, inquit, constantiam
Huius et quae devotio
Sit in eius obsequio? | 29. O Maria Magdalena,
Te quaesumus, ut obscaena
Mentis nostrae diluere
Festines precum munere, |
| 21. Ad mensam me vocaveras,
Pedes aqua non laveras,
Haec autem meos lacrimis
Pedes lavit uberrimis. | 30. Ut propulsis criminibus
Tuis sedulis precibus
Nos divina clementia
Perducat ad caelestia. |

Collect. ms. S. Mariae de Camberone saec. 13. Cod. Bruxellen. II, 954 (Phil. 349). — 4, 4 Ut. — 11, 3 sq. hic foret. — 20, 2 sq. huius constantiam. — 25, 3 sq. lima exigit. — 25, 4 et fehlt.

263. *Salus de Maria Magdalena.*

- | | |
|---|--|
| <p>1. Sceleribus homo plene,
In moribus Magdalenae
Conformari studeas,
Cuius vestigia tene,
Gehennalis ignis poenae
Ne subici valeas.</p> | <p>3. Fletu lotos pedes Dei,
Crine tersos, pharisaei
Domo nardo pistico
Unxit, cuius causa rei
Septeni reatus ei
Remittuntur illico.</p> |
| <p>2. Quae daemonibus obsessa
Mortalium et oppressa
Mole septem criminum,
Ab infernis est regressa
Venia sibi concessa,
Quod dilexit Dominum.</p> | <p>4. Christus ob cuius amorem
Fluxu sanavit sororem,
Fratri vitam tribuit;
Resurgentem redemptorem
Prima vidit meliorem
Partemque retinuit.</p> |
5. Par nomine Christi matri,
Sed honore minor, patri
Nos Christo concilia;
Caeli nobis per te clathri
Patcant, claudantur atri
Tartari palatia.

Cod. Bernen. 414. saec. 13 (add. saec. 13). — 1, 3 Conformare. — 5, 4 nobis preces clathri. — 5, 5 laudentur atri.

264. *De s. Maria Magdalena.*

- | | |
|---|---|
| <p>1. O Maria, quae stetisti
Retro secus pedes Christi,
Quos rigasti fletibus,
Fulvis comis extersisti,
Osculatos exunxisti
Coram discumbentibus.</p> | <p>2. Paenitendo dum flevisti,
Christum pium invenisti
Remissis excessibus;
Quem placatum habuisti,
Pro peccatis mihi tristi
Placa tuis precibus.</p> |
|---|---|

Orat. ms. Anglican. saec. 13. Cod. Londinen. Ar. 201.

265. *De s. Maria Magdalena.*

Quae vitae es vena mihi dux et mater amoena,
Fac, Magdalena, tua donis munera plena,
Dilue terrena contagia, saeva refrena,
Perpete me poena liberet tua dextra serena,
Da, fruar hic cena Christi, post pace suprema.

Collect. ms. Franciscan. saec. 15. Cod. Oxonien. Canon. Miscell. 523.

266. De s. Maria Magdalena.

*Ave, Maria Magdalena,
 Gratia redemptoris plena,
 Dominus, dilector et dilectus tuus, tecum,
 Quae fecit in te, faciat mecum.
 Benedicta tu in peccatoribus,
 Forma paenitentiae viris et mulieribus.
 Et benedictus cum matre Dominus
 Noster, Iesus Christus, dulcissimus
 Fructus ventris virginiei,
 Remunerator amoris tui.*

Collect ms. Libehardi prioris Reichenbacen. anni 1476. Clm. Monacen. 2990.

267. De s. Maria Magdalena.

- | | |
|--|---|
| 1. O Maria Magdalena,
Prius vas spurcitiae,
Facta virtutum lagena,
Norma paenitentiae,
Ad te clamat plebs egena
Mortalis militiae. | 4. Bonam partem elegisti,
Iesum Christum Dominum
Super cuncta dilexisti
Veniamque criminum,
Hinc sanctarum meruisti
Consors esse virginum. |
| 2. Funde preces pro scelestis,
Ut optata venia
Ditentur regis caelestis
Salutari gratia,
Sitque angelorum testis
Pura conscientia. | 5. Tu soror apostolorum,
Tu decus ecclesiae,
Tu honor praedicatorum,
Tu gemma Provinciae,
Tu purgatrix peccatorum,
Tu lex paenitentiae. |
| 3. Caritatem fac amare,
Tollere invidiam,
Unitatem conservare,
Fugere discordiam,
Carnis, mundi superare
Et hostis malitiam. | 6. Qui te traxit, gloriosus
Pater nunquam genitus,
Qui suscepit, gratiosus
Eius unigenitus,
Qui perduxit, virtuosus
Virtutisque spiritus. |
| 7. Maria, cuius lacrimae
Sordes purgant scelerum,
Electrix partis optimae,
Qua sine fine frueris,
Ad te suspirant animae
Reae delicti veteris,
In hora mortis ultimae
Pia succurre miseris. | |

268. De sancta Margareta.

- | | |
|--|---|
| <p>1. Ave, caeli redimita
Margareta laurea,
Pretiosa margarita,
Caelibatu nivea,
Tunsionibus polita,
Vita, signis splendida,
In corona Iesu sita,
Nos in Christo solida.</p> | <p>2. O victrix eximia,
Virgo Margareta,
Tua desideria
Bonis sunt impleta,
Duplex sertum gloriae
Fers inter beatos,
Grata fonti gratiae,
Fac nos ipsi gratos.</p> |
|--|---|
3. O rosa per saecula
Vernans sempiterna,
Tibi sine nebula
Lucet lux superna,
Summo bono frueris,
Victrix coronata,
Margareta, superis
Iunge nos, beata.

Orat. ms. Campense anni 1462. Cod. Darmstadien. 521.

269. De sancta Margarita.

- | | |
|---|---|
| <p>1. Virgo prudens Margarita,
Contempsisti praemunita
Desuper Olybrium;
Signo crucis insignita,
Quo fuisti deglutita,
Crepuit daemonium.</p> | <p>2. Salvatoris non oblita
Allegasti vi petita
Hostis primi socium;
Mihi prece da mellita
Vim virtutis in hac vita
Contra fraudes hostium.</p> |
|---|---|

Orat. ms. Anglican. saec. 13. Cod. Londinen. Ar. 201.

270. De sancta Margareta.

- | | |
|--|--|
| <p>1. Gaude, martyr Margareta,
Quae caelorum regem laeta
Meruisti cernere;
Gaude, praefecti decreta
Nec non tormentorum freta
Voluisti spernere.</p> | <p>2. Gaude, pia, quae certasti
Et draconem superasti
In umbroso carcere;
Gaude, lumen recepisti
Et truffonem oppressisti
Nolens ei parcere.</p> |
|--|--|

3. Gaude, puer nuntiavit:
Christus Iesus te ditavit
Sua celsitudine;
Ad quam nos de mundi faece
Transfer, virgo, tua prece
Et da tecum vivere.

Collect. ms. Venetum saec. 15. Cod. Cicogna 2408 (2389). — 1, 4 Gaude, quae. — 1, 6 Sponte voluisti. — 2, 4 Gaude quia lumen. — 3, 1 Gaude, quod tibi puer nuntiavit. — 3, 6 da semper tecum.

271. De sancta Margareta.

- | | |
|--|--|
| 1. Gaude, dulcis Margareta,
Virgo rebus locupleta,
Fulgens sub Olimbrio, | 3. Gaude, de caelo coronata
Et carcere visitata
Ab angeli nuntio. |
| 2. Gaude, triumphans draconem,
Alium quoque daemonem
Christi adiutorio. | 4. Gaude, tres mille diei
Personas sanctae fidei
Convertens eius gratia. |
5. Gaude, post preces decollata
Atque per angelos lata
Ad caeli palatia.

Vita ms. S. Margaretae saec. 15. Cod. Rotomagen. 1434 (U 146). — 1, 1 Margareta. — 1, 2 Virgo vergis laprenta. — 4, 2 Personae. — 4, 3 Convertans. — 5, 2 Animaque per angelos.

272. De sancto Martino.

- Pontificum Martine decus, Martine piorum
Gloria, Martine, fons pietatis, ave.
Praesul ave, iubar ecclesiae, flos ordinis, hortus
Virtutum, sacrae religionis honor.
5. Vir meritis insignis, ave, qui dote prophetis
Es par, cni Dominus scire futura dedit.
Qui patriarcharum comes es, qui dogmate sacro
Es pater et generas milia prolis, ave.
Quem nec apostolico primatu laude minorem
10. Praedicat ecclesia, signifer orbis, ave.
Martyribus conformis, ave, non sanguine fuso,
Sed tamen assidua sub cruce martyr eras.
Flos confessorum, meritis praedives et omnis
Ordinis electi lux specialis, ave.
15. Virginitatis, ave, speculum, quem vita pudica
Virginibus meritis aequiperare potest.
Praesul, ave, miserere mei, memor esto precantis
Te miseri, solita me pietate fove.
Auxilium depono tuum, scio namque, potens es,
20. Ante Deum facile quaeque petita capis.
Pro me funde preces, ut te poscente salutem
Corporis et mentis det mihi Christus. Amen.

Collect. ms. Gemblacense saec. 13. Cod. Bruxellen. 5387—96. — Cfr. Catal. Codd. Hagiographicorum Bibl. reg. Bruxellen. I, 491 sq.

273. Salus de beato Matthaeo.

- | | |
|---|---|
| <p>1. Parendi velocitas
Prandiique largitas
Commendant Matthaeum,
Et duplex humilitas
Scriptorumque dignitas
Magnificant eum.</p> | <p>3. Se praetendit humilem
Se dicens culpabilem
Ferensque malorum
Risum detestabilem,
Reddit hunc laudabilem
Dignitas ciborum.</p> |
| <p>2. Cito Christo paruit,
Ad cuius deseruit
Vocem theloneum,
Largitate nituit,
Dum convivas habuit
Cum sociis Deum.</p> | <p>4. Mole nullus hominum
Desperet peccaminum,
Quin, si convertatur
Paenitens ad Dominum,
Mox veniam criminum
Plenam mereatur.</p> |
| <p>5. Cuius testimonium
Paulus, doctor gentium,
Davidque psalmista
Probant, quibus socium
Addidit se tertium
Hic evangelista.</p> | |

Cod. Bernen. 414. saec. 13. (add. saec. 13.). — 2, 3 theloneum; darüber als Glosse: (s)cambium. — 3, 3 Herens, korrigiert in: Ferens mit der Glosse: Sustinens. — 5, 6 Hus evangelista.

274. De sancto Matthaeo.

- | | |
|--|--|
| <p>1. Pretiose virtutum flos,
Matthaeae, nunc respice nos,
Qui mundana reliquisti;
Rex caelestis te vocavit
Et te sibi sociavit
Mox ei adhaesisti.</p> | <p>3. O pie evangelista,
Quanta fulsisti in ista
Valle vitae sanctitate,
Pellens ritum profanorum,
Gentes ad regnum caelorum
Convertens in veritate!</p> |
| <p>2. Orbis taxas reliquisti,
Quod a Christo didicisti
Beatum evangelium;
Cultu Aethiopes verae
Fidei atque sincerae
Trahis ornans ad Dominum.</p> | <p>4. Infirmorum tu solamen,
Pro fide Christi certamen
Adisti dum sanctissimum,
Victor effectus tyranni,
Ad cenam vocatus agni,
Regnum intrans altissimum.</p> |
| <p>5. Superno gaudens de throno,
Fine conservatos bono
Perduc nos ad caelestia.
Fac, ut tibi collaetemur
Pariterque iucundemur
Per saeculorum saecula.</p> | |

Orat. ms. incertae orig. saec. 15. Cod. Pragen. XIII H 3 a. — 1, 1 Pretiosum flos. — 3, 3 vita. — 5, 5 coniucundemur.

275. De sancto Mauritio.

- | | |
|---|--|
| <p>1. Ave, clarissima sanctorum
 Turma Thebaeorum,
 Quam morum
 Honestas
 Ac divina maiestas
 Venustavit.
 Normam vos militum servastis,
 Rapinas vitastis,
 Levastis
 Egentes,
 Quos pressura maerentes
 Contristavit.
 Ubi mos proelii poposcerat,
 Fortes exstitistis,
 Caesar vos milites accierat,
 Statim paruistis,

 Vicistis
 Malignum,
 Mortis poena quem dignum
 Cito stravit.</p> | <p>2. Iter fidelibus trivistis,
 Quo caelum petistis,
 Tempsistis
 Obscaena
 Carnis, Dei amoena
 Iam cernitis.
 Mortem [diram] praelegistis
 Ferre, quam in istis,
 Deistis
 Parere,
 Caeli regnum hinc vere
 Percepitis.
 In coetu gregis iucundissimi
 Palma coronati,
 Assueri, regis praestantissimi,
 Dextrae sociati,
 Nobis deputati
 Probati
 Tutores
 Contra canis timores
 Tricipitis.</p> |
|---|--|
3. Vestris nos precibus iuvate,
 Veniam rogate
 Patratae
 Donari
 Pravitati, mundari
 A vitiis.
 Fac nos artissimae salutis
 Vivere statutis
 Acutis,
 Decerni
 Ne contingant Averni
 Suppliciis.
 Regibus caeli praeclarissimis
 Nos fac copulari,
 Gregibus cum praefulgidissimis
 Semper recreari,
 Deum contemplari,
 Levare
 Atque frui mansuris
 Deliciis.

Miss. et Brev. Belisianum saec. 15. Cod. Bruxellen. 9786—90. — Aus derselben Quelle Anal. Bolland. VI, 368. — Die Cantio folgt der Melodie: Ave sanctissima regina, Anal. I, 52.

276. De sancto Nicolao.

- | | |
|---|---|
| Summe pater Nicolae,
Me ad summum bonum trahe;
Trahe me od summum bonum,
Quia feci te patronum. | 20. Quibus ita subvenisti,
Ut ventorum vi sublata
Navis fieret salvata;
Sicut illas tres puellas,
Modis omnibus misellas, |
| 5. Nunc te rogo, nunc adesto,
Nunc succurre mihi maesto,
Dele omnia peccata,
Quae a me sunt perpetrata.
Simul sunt coadunata, | 25. Ab incestu revocasti
Auroque locupletasti,
Animae tu commendatae
Subvenito pietate
Et oppresis tuo telo |
| 10. Armis asperis armata,
Ob illecebras carnales
Plagas inferunt mortales,
Animaeque peccatrici,
Miserae et infelici, | 30. Vitiis me serva caelo
Et per undas huius maris
Esto ductor meae navis
Perque tuam largitatem
Pelle meam paupertatem, |
| 15. Si recusas subvenire,
Nequit mortem praeterire.
Ne tardaveris adesse,
Quia multum est necesse.
Sicut nautis adfuisti, | 35. Ut penuria deiecta
Vique turbinum defecta
Sim praecentor tuae laudis
Cum virginibus et nautis. |

Collect. ms. Ravennatense saec. 12. [—15]. Cod. Classen 246 [139. 3. D.] — 26 collocupletasti. — 29 oppressi.

277. De sancto Nicolao.

- | | |
|--|--|
| 1. Copiosae caritatis
Nicolae pontifex,
Esto meae parvitatis
Copiosus opifex,
Ne me damnet pro peccatis
Mundi summus artifex,
Et tormentet cum damnatis
Gehennalis carnifex. | 3. Suscitator clericorum,
Signis admirabilis,
Fac, a morte peccatorum
Surgam reus flebilis;
Copiosa meritorum
Vita praedicabilis,
Fac, operum sim bonorum
Actu commendabilis. |
| 2. Qui in cunis ieiunasti
Quarta, sexta feria,
Da, ut ventris parce pasti
Firmer abstinentia;
Qui puellas liberasti
Carnis a spurcitia,
Da, ut fruar cordis casti
Carnisque munditia. | 4. Quem vox designavit Dei
Dignum pontificio,
Dissolvatur per te mei
Reatus ligatio,
Plagas atque morbos rei
Tua sanet unctio,
Et ad portum requiei
Ducat benedictio. |

Collect. ms. 8. Lupi Trecen. saec. [10. et] 11. Cod. Trecen. 1170. add. saec. 12. — 1, 3 parvitati. — 3, 5 Copiose. — 4, 1 designavit Dei.

278. De sancto Oswino.

- | | |
|---|---|
| <p>1. Glorioso rex Oswine,
Qui virtutis vi divinae
Fulges super sidera,
Opem ferens medicinae
Salutaris a ruinae
Casibus me libera.</p> | <p>2. Digne tibi deservire
Et me tuo fac finire
Vitam in servitio,
Ut de duce minas irae
Dei possim praeterire,
Tutes in iudicio.</p> |
|---|---|

Orat. ms. Anglicanum saec. 13. Cod. Londinen. Ar. 201.

279. De sancto Ottone.

- | | |
|---|---|
| <p>1. O Ierusalem superna,
Pace fruens sempiterna,
Tu de lapidibus vivis
Deo vivo construeris.</p> | <p>8. In tua sede locata
Gaudeat felix anima
Pii praesulis Ottonis,
Omnibus ditata bonis.</p> |
| <p>2. Nec malleus nec securis
In tuis auditur muris,
Sed expoliti lapides
Sunt electi. quos contines.</p> | <p>9. O proceres angelici,
Ministri regis aeterni,
In vestro contubernio
Laetetur pontifex Otto.</p> |
| <p>3. Malleos percussionum
Perfert vita electorum,
Quamdiu sub carne gemit,
Dum virtutibus proficit.</p> | <p>10. O patriarchae praecelsi,
O prophetae Deo pleni,
Concivis et domesticus
Vester sit Otto beatus.</p> |
| <p>4. Qui virtutum profectionibus
Ascendunt quasi per gradus
Ad te, sancta Ierusalem,
Omnium credentium matrem.</p> | <p>11. O cohors apostolorum,
Tenens orbis principatum,
Tecum tripudiet pius
Otto, vir apostolicus.</p> |
| <p>5. Illic manu artificis
In suis ponuntur locis
Pusilli cum maioribus,
Senes cum iunioribus.</p> | <p>12. Martyrio candidati,
Athletae invictissimi,
In regno Christi vobiscum
Exsultet Otto per aevum.</p> |
| <p>6. Civitas gaudiis plena,
Non eges sole nec luna,
Quam lumen illustrat verum
Per saecula saeculorum.</p> | <p>13. O beati pontifices,
O confessores illustres,
Sit vobis associatus
Pius Otto episcopus.</p> |
| <p>7. Corpore mortis exutas
Tute suscipis animas,
Quas sinu quietis foves,
Consolatione mulces.</p> | <p>14. Alma chorea virginum,
Candida sicut lilium,
Tecum floreat in aevum
Praesul Otto ante Deum.</p> |

15. O civitas Dei summi,
Sedes regni perpetui,
Cives tui universi
Pio faveant Ottoni.
16. Ex filiis tuis multos
Habet hic praesul patronos,
Sub quorum patrocinio
Struxit ecclesias Christo.
17. Dat primitias votorum
Tibi, Laurenti, suorum
Otto praesul ecclesia
In Vrangia constructa.
18. Et tibi, sancte Georgi,
Devote coepit obsequi
Otto condens ecclesiam
Prope urbem Ratisponam.
19. Te, Petre, princeps pastorum,
Otto habeat patronum,
Per quem tibi est constructum
In Uraba coenobium.
20. Ottonem Christo commenda,
Iohannes evangelista,
Cui est ab eo constructa
In Vicbiluelt ecclesia.
21. O Iacobe apostole,
Ottoni praesuli fave,
Qui apud Enstorf condidit
Cellam, quam tibi dicavit.
22. Ottoni faveto pia,
Dei genetrix Maria,
A quo tibi est constructum
In Lanheim monasterium.
23. Tibi, o regina caeli,
Devotione fideli
Otto dicavit optimum
Apud Biburc coenobium.
24. Is tibi Windebergensem
Donavit possessionem,
Qui adunavit ibidem
Cleri congregationem.
25. Otto per Dei gratiam
Ornavit sedem propriam,
Addens ei abbatiam
In Madelhardestorf sitam.
26. Otto, satagens augere
Decus ecclesiae suae,
Addit illi ad honorem
Cellam Monasteriensem.
27. Reginstorf Bambergensi
Otto acquisivit sedi,
Quem locum regularium
Constat esse clericorum.
28. Halesprunnen monachorum
Construxit habitaculum
Tibi, o virgo virginum,
Parans ille obsequium.
29. In honorem sancti Petri
Alterspach fecit construi,
Qui locus est delegatus
Clericis regularibus.
30. Aspach et Clünich geminas
Suae sedi addit cellas,
Unam beati Matthaei,
Alteram Andreae sancti.
31. In Arnoldesteine structam
Sancto Georgio cellam
Praesul venerandus Otto
Suo dat episcopio.
32. In Vezera quasi stellam
Otto pius construxit cellam,
Quam dedicavit in honore
Dei genetricis Mariae.
33. In monte sancti Michaelis
Cellam construxit sanctae
Fidis,
Exceptis habitaculis
Longe vel prope positis.
34. In his locis Otto pius,
Plenus bonis operibus,
Domino cottidianum
Praeparavit obsequium.

Collect. ms. Ratisbonense saec. 12[—14]. Clm. Monacen. 13087. — 6, 2 neque luna. — 27, 1 fehlt eine Silbe. — 30, 4 Alteram sancti Andreae apostoli. — 32, 1 quasi matutinam stellam. — 33, 2 beatae Fidis. — 33, 3 Exceptis fidelium habitaculis. — Aufschrift: „Rithmus pro commendatione pii Ottonis episcopi et de gestis eius.“

280. De sancto Paulo.

- | | |
|---|---|
| <p>1. Paulus, aemulator legis,
Persecutor Christi gregis,
Lupus rapax mortem gerens
Circuit, necare quaerens
Cuneos fidelium.</p> | <p>4. Laetus Christum est secutus,
Multa passus ipso iutus,
Probris laesus, virgis caesus,
Mortis poenam et catenam
Pati non est veritus.</p> |
| <p>2. A divina luce tactus,
Mente raptus, caecus factus,
Ductus est ad Ananiam,
Videns novae vitae viam,
Iesum Dei filium.</p> | <p>5. Vitam longam in virtute
Duxit mundi pro salute,
Martyr tandem cum corona
Sumptus ad aeterna bona
Laudat regem gloriae.</p> |
| <p>3. Uetustate spoliatus,
Fonte gratiae renatus
Coepit usque fines terrae
Salutare semen ferre
In fervore spiritus.</p> | <p>6. Sancte Paule, dux doctorum,
Martyr, flos apostolorum,
Nos emenda, Deum ora,
Ut illustret nos decora
Beatorum requie.</p> |

Collect. ms. Campense anni 1462. Cod. Darmstadien. 521. — Dies Gedicht ist von demselben Verfasser wie oben Nr. 251 auf den hl. Laurentius.

281. De s. Paulo Eremita.

- | | |
|---|---|
| <p>1. Bina legione David
Hostes Israel prostravit,
Mundum, carnem, daemonium,
Primum martyrum levitam,
Monachorum eremitam
Dans Paulum primicerium.</p> | <p>3. Sentit tunc Valerianus
Socer dirius vesanus,
Huic moliens interitum;
Solitudinem petivit.
Qua salvaret, exquisivit
Puer, pusillum spiritum.</p> |
| <p>2. Ipse puer vix sedennis
Columbae vestitur pennis
Petens antrum maceriae.
In desertum dat volatus
Orans, templans, incolatus
Praesentis flens miseriae.</p> | <p>4. Cohors prior iam cessare,
Sequens debuit pugnare.
Quapropter Christus noluit,
Quod in illa militaret,
Nostrae sed ducatum daret,
Prout insignis voluit.</p> |

5. Mentem pascit spiritale
Manna, Iesu, pluis quale
In pauperi dulcedine;
Octo carnem palma lustris
Nutrit, corvus hinc industris
In semipanis fragmine.
6. Iesu dulcis, hunc duplasti,
Tandem sibi sociasti
Convivam dum Antonium;
Pium oritur certamen,
Quis confringat, pacis tamen,
Amoris dulce iurgium.
7. O quam laete convivantur,
Nam delibant, quae parantur
Iam regis in triclinio!
Si ministrat ibi Christus,
Certe frangit panem istis
Plus spiritus in scrinio.
8. Potat sanctum aqua rivus,
Plus sed aptat te fons vivus,
Hinc vena vitae scaturit;
Libet tamen contemplari
Vestem, magis qua ornari
Tantus miles meruit.
9. Quis ignoret innocentem
Cocco bissoque fulgentem,
Auro, iacintho, purpura;
Gloriam sed hanc decoris
Intus vide, quaeso, foris
Quae monachi cucullula.
10. Manibus victores gerunt
Palmas, huius artus ferunt
Contextam palmis tunicam;
Armis victor loricatur
Ferme centum, amplexatur
Sic undique victoriam.
11. Sile, caro, cede, munde,
Vade, Satanas, rotunde
Deridet vos emeritus;
Nil habetis, quod non sprevit,
Qui nec suasus acquievit
Nec mala vestra veritus.
12. Dic, Antoni, senex sancte,
Dic, dic adhuc vitae tantae
Quidquam pluris magnum,
Vere magnus, quem revelat
Tibi Deus, grex nec celat
Monstrosus animalium.
13. Hunc quaesisti cum labore,
Repertum mirans stupore,
Occulta nempe panderat;
Affers pallium petiit,
Plangens rediens sopitum.
In Christo iam dormierat.
14. Cernis turmas angelorum
Iungere apostolorum
Prophetisque collegio;
Quam devote moriatur,
Flexus poples hoc testatur;
O stupenda religio!
15. Cambis pater vestem tuam,
Testamento capis suam,
Qua in festis progredieris,
Digne credens te ornari,
Tanti patris decorari
Amictu si merueris.
16. Dant leones sepulturae
Corpus sacrum et hoc iure,
Ut sanctis ferae pareant;
Sic spe caro requiescit,
Bonis gloriae fulgescit
Spiritus, quem exhilarant.
17. Iam, praeclara caeli stella,
Paule pater, seda bella,
Quibus desertum quatitur;
Urit ignis, mordet serpens,
Gravat labor atque torpens
Mens Amalech insequitur.
18. Duc nos montem visionis,
Terram ad promissionis,
Supernam Ierusalem,
Ubi sanctis pater paret,
Flamen ardet, verbum claret
Per te, rex o Iesu Salem.

282. De sancto Pelino.

I.

- | | |
|---|--|
| <p>1. Regis regum plebs devota
Voce clara, mente tota
Celebret sollemnia;
Festa redeunt iucunda,
Et nos mente sitibunda
Solvamus praeconia.</p> | <p>3. Sola possides primatum,
Sola tenes praesulatum
Et eius insignia,
Cuius corpus hic quiescit,
Per quem latius clarescit
Haec mater ecclesia.</p> |
| <p>2. Solve vota digna laude,
Totis viribus congaude,
Valvensis ecclesia;
Sola digna tu fuisti,
Sola tu promeruisti
Pelini suffragia.</p> | <p>4. Haec lux mirae claritatis,
Gratia latinitatis,
Oritur in Graecia,
Quam inde praedestinarunt
Et huc gratis asportarunt
Dei providentia.</p> |

R^o Eia, fratres, canite,
Trino regi psallite,
Grates dignas agite,
Vetera deponite,
Nova vos induite,
Diem festum colite,
Cantilenam facite,
Martyri complaudite.

II.

- | | |
|---|---|
| <p>1. Hic nobili genere
Civitate Durachio
Matre quidem Saphira,
Patre natus Archadio,</p> | <p>3. Nisi quam conceperant
Praecinente Basilio,
Cuius post commissus est
Praeclaro magisterio.</p> |
| <p>2. Deo famulantibus,
Constitutis in senio,
Nullam spem tenentibus
Super habendo filio,</p> | <p>4. Et in templo Domini
Oblatus est cum gaudio.
Cuius hic continuo
Congaudemus martyrio.</p> |

R^o Eia, fratres, canite.

III.

- | | |
|---|--|
| <p>1. Crevit sanctus de repente
Sancto spiritu replente
Desuper ingenium,
Et festinus aspiravit
Et ad sacrum convolvit
Doctrinae fastigium,</p> | <p>2. Non ascribens sibi tanti
Sed donis spiritus sancti
Muneris officium,
Tunc relictis universis
Ac legitime dispersis
Iuxta evangelium.</p> |
|---|--|

3. Contra sectas paganorum
Et cultores idolorum
Opponens se obvium,
Navem protinus intravit,
Statim sanctus invocavit
Dei patris filium.

4. Dono cuius est eggressus
Et celeriter ingressus
Nobile Brundisium.
Quem Aproculus inspexit,
Praesul terrae, nec despexit,
Excepit in filium

5. Et archidiaconatus,
Post coegit praesulatus
Conscendere solium.

R^o Eia, fratres, canite etc.

IV.

1. Romam vadit ordinandus,
Papae manibus tractandus
Et pie suscipitur,
Deo intus inspirante,
Papa foris operante
Caput et mens ungitur,

3. Sed Aproculus cum eo
Rediens vocante Deo
Apud Ansam moritur;
Postquam sanctus emigravit,
Praesul sibi consecravit
Domum, sicut cernitur.

2. Et sibi pontificatus,
Animarum praesulatus
Per Iulium traditur;
Post acceptam missionem
Necnon benedictionem
In pace dimittitur.

4. Post ad Apulos reversus,
Ubi populus inversus
Habitasse dicitur,
Evidenti ratione
Omnes et oratione
Convertisse legitur.

5. Omnis ritus paganorum,
Omne fanum idolorum
Per ipsum destruitur.

R^o Eia, fratres, canite etc.

V.

1. Iam sanctus converterat
Calabros et Apulos
Et, quosunque poterat,
Edocebat populos
Elargiri propria
Nec servare loculos,
Ut Christus praeceperat
Per suos apostolos.

2. Plenus omni scelere
Caesar Iulianus
Audit, quod Simpronius
et Aurelianus
Sit uterque publice
factus christianus,
Frendens torquet oculos
tamquam vir insanus.

R^o Eia, fratres, canite etc.

VI.

- | | |
|--|---|
| <p>1. Hos ipse miserat
 Martyrem ducere
 Et ejus socios
 Omnes adducere.
 Quosdam promissis
 Et largo munere.
 • Alios minis
 Et diro vulnere.</p> | <p>2. Quos sanctus innocens
 Sic exhortatur:
 Eamus Romam,
 Nunc praeparatur
 Corona nobis,
 Nam tunc probatur
 Verus athleta,
 Cum proeliatur.</p> |
|--|---|

R^o Eia, fratres, canite etc.

VII.

- | | |
|---|--|
| <p>1. Ecce, Romam veniunt
 voce laetabunda
 Intraturi proelia,
 quae non sunt iucunda,
 Ea tamen sustinent
 mente sitibunda
 Exsecrantes penitus
 idola immunda.</p> | <p>4. Caesar apostasiae
 Tactus improprio
 Cogitat multiplici
 Perdere martyrio
 Pelinum sanctissimum
 Cum suo collegio
 Et Pelinum tradidit
 Tunc Corniculario.</p> |
| <p>2. Praesul ait Caesari:
 „dic tu, Iuliane,
 Nunc factus apostata,
 quondam christiane,
 Reliquisti Dominum
 et servis Dianae,
 Ut tibi conquirereres
 solium inane?</p> | <p>5. Hic huius provinciae
 praeses et praefectus.
 Forma novi sceleris,
 omni dolo tectus
 Et nefanda daemonum
 mixtura confectus,
 Cui mens est horrida,
 funestus aspectus.</p> |
| <p>3. Miser, quid te decipit,
 quid tibi blanditur?
 Ecce, quod tu possides,
 repente finitur,
 Furia, qua praefuris,
 cito sepelitur,
 Ubi fures fodiunt,
 tinea molitur.“</p> | <p>6. Rediens Corfinium
 praeses hic inflatus,
 Quod pravorum hominum
 erat incolatus,
 Daemonum congeries,
 sedes et primatus,
 Civitas praecipua
 huius comitatus.</p> |

7. Praeses laetus incipit
populo narrare,
Quod Pelinum duxerat
huc sacrificare
Et ipsum supplicii
duris macerare,
Nisi cito satagat
daemoni curvare.
8. Quod Pelinus audiens
dixit ad profanum:
„Ecce, mecum pergite,
ibimus ad fanum.“
Quod ut omnes audinnt,
properant in vanum,
Prosequentes omittunt
praesidem insanum.
9. Ubi sanctus Domino
genua curvavit,
Totum templum corruit,
idola constravit
Et Cornicularium,
qui hoc ordinavit,
In ruinam suffocans
totum conquassavit.
10. Postquam cernit populus
praesidem migrasse,
Animam daemonibus
cito commendasse,
Pelinum antistitem
dicunt incantasse
Et suis praestigiis
talìa patrasse.
11. Nesciunt, quod daemonum
furia peremit
Praesidem, quae neminem
a poena redemit;
Adcurrunt pontifices,
populus contremittit,
Et ad casum principis
tota plebs infremit.
12. Pessima pontificum
turba conclamavit,
Plagis et verberibus
sanctum cruciavit,
Donec martyr animam
Deo commendavit
Et caelorum ardua
terra commutavit.

13. Multa sustinuerat
pontifex martyria,
Poenas importabiles
et longa suspiria,
Antequam exsolveret
extrema supplicia,
Corpus cuius possidet
nunc nostra confinia.

R^o Eia, fratres, canite etc.

VIII.

1. Miro modo plaudite
Voce, corde, manibus,
Sedem vobis facite
In virtutum gradibus.
2. Praeferentes spiritum
His lutosi carnibus,
Luteam materiem
Exornemus moribus.
3. Vocis modulatio
Et cor purum sordibus
Iungat se celeriter
Caritatis sedibus,
4. Et Pelini precibus
Nobis suffragantibus
Iungamur perenniter
Angelorum coetibus.

R^o Eia, fratres, canite etc.

IX.

- | | |
|--|--|
| <p>1. Infernali furia
 Caesar Iulianus
 Rapitur ad inferos
 tamquam tunc profanus,
 Post quem regnat, imperat
 Caesar Iovianus,
 In quo gaudet pariter
 orbis christianus.</p> <p>2. Hic legatos destinat
 carpere Corfinium,
 Nicostratum praesidem
 et Pardum patricium;
 Qui non possunt viribus
 Neque per ingenium,
 Nisi, ex quo martyrem
 habuere praeivium.</p> <p>3. Hi redire coeperant
 tamquam desperati
 Ad id, pro quo venerant
 valde fatigati,
 Sed iacentes lectulo
 somno soporati,
 Martyr his apparuit
 dicens: „O legati,</p> | <p>4. Quis honor, quae gloria,
 sic repatriare,
 Leviter incipere,
 frustra laborare,
 Infecto negotio
 nihil consummare?
 Nam solet opificem
 opus declarare.</p> <p>5. Ecce, retro cedite,
 nihil dubitetis,
 Nam auctore Domino
 terram capietis,
 Corpus meum utique,
 quod invenietis
 Ante portam positum,
 sub luto tolletis.“</p> <p>6. Hi divino munere
 terram receperunt,
 Iuxta dictum martyris
 corpus invenerunt
 Et sibi basilicam
 ibi construxerunt,
 Cui totam patriam
 devote dederunt.</p> |
|--|--|
7. Hanc novam basilicam
 vetus procreavit,
 Cupressina capsea
 corpus conservavit,
 Quod praesul Gualterius
 publice locavit
 Et altare desuper
 maius ordinavit.

R^o Eia, fratres, canite etc.

Pass. ms. Sulmonense saec. 11. Cod. Vatican. 1197. add. saec. 12. in. —
 7, 5 Gualterius ep. Sulmonen. 1104—40.

283. De s. Petro Caelestino.

- | | |
|--|---|
| <p>1. Petrus de petra mittitur
 Deserti montem visere
 Sion, in papam tollitur
 Miti vestitus vellere;</p> | <p>Fratrum fastus reprimitur
 Novo recisus vomere,
 Gratia clerus colitur
 Iam lucis orto sidere.</p> |
|--|---|

2. Caelesti rore praeditus,
Suo respondens nomini,
Caelestinus, vir inclitus,
Sacrosanctae regimini
Ecclesiae praepositus,
Velut in caelo gemini
Irradiat divinitus
Iste confessor Domini.

3. Petrus dat laudum carmina,
Petrus pro grege vigilat,
Petrus absolvit crimina,
Serpens antiquus sibilat,
Petrus confert iuvamina,
Quibus omnis plebs iubilat,
Post Petrum canunt agmina:
Aurora lucis rutilat.

Collect. ms. S. Jacobi Leodien. (olim Simonis de Leodio, Canonici Tungron.) saec. 13. Cod. Darmstadien. 2666. — 1, 3 monte. — 1, 8 et papam. — 1, 4 vestibus. — 1, 7 cleru. — 3, 7 canunt carmina. — „Anno Domini MCC nonagesimo quarto haec scripta sunt de papa Petro, qui et Caelestinus.“ — Aus derselben Hs. auch (nicht ohne einige Lesefehler) in Roman. Forsch. VI, 11. Das Lied ist ersichtlich unvollständig.

284. Ad sanctos tres Reges oratio.

1. Te, rex Iaspar, imploramus,
Confer nobis, quod optamus,
Christum Iesum propitium;
O rex Iaspar, serve Dei,
Te rogamus servi rei,
A peccati carcere
Educ nos potenti prece,
Nobis detur victa nece
Tecum semper vivere.

2. Te, rex Melchior, rogamus,
Nobis dona, quod optamus,
Nec sic spernas peccatores,
Ut non cernas precatores,
Reos sibi diffidentes
Tuo siste Domino.

3. Balthasar, rex pietatis
Et totius sanctitatis
Flumen indeficiens,
In te salva confidentes,
Salutari sitientes
Potu nos reficiens.

4. Ad de flentes suspiramus,
Te gementes invocamus
Evae proles misera,
Statum nostrae paupertatis
Vultu tuae bonitatis
Clementer considera.
Deo, sancte, nos commenda,
Ut exutos omni menda
Nos locet in gloria.

5. Jesu Christe, fili Dei,
Tota salus nostrae spei,
Trium regum interventu
Angelorum nos concentu
Fac gaudere iugiter.

Orat. ms. Campense anni 1462. Cod. Darmstadien. 521. — 3, 1 O Balthasar. — 5, 3 Tuorum regum. — Starke Entlehnungen aus Adam von St. Viktor.

285. De s. Richardo Eboracensi.

- | | |
|---|---|
| <p>1. Dives virtutibus
Dura sustinuit,
Pollens candoribus
Ut rosa rubuit,
Pro sponsae iuribus
Vincens occubuit,
Quinque vulneribus
Dum polum adiit.</p> | <p>4. In domo propria
Mitescens sistitur,
Ubi iustitia
Dire comprimitur,
Iniusti iudicis
sermo depromitur
Sine responso,
Sic nece plectitur.</p> |
| <p>2. Scrobem purificat
A sorde criminum
Et scopam ordinat
Sanguinem proprium,
Sic ruens recipit
Rigoris gladium
Et procul propulit
Quodque piaculum.</p> | <p>5. Virgo, sponsus
et pastor populi,
Martyr vincens
triumpho nobili,
Novus Abel
succedens veteri,
Extra portam
fit datus funeri.</p> |
| <p>3. Post donum spiritus
In luce Cynthiae
Willelmi praesulis
Fulgente iubare
Est palam proditus,
Sed nimis callide,
Ligatus nexibus
Mortis dirissimae.</p> | <p>6. Pelle piacula,
Pastor piissime,
Iam sine macula
Regnans aequissime,
Dissolve vincula
Litis nequissimae,
Astringe foedera
Pacis piissimae.</p> |

Horae B.M.V. sec. usum Sarum saec. 15. in. Cod Oxonien. Lat. lit. f. 2. — 3, 2 luce zinzie. — 4, 6 sena [!] depromitur. — 4, 7 fehlt eine Silbe. — 5, 7 Sic extra; in der ganzen 5. Str. abweichendes Metrum. — Nach dem Gedichte folgt noch Versic. et Resp.:

V. Pro nobis ora, quaesumus,
Richarde, martyr Christi,
R. Qui petens quinque vulnera
mortem pertulisti.

Abschrift von Rev. H. M. Bannister.

286. Salus de beato Stephano.

- | | |
|--|--|
| <p>1. Passionis Christi primus
Testis, pro tuis optimus
Intercessor hostibus,
Stephane, votis accimus
Te, quem caelestibus scimus
Laureatum sedibus.</p> | <p>2. Cuius lipsanis inventis
Sociorum adiumentis
Terra cessit siccitas;
Tuis laudibus intentis
Prosit diei praesentis
Votiva sollemnitatis.</p> |
|--|--|

3. Christo paupere ditaris,
Paulo nudo lapidaris,
Coronaris laurea;
Rabbi Pauli revelaris,
Servas loca, renitaris
In aula siderea.

Cod. Bernen. 414. saec. 13. add. saec. 13. — 1, 2 pro cuius.

287. De s. Thoma Lancastriensi.

Gaude, Thoma. ducum decus,
lucerna Lancastriae,
Qui per necem imitaris
Thomam Cantuariae,
Cuius caput conculcatur
pacem ob ecclesiae,
Atque tuum detruncatur
causa pacis Angliae,
Esto nobis pius tutor
in omni discrimine.

Cod. Londinen. Reg. 12 C XII. — Abschrift von Rev. H. M. Bannister.

288. De ss. Thyrsō, Palmatio et Sociis.

- | | |
|--|---|
| <p>1. O athletae Thebaeorum,
O vos cives Trevirorum,
Corpora quiescunt quorum
In hoc sacrato solo,
Vos saluto, vos collaudo,
Mille miliesque plaudo,
Cor et mentem iam non claudio,
Audite me de polo.</p> | <p>3. O Palmati, o Maxenti,
Nullus timor fuit menti,
Firmo corde, non paventi
Datis colla candida.
Alexander, progredieris,
Mitis Leander, sequeris,
Quos non, Iustine, deseris,
Mens cum non sit languida.</p> |
| <p>2. Felix, Deus quem vocavit,
Sua fide illustravit
Robur mentis et donavit
Acerbae mortis hora!
Tyrsē princeps, decollaris,
Bonifati, sociaris,
Pie Soter, applicaris
Constanti sine mora.</p> | <p>4. Ach, Papyri cum Hormisda,
Fortis, Faustus, agonista,
Sancta a palaestra ista
Haud metus te fugavit.
Sacer miles Ioviane,
Tu constantiae quam sanae,
Ducis bonum et suave,
Quod mors te triumphavit.</p> |

5. O vos innumerabiles,
Celsi fortesque martyres,
Cunctis digne amabiles,
Saluto hilariter,
Qui spreta mundi gloria
Sprevistis transitoria
Pro sanie et scoria
Ob Christum suaviter.
6. Exprobrati, spoliati,
Trnsi, caesi et truncati,
Saevo ense decollati,
Tellus madet cruore;
Urbis sacravit moenia,
Dum sex per miliaria
Mosellae rubent flumina,
Christi fusus amore.
7. Mundo ostro exornati,
Margaritis coronati,
Adamante decussati
In choris angelorum
Exsultantes congaudetis,
Carum Christum iam habetis,
Cuius bona possidetis
Cum milibus sanctorum.
8. Trinitati sociati,
Vera vita iam dotati,
Omni bono et beati,
Nostra sumite vota.
En, cum carne premit mundus,
Hostis quoque furibundus
Bella citat putabundus,
Hen, vobis non ignota.
9. Pro vestra sed victoria
Triumpho assit gloria,
Ne mala transitoria
Conducant ad infernum.
Sed ovantes contemplemur
Deum verum et laetemur,
Vestrae sorti gratulemur
Ultra et in aeternum.

Schmitt Ph., Die Kirche des hl. Paulinus bei Trier, Trier 1853. S. 481 u. f., aus „Cod. Treviren Gest. 33“. Da die Hs. mit dieser veralteten Signatur kaum aufzufinden, muß ich mich mit dem Abdrucke aus Schmitt begnügen.

289. De sancto Udalrico.

- Sancte praesul bone, miserorum fide patrone,
Udalrice grate Christi pugilque beate
Nobilis et miles, actus omnino viriles
Qui perfecisti pugnans pro nomine Christi
5. Sub floridis armis, cum saevis nempe tyrannis,
Quos tu vicisti, licet aspera multa tulisti.
O praesul mitis, palmes verae quoque vitis,
Nomine pro Christi passus qui multa fuisti,
Ecce, triumphasti, cunctos hostes superasti
 10. Nuncque iucundaris aliqua nec mole gravaris,
Conregnans laetus Christo sine fine quietus.
Eia, praedigne, pie, clemens, large, benigne,
Ob Christi nomen, per quod sortitus es omen
Tanti dulcoris et veri culmen honoris,

15. Me miserum, qui te nunc pulso, respice mite
Iugiter orando pro me semperque iuvando,
Ut mea sit vita virtutum luce polita
Deque malis tuta mundi curisque soluta.
Omnem languorem mentis carnisque dolorem
20. In me tu cura removeque tua prece pura.
Reprime nocturnos hostes pariterque diurnos,
Ne spolient, tundant, alia mihi vel mala fundant.
Ast obitus hora pietate tua mihi rora
Gratum solamen, mihi sis et dux ad unamen
25. Regni caelorum, gaudens ubi turma piorum
Concinit ante Dei vultum carmen iubilaei.
O flos caelestis, pia dans solamina maestis,
Ora pro cunctis vivis et corpore functis,
Ut vivis detur venia, pax et cumuletur,
30. Detur et aeterna lux functis aede superna.
O praesul invicte, si quisquam veneratur te
Te prece pulsando vel digne te venerando,
Hic si turbatus fuerit, languore gravatus
Aut paupertate quacunque vel anxietate,
35. Per te sanetur, ditetur vel laetificetur.
Praestet plasmator hominum pius et miserator,
Omnipotens Dominus, qui regnat trinus et unus.

Orat. ms. Lunaelacense saec. 15. Cod. Vindobonen. 3650. — 19 Omnem-
que. — 22 spoliant. — 25 Regna.

290. De sancta Ursula.

1. O Ursula, nobilis genere,
Nobilior morum sanctitate,
Quae regales nuptias spernendo
Regi regum adhaesisti Christo,
2. Aduxisti post te, dux inclita,
Tot sanctarum virginum milia,
Quae servantes vestro sponso fidem
Meruistis lauream duplicem.
3. Ad caelestes nuptias ingressae,
Casto agni amplexu beatae,
Quocumque it, cum eo pergitis
Et canticum laete concinitis.
4. Obsecro vos, ut vestris precibus
Caste, pie et iuste vivamus,
Ut translatae in vestrum numerum
Christo sponso canamus canticum.

Devotae orationes (Fontrebaldenses) imp. Parisiis 1546.

291. Misa de s. Willelmo Comite.

Introitus.

1. Omnes confitemini
Deo, quia bonus,
Cuius iugum suaviter
leve fertur onus,
Ad laudum praeconia
surgat quisque pronus,
Cui servit terra
caelicus atque thronus.

Officium.

2. Dona, Christe, comiti
requiem aeternam,
Consequatur gratia
lucem sempiternam,
Christus, pro quo spreverat
gloriam modernam,
Laudibus ac hymnis
ferat ad Sion ille supernam.

Oratio.

3. Inclina, misericors
Deus maiestatis,
Lacrimosis precibus
aures pietatis,
Rogamus clementiam
summae deitatis:
Gaudia Willelmo
da, Kyrie, fons bonitatis.

Epistula.

4. Libro sumpta lectio
de Maccabaeorum;
Iudas vir fortissimus,
collectam bonorum
Misit Ierosolymam
pro factis reorum,
Delicti veniam
sperans per manus eorum.

Gradale.

5. Requiem spiritibus
dona defunctorum
Et eos a nexibus
solve delictorum,

De profundis clamitant
voces peccatorum,
Quas audire velis,
Deus, unica spes miserorum.

Evangelium.

6. Sequens evangelium
hic per Lucam datur,
Panis Dei filius
vividus nuncupatur,
Vivent, qui comederint,
quibus mors negatur,
Sanguinis in potu
virus procul omne fugatur.

7. Praesumunt Iudaicae
gentes admirari,
Quaerunt, caro quomodo
possit manducari,
Modum quaerunt, sanguinis
in quo potum dari
Convenit his, quos vult
Deus in sublime locari.

8. Ipsa demum veritas
dicens attestatur:
Carnem non vescentibus
vita denegatur,
Qui non gustat sanguinis
potum, condemnatur
Et per contemptum
sibi mors iterata paratur.

Offertorium.

9. Gloriam rex, animas
salva defunctorum
Et depressas libera
mole peccatorum,
Signifer archangelus
Michael istorum
Ad lucem ducat,
qui spes est certa laborum.

Secreta.

10. Hostias offerimus
plebis pro peccatis,
Pro vivis te petimus
morti ferae datis

Et defunctis aperi
fontem pietatis,
Quos tu plasmasti,
Iesu, miserere renatis,

Praefatio.

11. Imperans per saecula
cuncta saeculorum.
Amen dicit populus
et plebs electorum,
Sursum corda, domino
subdant dominorum,
Cui Cherubim serviunt
ac agmina sancta polorum.

Sanctus.

12. Sanctus rec pacificus,
mortis triumphator,
Sanctus rex magnificus,
omnium creator,
Sanctus caeli patriae
gloriae donator,
Nomine sit Christi
veniens benedictus amator.

Benedictus.

13. Illi, per quem libera
tua fit Susanna,
Coetus in excelsis
sanctorum dicat Hosanna.

Canon.

14. Iuste iudex patiens
et salvator Deus,
Virgo mater, Simeon
et Bartholomaeus,
Adreasque Iacobus,
Paulus et Taddaeus,
Barnabas et Lucas,
Clemens, Petrus atque Mat-
thaeus,

15. Orate pro comite
mundi redemptorem,
Qui redemit miseros
sanctum per cruorem,
Ut Willelmus tartari
poenas et horrorem
Transeat illaesús,
non sentiat inde dolorem.

Pater Noster.

16. Qui venturus saecula
cuncta iudicare,
Praeceptis salubribus
monet nos orare,
Dic pater, si moribus
te vis informare,
Digneris nomen
in nobis sanctificare.
17. Tuum regnum veniat,
tuum fiat velle,
In terris ut solio,
quo figuntur stellae,
Panem dona iugiter
dulciorem melle,
Debita dimitte,
temptamina cuncta repelle.

Sed libera.

18. Libera nos, Domine
rex, a cunctis malis,
Sub tuis continue
protegatur alis,
Dele, quod commiserat
homo bestialis,
Sit nobis scutum
maiestas imperialis.

Pax et Agnus Dei.

19. Pax tua continua
sit Willelmo, Christe,
Illa, quam non poterat
dare mundus iste.
Agnus suo sanguine
tollens omne triste,
Ad verum pacis
auctorem transeat iste.

Communio.

20. Pro cuius memoria
corpus est oblatum,
Sanguis sumptus redimens
miserum reatum,
Liberans a carcere
servum captivatum,
Christe, tuum pugilem
tecum fac esse locatum.

Postcommunio.

- | | |
|--|--|
| <p>21. Sumpta sacrificia
tergant, quod peccavit,
Cuius virtus comiti
donet, quae optavit,
Summi dator praemii,
pro quo dimicavit,
Hoc sibi donet rex,
quod fida mente paravit.</p> | <p>22. Per patrem, per filium
et per sanctum flamen,
Dens, cuius omnia
tremunt ad examen,
Omnes sancti comitis
assint ad tutamen,
In pacis requie
Willelmus dormiat. Amen.</p> |
|--|--|

Cod. Coll. Corp. Christi Oxonien. 232. — 10, 4 mortis. — 6, 2 Das Evangelium steht aber Joh. 6. — 11, 6 divinorum. — 16, 3 salutaribus. — 21, 4 quam. — 21, 8 quam. — Diese Messe wird eingeleitet mit den Worten: „Incipit Missa pro Willelmo comite.“ Vorher geht noch in der Hs. eine Anzahl von Versen erzählenden Inhaltes, die um so mehr hier fortbleiben, als sie nur ein Bruchstück eines größseren Ganzen zu sein scheinen. — Abschrift von Rev. H. M. Bannister.

292. De sancto Wolbodone.

- | | |
|---|--|
| <p>1. Ave, pater egenorum,
Wolbodo sanctissime,
Relevamen afflictorum,
Praesul devotissime,
Ave, gemma confessorum,
Signorum clarissime,
Spes et salus languidorum,
Virtutum ditissime.</p> | <p>3. Et qui quondam distributor
Facultatum fueras,
Pupillorum quoque tutor
His opem contuleras,
Mihi, rogo, sis adiutor,
Ut veras divitias,
Quibus iam egere pntor,
Acquiram et caelicas.</p> |
| <p>2. Dudnm prudens, pius, castus,
Sobrius et humilis,
Hostis evitabas astus
Spretis eius iaculis,
Tuis ergo, quaeso, pastus
Exemplorum formulis,
In me frena mundi fastus
Pressis carnis stimulis.</p> | <p>4. Iuxta tumbam, qua locatae
Sacrae sunt exuviae,
Inauditae sunt patratae
Virtutes eximiae;
Illud ergo precor a te,
Me mente et corpore
Tua serves pietate
Et mundum a crimine.</p> |
5. Pie Iesu, pastor bone,
Precor cordialiter,
Sacro duce Wolbodone
Orante suaviter
Fac sanctorum me coronae
Inngi aeternaliter,
Tui vultus visione
Potiri finaliter.

Collect. ms. S. Laurentii Leodien. saec. [13. 14. 16.] 15. Cod. Bruxellen. 9598-606. — Nach 4, 4 eingeschoben:

Sanitates restauratae,
Propulsae molestiae.

MORALIA.



293. Ad Animam.

- | | |
|---|--|
| 1. O cara anima,
Deo pretiosa,
Tu es redempta
Sanguine Christi
Sub illo. | 7. Genua fige,
Corpora stringe,
Christum adora
Pectore toto
Sub illo. |
| 2. Intus amore
Illius arde,
Uti sis salva,
Undique tuta
Sub illo. | 8. Illo holocausto
Deum placabis,
Corde contrito
Si bene plangis
Sub illo. |
| 3. Rector et auctor
Orbis ubique
Te cupit esse
Namque benignam
Sub illo. | 9. Laus tua sola,
Gloria cuncta
Sit Deus almus
Semper ubique
Sub illo. |
| 4. Mitis adesto,
Corpore casta.
Integra fide,
Clarior actu
Sub illo. | 10. Est tua merces
Pii laboris,
Si modo clamas
Nocte dieque
Sub illo. |
| 5. Ista, quae cernis,
Saecula cuncta
Sunt vana menti
Pura cernenti
Sub illo. | 11. Regi et aeterno
Iuncta maneto
Ac memor esto
Patris et matris
Sub illo. |
| 6. Nunc manet fides,
Spes caritasque,
His tribus maior
Est caritas tunc
Sub illo. | 12. Esto devota,
Omnibus pia,
O cara anima,
Atque beata
Sub illo. |

13. His carminulis
Laeta caneto,
Cantica David
Semper amato
Sub illo.

14. Te benedicat
Christus in aevo,
O cara anima,
Vale, incunda
Sub illo.

Collect. ms. Frisingense saec. 9/10. Clm. Monacen. 6411. — 4, 2 casta fehlt. — 8, 2 placaris. — 8, 4 Si be plangis. — Überschrift: „Rhythmus, carmen“.

294. Hortulus Animae.

1. O fratres devotissimi,
Attendite prudenter
Hortulum dulcissimi
Iesu et decenter
Herbas atque plantulas
Colere studete,
Ne hostis per regulas
Descendat, praecavete.

2. O si bene colitis,
Nitorem et odorem
Dabunt, inde tollitis
Fructum, non dolorem
Et alios allicitis
Ad Dei amorem,
Fructum vitae facitis
Nulli ad pudorem.

3. Horti huins ostium
Timor sit divinus,
Ad quod nullus hostium
Venit, nocet minus,
Omnis vel adversitas
Sed neque intrabit
Ad furandas herbulas,
Sed foris semper stabit.

4. Delectabit plurimum
Inde transeuntes
Dulcedineque animum
Erunt perfundentes
Herbae late maxime
Optime olentes,
Pro utroque homine
Erunt haec valentes.

5. Fundamentum hortuli
Cum humilitate
Stercora ut anguli
Satis delicate
Maneant, suaviter
Intus incrementum
Iesus det, perenniter
Tandem complementum.

6. Et tu sollicitus
Planta duas herbas,
Invigila instantius
Eisdem, ne has perdas,
Si crescant, simul habitant
Simul vel marcescunt,
Augmentantur, radican
Sive aut decrescunt.

7. Si bene custodieris,
Totum hortum implent,
Si colere desieris,
Urticae tunc subintrent;
Quapropter semen omnium
Herbarum sunt revera
Seu virtutum omnium
Doctrina ex sincera.

8. Et haec sunt Dei caritas
Et proximi non ficta,
Quae si crescant, deitas,
Trinitas invicta,
Spatiatum iugiter
Intus, delectatur
In hoc horto dulciter,
His herbis oblectatur.

9. Cum herbam patientiam
Portaveris in manu,
Hostes in caecutiam
Vertis tuos, sinu
Requiescit grandium
Cibus sapientum,
Est haec herba fortium
Perseveramentum.
10. Herba, quae iustitia
Dicitur, locanda
Non longe, sed spatia
Sunt interponenda,
Est misericordia
Discretioque mater
Virtutum, est optima
Et servanda semper.
11. Haec namque discretio
Valet plus quam aurum,
Si eius plantatio
Deest, nil aut parum
Cetera sunt omnia,
Nam temperamentum
Est herbarum, semina
Ducit in augmentum.
12. Cum hac liberalius
Optime stat semper
Mentis sive mititas,
Cole has diligenter
Cum benevolentia,
Quae viret omni hora,
Hanc cum diligentia
Planta sine mora.
13. Est rara herba plurimum,
Nobilis sed multum,
Stupor quasi hominum,
Si vis, crescit per cultum,
Huius horti raritas
Minime te gravet,
Et est exemplaritas,
Scandalum quae cavet.
14. Redolet peroptime,
Sed non omni horto
Crescit, o carissime,
Quaere hanc in ortu
Cuiuscumque operis
Intentione bona,
Si debite locaveris,
Accrescunt tibi dona.
15. Adhuc herba rarior,
Igni similata,
Pretiosa, carior,
Obtinens optata,
Fervens est oratio,
Caelum quae intrare
Solet fumigatio,
Ut aquila volare.
16. Sit humilis cum moribus
Optimis et bonis,
Actibus parilibus,
Respondeant ut donis
Dei, sed omittere
Non debes causa huius
Alia, quae facere
Teneris et, quod maius.
17. Cum cantico et cithara
Concordent vox et verba
Et alia praeterea
Virtus sive herba,
Quae in bonum vertere
Debet, quidquid currit,
Eventum, te conectere
Et sic se comburit.
18. Herbam quoque aliam
Audiavi praecellentem,
Quae non laedit aliam
Nec dentem rodentem
Habet, sed nec alias
Admittit fraudulenter,
Se inspicit et alias
Curat evidenter.

19. Alias evellere
Cura malas herbas,
Stude sed inserere,
Ut tempus non perdas,
Bonas herbas iugiter,
Ut pacem acquiras,
Gaudium perenniter
Spiritale bibas.
20. Tunc Iesus bene aderit
Et hortum rigabit,
Odorque diffunditur,
Multum fructum dabit
Atque bonum animum,
Iucundum sine mora
Praemiumque maximum,
Cum transit mortis hora.
21. Ex quo viridescere
Istae herbae debent,
Florere sed et crescere,
Malae, ne has laedant,
Evellantur penitus
Radicitus a fundo,
Abiciantur longius
Cordis de profundo.
22. Maledicta nimium
Herba venenosa,
Insidiatrix hominum,
Tota maculosa,
Cuius semen mittitur
Inferni de profundo,
Mentis tumor dicitur,
Non peior est in mundo.
23. Hoc semen mittit Lucifer,
Dives inde, pauper
Sumit gratis, nequiter
Malum hinc inde semper,
Oritur saepissime
Messis atque pastus
Herbae amarissimae
Ac elatus fastus.
24. Scindunt vestes turpiter
Cum elata mente,
Donis Dei nequiter
Utuntur dura fronte,
Quod portant oves iugiter
Cum humilitate,
Hoc gestant hi inaniter
Pompose et elate.
25. Hinc venit praeda, rabies,
Furtum et usura,
Furor, dolus, sanies,
Pauperum pressura,
Occidunt, adulterium
Committunt multi inde;
O Deus, da remedium,
Ne pereamus inde.
26. Vindicta iusta graviter
Videtur imminere,
Apparuit atrociter,
In promptu est videre,
Quid proelia, quid rabies,
Quid fames, quid ruinae
Quidve mortis sanies,
Quid fecerint et minae.
27. Tempestates etiam
Aliaque signa
Hominum malitia
Feriunt ut digna;
Propterea, carissimi,
Non segniter nec lente,
Surgamus velocissimi
Et vigilemus mente.
28. Si studiosissime
Malas eradamus
Herbas, tunc saepissime,
Ut est et speramus,
Iesum horto capimus,
Hinc inde spatiat,ur,
Eique sumus thalamni,
Audimus, quid loquatur.

29. Maria cum sodalibus,
Cum angelis, cum sanctis
Veniet cum talibus,
Permaximis cum tantis,
Ad culturam singuli
Venient cum decore,
Iesus atque angeli
Pascuntur ex odore.

30. Qui studiosus fuerit
Horti in cultura
Hac atque studuerit
Servire mente pura
Deo, et hunc hortulum
Ipse praeparabit,
Non fructum aut parvulum,
Sed se ipsum dabit.

31. Ibi „Sanctus Dominus“
Clare omnes cantant,
Laudant nihilominus,
Non herbas ultra plantant,
Sed omnia in omnibus
Est eis Deus vivus,
Prae cunctis qui gratissimus,
Sufficiens et divus.

32. Qui suam det hic gratiam
Ad hortuli culturam,
Huius et propitiam
Mariam ponas puram,
Sanctorum adiutorium
Det et sanctum flamen
Et nunc et in perpetuum
Saeculorum. Amen.

Collect. ms. Seitzense saec. 15. Cod. Roman. 602. (Varia 4). — 3, 7
furendas — 9, 7 haec fehlt. — 15, 4 Auro optinens. — 21, 4 laedent. —
27, 6 sed leute. — 30, 2 iortus. — 30, 3 Hac et. — 32, 5 Sanctos.

295. Iubilus gaudentis sed corde maerentis.

1. Intima laetitia,
Cordis hilaritate,
Absque omni maestitia,
Mera iucunditate
Dei lauda iudicia,
Quae ni ex veritate
Emergunt, ac supplicia
Divina voluntate.

2. Homo videns exterius
Perversa machinatur,
Deus cor interius
Atque renes scrutatur,
Nil obest, si uberius
Hic quisquam praegravatur,
Si spiritus sincerius
A Deo consolatur.

3. Eia, o pauperrime,
Nequaquam verearis,
Tametsi nunc miserrime
Amare confundaris,
A Christo sic uberrime
Probaris, adamaris,
Purgatusque celerrime
Coronam assequaris.

* 4. Rex regum altissimus,
Hanc viam est ingressus,
Sicque innocentissimus
Tam dira est perpressus
Pro te, qui es turpissimus
Peccatisque oppressus,
Sic panditur laetissimus
Aeternorum accessus.

5. Optabilis tristitia,
Quae fert iucunditatem,
Ast gaudii initia
Praebens felicitatem,
Perfecta haec laetitia
Probabit caritatem,
Nam Dei sic iustitia
Nutrit humilitatem.

6. Nil reor sic utilius
Pro Deo tribulari
Patique virilius,
Perversus reputari,
Sic Christus, Dei filius,
Hic maluit temptari
Ac prae cunctis vilius
Quam latro conculcari.

- | | |
|---|--|
| <p>7. Involutus vitiiis
 Hic non ab re probatur,
 Variis maestitiis
 Continue purgatur,
 Mentis exercitiis
 Exhinc illuminatur,
 Caelestibus divitiis
 Summe remuneratur.</p> | <p>9. Velle placidissimo
 Me offero, resigno
 Tibi Deo altissimo
 In crucis tuae signo,
 Ab hoste pellacissimo
 Et homine maligno
 Oppresso, turbatissimo
 Succurre, heu, indigno.</p> |
| <p>8. Mibi hinc absit, Domine,
 Nunc usque gloriari,
 Nisi in tuo nomine
 Et cruce onerari.
 Ob id a quovis homine
 Hanc vereor turbari,
 Ut aevo sancto lumine
 Merear inflammari.</p> | <p>10. Suscipe, piissime,
 Hoc cordis iubilamen,
 Iesu benignissime,
 Confer opitulamen
 Creaturae vilissimae,
 Ausculta agravamen,
 Ne pereat, dulcissime,
 Mors tua in me. Amen.</p> |

Collect. ms. Seitzense saec. 15. Cod. Roman. 602 (Varia 4). — 2, 5 si liberius. — 6, 6 Hinc maluit. — 8, 6 Hanc vereor. — Als Autor bezeichnet das Akrostichon einen Iheronimus, die Hs. als Singweise für das Lied: Patris sapientia.

296. Alphabetum Morale.

R^o Adiuvā nos, Deus meus,
 In te posui cor meum.

- | | |
|--|---|
| <p>1. Amat puer castitatem,
 Mundus erit de peccato.
 Tertium diem surrexisti,
 Sedens ad dexteram, Christe.</p> | <p>5. Ecce, flumen de Iordane
 Quem traxit sanctus Iohannes,
 Ipse fontes non siccavit,
 Ubi Christum baptizavit.</p> |
| <p>2. Bonum virum et prudentem,
 Quem Maria portavit
 In ventrem, adoremus,
 Regem magnum filium.</p> | <p>6. Fecit caelum, fecit terram,
 Fecit quatuor evangelia
 Et in medio paradiso
 Fecit Adam et fecit Eva.</p> |
| <p>3. Caecos tu inluminasti,
 Paralyticos curasti,
 Lazarum quadriduanum
 De monumento suscitasti.</p> | <p>7. Galilaea quando venit,
 Mirabilia multa fecit,
 De quinque panes et duos pisces
 Satiavit multas gentes.</p> |
| <p>4. Deus, qui sedes sub septimum
 thronum,
 Et iudicas, quod est bonum,
 Libera animas nostras
 De manibus inimicorum.</p> | <p>8. Hāit Deus, ait: terra
 Iam resurgunt omnes herbas;
 Et de germen, de frumento
 Satiavit multas gentes.</p> |

- | | |
|--|---|
| <p>9. Israel permeat mare,
Moyses percussit virga,
Et ante ipsum factum est dilu-
vium
Et post ipsum factum est bonum.</p> | <p>12. Noe fuit homo iustus,
Qui nutrit filios pulchros,
Et ante ipsum factum est dilu-
vium,
Et post ipsum factum est bonum.</p> |
| <p>10. Lumen hominum fecisti,
Benedictus es tu, Christe,
Et dum in caelis habitasti,
Semper cum patre regnasti.</p> | <p>13. O infelices vos Iudaei,
Qui negastis nomen Dei!
Quando eritis ante eum,
Iudicare habet vos sicut reos.</p> |
| <p>11. Mulier sanguinem fluxa
Ambulabat inter turbas,
Tetigit tumbriam vestimentieius,
Salva facta est in hora.</p> | <p>14. Petrus super mare ambulabat,
Dominus ad litus stabat,
Exclamavit voce magna:
Ad me veni super aquas.</p> |

Martyrol. ms. Modoiense[?] saec. 9 ex. Cod. Capit. Veronen. XC (85). — R^o, 2 posuit; der Rundreim wiederholt sich nach allen Strophen. — 1, 4 Christi. — 2, 4; es folgt noch die überzählige Zeile: Deum omnipotentem. — 4, 1 septimo trinum. — 5, 2 Quem transivit sanctus. — 5, 3 Ipsam fontes. — 8, 4 Dittographie von 7, 4? — 9, 1 Israel per media mare. — 9, 3 sq. Dittographie von 12, 3 sq.? — 10, 4 cum patribus. — 14, 4 das Weitere fehlt, weil das folgende Blatt ausgeschnitten ist. — Dafs dies Gedicht in den Poetae sevi Carolini übergangen wurde, ist auffällig.

297. Adhortatio ad recte vivendum.

- | | | |
|---|--|--|
| <p>1. Veris flos,
Herba, ros,
Nemus, glos,
Folia
Plurimos
Inter nos
Movent lascivia,
Inanes per inania.</p> | <p>2 a. Uxor, bos,
Mundi dos,
Mollit os
Varia,
Teneros
Animos
Fluidos
Pluvia
Facit mollitque mollia.</p> | <p>2 b. Laudo vos,
Quorum os
Ad caelos
Patria,
Sed non hos,
Ducit quos
Pravus mos,
In via
Vincens per transitoria.</p> |
|---|--|--|

3 a. Meus corrui,
Dum diffluit,
Se vanam vanis inficit
Et deficit,
Quae respicit,
Ad ima mortem reperit
Et morsa morte deperit.

3 b. Se reficit
Et erigit,
Qui munda mundus eligit,
Qui prospicit,
Intellegit,
Immunda mundi despicit
Et vita vitam contigit.

3 c. Quid proficit,
Qui polluit
Se, vita vitam deserit
Et esurit
Nec saturit,
Qui mundi cuncta colligit,
Si non datorem diligit?

4 a. Ergo respice
Te nec infice
Pice,
Despice
Te teneri rustice.

4 b. Gratis inspice,
Quod mirifice
Spicae
Lyricae
Stirpis est Davidicae.

5 a. Patre numine,
Matre virgine
Deus homo [fit repente],
Sine semine
Fit pro homine
Noster et salus in gente.

5 b. Suo sanguine
Nos a crimine
Mundavit munda mente
Christus, sequere
Ipsam opere
Cum verbo confitente.

6 a. Ne sis vanum
Vas, in vanum,
Fatue, laborans,
Adde manum,
Opus sanum
Sedulo perorans.

6 b. O quam stultum
Nec inultum,
Si scis et non faris!
Mentis vultum
Das incultum,
Si non operaris.

7 a. Spinae crescunt
Nec decrescunt
Mentibus avaris,
Ni de micis
Des amicis,
Inimicis daris.

7 b. Da, da, ni des
Nonne vides,
Si iam moriaris,
Perdes ea,
Quibus rea
Sorte dominariis.

8. Quid tumes, vas fragile,
Quid tam impleris?
Quo te fers, perlabile,
Quid tanto quaeris?
Signum hoc non stabile,
Iam non hic eris.

9 a. Qui colis mundum,
Scias immundum,
Extollitur,
Vergitur,
Mergitur,
Nescit, quod intendit
Vel quod apprehendit.

9 b. Mel sed fellitum
Nec impunitum
Qui suxerit,
Deserit,
Deterit
Mentem et suspendit
Nec videt, quo tendit.

9 c. Quid te suspendas?
Vide, quo tendas,
Ad horrida
Lurida
Tartara
Iam miser descendit,
Qui Deum offendit.

10 a. O iam, misera,
Iam considera,
Quod ad infera
Properas,
Nisi vas
Tuum abluas
Potius te munda

10 b. Surge, propera
Mente libera,
Matris ubera
Repetas
Et vivas,
Si paeniteas,
Omnia sunt munda.

10 c. Iam fructifera
Florent opera,
Si cum opera
Seminas
Semina,
Purgat sordida
Spiritus et unda.

11 a. Terra flores
Et odores
Profert dono roris;
Iustus plora,
Cor irrora
Fonte salvatoris,

11 b. Ne seductum
Perdat fructum
Mens intenta foris;
Insta, certa,
Dum incerta
Mors insultat poris.

12 a. Nec est hora,
Quae sit mora,
Quam tibi proponas?
Si non modo,
Cras quomodo
Melius disponas
Annonas?

12 b. Sursum te fer,
Mentem praefer,
Ad hoc cor apponas,
Sic et ibi
Caelo tibi
Merito reponas
Coronas.

13. *Mundus iste*
Transit, Christe,
Manes, cuncta donas,
Miserere
Tu, qui vere
Iudicas personas
Pravas, bonas;
Tecum ponas
14. *Nos in regno gloriae,*
Qua regnas regie
In aeterna requie,
Ubi nil miseriae.
15. *Omnis expirat dolor*
Et onus malorum,
Memorato, quis honor
Sit regnum caelorum.
16. *O Maria, virginum*
Virgo, flos et florum,
Placa nobis Dominum
Memor miserorum,
Ut vivamus omnium
Cum coetu sanctorum.
17. *Hoc praesta,*
Deus da,
Rex trinus et unus,
Ut nostra
Sic terra
Ferat, ut sit tuus
Noster fructus
Et congruus
Sit terminus.

Collect. ms. Vedastinum saec. 13. Cod. Cadomen. 14. (IV^o 18). — 3b, 1 Si. — 4b, 1 Gratuite respice. — 5a, 3 Deus homo steht hinter 5a, 5. — 5b, 4 Christum. — 7b, 2 Non evides. — 10a, 5 Ni vas. — In Chevaliers Repertorium als Marienlied aufgeführt. Von demselben Verfasser weiter oben das Lied: *Area rosea vinea*. Vgl. das dort Bemerkte.

298. *Oratio ad Cenam.*

Mellifluus Iesus sit nobis potus et esus.
Escas praesentes benedic, Deus, et comedentes.
Potum servorum benedic, Deus alme, tuorum.
Per Iesum Christum cibum benedicimus istum,
Et reliquum munus benedicat trinus et unus.

Post cenam.

Gratias ex esu referamus Christo Iesu,
Sit semper Dominus cum matre sua benedictus.
Laus Deo, pax vivis requies aeterna defunctis.

Collect. ms. Romanum [?] saec. 15. Cod. Vatican. Ottobon. 254.

299. De Ecclesia.

- Alleluia iterum modulis tollatur in altum,
Vociferando domum tangat concordia vocum,
Impleat et tectum mirabilis ordo tonorum,
Absida non taceat, nec porticus inde silescat,
5. Tinniat et culmen, resonet calcabile limen,
Introitum dantes recinant nova carmina postes
Perque iter ad patriam doceant repedare priorem.
Vox liniat tegulas, pavimentum succinat odas,
Tigna modos nectant, laquearia picta revolvant;
10. Fundamenta, columnae, arcus, pariesque politus
Tinnitu reboent, dum cleri carmina contentent.
Aedibus his patulae iungantur in arce fenestrae,
Quas decorat vitrum calamo cingente ligatum,
Lumen et immittat, ventorum flamina pellat.
15. Possit et incensus flammis pendere lychnus,
Candelae et rutilent, quae curvis arcubus instant,
Gaudeat omnigenis domus haec ornata coronis.
Gratus honor templi renovetur ab ordine cleri.
Hanc intrando domum persolvat episcopus hymnum,
20. Luminibus claram procedat praesul ad aram,
Carminibus plenam festinet clerus in aulam,
Dulcisono mirum repleatur carmine templum,
Adpropiet populus cleri sermone docendus,
Agmina concurrant crepitantia laude sonora,
25. Desuper immissus sit in omnibus omnia Christus.

Collect. ms. Tegurinum saec. 10. Clm. Monacen. 18628.

300. De Sacerdotibus.

- | | |
|-----------------------|----------------------|
| 1. O quam sacerdotium | 2. Sacerdotes gloria |
| regale et perfectum, | tanta venerantur, |
| O quam venerabile | Dignitatis gratia |
| genus est electum! | angelis aequantur, |
| Stola legis gratiae | Excellentes angelos |
| decus reis rectum, | Deo famulantur, |
| Vivis e lapidibus | Angelizant saepius, |
| nobis est detectum. | Caelo coronantur. |

3. Corpus, sanguis Domini
per hos consecratur,
Regibus et ducibus
istud denegatur,
Sacra pistis ducibus
non haec condonatur,
Per signa, verba mystica
forma figuratur.

4. O gens sancta, mira quanta
Deus operatur,
Iam per signa, verba digna
Panis incarnatur,
Et ex aqua fonte lata
Sanguis procreatur.

5. Hic est Iesus, virgis caesus,
Dulcis esus; cum sit esus,
Non est laesus,
Manet tamen integramen
Pneuma flamen et spiramen.

6. Veri Dei, nostrae spei,
In aeternum, in supernum,
Qui infernum
Regit, fregit et subegit
Maiestate, potestate,
Adorate, regum natae.

7. Qui formavit
Et plasmavit.
Animavit,
Spiritus vitae
Dum inflavit
Et cibavit,
Pavit et beavit,
Quos sudore
Et cruore
Lavit, expiavit
Nostram vitam
Redimitam
Nostrum omen,
Vestrum nomen
Hinc laudetur,

Veneretur
Benedicetur,
Invocetur
Ut salvare,
Non damnare,
Vos beare
Condignetur.
Vobis datur
Sacrum flamen
Et iuvamen
In perenni gloria.

8. Ens, usia
Et sophia,
Voce tria
Una persistentia
Ecce fides,
Non relides
Neque strides,
Quia fides,
In usia
Ista tria
Unum permanentia.

9. Sacerdotes,
Mundi cotes,
Caeli dotes
Et nepotes
Estis vere
Et sincere;
Vos avete
Et florete,
Cum quiete
Regnum vitae possidete,
Hierarchiam obtinete,
Una mecum congaudete
Solum supernum
Et aeternum
Ovanter,
Laetanter,
Glorianter
Vobis cedat cum omnibus
Sanctis triumphanter.

Collect. ms. Stiriaceense saec. 15. Cod. Stiriacen. L 26 [s. n.]. — 2, 1 Sacerdotes inquam gloria. — 3, 1 Quia corpus, sanguis Domini. — 3, 2 consecrantur. — 3, 4 ista denegantur. — 3, 6 hoc. — 3, 8 figurantur. —

Dann folgen vier Zeilen, die augenscheinlich nur eine andere Redaktion von Str. 3 sind:

Panis, vinum et aqua
in corpus transmutantur,
Sanguis, homo adicitur,
haec c'ca Dei dantur.

5, 5 pneuman. — 7, 6 Et fehlt. — 7, 8 Suo sudore. — 8, 1 Ens Isaia. — 8, 9 In unia. — 9, 7 Vos fehlt. — 9, 15 ff. Ovantur, laetantur, gloriantur, triumphantur.

301. De Dignitate Sacerdotum.

- | | |
|------------------------------|-----------------------------------|
| Sacerdotes, nunc audite | Ad minus convertit |
| Dignitatem vestrae vitae, | unum peccatorem |
| Qualis sit vel quanta, | Ad amorem |
| Non est data tanta | 40. Sui salvatoris |
| 5. Angelis in | In his sacris horis. |
| caelis et in terris. | Sacerdotes, cur scitote |
| Sacerdotum sacrae palmae | Nihil maius sacerdote. |
| Parant natum matris almae | Vos sacravit sacra dote |
| Incarbare velut mater, | 45. Christus, illud mementote. |
| 10. Quem ante tempus pater | Sacra dote vos dotavit, |
| Gignebat laudabiliter, | Petro ter dum clamavit: |
| Licet ineffabiliter. | Pasce oves meas |
| Hoc sancta sanctorum | Animasque solve reas. |
| Et decus angelorum | 50. Quidquid solvis, est solutum, |
| 15. Facere non potuit, | Per te datur iter tutum. |
| Quia Deus voluit | Quidquid ligas est ligatum. |
| Omne sacrum | O quam felix hoc mandatum! |
| esse sacerdotum. | Hic est filius ancillae, |
| Dicitur sacerdos | 55. Sarae reges proles, |
| 20. quasi sacer dans, | Surgunt ex hac prole |
| Dans sacrum sacris palmis. | Multum nitidiores sole, |
| Dignitatis est indicium | Pulchriores stellis, |
| Sacerdotum, | Quorum lingua favus mellis, |
| si suum officium | 60. Quorum verba sunt polita, |
| 25. Peregerit digne, | Sacris scripturis redimita. |
| Tunc a poenarum igne | Dicuntur ergo sacerdotes |
| Ad minus ducit | Sacri dantes sacras dotes. |
| unam animam, | Digne ferunt hoc in mundo |
| Quae post hoc lucet | 65. Hi, qui vivunt corde mundo, |
| 30. in honore | Regnant super omnes reges, |
| Cum suo creatore. | Supra iura, supra leges, |
| Dicitur ergo sacerdos | Et hoc fit de vero iure, |
| quasi sacer dux, | Quia soli debent pure |
| Ducens de poenis ad gaudium. | 70. Virginis natum tractare; |
| 35. Quid plus operatur, | Non quaeratur unde, quare. |
| Missa dum celebratur? | Sic sacerdos honoretur, |

Cui maior laus debetur,
Licet ipse sit indignus;

Deus ita ordinavit,
Qui nos sua carne pavit.

75. Tamen clemens et benignus

Collect. ms. S. Mariae Magdalenae in Maiori Frankental saec. 15. Cod. Vatican. Palat. 362. — 63 Sacros dantes sacra dote.

302. Contra Insidias Diaboli.

- | | |
|--|--|
| 1. Temptator pravus et dolosus
Mihi adfuit et clamorosus,
In me irruit ut famosus,
Prout apparet tenebrosus. | 10. Defeci ego et cor meum,
Deus, pars mea in aeternum,
Quaesivi ego vultum tuum,
Tu ergo mihi offer manum. |
| 2. Venit iste serpens fortis
Suis quoque cum amicis
Robur meum tollens dolis,
Ut me torqueat in tormentis. | 11. Auxilium meum a te requiram,
Ut a me Satan repellam,
Tui tu mihi da memoriam,
Qua proeliari bene valeam. |
| 3. Iste est draco ille magnus,
Serpens ruffus et antiquus,
Qui Satan et inimicus
Est vocatus et malignus. | 12. O virgo munda, venerabilis,
Maria, mater humani generis,
Te precor, o admirabilis,
Ne mei unquam obliviscaris. |
| 4. Septem habet ergo capita,
Secum portans decem cornua,
Ut me perdat in versutia,
Minus potens quam favilla. | 13. Nam angustiis saepe premor
Multis malisque coartor,
Die ac noctu ego peccator
Tui filii sum offensor. |
| 5. Nimis cantus ille leo,
Ortus iam in paradiso,
Mortem induxit illo pomo
Cooperante suo veneno. | 14. Dulcis mater, placa filium,
Cuius uteri subiit claustrum,
Ne me abhorreat suum servum,
Sed suscipiat in aeternum. |
| 6. Nihil aliud iste amat,
Nisi ut animam sibi tollat,
Se fecisse nihil putat,
Si quod corpus non occidat. | 15. O benedicta semper virgo,
Roga genitum, ut a saeclo
Me recipiat sitque cito
In aeterno ponens caelo. |
| 7. Tristatur et ipse, ut decipiat,
Gaudere se fingit, ut illudat,
Apparet agnus, ut me comprimat,
Lupum se facit, ut seducat. | 16. O clemens pastor. sancte Petre,
Caelorum regna claudens clave,
A daemone isto me defende,
Qui infert iacula menti meae. |
| 8. Tu ergo, Iesu Christe,
Mihi quoque miserere,
Sicut fecisti Magdalenae
Te rigando valde pie. | 17. Tu etiam, Paule, pro me ora
Deum, qui semper sine mora
Preces capit sine ira,
Quia te rogat sua creatura. |
| 9. Heu, heu mihi, Domine,
Vaeque animae meae,
Recessisti, consolator vitae meae,
Nec dixisti mihi vale. | 18. Etiam rogo te Iohannem,
Iesu Christi amatorem,
Ne me respuas peccatorem
Meis delictis semimortuum. |

- | | |
|--|--|
| <p>19. Iesum vere baptizasti,
Nondum natus prophetasti,
In virtute praecessisti
Eumque ore praedicasti.</p> | <p>20. Apostoli omnes salvatoris,
Iesu Christi, vestri amoris,
Dei iam preces peccatoris
Conspectui offerte plasmatoris.</p> |
| <p>21. Omnes quoque anici Dei,
Pro me rogare Deum dignamini,
Gratia illa, qua salvamini
In paradisoque locamini.</p> | |

Serm. S. Bernhardi saec. 15. Cod. Rossian. X, 8 add. saec. 15.

303. De Septem Vitiis Capitalibus.

- | | |
|---|--|
| <p>1. Multam labem peccatorum
Ex contactu mundanorum
Mundani contraximus,
Blandiendo quos seduxit
Et in culpam nos adduxit
Mundus, hostis pessimus.</p> | <p>6. Multi tamen hunc adorant,
Quamvis istud, quod implorant,
Raro possunt assequi,
Nam labuntur cum labente
Et cadentes cum cadente
Nihil valent consequi.</p> |
| <p>2. Cuius in se flos defloret,
Sed in nobis adhuc floret,
Cuius flos ariditas.
Quae pax mundi nisi fluctus
Vel quis risus nisi luctus,
Cuius fructus vanitas?</p> | <p>7. Quorum quidam nummum colunt
Et eidem dare volunt
Cultum Deo proprium,
Venerantur vanitatem
Et divinam veritatem
Vertunt in mendacium.</p> |
| <p>3. Quid est mundi, quod sit tutum,
Vel quae gemma nisi lutum
Vel quid eius stabile?
Si quid dulce, durat parum,
Vel si durat, est amarum,
Quia totum labile.</p> | <p>8. Iam qui nummum venerantur,
Hunc adorant, hunc precantur,
Illi cultus solvitur;
Quorum Deus est in arca,
Non in Marco, sed in marca
Horum Deus legitur.</p> |
| <p>4. Cuius honor est in casu,
Cuius bonum in occasu,
Voluntas in taedio,
Cuius amor est catena,
Vita labor, quies poena,
Ludus est illusio.</p> | <p>9. Non in libro per scripturam,
Sed in libra per usuram
Tormentari cupiunt,
Dum plus habent, plus affectant,
Dum plus tenent, plus expectant,
Dum potant, plus sitiunt.</p> |
| <p>5. Hunc deludit, cum quo ludit,
Et quem ungit, illum pungit
Adulando verberans,
Novercatur, cum arridet,
Et blanditur, cum deridet,
Blandiendo vulnerans.</p> | <p>10. Ventrem cogunt ieiunare
Et crumenam separare
Non valent pecunia,
Contra bursam conqueruntur,
Os et venter dum coguntur
Servare ieiunia.</p> |

11. Inter nostros quidam tales,
Quos nummorum speciales
Cultores cognovimus,
Quos, ut bursam satiant
Et crumenae cibum darent,
Leinnare vidimus.
12. Vinum servant, bibunt villum
Et manducant panem illum,
Qui damnatur furfure,
Qui potantes servos notant,
Nam si plus quam semel potant,
Non est sine murmure.
13. Hi non cenant, vel si, rarum,
Hi non bibunt, vel si, parum,
Dicant esse physicum;
Hoc ignoro, utrum ventrem,
Sed hoc scio, quod non mentem
Curat istud modicum.
14. Vestes habent vetustate
Iam consumptas, non aetate
Iuniores Nestore,
Aevum quorum homo nescit
Nisi Noe, qui has gessit
Et in illo tempore.
15. Immo pilis iam privantur
Ut clamare videantur:
Nolite me tangere;
Quarum partes iam dissutae
Pilis carent, immo cute,
Carent omni foedere.
16. Quorum tamen usus raris,
Nisi quando dies clarus
Vel festus institerit;
Istas vestes, si tu notes,
Diligenter scire potes,
Utrum festum fuerit.
17. Sunt qui nummum non attendunt
Sed cum Iuda Christum vendunt,
Emunt spiritalia,
Nummos quaerunt, nummos
amant
Et in missa nummos clamant,
Non Christi magnalia.
18. Quorum missa quaestuosa,
Nummum venans monstruosa,
Trina gerens capita,
Missam quaerunt, ut venentur,
Non ut Christum venerentur
Vel ut solvant debita.
19. Profitentur quidem leges,
Legis tamen sunt exleges,
Dum vendunt scientiam,
Donum Dei spiritale,
Quod exponunt ut venale
Venando pecuniam.
20. Isti vendunt veritatem
Et defendunt falsitatem
Amore pecuniae,
Apud istos nil perorat
Nisi nummus, quem adorat
Servus avaritiae.
21. Quidam morbos arte curant,
Dum curare sese curant
A morbo penuriae,
Quos paupertas non excusat,
Amor nummi quos accusat
Et sitis pecuniae.
22. Saepe curant paupertatem,
Sed infirmo sanitatem
Raro valent reddere,
Ventrem movent, os ut vomat,
Et ut nummos bursa promat,
Bursam cogunt promere.

23. Medicinam dum componunt
Et aegrotis hanc proponunt,
Gravis propositio,
Sed cum morbus invalescit,
Quem curare curans nescit,
Gravior assumptio;
Si mors nummo subinfertur,
Vita cedit et infertur
Pessima conclusio.
24. Quae sit fides medicorum,
Immo quae fraus mendicorum,
Ipsa clamant marmora,
Quorum opus contemplari,
Quod non decet, et scutari
Urinas et stercora.
25. Quidam facto diffidentur
Verbum Dei, quod fatentur
Verbo, sed non opere;
Quid de Christo loqui volunt,
Sed praecepta ipsi nolunt
Actibus exponere.
26. Actu negant, quod loquuntur,
Non de facto prosequuntur,
Quia mercenarii;
His, quae dicunt, contradicunt,
Qui vocales non reales
Dicuntur theologi,
Nec sic tamen nuncupari
Recte possunt, sed vocari
Potius multiloqui.
27. Laudatores sunt virtutum,
Ab his tamen nihil tutum,
Quia temptant omnia;
Temptant tamen non temptanda
Et, quae dictu sunt nefanda,
Omnibus sunt omnia.
28. Sunt, qui student in figmentis
Poetarum, statum mentis
Exuentes perperam,
In poetis, non prophetis
Hi scelesti, non caelesti
Doctrinae dant operam.
29. Imis mentis vim inclinant,
Musa, Musae qui declinant
Et scamnum cottidie,
Magis credant Iuvenali
Quam doctrinae prophetali
Vel Christi scientiae.
30. Deum dicunt esse Bacchum,
Et pro Marco legunt Flaccum,
Pro Paulo Virgilium
Et Lucanum pro Matthaeo,
Et pro Iuda Maccabaeo
Commendant Ascanium.
31. Sunt, qui colunt nisi cantum
Et in cantu student tantum
Vocumque concordia,
Sic observant vocis sonum,
Quod nullarum dictionum
Servant accidentia.
32. Sunt concordēs in concentu,
Sed discordes in accentu,
Barbarismum faciunt;
Curant voces, ut concordent,
Ipsi tamen, ut discordent,
Dictiones nesciunt.
33. Sunt, qui curam ventri dantes
Nimis petunt naufragantes
In potus diluvio,
Qui plus legunt in salmone
Quam in ipso Salomone,
Lege vel psalterio.
34. Tantum venter honoratur,
Quod frequenter conqueratur
De ciborum copia,
Multo magis esurire
Ipse vellem, quam sentire
Tot escarum proelia.
35. Intus tibi movent bella,
Quibus motis fit procella
Tonitrusque nascitur,
Dumque certant, quis exibat
Horum prior vel praeibit,
Spiritus egreditur.

36. Sunt qui iura castitati
Sua negant, voluptati
Subditi venereae,
Sub Dione toti fluunt
Et, quo caro ducit, ruunt,
Pereunt spontanea.
37. Passim ruunt more ferae
Nec in ullo statu fere
Distant a pecoribus,
Vivunt namque more suis
Vel iumentis, qui in suis
Putrescit stercoribus.
38. Toti fluunt sine mora,
Tutent, putent in foetore,
Toti sunt in macula,
Qui, dum bene grammatizant,
In natura barbarizant
Errantes a regula.
39. Vidi quosdam, immo multos
Nimis senes et sepultos,
Sepultos desidia,
Qui deiecta mente iacent,
Quibus tantum somni placent
Torporis, acidiae.
40. Qui, dum vivunt, moriuntur,
Vix, ut vivant, patiuntur
Deiecti per otium;
Quos torporis funus capit,
Quorum vita noctem sapit,
Quorum esse taedium.
41. Sunt, in quibus ira fremit,
Mentem premit, vires demit
Rationis usibus;
Nam dum mentem premit ira,
Mens per iram fit delira
Suis carens visibus.
42. Haec est carens rationis
Et internae notionis
Pessima proscriptio.
- Apud quosdam hospitatur
Livor edax, quibus datur
Prava retributio,
Nam in illos prima furit,
Illos damnat, illos urit
Livoris iudicio.
43. Qui laetanter plaudunt, rident,
Proximorum si quem vident
Sub fortuna gemere,
E converso tristes fiunt,
Gement, lugent . . .
.
44. Sed quid dicam de superbis,
Qui sub gestu, facto, verbis
In arte desipiunt,
Nec se credunt, qui sunt, esse
Nec sunt secum nec penes se,
Sed supra se sapiunt;
45. Inter multos partiales,
In communi speciales,
Communes in specie,
Quorum verba sunt exceptae
Rationis vel ineptae
Actionis propriae.
46. His abundans, his iucundans
Nos immundus facit mundus
Et immundos vivere,
Cuius flores, immo foenum,
Cuius gemma, immo scaenum,
Laboramus metere.
47. Sed notati culpa nota,
Nos devote nostra vota
Praesentemus virgini,
Per quam mundo vita redit,
Regnat virtus, culpa cedit,
Salus datur homini,
48. Ut ab ista labe mundi,
Qua tenemur, simus mundi
Per eius suffragia,
Ut post huius vitae cursum
Nos ab imo ducat sursum
Ad caeli palatia.

Collect. ms. Dr. Hartmanni Schedel Nurenbergen. saec. 15. Clm. Monacen. 416. — 7, 6 madacium. — 8, 1 lam quod. — 10, 3 Non fehlt. — 12, 3 damnat — 15, 5 Pilis cogent. — 19, 6 Venandi. — 22, 4 monentos ut fomat. — 29, 1 vim clamant. — 30, 5 Et pro Iuda pro. — 31, 1 volunt. — 35, 4 Dum quem. — 36, 1 vera castitati. — 36, 3 venere. — 37, 1 Passum. — 37, 5 in fehlt. — 41, 4 Haecam dum. — 43, 1 plaudent. — 44, 3 despi-ciunt. — 48, 1 Verba ista labe.

304. Oratio devota ad sanctam trinitatem et beatam Mariam virginem pro peccatorum venia et gratia impetranda.

- | | |
|--|---|
| <p>1. Pater [sancte], a quo mundus
lege firma regitur,
A quo certa ratione
benigne disponitur,
Parce plebi, quae a Christo
christiana dicitur.</p> | <p>6. Hoc eodem nostrae mentis
oculos illumina,
Hoc eodem sensus nostros
scabrosos examina,
Hoc eodem universa
nostra dele crimina.</p> |
| <p>2. Adonai, ab inferni
defende periculo,
Quos dilecti sacravisti
filii vocabulo,
Quos eiusdem redemisti
salubri patibulo.</p> | <p>7. Trinus Deus in personis,
unus in substantia,
Culpas nostras et reatus
plena dele venia
Et sic mundos a peccatis
reduc ad caelestia.</p> |
| <p>3. Fili Dei, Iesu Christe,
dominator, Domine,
Qui pro mundi medicina
natus es ex virgine,
Placa patri nos, quos tuo
redemisti sanguine.</p> | <p>8. Ave, virgo, Dei mater,
vera spes fidelium,
Porta caeli, stella maris,
recti cursus bravium,
Summa legis, forma pacis,
salutis exordium.</p> |
| <p>4. Athanatos mediator
Dei atque hominum,
Firma pactum pacis huius
inter nos et Dominum,
Ne privemur regno Dei
pro commisso criminum.</p> | <p>9. Ave, virgo, ave, feta,
ave, plena gratia,
Ave, sponsa, ave, mater,
ave, Dei filia!
Quam diversa facis unum,
[o] omnipotentia!</p> |
| <p>5. Qui procedis ab utroque,
paraclete spiritus,
Cuius ignis inflammavit
fideles divinitus,
Hoc eodem nostras sordes
igne crema penitus.</p> | <p>10. Fons signatus, sacramenti
summi receptaculum,
Scala Iacob, domus David,
Salomonis ferculum,
A leonis ore salva
christianum populum.</p> |

- | | |
|--|---|
| <p>11. Theotocos, virga Iesse,
 oliva fructifera,
 Templum Dei, arca Noe,
 columba pacifera,
 Ab inferni nos charybdi
 in aeternum libera.</p> <p>12. Turris, a qua pendet omnis
 armatura fortium,
 Rosa florens, sacra vitis,
 lilium convallium,
 Medicina peccatorum,
 virtutis donarium.</p> <p>13. Uva dulcis, flos suavis,
 nardus odorifera,
 Virgo semper gloriosa,
 sublimis puerpera,
 Praebe nobis abortivis
 pietatis viscera.</p> <p>14. Orientis porta clausa,
 quam vidit Ezechiel,
 Mensa regis, ad quam dapes
 tulit ipse Gabriel,
 Quorum opem in leonum
 lacu sensit [Daniel].</p> | <p>15. [Virgo, liber vitae, clausus
 permanens in] saecula,
 Cuius potest solus agnus
 solvere signacula,
 In hoc nostra precum stilo
 conscribere vocabula.</p> <p>16. Tuae, virgo, sanctitatis
 luce nos irradia
 Et sic tua pia prece
 Deo reconcilia,
 Ut post mortem gloriemur
 in caelesti patria.</p> <p>17. Ad hoc, omnes potestates
 virtutum caelestium,

 Ad hoc, omnes sancti, vestrum
 petimus auxilium.</p> <p>18. Miserere nostri, Deus,
 in personis trinitas,
 Miserere, miserere
 nostri, simplex unitas,
 Te spiritus omnis laudet,
 sempiterna deitas.</p> |
|--|---|

Psalterium a seraphico sancto Bonaventura compositum in honorem virginis Mariae. Impressum Valentiae in aedibus Petri a Huete in platea Herbaria. Anno MDLXX, fol. lxxxr b. — 4, 2 Dei et. — 5. 4 fides. — 13, 1 suavius. — 13, 5 adoptionis.

305. Planctus Paenitentis.

- | | |
|--|---|
| <p>1. Pange, lyra cordis mei,
 carmen lamentabile,
 Regum regem rogitando
 valde admirabilem,
 Ut me liberet a malis,
 quibus gravor graviter.</p> <p>2. Rerum omnium creator,
 pater invisibilis,
 Fili Dei, cosmi rector,
 pulcher, ineffabilis,
 Spiritus, qui astas cordi
 hominis, almificus,</p> | <p>3. Deus trinus in personis,
 unus in substantia,
 Qui plasmasti cuncta verbo
 orbis unus climata,
 Me nunc, deprecor, exaudi
 mea tollens crimina.</p> <p>4. Meque miserum errantem
 suscipe, piissime,
 Et ad patriam caelestem
 facito pertingere,
 Quem errantem redemisti
 tuum dando sanguinem.</p> |
|--|---|

5. Meo sensui infunde
Inmen almi spiritus,
Cuius lumine accensus
propriis a nexibus
Merear absolvi cito,
fusus, quaeso, precibus.
6. Meque doce, rex caelestis,
agere quid debeam
Quidve loqui, quid tacere,
facere quid valeam,
Ut ad arva paradisi
te iubente transferar.
7. Fortitudinem da mihi
praebe et prudentiam,
Temperantiam concede
dando et iustitiam,
Mihi dona caritatem
atque pudicitiam.
8. Tolle crimen voluptatis,
tolle et luxuriam,
Pelle crimina nefanda
auferendo noxia,
A me vana cuncta aufer
inserendo optima.
9. Heu, me miserum, quid agam
tabefactus scelere?
Glisco Christum possidere,
glisco caelum scandere,
Sed non possum oneratus
delictorum onere.
10. Vae, vaemihi, ad quem curram,
qui mecum condoleat?
Me gravantur valde dira
peccatorum onera,
Quibus licet circumsaepius
iuges fundo lacrimas
11. Rogitando te, salvator,
qui salvasti saeculum,
Mihi quatenus concedas
spiritum paraclitum,
Quo repletus te laudare
queam perspicacius.
12. Spiritales sensus quaero
castumque corpusculum,
Meque vas electionis
facito purissimum,
Quo digneris semper esse
veniens assiduus.
13. Portas poli paradisi
facito me ingredi,
Ubi gaudeam translatus
iugiter cum angelis,
Qui te laudant incessanter
laudibus hymnidicis.
14. Sonant ibi melodiae
laudes ineffabiles,
Quae cantantur a pollenti
Angelorum agmine,
Quo me Christus, suum plasma,
faciat pertingere.
15. Qui cum patre regnat semper
et cum sancto spiritu
Venturusque est de caelo
iudicare saeculum,
Ipsi honor et potestas,
decus et imperium.
16. Salva, salva, rex caelestis,
illum virum sedule,
Qui composuit hoc carmen,
carmen amicabile,
Atque sibi dona illud,
quod sonat in carmine.
17. Fiat, fiat, fiat sibi,
sicut carmen postulat,
Atque sibi rex caelorum
tribuat haec omnia,
In superna paradisum
possidere faciat.

Collectan. ms. S. Orrientii Auxitani saec. 12. Cod. Parisin. Nouv. acq. 456. add. saec. 12/13. — 2, 6 almificus gegen den Reim. — 3, 4 uus. — 9, 5 Sed fehlt. — 14, 4 Angelorum fehlt. — 16, 3 hunc carnem. — Auf- schrift: „Incipit hymnus vel oratio conspicui patris Amandi.“ Cheval., Repert hymnol. Nr. 14524. macht daraus einen Hymnus auf den hl. Amandus. Wer dieser conspicuus pater Amandus ist, bleibt ungewifs. Am ehesten könnte man an Amand du Chatel denken.

306. Planctus Paenitentis.

- | | |
|---|--|
| <p>1. Memorans novissima,
cogitans futura,
Quam horrida, quam aspera
sit mortis hora dura,
Quod secundum merita
post mortem redditura
Sit iustis letitia
et reprobis tortura.</p> | <p>5. O quanta dementia
insaniaque videtur,
Deus cuncta conspicit
et non reveretur,
Immo plus respiciens
gartio timetur
Quam creator omnium,
cuncta qui intuetur.</p> |
| <p>2. Haec in corde recolens
ponet mens impura
In se nil reperiens,
quo fiat secura,
Dum peccata meminit,
quae commisit plura,
Et se fedam conspicit
multiplici laesura.</p> | <p>6. Pro scurro, si respiceret,
desinerem peccare,
Pro Christo non desino,
qui cuncta videt clare,
Igitur quid faciam
aut quid possim operare,
Cum districte venerit
cuncta iudicare?</p> |
| <p>3. Heu, miser quam misere
miserum me feci,
Dum praecepta Domini
post tergum proieci!
Prava pravis, scelera
sceleribus adieci,
Mersus in profundo sum
et addictus neci.</p> | <p>7. Miser, plenus vitiis,
indignus et reus,
Quid faciam, cum venerit
ad iudicandum Deus?
Cum interrogaverit,
quid illi respondebo,
Quem offendi totiens,
cum iudicem videbo?</p> |
| <p>4. O quanta perversitas
meae caecae mentis,
Laqueum suspendii
sibi connectentis,
Dum peccata sordidis
auget incrementis
In conspectu iudicis
omnia cernentis!</p> | <p>8. Horrendum est incidere
in manus viventis
Dei, iusti iudicis,
omnia cernentis,
Qui non parcat cuiquam
in die vindictae,
Quin secundum merita
iudicet districte.</p> |

9. Pudeat me miserum,
quod fui tam ingratus
Eius beneficiis,
a quo sum plasmatus,
Qui solem et lunam est
pro me fabricatus,
Ad meum adiutorium
omnia creatus.
10. Qui pro me descendere
de caelis est dignatus,
Paulo minus ab angelis
pro me minoratus,
Dum suscepit hominem
meum incarnatus
E virginali thalamo
procedendo natus.
11. Natus, circumcisis est,
in templo praesentatus,
Simeonis brachiis
senis amplexatus,
In Iordanis flumine
a servo baptizatus,
At post longum ieiunium
a Satana temptatus.
12. Multos pro me pertulit
in carne cruciatus,
Fame, siti, frigore,
itinere lassatus,
Cuncta, quae sunt hominis,
infirmata toleratus
Praeter ignorantiam
contractumque reatus.
13. Iudae tandem osculo
Iudaeis propalatus
Traditur et trahitur,
illuditur velatus,
In facie conspuitur,
pro me colaphizatus
Et est a falsis testibus
innocens accusatus.
14. Pium fudit sanguinem
vinculis artatus,
Dirissimis verberibus
in cane flagellatus,
In derisum factus est
spinis coronatus
Et morte turpissima
tandem condemnatus.
15. Ductus est ad victimam,
ut agnus immolatus,
Affixus in patibulo
crucis elevatus,
Fossionem manuum
ac pedum toleratus
Et aceto sitiens
felleque potatus.
16. Hos et multos alios
passus cruciatus,
Poenis et opprobriis
immensis fatigatus,
Tandem reddens spiritum
est exanimatus,
Sed et defuncti lancea
aperitur latus.
17. Ecce, miser, perspice,
perversus et ingratus,
Quanta pro te pertulit
Deus incarnatus!
Nec pater pro filio
nec pro patre natus
Sustineret talia
nec tot cruciatus.
18. Sepelitur mortuus
sepulcro collocatus,
Inferni claustra penetrans
captivos liberatus,
Resurgens die tertia
mortem superatus,
In argumentis plurimis
discipulis monstratus.

19. Eisdem intuentibus
in caelum elevatus,
Polorum scandit culmina
nube baiulatus,
Ad patris sedet dexteram
cunctorum iudex datus,
Iudicaturus veniet,
qui fuit iudicatus.
20. Igitur cum venerit
rex iudicaturus
Et talenti crediti
lucra quaesiturus,
Quanta pro te pertulit,
patenter ostensurus,
Miser, plenus vitiis,
quid eris responsurus?
21. Si iustus apparueris,
iustitia salvabit,
Si impius exstiteris,
impietas damnabit,
Malum opus puniet,
bonum remunerabit,
Ubi te invenerit,
ibi te iudicabit.
22. Quid dormitas igitur?
exsurge a morte,
Qua patescit aditus
infernalis portae,
Excutere de pulvere,
solve iugum forte,
Et adnumerabit te
in sua Christus sorte.
23. Ecce, stat ad ostium,
ecce, pulsat foris;
Ad te, si ei aperis,
intrabit rex decoris,
Ad ignoscendum promptus est
cunctis clementer horis,
Non enim vult interitum
sed vitam peccatoris.
24. Hinc sunt exemplaria
plura tibi data,
Petrus, Paulus, Maria,
peccatrix appellata,
Mathaeus et adultera
ac latro, cui peccata
Cuncta paenitenti sunt
in cruce condonata.
25. Quod si adhuc trepidas,
modicus in fide,
In Christi tui faciem
crucifixi vide
Et, quam offert, gratiam
cunctis perpendens ride
Ac omnem diffidenciam
penitus abscede.
26. Caput habet pendulum
ad te deosculandum
Et extenta brachia
te ad amplexandum,
Manus perforatae sunt
se totum ad praestandum,
Et apertum latus est
te totum ad amandum.
27. Pedes clavis fixi sunt
ad tecum manendum,
Totum corpus passum est
ad te redimendum,
Haud dubium, quin pronus sit
ad te suscipiendum,
Qui se tibi disposuit
talem exhibendum.
28. Ecce, vitae ianua
patens et aperta!
En, seductos revocat
veritas miserta,
En, iure conqueritur,
quare sit deserta,
Cum sit mors in ianuis
et hora sit incerta.

29. Revertenti praemia
 offert infinita,
Quae nec vidit oculus
 rec aure sunt audita;
Nec intellectus hominis
 capit in hac vita
Quae sint in caelis praemia
 iustis acquisita.
30. Igitur convertere
 ad tuum plasmatores,
Ad amicum, dominum,
 patrem, redemptorem,
Timorem et debitum
 repensens amorem,
Qui a peccatis proprium
 te lavit per cruorem.
31. Nil dubites, nil haesites,
 nil velis trepidare,
Curre velox audaciter
 ad tuum salutare;
Quacumque hora veneris,
 promptus est salvare,
Nam gravat eum perdere,
 quod emit tam amare.
32. O mira clementia
 tua, rex caelorum,
O tua magna bonitas,
 creator saeculorum,
O larga tua pietas,
 indultor peccatorum,
O pia tua largitas,
 dator regni caelorum!
33. O quam es amicus, amabilis,
 lapsorum reparator,
O quam es admirabilis,
 reorum immutator!
Quis non amabit te,
 o clemens miserator?
Quis non timebit te,
 o vindex indicator?
34. Ecce, miser clamito
 ad te de profundis,
Sorditatus vitiis
 oppressus et immundis.
Tu mihi manum porrige,
 qui gratiam infundis,
Sicut scis et quando vis,
 mentibus iucundis.
35. Intende piis auribus
 ad vocem meae precis,
Infunde lumen oculis
 mentis meae caecis
Et educ me miserum,
 aeternae reum necis,
De lacu miseriae,
 foedae luto faecis.
36. Miserere mei, Deus,
 miserere mei,
Miserere miseri,
 miserere rei,
Summi dator praemii,
 lucis ac requiei,
In te confidit anima
 mea, succurre ei.
37. Miserere misero,
 parce confitenti
Atque manum porrigere
 surgere volenti
Et amorem imprime
 tuum meae menti,
Me mundans a vitiis
 virtute potenti.
38. En, ad te confugio,
 qui potens es salvare,
Tuum adiutorium
 imploro salutare,
Mihi nihil oberit,
 si me velis iuvare,
Quia tu solus, si vis,
 me potens es mundare.

39. Ecce, redit prodigus
de longinquo natus,
Sua cum meretricibus
bona dissipatus,
Indignus est, ne amodo
sit filius vocatus,
Sit inter mercenarios
saltem numeratus.
40. Succurre, pater, filio,
occurre revertenti,
Restaura statum perditum,
da lumen caecae menti,
Vitam redde mortuo,
vivere cupienti,
Tuum est enim veniam
praestare confitenti.
41. Agnosco mea scelera,
confiteor peccatum,
Cognosco miseriam
meam et reatum,
Contritum ne despicias
cor et humiliatum,
Sed per te munus veniae
sit confitenti datum.
42. Vulnus meum detego
tibi, summe bone,
Tu medicamen adhibe
curata laesione,
Tuam namque faciem
cum contritione
Praevenire cupio
in confessione.
43. Confiteor humiliter
indignus et peccator
Tibi sanctisque omnibus,
sanctorum gubernator,
Quia peccavi nimium
carnis factus amator,
Transgressor legis Domini
et praevaricator.
44. Peccavi corde nimium
prava meditando,
Pravis desideriis
nimis immorando,
Irascendo leviter
et iram reservando
Et despectis ceteris
magnum me reputando.
45. Ore vana, turpia,
scurrilia loquendo,
Mendacia, periuria,
maledicta promendo,
Adulans, convitiis,
deridens, detrahendo,
Probra, contumelias
ac minas inferendo.
46. Peccavi visu nimium
illicita videndo,
In carnis voluptatibus
oculum figendo,
Spectaculis ac lusu
me vanis immiscendo,
Superbum, nequam, lividum
oculum habendo.
47. Per auditum aurium
peccavi delinquendo,
Vana, stulta, noxia
libenter audiendo,
Aurem detractoribus
ac frivolis praeheando,
Auscultans illicita,
utilia spernendo.
48. Per gustum assidue
illicitum offendo,
Superflua cibaria
ac pocula sumendo,
Delicatus, bibulus
ac vorax existendo,
Membrorum per superflua
effectum omitendo.



49. Per narium illicitum
peccavi odoratum,
Libidinose attrahens
et emittens flatum,
Immundum et illicitum
odorem habens gratum,
Hunc sensum mihi praestitum
convertens in peccatum.

50. Peccavi tactu sordido
manns polluendo,
Illicita, nefaria
immundaque tangendo,
Mala multiformia
manibus agendo,
Damna, violentiam,
vim fratri inferendo.

51. Pedibus illicite
peccavi incedendo,
Viam pacis deserens,
ad scelera currando,
Ad insus et spectacula
vana gradiendo,
Inconstans et instabilis
ac vagus existendo.

52. Capitis a vertice
plantam usque pedis
Plenus sum spurcitiis
illecebrisque foedis,
Totum corpus subdidi
malignonum praedis,
In foetore sordium
assimilatus hoedis.

53. Peccavi per superbiam
me ipsum extollendo
Et ad inanem gloriam
iactanter praeferendo,
Pertinax et contumax
in inoboediendo,
His et multis aliis
modis superbiendo.

54. Invidiosus exstiti
detrahens susurrando,
In adversis proximi
frequenter exsultando
Et in eiusdem prosperis
afflictum cor gestando,
His modis per invidiam
et aliis peccando.

55. Per iram et per odium
peccavi tumescendo,
Rixas, contumelias,
clamorem proferendo,
Indignans in animo
malitiam ferendo,
Sic et multipliciter
per iram delinquendo.

56. Victus avaritia
sum fraudem faciendo,
Fallaciis, periuriis
proximum fallendo,
Pietatis opere
affectuque carendo,
Sic per avaritiam
peccatum adaugendo.

57. Per vitium acidiae
foedatum me perpendo,
Torpens, pusillanimis,
remissus existendo.
Tristis boni taedium,
pigritiam habendo,
Multimodum acidiae
lapsus incurrando.

58. Peccavi per ingluviem
ventri serviendo,
Delicata appetens,
superflua sumendo,
Vitam in desideriis
carnis peragendo,
Circumquaque vitiis
per gulam succumbendo.

59. Peccavi per luxuriam
carnem polluendo,
Carnis voluptatibus
pravis consentiendo,
Mente caecus, corpore
immundus existendo,
Sic vitiis mortalibus
me septem opprimendo.

60. Peccavi decalogum
legis transgrediendo,
Deum fecte diligens
ac fictius colendo,
Dilectionem debitam
fratri subtrahendo
Nomenque sanctum Domini
in vanum assumendo.

61. In pravos usus sabbati
requiem convertendo
Parentibusque debitum
honorem non solvendo,
Mentis, licet non manibus,
affectu occidendo,
Per carnis immunditiam
maechiam committendo.

62. Aliena rapiens
furtumque faciendo,
Falsum testimonium
proferens mentiendo,
Immobiles ac mobiles
proximi res appetendo,
Sic praecepta Domini
ac legis contemnendo.

63. His vitiis et aliis
innumeris sum foedatus,
Plenus immunditiis,
peccatis oneratus,
Intus mente, corpore
foris sordidatus,
Circumquaque vitiis
oppressus et artatus.

64. Haec tibi confiteor,
summe miserator,
Qui solus es misericors,
lapsorum sublevator,
Tu mihi, summe pontifex,
sis veniae collator
Ac commissorum scelerum
clemens condonator.

65. A te deosco veniam,
qui fons es pietatis,
Agens paenitentiam
de malis perpetratis:
Infunde mihi gratiam,
ut liber a peccatis
Ex hoc tibi deserviam
in factis tibi gratis.

66. Causam meam etenim
tibi revelavi,
Contrito corde recolens,
quae mala perpetravi,
Succurre mihi, Domine,
quoniam in te speravi,
Licet enim peccavero,
te tamen non negavi.

67. Peccavi quidem nimium
per fragilitatem,
Sed plus potes dimittere
per tuam bonitatem,
Ne, precor, contineas
tam veram pietatem,
Ubi iam notoriam
agnoscis pravitatem.

68. Si maior est iniquitas
quam oporteret reum,
Eritne minor pietas
tua quam decet Deum?
Absit; Deus pius est
refugiumque meum,
Qui etsi me occiderit,
sperabo in eum.

69. Tu meum es refugium,
Iesu, singulare,
Tu mihi adiutorium
praebe salutare,
Ut, quae commisi, scelera
possim expiare
Et a nefandis actibus
de cetero cessare.

70. Singularis mihi spes
est in te Deo vero,
Qui illustrator cordis es,
da veniam, quam quaero,
Licet enim peccaverim,
tamen non despero,
Quia, si me converteris,
peccator iam non ero.

71. Tua namque pietas
in brevi curat hora
Et, quos vult, tua gratia
immutat sine mora,
Tu tuae more gratiae
cor meum irroras,
Qui occulta cordium
nosti interiora.

72. Converte servum impium,
immuta delinquentem,
Fer reo remedium,
relaxa paenitentem,
Contritum pie suscipe
absolve confitentem,
Ut sic in regno gloriae
me facias gaudentem.

73. Tu enim ore proprio
benedicto dixisti,
Quod ad salvandos perditos
missus exstitisti,
Et quod reos ad veniam
revocare venisti;
Hoc dictis atque plurimis
exemplis astruxisti.

74. Non est enim valentibus
opus medicante,
Sed male se habentibus
medico sanante.
Haec pia vox insonuit
te pio predicante
Et ad paenitentiam
peccatores vocante.

75. Tu pie de theloneo
publicanum vocasti,
Tu in adulterio
deprehensam salvasti,
Tu negantis discipuli
lapsum reparasti
Et paradisi aditum
latroni reserasti.

76. Tu vere paenitentium
spes et reparator,
Tu ad te convertentium
susceptor et amator,
Tu es in te credentium
misericors salvator
Et tibi servientium
largus remunerator.

77. Te nullus fideliter
unquam invocavit,
Qui non misericorditer
levamen impetravit;
Nullus unquam confusus est,
qui in te speravit,
Nec est seductus aliquis,
qui corde te rogavit.

78. Qui igitur in tantis es
misericors probatus,
Ut fons misericordiae
sis merito vocatus,
Preces rei servuli
exaudi miseratus,
Dimittens ei debita
condonansque reatus.

79. Qui ad salvandum perditos
dignatus es venire
Et crucis supplicium
pro miseris subire,
Tu mihi miserrimo
veniam largire,
Et in mortis articulo
dignare subvenire.
80. Qui peccatorum veniam
solus potes dare,
Quod tuae pietatis est,
opus operare,
Miserrimique miserans
lapsum reparare
Ac commissorum veniam
tribuere dignare.
81. Succurre pie misero,
conforta desolatam,
Iuva pusillanimum
et erige prostratum,
Consolare flebilem,
emunda sordidatum,
Lapsum reconcilia,
perversum muta statum.
82. Moveat te anxia
contritio gementis,
Moveant suspiria
te cordis paenitentis,
Ut gemitum exaudias
te veniam petentis,
Quatriduani reparans
statum iam foetentis.
83. Foetens enim sordibus
velut quatriduanus
Deprimor sub lapide
peccati veteranus;
Sed si facturae dextera
tuae succurrat manus,
Mox redivivus integre
conresurgam sanus.
84. Ergo tolle lapidem
peccati deprimentem,
Oppressum exonera
subleva iacentem,
Ligati solve vincula,
purifica foetentem
Atque foras revoca
peccatis inhaerentem.
85. Sic poteris de mortuo
vivum reparare,
Sic de servo impio
filium reformare,
Sic commissa scelera
poteris expiare,
Sic amissa praemia
potes restaurare.
86. Sic delere poteris
maculam commissam,
Mentem sursum trahere
hactenus demissam,
Redonare gratiam
funditus amissam,
Producere ad gloriam
fidelibus promissam.
87. Quod ipse tribuere
dignare, rex caelorum,
Per preces et suffragia
sanctorum angelorum,
Per prophetarum merita
patrumque praelectorum,
Qui tibi efficacia
placuerunt morum,
88. Per preces precipue
matris tuae piae,
Gloriosae virginis
reginaeque Mariae,
Quae levamen exhibet
tam nocte quam die
Oppressis miseriis
aerumnosae viae.

89. Per cunctorum quoque
preces apostolorum,
Evangelistarum, martyrum
atque confessorum,
Virginum ac omnium
sanctorum beatorum,
Qui vivis et regnas,
per saecula saeculorum.

90. Idipsum humiliter
deposco pro praelatis,
Pro amicis, fratribus,
parentibus, cognatis
Ac pro cunctis fidelibus,
ut rorem pietatis
Infundas eis iugiter
coniungasque beatis.

91. Pro animabus et
parentum, amicorum,
Benefactorum, omnium
fidelium defunctorum,
Tibi preces offero,
benigne rex caelorum,
Ut dones eis requiem
in saecula saeculorum.

Collect. ms. Anglicum saec. 13. Cod. Londinen. Arund. 248. — 12, 4
itinereque. — 47, 8 utiliaque. — 55, 6 malitiaque. — 57, 6 pigritiamque. —
Abschrift von Rev. H. M. Bannister.

307. Speculum Peccatorum.

1. O pos omnes, qui transitis
Figuram hanc inspicite,
Memores mei semper sitis
Et mandum hunc despiciate.

5. Quidquid boni intellexi
Vel ab aliis audivi,
Plane totum hoc neglexi,
Quia carni deservivi.

2. Quondam eram gloriosus
Habens aurum et argentum,
Nunc a vermibus corrosus;
Quam horrendum testamentum !

6. Curam carnis semper egi
Et vanam gloriam amavi,
Pro his in poenam hanc impegi,
Sero novi, quod erravi.

3. Heu, quam male sum deceptus
Habens annos inveniles,
Nec sum penitus adeptus,
Quod speraveram, seniles.

7. Luxuriose et gulose
Vixi temporaliter,
Pro his poenas copiose
Recepi aeternaliter.

4. Heu, nunc me mors supplantavit,
Quando minime credebam,
Et mihi vitam amputavit,
Qui securus incedebam.

8. Peccaverunt pedes, manus
Contra legem Domini,
Egi corde vagus, vanus,
Quae non licent homini.

- | | |
|--|---|
| <p>9. Hoc considerate templum,
Quod me mersit in profundum,
Relictum vobis sum exemplum,
Deceptus per falsum mundum.</p> | <p>15. Quidquid mihi dicebatur
De aeterna gloria,
Nihil mihi videbatur
Nisi temporalia.</p> |
| <p>10. Qui non volunt paenitere,
Sicut ego sunt futuri,
Debent merito terreri,
Quod sic semper sunt arsurī.</p> | <p>16. Heu, sic miser sum delusus
Per meam negligentiam,
In infernum sum detrusus
Iustam per sententiam,</p> |
| <p>11. Oportunum nunc habetis
Tempus, aptum paenitendi,
Vigilate, ne tardetis,
Ne occurrat tempus flendi.</p> | <p>17. Quae damnandis est dicenda
Magna cum severitate,
Quae vox multum est timenda,
Vos ad illam praeparate.</p> |
| <p>12. Nemo unquam comprehendit,
Quanta patiar tormenta,
Nec in cor hominis ascendit,
Quae mala malissunt retenta.</p> | <p>18. Vitiorum fui cultor,
De bonis nulla fuit cura,
Reddidit mihi iustus ultor
Multo plus quam cum usura.</p> |
| <p>13. Mundus mihi repromisit
Multis annis vivere,
In his tormentis me collisit,
Sic solet retribuere.</p> | <p>19. Nigriores quam carbones
Sunt isti pessimi tortores,
Animarum sunt praedones,
Qui nos ducunt in horrores.</p> |
| <p>14. Multos male sic fefellit
Variis conatibus
Et in mortem sic impellit
Multis cum reatibus.</p> | <p>20. Nonne vides, quam deformis
Sum per negligentiam?
Miser homo, cur sic dormis?
Age paenitentiam!</p> |
21. Voraci flammae sic sum datus,
Heu, quod unquam fui natus!
Propter varios reatus
Sine fine sum damnatus.

Collect. ms. Altovadense saec. 15. Cod. Altovaden. 97. A. — Collect. ms. Inderdorfense saec. 15. Clm. Monacen. 7660. B. — Collect. ms. S. Albani Treviren. saec 15. [et 16]. Cod. Treviren. 228. C. —

3, 3 Nunc sum AB. — 4, 1 Heu, me mors nunc. B; Heu, nunc mors me C. — 6, 2 gloriam semper amavi ABC. — 6, 4 Scio, novi, quod A. — 7, 2 Semper vixi AB. — 8, 3 vanus fehlt A; vagis A; fagus C; vanus vagus B. — 8, 4 licet AC. — 9, 2 Qui me AB. — 9, 4 Deceptum AB; per hunc falsum ABC. — 10, 3 Deberet B; terrere B; timeri C. — 10, 4 Quod et semper B. — 11, 1 Optimum nunc A. — 11, 4 Ut non occurrat AB. — 12, 2 patior AB. — 14, 2 Variis tenacibus A. — 14, 3 morte AB. — Nach Str. 16 schieben BC ein:

Talem poenam praevenite
Cum paenitentia et laboribus (doloribus C),
Ne vobis dicatur Ite
Novissimis temporibus.

17, 1 damnatis AB. — 17, 3 Quae vobis multum AB. — 17, 4 Et ideo in
vita bona perseverate B; Contra quam vos praeparate C. — 19, 4 in errores
AB. — 21, 1 sum sic datus C. — 21, 2 Heu, nunquam fui natus B; Heu,
nunquam fuissem natus A.

308. Vado mori.

- Vado mori, mori, naturae cedo, recedo,
Ut pereunt, abeunt cetera, vado mori.
Vado mori tortus, ortus sub littore portus,
Qui vix, si vixi; discite, vado mori,
5. Vado mori, pueri teneri sub sorte, teneri
Me morbis orbis sentio, vado mori.
Vado mori crescens, adulescens corpore grato,
Fato compellor cedere, vado mori.
Vado mori iuvenis et plenis sanguine venis,
10. Areo nunc, pereo, marceo, vado mori.
Vado mori miro me stante viro rutilante,
Tempore nunc Christi corpore vado mori.
Vado mori vetulus querulus fractusque subactus,
Deficio vario vulnere. vado mori.
15. Vado mori, metas mortis non effugit aetas,
Cernens, discernens haec ego, vado mori.
Vado mori modicus, mendicus, egens, male degens;
Quid mihi sic misere vivere? vado mori.
Vado mori plenus opibus, quibus, heu, male partis
20. Usus et effusus exsulo, vado mori.
Vado mori victus parci, mordentis amictus,
Ne crucier, satier amodo, vado mori.
Vado mori crapula, quae sedula fercla retorquet,
Torquet adeps misera viscera, vado mori.
25. Vado mori castus nullaque libidine pastus,
Ut videam, teneam caelica, vado mori.
Vado mori Veneris celeris teda cum lue foeda,
Ut poenae plenae sint mihi, vado mori.
Vado mori vilis, humilis non corde tumente,
30. Ut mihi sit varia gloria, vado mori.
Vado mori tumidus et acerbus, mente superbus,
Ad limos imos transeo, vado mori.
Vado mori late circumfusus pietate,
Dia mihi reserans ostia, vado mori.
35. Vado mori pavidus, miser, invidus, omnibus hostis,
Postis avernus avet me sibi, vado mori.
Vado mori comitis, ducis auctus honore, Quiritis,
Praedia praeliaque transfero, vado mori.

- Vado mori regis clarus diademate, legis
 40. Custos et iustos transeo, vado mori.
 Vado mori; bacule, quid et annule, mitra, peristis?
 Tristis adest hora, nec mora, vado mori.
 Vado mori papa vel satrapa nomen et omen,
 Hoc leve sive breve desero, vado mori.

Collect ms. S. Iacobi Leodien. saec. 11.—14. Cod. Darmstadien. 1988. add. saec. 24. — 12 und 14 umgetauscht. — „Hos versus composuit frater Lambertus dictus Boreis, prior ordinis praedicatorum Leodiensium in extremis.“ Vgl. den Doppelgänger dieses Gedichtes Anal. XXXIII, Nr. 255.

309. De Morte.

- Mors est ventura, cuius conclusio dura,
 Mors est ventura tibi pro meritisque datura,
 Mors est ventura tibi grande malum paritura,
 Mors est ventura postesque tuos subitura,
 5. Mors est ventura prece nec pretio fugitura,
 Mors est ventura, ne plus vivas, vetitura,
 Mors est ventura, quantum debes, monitura,
 Mors est ventura, ut te trahat irreditura,
 Mors est ventura, nisi te rapiat, moritura,
 10. Mors est ventura tibi treugas non habitura.
 Mors est ventura finem mox exhibitura,
 Mors est ventura, per quam tua vox peritura,
 Mors est ventura sine te prorsus non itura,
 Mors est ventura, nec, credo, tui caritura.
 15. Mors est ventura, fac, ut sint pectora pura,
 Mors est ventura, quam non fugat ulla figura,
 Mors est ventura, quae confringit tua crura,
 Mors est ventura, nescis, quae vita futura.
 Mors est ventura, quid aget procera statura?
 20. Mors est ventura, quid erit de praepositura?
 Mors est ventura, doctrina parum valitura,
 Mors est ventura, quae nunc stans urbs ruitura.
 Mors est ventura, tua faux non plus bibitura,
 Mors est ventura, tua lingua procax tacitura,
 25. Mors est ventura, non fac, quae scis nocitura,
 Mors est ventura, fac quaeque Deo placitura.
 Mors est ventura, nec me neque te veritura,
 Mors est ventura, non fac, quae sunt nocitura.
 Mors est ventura, quod emanur, fac, tibi tura.

Collect ms. Ebersbacense saec. 15. Clm. Monacen. 6033. — 24 lingua fehlt. — 28 nocitura wohl verschrieben. — Zum Gedichte die Bemerkung: „Magister Henricus“, womit wohl Henricus de Hassia gemeint ist.

310. De Timore Iudicii.

1. Qui signati estis Christo,
Mementote repromisso,
Quod daturum se in caelo
Vobis dixit in futuro.
Abicite vana loqui.
2. Habetote in prospectu
Reddituros vos de actu
Rationem coram Deo,
Qui venturus est e caelo.
Abicite vana loqui.
3. Hoc de verbis otiosis
Idem clamat in scripturis,
Ideo, rogo, cavete
Leve carmen personare.
Abicite vana loqui.
4. Actus vestros immutate
Et corrigere studete
Et dignum Deo parate
Habitaculum in corde.
Abicite vana loqui.
5. Ora vestra, quae factorem
Confitentur, ad devotam
Semper sint parata laudem,
Sicut decet conditorem.
Abicite vana loqui.
6. Et quid prodest hic laetari,
Si contigerit tristari,
Ubi est perennis vita,
Gaudia quoque mansura?
Abicite vana loqui.
7. Ne, quaeso, deludat praesens
Gaudium meos sodales,
Sed contendite adipisci,
Ad quod estis invitati.
Abicite vana loqui.
8. Non est gaudium, quod finis
Angustat deceptionis,
Sed est laqueus, qui nectit
Ignaros atque subvertit.
Abicite vana loqui.
9. Nuptias Christus paravit,
Ad quas omnes invitavit;
Ergo vos tantae exsortes
Eritis felicitatis?
Abicite vana loqui.
10. Eritis utique, veste
Si caretis nuptiali,
Ligatique in tenebras
Proiecti exteriores.
Abicite vana loqui.
11. Ubi est fletus ac stridor
Dentium et vastus horror,
Timor et tremor aeternus
Et perennis cruciatus.
Abicite vana loqui.
12. Ibi sunt hydri mordaces
Et flammae nimis edaces,
Ibi horrida vorago
Et taeterrima caligo.
Abicite vana loqui.
13. Haec sunt dona inimici
Et non sunt alia vestri,
Haec suis semper largitur
Crudelis et muneratur.
Abicite vana loqui.
14. Auferat Deus a vobis
Et a vestris animabus,
Ut non his damnati poenis
In perpetuum ploretis.
Amen, sic faciat Deus.
15. Sine fine sed cum Christo
Liberati ab hoc malo
Mereamini laetari
Et cum sanctis gloriari.
Amen, sic faciat Deus.
16. Tibi laus, Christe redemptor,
Qui es omnium protector,
Nunc et semper et in aevum
Per saecula saeculorum.
Amen, sic faciat Deus.

Collect. ms. Laudunense[?] saec. 12. Cod. Bernen. 455 add. saec. 10. — 5, 2 ac devotam. — 5, 3 parate. — 7, 1 delutat. — 7, 3 Sed condite adipisci; liest man contendite, so wird Elision nötig, die sonst im Rhythmus nirgends angewandt ist. Will man diese vermeiden, muß man sich notwendig weiter von der Überlieferung entfernen. — Vgl. auch Hagenus, Carmina medii aevi, p. 98 sqq.

311. De Vanitate Mundi.

- Mundus abit; res nota quidem, res usque notanda;
 Nota tibi mundi sit nota; Mundus abit.
 Mundus abit; non mundus idem, haec machina mundi
 Dico, sed mundi gloria, mundus abit.
5. Mundus abit; cito nomen abit, cum nomino mundum,
 Sed citius mundi nomine mundus abit.
 Mundus abit; tria sunt: Erit, est, fuit; haec tria mundum
 Mota movent, clamant haec tria: Mundus abit.
 Mundus abit fugiens, ut tempus, ut annus, ut aura,
10. Ut mundus; satis est dicere: Mundus abit.
 Mundus abit; constans nihil est, quod constat abire;
 In mundo constat nil nisi: Mundus abit.
 Mundus abit, nihil in nihilum, tamen eius abire
 Non abit; error abit, quo duce mundus abit.
15. Mundus abit; nil quod quaeras, satis unde queraris;
 Mundus abit; quod abit, respice; mundus abit.
 Mundus abit; fortis sum, non ero; sum speciosus,
 Non ero; sum dives, non ero; mundus abit.
 Mundus abit; sequitur mors vitam, stricta solutam,
20. Longa brevem, laetam nubila; mundus abit.
 Mundus abit, mundus, qui verbo fallit in omni,
 Nescit in hoc uno fallere: Mundus abit.
 Mundus abit, non Christus abit; cole non abeuntem;
 Dicens: Non abeo; me sine mundus abit.
25. Mundus abit; quotiens iterabo? Cesset abire
 Mundus, cessabo dicere: Mundus abit.

Collect. ms. Remense[?] saec. 12. Cod. Berolinen. Phillipp. 1996. add. saec. 12. — Dies Gedicht befindet sich auch in Cod. Trecen. 215. saec. 13.

312. De Vanitate Saeculi.

Fistula dulce sonat, ut aves in retia ponat,
 Prospera delectant, ut nos in scandala nectant.
 Piscis inescatur capiens, a quo capiatur,
 Mens delectatur cupiens, in quo moriatur.

5. Me mundus laesit, mihi mundus ut hamus iubaesit,
Mundum laesus amo, saliens quasi piscis in hamo.
Me capit indago, me mundi caeca vorago,
Me male iucundus rapit ad sua gaudia mundus.
Rideus fleuda gero, gandendo tristia quaero,
10. Quaero speruenda, spero, quae sunt metuenda.
Amaus illud amo, quod amatum perdit amantem,
Illud habens habeo, quod habentem reddit egeantem.
Hydropicus mire discit potando sitire,
Vir cupidus misere consuescit habendo carere.
15. Improbata mens nimium capiens sequitur fugitiva,
Sponte perit, sua damna gerit cupiendo nociva.
Cum satis utrumque perpendo, bonumque malumque,
Eligo peiora, licet aspiciam meliora.
Fomes peccati nos alligat impietati,
20. Attrahit, astringit, captivat, crimine ciungit.
Quod quandoque volens, illud facio modo uolens,
Arbitror, ut uolim, sed adhuc volo, sicut et olim.
Versor in hoc mundo quasi vel navis vel arundo,
Quam rapit infestus hac illac ventus et aestus.
25. Turbo quatit varius hic cymbam corporis huius,
Per varios motus ego discordo mihi totus.
Spiritus atque caro motu vexantur amaro,
In me pugnatur, in me mihi pugna paratur.
Nos gravat, ut nostis, caro nostra, domesticus hostis,
30. Puguat et instigat quaerens, ut spicula figat.
Si bene pugnatur, caro servit, mens dominatur,
Si male certatur, caro vincit, mens superatur.
Sed caro vel nunquam vel vix superabitur unquam,
Nunquam sedatur, nisi caelitus hoc tribuatur.
35. Murmurat aucilla contra dominam vetus illa,
Cauda caput fraugit, caro mentem duriter angit.
Pax mihi nulla datur, nisi pax, quam mors comitatur,
Pax peccatorum, pax impugnanda malorum.
Nos et nostra sumus quasi flos agri, quasi fumus,
40. Nobiscum nostra pereunt quasi ventus et umbra.
Ecce, nivis more perit infans unius horae,
Vivit et absque mora moritur, qua nascitur, hora.
Nascitur et moritur, deponitur et sepelitur,
Non homo sed vermis, non vir sed truncus inermis.
45. Dives pauperque pingnisque macerque peribunt,
Quo fera mors, fera sors vocat hos, aequaliter ibunt.
Sunt humus et limus vir, femina, summus et imus,
Servus liberque, vetulus iuvenisque puerque.
Hoc sumus, hoc erimus et eramus et hoc bene scimus,
50. Nam quod erat primitus, erit omnis homo quasi limus.
Hoc sunt, illud erunt, illud quandoque fuerunt,

- Qui modo sunt vel erunt vel qui nunc usque fuerunt.
 Fluxa, caduca, levis carnis substantia quaevis,
 Crescens decrescit, quoniam crescendo senescit.
55. Nascimur, ut simus, sumus, ut pereamus, et imus
 Illuc, unde sumus, quia terram terra subimus.
 Terra sumus, terram colimus terrena propago,
 Instabiles, fragiles, mortales, mortis imago.
 Nudi nos omnes de terra venimus, omnes
60. Nudi venimus huc, nudi transibimus illuc,
 Huc nihil attulimus, nihil hinc abducere quimus.
 Nil abducemus nisi, si bene quid faciemus,
 Res et opes tales, tantae, tamen perpetuales,
 Nunquam perdentur, quae nos in morte sequuntur.
65. Sanctorum merita non aufert mors neque vita,
 Non rapiunt fures, non possunt rodere mures.
 Ergo vacate, boni, non carni sed rationi,
 Ut bona paretis, quae, qualia, quanta valetis.
 Talem thesaurum super argentum, super aurum
70. Quaerite quaerendum, quaerentibus inveniendum.
 Me scio non facere, quod vos praesumo docere,
 Me scio tardare, qui vos facio properare.
 Tardus crescentes, decrescens proficientes,
 Sanctos pollutus, magnos impello minutus.
75. Mundos immundus, pudibundos impudibundus,
 Cultos incultus, prudentes instruo stultus.
 Aeger sanatos, tenebrosus clarificatos,
 Claudus vadentes, caecus produco videntes.
 Lapsus constantes, dormitans evigilantes,
80. Durus compunctos, solus considero cunctos.
 Factor opus, famulum Dominus salvet pereuntem,
 Pastor ovem, genitor subolem revocet fugientem.
 O Deus, o Domine, sine principio, sine fine,
 Fac miserans hominem peccatis ponere finem.

Collect. ms. Voraviense saec. 12/13. Cod. Voravien. 33 (111). — 34 hic tribuatur. — Bei dem Gedichte der Name des Verfassers Rüdigerus.

313. De Vanitate Mundi.

- | | |
|----------------------------|------------------------|
| 1. Quid in hac miseria, | 2. Opum affluentia |
| Miseri, moramini? | Parum prodest homini; |
| A mundana gloria | Mundi sapientia, |
| Quare delectamini | Sicut bene memini, |
| Vos, qui moriemini | Iuxta verbum Domini |
| Relinquentes omnia? | Quaedam est stultitia. |
| Mors, qui parcit [nemini], | Illud intuemini, |
| Vestra tollet gaudia; | Relinquentes vitia |
| Sic egrediemini. | Virtutes sequimini. |

- | | |
|--|--|
| <p>3. Vae vobis mortalibus,
 Qui putatis vivere,
 Cum mors sit in foribus,
 Quae solet occidere
 De cunctorum genere
 Filios cum patribus.
 Homo, reminiscere,
 Cum abundas opibus,
 Eas te dimittere.</p> | <p>4. Unum prosit omnibus
 Dominum metuere,
 Non ipsum timentibus

 Verum est acquirere
 Deum diligentibus,
 Quidquid volunt petere,
 Iustis tamen precibus,
 Sic debemus credere.</p> |
|--|--|

5. Quae te vincit rabies?
 Nam tua res agitur,
 Dum vicini paries
 Proximus comburitur.
 Hic vivit, hic moritur;
 Dic, homo, quid facies?
 Quidquid orbe clauditur,
 Et genus et species
 In momento perditur.

Collectan. ms. Incert. Origin. saec. 15. Cod. Parisin. Nouv. acq. 1544.

314. De Vanitate Mundi.

- | | |
|--|---|
| <p>1. Vanitatum vanitas
 Est omnis mundi huius
 Res aut saecularitas,
 Finis malus cuius;
 Hinc pensa, quod futurum est,
 Quo venturus tandem,
 Nam iudicaturus est
 Deus veram in lancem.</p> | <p>2. Mundum velle sapere,
 Dolum aut honorem,
 Eius fraudem carpere,
 Blandientum morem,
 Ventum talis retinet,
 Sed non nimis diu,
 Hic Deum non attinet
 In tali ambitu.</p> |
|--|---|
3. Ab his et carnis onere
 Diabolique fraude,
 A peccati pondere
 Et ab omni clade,
 Deus pius liberet
 Nos trinus et unus,
 Qui gaudium tribuet,
 Qui est summe bonus.

Collect. ms. Seitzense saec. 15. Cod. Roman. 602 (Varia 4). — 3, 4
 omni clade. — „De vanitate mundi carmen ut „Patris sapientia“.

315. De Vanitate Mundi.

1. O mortales, quid agitis
Mundi quaerentes gaudia?
O miseri, quid facitis,
Qui vestra desideria
Et maligni perficitis,
Quae vos ducunt ad vitia?
Certe, nisi videritis,
Trahet vos ad supplicia.
2. Cur ergo delectamini
In mundi vanitatibus?
Numquid hunc intuemini
Plenum esse doloribus?
Vos certe moriemini
Cum vestris pravitatibus,
Ad inferna trahemini
Cum multis peccatoribus.
3. Dic, homo, mihi responde,
Cur tanta mala pateris?
Quid thesaurizas? attende,
Cui ea dimiseris;
Quid de te fiet, perpende,
Cum vitam finieris,
In bono semper intende,
In hac vita dum vixeris.
4. Ubi sunt mundi divites,
Qui terrena possidebant,
Ubi sunt et sapientes,
Qui scientia pollebant,
Ubi fortes et potentes,
Qui vi regna subiugabant?
Certe ad finem tendentes
Nunquam mori se putabant.
5. Felix homo, qui fugerit
Mundi huius miseriam
Et qui perfecte vicerit
Diaboli malitiam;
Certe, qui ita vixerit,
Ut fugiat superbiam,
In fine bene poterit
Caeli videre gloriam.
6. Idcirco veri monachi
Mundi fugiunt prospera,
In bonis enim intenti
Semper tendunt ad supera,
Quamvis dicant maledicti:
Horum vita est aspera,
Omnes autem benedicti
Illorum amant opera.
7. Sed sibi bene caveant,
Ne talia sustinendo
Eorum facta pereant
Superbe se extollendo,
Vanam gloriam fugiant
Carnem suam macerando
Humiliterque impleant,
Quod voverunt, faciendo.
8. Ergo, creator omnium,
Christe, qui regis omnia,
Finis atque principium,
Qui facis mirabilia,
Da robur, fer auxilium,
Ut fugiamus vitia,
Ut in terra viventium
Vivamus cum laetitia.

Collect. ms. Seitzense saec. 15. Cod. Roman. 602 (Varia 4). — Nach Str. 8 folgt eine Doxologie, die indes, wie der Reim zeigt, fremde Zutat ist:

Donet pater cum filio,
Cum spiritu paraclito,
Cui sit summa gloria
Per infinita saecula.
Christi matri et angelis
Sit laus atque archangelis,
Electis quoque omnibus,
In quibus regnat Dominus.

316. De Vilipensione Mundanorum.

1. Mundi prosperitas
Et vitae brevitās
Multos decipiunt,
Dum volunt vivere,
Praeventi funere
Cito deficiunt.
2. Nulla potentia,
Nulla prudentia
Prodesse poterit,
Cum rerum omnium
Praetereuntium
Finis advenerit.
3. Quidquid est hodie
Laudis et gloriae,
Transit ut nebula,
Non est durabile
Quidquid mirabile
Ferunt haec saecula.
4. Mundi divitias
Atque delicias
Quisquis amplectitur,
Vel mortis gladio
Vel infortunio
Pauper efficitur.
5. Cur ergo quaeritur,
Quod cito perditur?
Non prodest quaerere,
Quidquid interitū
Vel quovis exitu
Potest deficere.
6. Quod transitoria,
Nihil sint omnia,
Defectus indicat,
Iacet in vitiis,
Qui transitoriis
Se nimis implicat.
7. Transeunt omnia
Saeculi gaudia
Miserabiliter,
Et, quidquid praeterit,
Diu non poterit
Esse feliciter.
8. Quid prodest species,
Quid pulchra facies,
Quid color roseus,
Et multiplicium
Quid prodest vestium
Ornatus aureus?
9. Invidens homini
Mors pulchritudini
Non novit parcere,
Mors nescit ordinem
Vel celsitudinem
Rerum agnoscere.
10. Ad finem omnia
Mors trahit impia,
Quae sunt in saeculo,
Facit deformia
Cuncta decentia,
Digna spectaculo.
11. Mortis saevitia
Plenos lascivia
Oculos operit,
Fit caro candida
Pallens et livida,
Quam vita deserit.
12. Venusta facies,
Blanda mollities,
Quae placent nimium.
Postquam subtrahitur
Vita, qua fungitur,
Fit cibus vermium.
13. Et quid amantibus
Fuerat omnibus
Vana laetitia?
Abhorrent oculi
Clausum sub tumuli
Brevis angustia.
14. Forma laudabilis
Iam marcessibilis
Sepulcro tegitur,
Pulvis in pulverem,
Cinis in cinerem
Cito revertitur.

- | | |
|--|--|
| <p>15. Opes Tiberii,
Gloria Iulii,
 Marci facunditas
Sunt audientibus
Atque videntibus
 Veluti somnia.</p> <p>16. Olim Virgilius,
Vates egregius,
 Laudem promeruit,
Quamvis laus hominum
Post vitae terminum
 Nil sibi profuit.</p> <p>17. Nec Plato plurima
Scribens de anima
 Mortem detinuit
Per sapientiam,
Cuius notitiam
 Veram non habuit.</p> | <p>18. Sed nec grammatica
Nec dialectica
 Nec flores Tullii,
Quos erudierant,
A morte liberant
 Huius exsilii.</p> <p>19. Oportet igitur,
Quamdiu vivitur,
 Opus perficere,
Ut Deo placeat,
Et hic non valeat
 Mundus inficere.</p> <p>20. Et cum de omnibus
Saeculi actibus
 Nihil supererit,
Nostra sint gaudia
In illa gloria,
 Quae nunquam praeterit.</p> |
|--|--|

Collect. ms. Seitzense saec. 15. Cod. Roman. 602 (Varia 4). A. — Collect. ms. Incert. Orig. saec. 15. Cod. Vatic. 4257. B. — 2, 4 Sed rerum A. — 3, 5 mutabile A. — 4, 4 mortis taedio A. — 5, 1 Dum ergo A. — 9, 5 Aut celsitudinem B. — 10, 1 impia B. — 10, 2 omnia B. — 10, 6 speculatio B. — 12, 3 placet B. — 14, 6 redigitur B. — 15, 5 Et non videntibus. — Str. 16 ff. fehlen B. — Aufschrift: „Sequentia de contemptu mundi“ A; Expliciunt vera verba de contemptu mundi. Bernardus.“ B.

317. De superna Ierusalem.

- | | |
|---|--|
| <p>1. Sume plectrum, lingua, metri,
 Tange chordas trochaei,
Aureum deprome carmen
 Aurea de patria,
Est ubi beata vita
 Et perennis gloria.</p> <p>2. Fige stilum dicque primum:
 Rumpe, Christe, vinculum
Cordis et fibras resolve,
 Ut tuo de numine
Metrice vel pauca possim
 Te iuvante dicere.</p> <p>3. Tu potestas gloriosa,
 Tu maiestas unica,
Tu tuorum fortitudo,
 Virtus et potentia,
Tu decus creaturam
 Salus es et omnium.</p> | <p>4. Lucis auctor et perennis
 Es origo luminis,
Veritas de veritate,
 Lumen es de lumine,
Quo beatis sempiterna
 Manat ipsa caritas.</p> <p>5. Manat inde vita, salus,
 Manat immortalitas,
Vestis apta nuptialis
 Manat ipsa caritas,
Qua beatus perfruendo
 Vivit omnis spiritus.</p> <p>6. Es et ipse fons aquarum
 Cunctarum viventium,
Ultro te bibenti prodis,
 Ultro tendis brachia.
Qui sitit, sitire desit,
 Sat bibat, sat hauriat.</p> |
|---|--|

- | | |
|--|--|
| <p>7. Quos pias tu fonte sacro,
 Quos perungis chrismate
 Imbuisque christiano
 Sacrosancto dogmate,
 Hos paterno more nutris,
 Hos adoptas, hos beas.</p> <p>8. Sint ut ipsi sponsa Christi,
 Sint amici, sint dii,
 Cum iucunditate cordis
 Possint et pepetuum
 Nuptiarum semper aptum
 Possidere gaudium.</p> <p>9. Gaudium, quod nemo plenum
 Tollat a fidelibus,
 Sed perenne cum beatis
 Possidebunt angelis,
 Ut sit ex utroque semper
 Una Hierosolyma.</p> | <p>10. Illa scilicet superna
 Hierusalem, omnium
 Mater electorum, sacro
 Plena prolis agmine
 Et beatorum caterva
 Saepa semper virginum.</p> <p>11. Cuius in platea semper
 Dulciter melodians
 Hymnum dicit angelorum
 Pacifer concordia,
 Hymnum semper et beata
 Turba fratrum personat.</p> <p>12. Coetus omnis angelorum
 Et thronorum milia
 Magno [cum] triumpho patri
 Alleluia concinit,
 Dicit Alleluia nato,
 Dicit et paraclito.</p> |
|--|--|
13. Omnibus diebus, horis
 Et momentis singulis,
 Mensibus cunctis et annis
 Omnibusque saeculis
 Turba fratrum dicit hymnum
 Mysticis in vocibus.

Collect. ms. Laudunense? saec. 10. Cod. Bernen. 455. — Mit der Überschrift: *Versus Zmaracdi*. — Vgl. Hagenus, *Carmina medii aevi* p. 93 sqq.

318. De Malitia Temporum.

- | | |
|---|--|
| <p>1. Totus mundus est subversus
 Et in mari gravi mersus
 In profundo vitii;
 Nunc virtutes relaxantur,
 Super omnes honorantur
 Deceptores impii.</p> | <p>2. Pertrahuntur ut raptores
 Veritatis amatores,
 Qui a malis abstinere;
 Adulaces et loquaces,
 Detractores et mendaces
 Principatum obtinent.</p> |
|---|--|
3. Adorantur maculati,
 Adhaerentes falsitati,
 Et praesunt in curiis,
 Maior locus illis datur,
 Et sic mundus desolatur
 Eorum consiliis.

Collectan. ms. Incert. Originis saec. 15. Cod. Oxonien. Canon. misc. 523. — Wohl nur ein Bruchstück eines längeren Gedichtes. Abschrift von Rev. H. M. Bannister.

319. *Metra contra haereticos et schismaticos.*

1. Mirentur mundi climata
Haereticorum schismata,
Zizania dotata,
Evulsa iacent lilia,
Rosa simulque viola,
Lolia radicata.
2. Insurgit matri filia,
Pereunt dotalitia
Summae caritatis,
Propalatur horridorum
Forma nunc haereticorum
Saeculo toto satis.
3. Est eorundem bonitas
Vultus, sed mentis acritas,
Hypocritarum nota;
Eloquia blandifera
Venena sunt viperea,
Nubila puritatis.
4. Statuta sanctis tradita
Emendatione addita
Rumpunt viri fallaces,
Fantur inventa frivole,
Ach, infausti agricolae
Profani, mendaces!
5. Eia, sanctorum agmina,
Tangentia caeli culmina,
Comprimite peccatores,
Fertur iam inaudibile
Omnibusque odibile,
Sancti non venerantur.
6. Horae iam nunc denegantur,
Orationes depravantur,
Undique lacerantur,
Signum crucis iam rumpitur
Imagoque deicitur,
Omnia frustrantur.
7. Omnino benedictio
Spernitur et aspersio
Semoto rubore,
Infantes iam apportantur,
Fluminibus coaptantur
Spreto fontis more.
8. Infirmus non perungitur,
Oleumque despicitur
Sacrum et vilescit,
Defunctus iam deducitur
Et tumulo recluditur
Campana non pulsanti.
9. Diffidunt purgatorio,
Ob quod non datur promotio
Animae migranti,
Descendunt antra barathri,
Ianuam atri Cerberi,
Sunt comites Plutonis.
10. Pauperes non sunt spiritu,
Comprobatur bono ritu,
Nam gliscunt aes habere;
Refutant enim obolum
Poni in offertorium,
Sunt deceptores vere.
11. Obulo nec pellinum,
Cinturae nec capucium,
Non aptantur phalera;
Delicati sunt martyres,
Cibos non nisi nobiles
Volunt deglutire.
12. Assunt et potabilia
Nisi bene nobilia,
Quod possint mensam polire;
Domentur ergo baculo,
Molares iungantur et collo,
Profundo madentur.
13. Non nisi nunc garrulizant,
Ubique infatuizant
Oves alienas,
Oboedientiam non sequuntur,
Omnes simul inducuntur
Ad aeternales poenas.
14. Infelices latrunculi,
Omnis virtutis aemuli,
Ubique divagantur,
Caritas periclitatur,
Dum per eos praedicatur,
Ut omnes expellantur.

- | | |
|--|---|
| <p>15. Pastores ecclesiarum,
Quod non admiretur parum,
Et ipsi involvuntur
In ipsorum divitias,
Sectantes contumelias
Laicorum comitatu.</p> | <p>17. O quanta ignominia,
Dum iam cruenta bestia
Supplet vicem praelati!
Laicorum nunc collegium
Inurget clero taedium
Clamore bestiali.</p> |
| <p>16. Latinitas paenuriam
Patitur et iniuriam,
Omnia vulgantur,
Brunus possidet cathedram
Ad scripturam reserandam,
Rustici magistrantur.</p> | <p>18. Argumentum latratorum
Pugno, gladio, framea
Solvitur hostili,
Consonum benedicatur,
Ut laicus aratro iungatur
Spreto argumento.</p> |
19. Ideo iam non retaxet,
Condita cervix non laxet,
Fibria non somnizet,
O stupendorum genera
Illicitorumque foedera,
Aer ne agonizet.

Collect. ms. Ioh. de Praga, Cisterc. Aulae Regiae anni 1501. Cod. S. Crucis 334. — 1, 2 Horridorum amata(?). — 2, 6 satis fehlt; caeculo. — 3, 1 Et eorum decubitas. — 4, 2 non addita. — 7, 1 Omnium benedictio. — 8, 6 pulsanti gefordert durch 9, 3, mit dem es reimt. — 9, 5 Cerberi atri. — 11, 1 Obulo wahrscheinlich verschrieben. — 11, 3 aptantur falerna. — 15, 3 Ut ipsi involvantur. — 15, 4 divitiis. — Das Lied handelt augenscheinlich von den Husiten. Latinität und Verskunst (cfr. 16, 1) stimmen völlig zu dieser „Heroenzeit“ der tschechischen Nation.

320. De malis Sacerdotibus.

- | | |
|---|--|
| <p>1. Sapiens hoc carmen audit
Libens, stultus aures claudit,
.
.
.
.
.
Omnis stultus vitiosus,
Sapiens sed virtuosus,
Ut patet ex physica.</p> | <p>3. Iussa quod paterna sprevit,
Sol in eius alas sevit
Caumata, et cecidit;
Heu, sic multi sunt praelati
Saeculares, cucullati,
Clerici, quos edidit</p> |
| <p>2. Ut habetur in ethicis
Per verba Aristotelis
Virtus unaquaeque
Medium existit intra,
Icarus sed venit extra,
Ergo peremit sese.</p> | <p>4. Simonia, qui paterna
Iussa deserentes lerna
Inquinati corruunt.
Sacramenta et praebendas
Vendunt, emunt et emendas
Inde raro peragunt,</p> |

5. Illud iussum recusantes:
Gratis accepistis, dantes
Sitis gratis omnibus.
O quam multi clericorum
More negotiatorum
Viles sectantur quaestus!
6. Cauponizant et mercantur,
Mutuant, ut nanciscantur
Opes malas, deinde
Iussi parum recordantes,
Mutuum ut simus dantes
Sperantes nihil inde.
7. Ecce, quale sunt exemplum
Laicorum, quale templum
Christi eucharistiae!
Reor, quod a noxa horum
Rivet origo malorum,
Quae fiunt cotidie.
8. Quidam etiam praelati,
Postquam fiunt confirmati,
Plura, quam sponponderant,
Omnibus infringunt, quasi
Fidei de libro rasi
Se laute refocillant.
9. Subditos multum inanes
Quapropter tendunt ad manes,
Ponunt impotrabile
Dorsis aliorum, vere
Digito nolunt movere,
Non est hoc amabile.
10. Quidam clerici elati,
Vestibus non arte grati,
Literatos respuunt,
Plus amant ioculatores
Fistularum et clangores,
Hi virtutem deserunt.
11. Iussaue paterna pati
Medium tenent beati,
Cui virtus inerit,
Qui autem virtute caret,
Ut Boetio apparet,
Esse homo deserit.

Collect. ms. Aspacense saec. 13. et. 14. Clm. Monacen. 3215. add. saec. 13/14. — 9, 3 imperabile.

321. Incipiunt Decreta Simonis.

1. Sua Simon dat decreta,
Quod si bursa sit repleta,
Fiet praesul vel propheta
Davus, Birria vel Geta.
2. Non attendit probitatem
Neque mores nec aetatem,
Simon facit hunc primatem,
Hunc priorem, hunc abbatem.
3. Ad hoc pauper non accedit,
Accepturum nil se credit,
Nil habebat, nihil dedit,
Nec in sacra sede sedit.
4. Simon facit hos maiores,
Hos abbates, hos priores,
Nummos quaerit et non mores
Et nummatis dat honores.
5. Venter nimis incrassatus
Qualiscunque sed nummatus,
Apud omnes infamatus,
Quem plus inquinat reatus,
Si offerre sit paratus,
Fiet praesul et praelatus.
6. Et in sede collocatur,
Miser, a quo magis datur,
Tunc superbit, tunc inflatur,
Nil de Deo meditatur.

7. Sunt praelati, sed quid erunt?
Poenam tantum meruerunt,
Qui non crucem Christi ferunt
Nec salutem suam quaerunt.
8. Qui non portant crucem Christi,
Punientur poena tristi;
Si vis scire, qui sunt isti:
Praecursores Antichristi.
9. Non sunt Christi, sed dicuntur,
Quia Christum non sequuntur,
Qui mundanis abutuntur
Et in caudam relabuntur.
10. Inter hoedos numerati,
Sunt a Christo condemnati,
Non electi, sed vocati,
Sunt gehennae cibus dati.
11. Nihil eis est virtuti,
Carne caro quaerit uti,
Praesul procurandae cuti
Plus intendit quam saluti.
12. Non fit sermo de virtute,
Non est cura de salute,
Sed in procuranda cute
Student omnes praeacute.
13. Et dum venter satiatur,
Vis ardoris excitatur,
Ut a Paulo praedicatur,
Nubit praeses, ne uratur.
14. Hi mendaces, hi periuri,
Grex porcorum Epicuri,
Sancto domate securi
Volunt nubere, non uri.
15. Sunt tenaces, sunt avari,
Dare nolunt, immo dari,
Nummos quaerunt contemplari,
De favore populari
Volunt omnes gloriari.
16. Iudae perfidi sequaces,
Quos Veneris urunt faces,
Immo lupi sunt rapaces
Et hypocritae fallaces.
17. Omnes ad inferna tendunt,
Qui pro posse Christum vendunt,
Solis opibus intendunt
Et nos male reprehendunt.
18. Omnes tamen in occulto
Perpetrant maiora multo
Deo semper inconsulto,
Sed reatu non indulto.
19. Ventres male macilenti
Nihil exhibent egenti
Nec responsum dant quaerenti,
Nam in tantum sunt intenti
Fruttis auri vel argenti.
20. Quid de sexu non est cura
Et, si quaeris nosse plura,
Per hos sustinet natura
Turpi tantum in mistura
Violari sua iura.
21. Tales mores sunt eorum,
Talis vita praelatorum,
Et fiunt beati, quorum
Moles latent peccatorum
Per saecula saeculorum.

322. De Avaritia Praesalum.

- | | |
|---|---|
| <p>1. Satis verba varia
possem invenire
Et ea coloribus
variis vestire,
Sed quia prolixitas
solet fastidire,
Brevis esse cupio,
nolo lascivire.</p> | <p>4. Non formidant Domini
templa subhastare,
Care volunt vendere,
nihil gratis dare,
Nunquam vultus hilares
solent demonstrare,
Nisi prius locus
incipit sonare.</p> |
| <p>2. Nolunt nostri praesules
liberos nos fore,
Immo volunt vivere,
nos servili more,
Qui non laudat omnia,
quae fatentur ore,
Si quem forte possidet,
pellitur honore.</p> | <p>5. Caritatem nominant
hoc, quod eis datur,
Simonia nomine
novo baptizatur.
Ad quid plura referam,
nemo sublimatur,
Nisi prius praesulis
bursa repleatur.</p> |
| <p>3. In subiectos saeviunt
tyrannorum more
Et eos afficiunt
nimio dolore,
Quisquis dare poterit,
erit in amore,
Qui nil dare poterit,
erit in maerore.</p> | <p>6. Quod sunt vera talia,
omnibus est notum,
Morbus iste volitat
per hunc orbem totum,
Quare vix invenies
unum sacerdotum,
A tam gravi crimine
penitus remotum.</p> |

Collect. ms. S. Albini (et S. Maglorii) saec. 10—13. Cod. Vatic. Regin.
711. add. saec. 12/13.

323. De Simonia.

- | | |
|--|--|
| <p>1. Est pretium in pretio,
Et vitiata praemio
Virtus est victa vitio,
Damnum plango commune,
Communi trahunt fune
Nos lucrum et ambitio.</p> | <p>3. Te videns infra speculum
Vultus Dei signaculum
Et ad lucri spectaculum
Sic currere spectaris,
Sacri dum oscularis
Secretum oris osculum.</p> |
| <p>2. Qui habet aures audiat:
Helisaeus giezat,
Et Moyses adpropiat
Ad rubum calceatus,
Et pauper fit ingratus,
Cum gratis se discalciat.</p> | <p>4. Cruci servis nec in cruce,
Cum fers crucem lucro duce,
Inde casu crucis truce
Cruciamur merito
Ligni sacri subito
Eclipsata luce.</p> |

5. Poena patens est peccati:
Premunt nos praeputiat,
Vultum vituli conflati
Levat circumcisio,
Et regalis unctio
Servit falsitati.

6. Si vis regno, rex, regnare,
Spreto lucro te lucrare,
Pretio plus pretiare
Temet Christi pretium,
Qui dat suis praemium
Summum salutare.

Collect. ms. Veronense saec. 14. Cod. Oxonien. Canon. miscell. 95. —
Abschrift von Rev. H. M. Bannister.

324. De Iniustitia.

1. Vaeh vobis, hypocritae,
filii maeroris,
Qualis quisque lateat,
iam apparet foris,
Qui lux esse debuit
vitae melioris,
Per exemplum factus est
laqueus tortoris.

5. Vaeh, qui pro muneribus
mutas statum mentis,
Super causas positus
universae gentis,
Cum ad dona curritur
manibus extentis,
Causa quidem premitur
rei vel agentis.

2. Vaeh, qui super cathedram
Moysi sedetis,
Lex a vobis legitur,
quam non confitetis,
Eius in ecclesia
speciem tenetis,
Cuius procul dubio
vitam non habetis.

6. Vaeh, qui pro sceleribus
impium non feris
Et cum pereuntibus
per consensum peris,
Cum offensam principum
tangere vereris,
Turpis lucri gratiam
pro mercede quaeris.

3. Vaeh, qui mundum iudicas
sub humano die,
Sub te pugna graviter
David et Goliae,
Post vitae periculum,
post labores viae
Nosti dare miseris
litteras Uriae.

7. Vaeh, qui male spoliis
Graecum et Latinum,
Ut in auro studeas
coronare viuum,
Non sic Christus habuit
Pondus netasium
Panem cum discipulis
mittens in catinum.

4. Vaeh, qui bonis hominum
faves et personis
Et ad voces pauperum
aurem non adponis,
Hic eclipsim patitur
lumen rationis,
Ubi causa geritur
precibus et donis.

8. Veniamus igitur
ad agones Christi,
Qui pro nobis voluit
ab tribunal sisti,
Quodsi bene novimus
opus Antichristi,
Non ad Christum pertinent
seductores isti.

9. Christus semel obtulit
hostiam pro mundo
Et, qui cedrus fuerat,
factus est arundo,
Sub Herode passus est
mundus ab immundo,
Ut suos educeret
lacu de profundo.
10. Christus morti datus est
ex patris decreto,
Eius Ionas meminit
positus in ceto;
Christus fellis poculum
bibens cum aceto
Dixit: Consummatam est
ordine completo.
11. Christus mori voluit
nova ratione,
Praeda factus eripit
praedam a praedone,
Sub Pilato mutus est
potens in sermone
Et qui salomonior
erat Salomone.
12. Christus pro Bersabee
caelos inclinavit,
Quam de patris solio
solam adamavit,
Liber inter mortuos
mortem non expavit,
Propter quod et Dominus
illum exaltavit.
13. Christus patientiae
praebuit doctrinam,
Nostrae carnis induit
vestem cilicinam,
Hoc illis in tempore
factus in ruinam,
Qui tenere renuunt
eius disciplinam.
14. Christus inter scandala
melius profecit,
Peccatori similis
peccatum non fecit,
Cum humanam corporis
speciem obiecit,
Non in fortitudine
fortem interfecit.
15. Christus dedit animam
mundi pro salute
Et pro mundo moritur
mundus absolute,
Sed iam pro vocalibus
accesserunt mutae,
Omnes quidem novimus
intus et in cute.
16. Ecce, dicet aliquis,
factus in ruina,
Qui relictis propriis
tractus peregrina,
Iam cortinas arguunt
saxa cilicina,
Voce dignioribus
detrahit sentina.
17. Super greges igitur
vigilent pastores
Et paulatim transeant
ad honestos mores,
Ut honestis moribus
congruant honores
Nec maiorum meritis
pereant minores.
18. Petrus petram convenit
versibus et metro,
Ut per metrum Petrus sit
generosus Petro,
Sicut quondam Moyses
acquievit Iethro,
Si quid instum petimus,
non refellas retro.

19. Fraus est in notariis,
sed non fraus immota,
Hac in parte curiae
fides est remota,
Carta carens pretio
non carebit nota,
Sed scriptum reperies
apicem pro iota.

Collect. ms. Veronense? saec. 14. Cod. Oxonien. Canon. Miscell. 95. —
Abschrift von Rev. H. M. Bannister.

325. In Curiam Romanam.

- | | |
|--|--|
| <p>1. Tuum, Sion, exilium
Mirantur sol et sidera,
Ob cuius exterminium
Roma ruit adultera,
Huius obumbrat vitium
Legis ruentis litera,
Producitur in medium,
Cedat et Babel altera,
Regnante Romae vitio
Regnat omnis abusio.</p> | <p>3. Vicem suam ius alterat,
Ordo naturae vertitur,
Mater suos eviscerat
Natos, quibus abutitur,
Aequum scelus exsuperat,
Fas in nefas convertitur,
Nummus per orbem imperat,
Qui pauper est, despicitur.
Regnante Romae vitio
Regnat omnis abusio.</p> |
| <p>2. Petrus iacet in vinculis,
Vetus iacet clementia,
Exaltatur in singulis
Simon et avaritia,
Neronizat in oculis
Suae prolis ecclesia,
Et, qui lux est in populis,
Recessit a iustitia.
Regnante Romae vitio
Regnat omnis abusio.</p> | <p>4. Albinus servat ianuam,
Rufinus causas recipit,
Qui pupillum et viduam
Nihil ferentes despicit;
Uterque manum vacuam
Minando procul abicit
Dicens: nil dantes eruam,
Sic adulando decipit.
Regnante Romae vitio
Regnat omnis abusio.</p> |
5. Praebenti patet aditus
Eique fit petitio,
Nil dantibus introitus
Refutatur pro vitio;
In Romanis interitus
Crescit atque perditio,
Nam Roma rodens funditus
Non servit vili pretio.
Regnante Romae vitio
Regnat omnis abusio.

Collect. ms. S. Iacobi Leodien. saec. 13. Cod. Darmstadien. 2777. —
Nach dem Rundreime zu schliessen, vielleicht auch Cantio.

326. Incipit planctus ecclesiae secundum statum modernorum filiorum
et non praeignorum a quodam sacerdote editus.

I.

- | | |
|---|--|
| 1. Rogo corde pertractari
Hoc breve compendium,
Quale mihi comitetur
Maxime dispendium. | 4. Sic sum modo denigrata
Istis in squaloribus,
Quae quondam eram subornata
Aureis coloribus. |
| 2. Qui solebant gregem meum
Olim digne regere,
Modo non verentur Deum,
Nituntur me detegere, | 5. Olim qui me defendebant *
Et morti se tradiderant,
Qui nec sua tunc quaerebant,
Sed propria perdiderant, |
| 3. Denudare, spoliare
Pannis istis vilibus,
Quae solebam quondam stare
Induta subtilibus. | 6. Nunc, quae sua sunt, quaerentes,
Non quae Iesu Christi,
Sic ad ima descendentes
Omnes hi et isti. |

II.

- | | |
|---|---|
| 1. Praesul cum canonicis
Sed et clerus totus,
Praelatus cum monachis
Super me est motus. | 4. Imperator, duces, reges
Viam Dei respuunt,
Quondam qui solebant leges
Condere, nunc respuunt. |
| 2. Abatissa non deest
Cum suis velatis,
Multitudo superest
Sexus et aetatis, | 5. Miles, civis et mercator,
Omnes per ambaginem,
Vini cultor et arator,
Ruunt in voraginem |
| 3. Quorum actus omnium
Non possum notare,
His videtur somnium,
Non volunt curare. | 6. Omnes cum fallaciis
Et supplantatione,
Litibus, mendaciis
Et detractatione. |
7. Quilibet subtiliter
Suum lucrum quaerit,
Nequiter, hostiliter,
Sic totus mundus perit.

III.

- | | |
|--|--|
| 1. Haec a vobis clericis,
Qui estis Dei templum,
Fit ruina laicis
Vestrum per exemplum. | 2. Vos legem offenditis
Et evangelistas,
Sanctos vos ostenditis,
Sic impletis cistas. |
|--|--|

3. Monachorum quilibet
Non quaerit nisi suum,
Serit, regnat nubiliter
Meum atque tuum;

4. Duo haec pronomina
Scindunt unitatem.
Per tria tua nomina
Tolle vanitatem

5. Hanc, Deus piissime,
Per tuam maiestatem
Parce, clementissime,
Et redde caritatem.

6. Nam status claustralium
Nimium declinat,
Tuorum animalium
Nemo gregem minat.

7. Currunt nunc in bivis
Ut oves errantes,
Devis et trivis,
Neminem curantes.

8. Terrae villas visitant
Nec non civitates,
Parum Deo militant
Propter vanitates,

9. Mores saecularium,
Quibus implicantur,
Rerum temporalium.
Quas illi imitantur.

10. Quem credebam monachum,
Deum ventrem habet
Et plus curat stomachum
Quam spiritum, quo tabet.

IV.

1. O si cum licentia
Possem enarrare,
Salva reverentia
Vellem revelare.

2. Quaedam currunt feminae,
Personae claustrales,
Venosae semine
Seminant se tales.

3. Quondam erant sponsae Christi,
Nunc daemonis uxores,
In abditis deberent sisti,
Sed vanos gerunt mores.

4. Revelata facie
Vela deponentes,
In turbarum acie
Ementes et vendentes,

5. Serpunt veneficio
Habitum mutant
Et saepe suo vitio
Frena sunt laxantes.

6. Non sunt istae monachae
Neque moniales,
Sed nec sunt canonicae,
Sed sunt caninae.

7. Virgines yconicae
Sic dicuntur tales,
Sed sunt daemoniacae
Vel daemoniales.

8. Comprimunt pectuscula
.
.
.
.
.
.
Lascivis et tenellis,

9. Quos trahunt subtiliter
Suum in amorem,
Quibus captis nequiter
Infligunt dolorem.

10. Suis amatoribus
Venenum dant pro melle,
Rhetoricis coloribus
Acetum dant cum felle.

11. Discurrunt prae foribus,
Sic implent suum velle,
Falsis cum odoribus
Teguntur agni pelle.

12. Hae student Ovidium,
Plane platearum
Felle stilicidium
Et faex feminarum.

13. Parant homicidium
Multarum animarum,
Utinam dimidium
Reservarent harum.

V.

- | | |
|---|---|
| 1. Omnis iam religio
Iacet in eclipsi,
A cuius vestigio
Non recedunt ipsi. | 10. Quondam erat gravitas
Et honestas morum,
Vanitatum vanitas
Modo tenet horum. |
| 2. Qui per saecularia
Summis cedunt bonis,
Calcant spiritalia
Pro caducis donis. | 11. Consuetudo flebilis
His in detrimentum,
Quae nimis est fallibilis
Et ducet in tormentum. |
| 3. Quae sit differentia
Militis et cleri,
Dei sapientia
Potest intueri. | 12. Pro corona gloriae
Nunc nutritur coma,
O flebilis memoriae,
Cur pateris haec, Roma? |
| 4. Multi modo laici
Honestos gerunt mores,
Sic e converso clerici
Fiunt deteriores. | 13. Pompam huius saeculi
Student ampliare,
Nec timent periculi
Poenam evitare. |
| 5. Nunc utuntur cingulis,
Gladiolis et peris,
Puto, quod in singulis
Non sit multum aeris. | 14. Non pugnant cum militibus
Rem publicam tenendo,
Sed manent cum divitibus
Thesaurum componendo. |
| 6. Ubi est religio,
Ubi est tonsura?
Manet in fastidio
Animarum cura. | 15. Ebriosis litibus
Immergunt se bibendo
Nec cum sacerdotibus
Precantur in psallendo. |
| 7. Quis potest has eripere
A morsibus luporum,
Iam incipit desipere
Sollertia pastorum. | 16. Asser, tesser, alea
Praesentantur ibi,
O Iesu Christe, qualia
Vota reddunt tibi! |
| 8. Nam student has decipere
Quilibet raptorum,
Serpentes sunt et viperae
Desidia rectorum. | 17. Raro brevarius
Illic adportatur,
Sed timeo, quod rarius
Boni quid agatur. |
| 9. Plus a mercenariis
Laeduntur quam a lupis
Et falsis vicariis,
Si audire cupis. | 18. Ubi vinum carius
Sit, interrogatur,
Ibi tabernarius
Quam Christus plus lucratur. |

- | | |
|--|---|
| <p>19. Adest cellerarius,
Et vinum ministratur,
Locus et notarius
Quivis sollicitatur.</p> <p>20. Nunc venit camerarius,
Et mensa praeparatur,
Post adest stabularius
Et equus exornatur.</p> <p>21. Aperit portarius,
Ad campum equitatur;
Cursitat avarius,
Ut aer capiat.</p> | <p>22. Mos iste necessarius,
Sic tempus brevitur,
Occurrit pauper varius,
Sed illi nihil datur.</p> <p>23. Vigilant in lusibus
Ad horam matutinam,
Pro divinis usibus
Ordinant coquinam.</p> <p>24. Verba volant Veneris,
Pudoris inimica,
Huius mundi sceleris
Nimis impudica.</p> |
|--|---|
25. Vivunt in deliciis
Et sequuntur castra
In mundi divitiis,
Nec itur sic ad astra.

VI.

- | | |
|---|--|
| <p>1. Schisma, sacrilegium
Modo venerantur,
Quorum privilegium
Multi imitantur.</p> <p>2. Simonis officium
Multi prosequuntur,
Cuius maleficium
Amplecti nituntur.</p> <p>3. Quod quondam erat dedecus,
Nunc honor reputatur,
Iustitiae famelicus
A multis detestatur.</p> <p>4. Nefas nunc qui prohibet,
Ab omnibus oditur,
Sed qui se vanum exhibet,
Libentius auditur.</p> <p>5. Omnis iam devotio
Dormit, tepet, nutat,
Sed veri subtractio
Viam Dei mutat</p> <p>6. In concupiscentiam
Et in vanos mores;
Non curant continentiam,
Sed gulam et honores.</p> | <p>7. Quaeritur nunc otium
Omnium bonorum,
Lucrum et negotium
Mundanorum horum.</p> <p>8. Quaeritur nunc corporis
Amor, honor, favor
Huius nostri temporis,
Regnat livor, pavor.</p> <p>9. Crevit turba Simonis,
Proficiunt Giezitae,
Voce clamant daemonis:
Ite et venite.</p> <p>10. Aurum si ostenditur,
Metalla, numisma,
Donum Dei venditur,
Nec timetur chrisma.</p> <p>11. Legem, evangelium
Multi perverterunt,
Numismatum auxilium
Pro divino quaerunt.</p> <p>12. Crescunt temporalia,
Spiritus decrescit,
Ad haec et ad aequalia
Quivis inardescit.</p> |
|---|--|

- | | |
|---|---|
| <p>13. O pastores animarum,
Ovículas defendite,
Auscultate ergo parum
Et verbum attendite.</p> <p>14. Quorum curam recepistis,
Honorem cum onere,
Pro quibus certe debuistis
Vitam vestram ponere,</p> <p>15. Ut a lupis eruantur
Et pseudoprophetis,
Per quos multum infestantur,
Et tantum siletis.</p> | <p>16. Vos reddetis rationem
In die iudicii,
Recepturi talionem
Regni vel supplicii.</p> <p>17. O quot lupi nunc a grege
Vorant lac et lanam,
Et qui vivunt sine lege,
Sectantes viam vanam.</p> <p>18. Equitantes, cursitantes
Per omnes mundi plagas,
Vanitatem imitantes,
Linquentes oves vagas.</p> |
|---|---|
19. Quarum Deus curam gerat
Et protegat illas,
Cum salute sua ferat
Ad sedes tranquillas.

VII.

- | | |
|--|--|
| <p>1. Vae vobis, hypocritae,
Sic dicetur clero,
Rationem reddite
Coram Deo vero.</p> <p>2. Qui peccata hominum
Iugiter sumpsistis,
Pro quibus caelo Dominum
Orare debuistis.</p> <p>3. Pro vestris sceleribus
Non paenituistis,
Sed nova veteribus
Semper addidistis.</p> <p>4. Tumet, iubet et inflatur
Doctor decretorum,
Scriba legis exaltatur
Librorum sacrorum.</p> <p>5. Si sic Deus honoratur,
Turba felix horum,
Sed, heu, plus dehonestatur
Perversorum morum.</p> | <p>6. Pauper hic despicitur
Nummo cum albino,
Sed dives respicitur,
Praefertur cum rufino.</p> <p>7. Non ingreditur ad eos
Causa vidualis,
Sine nummo facit reos
Quorundam decretalis.</p> <p>8. Pro tam vili pretio
Iura vendunt tales,
Aequalis discretio,
Quantum habes, vales.</p> <p>9. Post hos assunt advocati,
Et tabelliones,
Qui cum multis sunt vocati,
Reddunt rationes.</p> <p>10. Si cum paucis sint electi,
Quam felices illi,
Ubi multi et perfecti,
Semper sunt tranquilli.</p> |
|--|--|
11. Inter istos sunt devoti
Viri non errantes,
Summo Deo bene noti
Iustitiam sectantes.

VIII.

1. Prosequor compendiose
Voce lacrimosa,
Conquerendo dolorose
Tota ruinosa.
2. Sal terrae dicimini,
Subditi praelati,
Lux mundi scribimini,
Omnes literati.
3. Si sal infatuabitur,
In quo salietur?
Reprobum probabitur,
Ut pedibus calcetur.
4. Nova semper cuditis,
Vetera mutatis,
Pauperes retunditis,
Falsa fabricatis.
5. In vobis et in subditis
Graviter peccatis,
Latetis in abditis,
Minime latratis.
6. Deo quod absconditis,
Quod carum boni datis,
Gratis nihil facitis,
Hoc est mirandum satis.
7. Qui favorem venditis
In his terrae pratis,
Mortem non attenditis;
Vae vobis praelatis!
8. Cervicem extenditis,
Frena relaxatis,
Iustos vilipenditis,
Iniustos exaltatis.
9. Multos reprehenditis,
Vos semper excusatis,
Errores defenditis,
Sic barathrum intratis.
10. Quondam me persequabantur
Iudaei et pagani,
Quorum actus imitantur
Falsi christiani.
11. Meis quoque uberibus
Dulci lacte pavi,
Affligunt me sceleribus,
Pro quibus preces stravi
12. Sponso meo iugiter,
Qui fuderat cruorem
Pro eis mirabiliter
Victus per amorem,
13. Sacratis vulneribus
A morte quos exemit,
Ditissimis muneribus
Ab inferis redemit.
14. O caecorum caeci duces,
Qui vos excusabunt,
Cum accusatores truces
Constanter accusabunt?
15. Vos estis peremptorie
Breviter citandi,
Quid erit tunc memoriae
Negatis mora fandi.
16. Ninivitae, Sodomitae
Levius habebunt,
Cum vobis dicetur *Ite*,
Tunc corda pavebunt.
17. Stabitis attoniti
Sine ratione,
Prius tamen moniti
Cum dilatione.
18. Nil datur ianuario
Vel prolocutori,
Nil protonotario
Nec defensori,
19. Neque cellerario
Nec adulatori,
Neque camerario
Nec procuratori.
20. Sedebit pro tribunali
Leo de tribu Iuda,
Cuncta boni sive mali
Tunc patebunt nuda.

- | | |
|--|---|
| <p>21. Omnia in veritate
Iuste iudicabit,
Iustis vitam indilate,
Iniustis mortem dabit.</p> <p>22. Quondam eram paupercula
Ex corde patris nata,
Simplex muliercula,
Humilis et grata.</p> <p>23. Nunc sum in regalibus
Nimis exaltata
Et in tribunalibus
Gloria ornata.</p> <p>24. Castris et palatiis,
Pulchris ornamentis,
Pluribus solaciis,
Stipor fulcimentis.</p> <p>25. In gazophylaciis,
Auri blandimentis,
Sophisticis fallaciis
Et in argumentis,</p> | <p>26. Variis coloribus
Pulchris et ornatis,
Ornor a victoribus
Plus quam a praelatis.</p> <p>27. Ducor nunc in curribus
Elati et falcatis
Et in altis turribus,
Muratis et quadratis.</p> <p>28. Specioso conqueror
Summi regis nato,
Quod sic modo desolor
In hoc terrae prato.</p> <p>29. Quondam enim habui
Amatores plures,
Omnes tabent, tabui
Quia, quasi fures.</p> <p>30. Carnis quaerunt gloriam
Vanam et honores,
Sic aurum fit in scoriam,
Et pervertuntur mores.</p> |
|--|---|

IX.

- | | |
|---|--|
| <p>1. Viri venerabiles,
Sacerdotes Dei,
In fide sitis stabiles
Et serviatis ei.</p> <p>2. Vos, qui eius filium,
Manibus tractatis,
Angeli consilium
Cum hoc habeatis.</p> <p>3. Consecratis, ministratis
Christi sacramentum,
Manducatis, adprobatis
Novum testamentum.</p> <p>4. Caritatem, fidem, spem
Invicem sectantes,
Caelestem in Ierusalem
Intrabitis laetantes,</p> <p>5. Si tamen spreveritis
Mundi vanitatem
Et sobrie vixeritis
Amantes castitatem.</p> | <p>6. Non frangant vos contraria,
Si mala sustinetis,
Nam per haec angaria
Vitam invenietis.</p> <p>7. Servus Christi in timore
Debet semper vigilare,
In labore et fervore
Temptamentis repugnare.</p> <p>8. Contra diabolicas
Artes resistendo,
Tandem apostolicas
Virtutes obtinendo.</p> <p>9. Finito certamine
Erimus uniti,
Finali in examine
Optime muniti.</p> <p>10. Tunc pro nobis Dominus
Christus, sponsus meus,
Stabit nihilominus
Verus Homo-Deus.</p> |
|---|--|

- | | |
|--|---|
| <p>11. Nos amplectens dulciter
Ardenti caritate,
O quam mirabiliter
Cum summa largitate!</p> <p>12. Ducet nos intrinsecus
Mirae snavitatis,
Quondam qui forinsecus,
Eramns, cum beatis.</p> <p>13. Nobiscum aeternaliter
Gaudebunt sine fine
Sic toti totaliter
Gloriae divinae.</p> | <p>14. Illi unanimiter
Erimus haerentes,
Sed et aequanimiter
Semper congaudentes.</p> <p>15. Nunc oremus Dominum,
Qui nobis est fidelis,
Qui pro salute hominm
Ad nos misit de caelis</p> <p>16. Dilectum suum filium
Pro nobis exsulare,
Ut nobis det auxilium,
Pugnando triumphare,</p> <p>17. Ut post hoc exsilium
Mereamur conregnare,
Iniquum ne consilium
Nos possit arrestare.</p> |
|--|---|

Collect. ms. S. Albani Treviren. saec. 15. [et 16.]. Cod. Treviren. 228. — III. 5, 3 piissime. — 8, 1 Fere villas. — IV. 1, 2 narrare. — 2, 1 Quidam. 5, 4 sunt fehlt. — VI. 15, 3 Per quod. — VII. 8, 4 habes, tantum vales. — VIII. 11, 1 verberibus. — 20, 3 Cuncta bona sive mala. — 26, 3 Lies: a rhethoribus? — 28, 1 Sponso specioso. — IX. 10, 1 Dominus fehlt.

327. De Peccato Adami.

- | | |
|---|---|
| <p>1. Adam, Adam, primus homo,
Cur damnatus es pro pomo,
Quod sumpsisti contra Deum?
Hoc te fecit esse reum.</p> <p>3. Serpens nequam me decepit,
Menn genus sic reiecit;
Miserere mei, Deus,
Ad te clamat Adam reus.</p> | <p>2. Adam, Adam, quid fecisti,
Quare stolam amisisti,
Qua indutus immortalis,
Angelis eras aequalis?</p> |
|---|---|

Collect. ms. Benedictoburan. saec. 12/13. Clm. Monacen. 4612. add. saec. 13.

328. Conflictus Iustitiae et Misericordiae.

- | | |
|---|--|
| <p>1. Post peccatum hominis
iam facta ruina,
Dum vitam deceperat
mors adulterina,
Peccati cotidie
crescente sentina,
Audita est clementia
sic loqui divina:</p> | <p>2. O creator optime,
bonitas nativa,
Boni naturaliter
virtus effectiva,
Homo tibi similis
et imago diva
Iam prostratus pariter
fraude temptativa.</p> |
|---|--|

3. Vera veri bonitas,
sine quo nil bonum,
A quo {manat unice
omnis} vitae donum,
Paradisi feceras
hominem colonum,
Nunc tuum in tenebris
plasma iacet pronum.

4. Tu illi construxeras
ornamentum poli,
Quid mirum, quod adeo
valuere doli;
Serpens atque femina
nocuere soli,
Non intres iudicium,
condemnare noli.

5. Respondens iustitia
dixit pietati:
Nescis reverentiam
ferre maiestati,
Retractas iudicium
hominis damnati,
Fixum est chirographum
iuris consummati.

6. De throno iudicia
prodeunt immota,
Omnis mutabilitas
prodit hinc remota,
Veri iuris ratio
non est tibi nota,
Quid retractas iurgia,
quae probavit rota?

7. Nec respondit pietas
nec vult disputare,
Sed profusis lacrimis
non cessat orare,
Deo carmen intimat,
sibi rogat dare,
Quod rogandum praevenit
et facit rogare.

8. Index, inquit, optime,
ne reus damnetur,
Nec eius infirmitas
culpa deputetur,
Serpentis astutia,
si bene notetur,
Peccantis simplicitas
veniam meretur.

9. Super eum viscera
mea sunt commota,
Hominis infirmitas
tibi bene nota,
Et quia post culpam mens
est tibi devota,
Causa rei simplicis
non est rea tota.

10. Tu, qui cuncta diligis
affectu paterno,
Hoc non ordinaveras,
pater, ab aeterno,
Homo quod de patria
et regno superno
Esset periturus sic
peccato veterno.

11. Ecce, malum hominis
sic iacet inflictum,
Ut nolenti misero
subrepat delictum,
Peccatum cum homine
sic habet conflictum,
Quod infirmum vulnerat
et non sentit ictum.

12. Peccatores miseros
sic nectit catena,
Ut peccati causa sit
et peccati poena,
Ex usuris criminum
succrescit catena,
Et, cum ex origine
sit corrupta vena,

13. Peccatum inhabitat
putre carnis folle,
Quod in vase nascitur
mors istius ollae,
Caro cogit hominem
illud velle, nolle;
Ergo parce gladio
et vindictam tolle.

14. Ecce, sub tot hostibus
et sub tot ruinis,
Quem creasti, Domine,
tuus iacet cinis,
Tuum plasma, Domine,
cur perire sinis?
Nunc festina, tempus est,
et memento finis.

15. Vix bene finiverat
pietas sermonem,
Et secretam consulens
Deus rationem,
Ut captivum liberet
et vincat praedonem,
Hanc profudit gratiae
fons orationem:

16. Pie mones, filia,
ceteris plus grata,
Quod te movet hominis
forma deformata,
Sed sola iustitia
tenet immutata
Mala, quae per hominis
culpam sunt librata.

17. Restat ut consilium
pandatur secretum,
Et suum iustitia
temperet decretum,
Et, cum profundissime
fuerit impletum,
Hominis redemptio
finem ferat laetum.

18. Serpens conculcabitur
iusta talione,
Ut sit meus unicus
victor in agone,
Et pax et iustitia
praedato praedone
Osculo se copulant
pia iunctione.

19. De serpente capia
prudenter tropaeum,
Placet, quod humilitas
carne tegat Deum,
Ut temptator hominum
invadendo meum
Innocenter opprimeas,
iure perdat eum.

20. Fiant ergo nuptiae
nato Deo Dei,
Ut destructa penitus
parte Iebusaei
Vetus mortis spoliū
restauretur ei,
Dividantur spolia
domus speciei.

21. His assistant nuptiis
caeli hierarchiae,
Sonent hymni, cantica,
sonent symphoniae,
Verbum patris unicum,
eiusdem usiae,
Ut in vellus pluvia,
sic descendat pie.

22. In Aegypto virginem
despondi servire,
Quam antiquus Pharao
vetabat exire,
Sub luto, sub latere
cogit oboedire,
Ut tandem ad patriam
vix speret redire.

23. Inter colli vincula
 suspirat in malis,
 Maior formae decor est
 quam squalor poenalis,
 Fuscā sol exusserat,
 sed vultus regalis,
 Inter Sion filias
 nulla fuit talis.

24. Igitur rex nobilis
 et veri decoris
 Sponsam quaerit nobilem,
 tantis dignam thoris,
 Et quae tanti gaudii
 digna sit, honoris
 Ut intret palatium,
 divini amoris.

25. Ille patris unicus
 in hanc aestuabat,
 Paranympum virgini
 statimque legabat,
 Patris formam virgini
 plurimum laudabat,
 Quis, qualis et unde sit,
 quid velit, mandabat.

26. David cum psalterio
 sponsam salutavit
 Et epithalamicum
 carmen exsultavit,
 Isaias gloriam
 sponsi proclamavit,
 Prophetarum quilibet
 idem nuntiavit.

27. Virgo decus audiens
 regis et decorem,
 Regnum et divitias,
 thesauri nitorem,
 Ut Aegypti exeat
 squalidum foetorem,
 Servus regis sequitur
 promittens amorem.

28. Procedant de thalamis
 chori puellarum,
 Laeta replent spatia
 coetus reginarum,
 Fides, spes, humilitas
 et mater earum
 Ordinavit caritas
 cibos nuptiarum.

39. Stant adolescentulae
 vultu decoratae,
 Astant regum filiae
 sponsae praeparatae,
 Indumentis variis
 decenter ornatae,
 Ut regina splendeat
 in varietate.

30. Sponsa petit osculum
 copulatum more,
 Sponsus sponsae virginis
 gaudet in amore,
 Zelat regis purpuram
 et novo splendore
 Sumit vestem de Bosra
 tinctam in rubore.

31. Supernorum acies
 et chori psallentum
 Quaerunt, unde rubeat
 regis indumentum;
 Latet hic mysterium
 et hoc tegumentum,
 Quia sumptum ex Edom
 fuit et inventum.

32. Inde sponsi thalamo
 praeparatur lectus,
 In quo sibi copulat
 dilectam dilectus,
 Et ut sponsus pectori
 sponsae inngat pectus,
 Sic in sponsam defluit
 caelestis affectus.

33. Lectus ille floridus
ex lignis olivarum
Cetimque mox sternitur
et lignis palmarum,
Paradisi species
mitis resinarum,
De quibus conditum est
opus illud clarum.

34. Cherubim et Seraphim
assistunt cum thronis
Et epithalamicum
suis cantant donis,
Stant viginti quattuor
senes cum coronis,
Et servant fortissimi
lectum Salomonis.

35. Advocantur virgines
et circumdant thorum,
Ut cantent suavissime
carmen angelorum,
Inter quas et decima
fuit, haeticorum
Falsis scriptis intonat,
vult turbare chorum.

Arrianus.

36. Quas laudatis nuptias,
quaenam sunt et quare?
Contra naturalia
vultis delirare,
Praesumentes virginis
partum praedicare
Vel in tribus unicum
Deum adorare.

Nestor.

37. Protopanton, thogaton,
summus illocalis
Semper fuit et erit,
semper est aequalis,
A se nunquam discrepans,
nunquam inaequalis;
Fecit hoc anomalum,
ut esset mortalis?

Plato.

38. Ista non est logica
nec theologia,
Sed adultis mentibus
quaedam phantasia,
Cum super tot spatia
fert allegoria,
Non est ista veritas,
sed falsigraphia.

Sabellius.

39. Nunquam talis potuit
fieri descensus,
Quod mortalis fieret
creator immensus,
Intellectus deficit
et delirat sensus,
Ut mortem susciperet
in cruce suspensus.

Nicolaus.

40. Ista monstro similis
videtur doctrina,
De gigantum fabula,
non de re divina,
Quod res trina una sit
et res una trina,
Fingunt hoc haeretici
vel, qui potant vina.

Manichaeus.

41. Qui creare potuit
cuncta nec creari,
Suo, quo vult, ordine
iubet ordinari,
A naturae tramite
nil prorsus maechari,
Numquid ipse potuit
homo transformari?

42. Sic opponens ratio
magis insistebat,
Ad diversas haereses
species movebat,
Nestoris et Arrii
partes inducebat,
Sed fides haec dogmata
ultra non ferebat.

43. Fides ergo retulit
 paulisper commota:
Dogmata, quae praedicas,
 non sunt tibi nota;
Procul a sacrario
 nostro sis remota,
Non nosti caelestia,
 non rotam in rota.
44. Singularis trinitas
 totum unum esse,
Pater et paraclitus,
 flos de virga Iesse,
Per trinas hypostases
 creduntur expresse,
Ut sit una deitas
 et totum unum esse.
45. Isdem tribus esse est
 consubstantiale,
Nihil ibi dispar est,
 nihil inaequale,
Sicut una deitas,
 sic unum aequale,
Tres sunt, sed tribus abest
 omne numerale.
46. Deo Dei filius
 nescius abesse,
Sic assumit hominem,
 quod non mutat esse,
Nostrum voluntarie
 Suscepit necesse,
Sponte carnis legibus
 dignatur subesse.
47. Et dum fit assumptio
 carnis unione,
Non mutat substantiam,
 habitum personae,
Nulla fit transumptio
 de coniunctione;
Cessent nunc arguere
 de hac assumptione.
48. Hoc non potest ratio
 disputando scire,
Nec intrare poteris,
 cum velis exire,
Si desistes quaerere,
 potes invenire
Et cognosces optime,
 si velis nescire.
49. Fides haec catholica,
 per hanc salvus eris,
Via non est alia,
 qua iustificeris,
Firmiter, fideliter
 credere iuberis,
Et, si non credideris,
 in aeternum peris.
50. Veritas interea
 non vult argumenta,
Sed languenti Iericho
 praeparat unguenta,
Duos dat denarios,
 duo testamenta,
Vinum stabularius
 praeparat, fomenta.
51. Parte levat altera
 filium mendicum,
Omnes opes abstulit
 amor meretricum,
Stolam fert et annulum
 post opus iniquum,
Fratrem licet habeat
 aemulum antiquum.
52. Ad regales nuptias
 multi confluxerunt,
Reges Tharsis et insulae
 munera tulerunt,
Tyri et Aethiopes
 ibidem fuerunt,
Ex Aegypto pariter
 legati venerunt.

53. Tunc ponuntur fercula
mirando nitore,
Nardus, crocus, cassia
concertant odore,
Panis vitae ponitur
ferculo priore,
Sapit omnifaria
manna suo more.

54. Tunc caelestis curia
tota movet cantus,
Summique caelestium
chori cantant sanctus,
Cbernimb et Seraphim
cantant sanctus sanctus,
Omnes sancti clamitant:
sanctus, sanctus, sanctus.

55. Sine fine clamitant
milia centena,
Sine fine talis est
nuptialis cena,
Eius ad sollemnia
nos ducat de poena,
Cuius mensa gaudia
semper habet plena.

Collect. ms. Voraviense saec. 14. Cod. Voravien. 374 (306). — 4, 5 et femina. — 9, 4 est tibi bene. — 9, 5 per culpam. — 9, 8 est tibi rea tota. — 14, 2 tot fehlt. — 17, 8 feret. — 22, 8 sperat. — 23, 3 forma. — 28, 3 spatio. — 33, 2 et lignis. — 42, 3 diversos. — 45, 1 est fehlt. — 54, 3 que fehlt. — 54, 4 chorus.

329. De Divite et Lazaro.

- O tu, qui miseros spernis nec nutris egenos,
Cum legis haec, pensa pia Cbristi brachia tensa.
Maxima qui gratis recipis, cur parva negabis?
Marmora rite colis, non Cbristum, sat modo perdis.
5. Divitis, en, recale flagrantia, mente revolve,
Qui renuit Lazari mendici vel misereri.
Affluit hic dapibus, Larzarus ieunat egenus,
Hic epulis gaudet, nec micas obtinet ille.
Mors subit et propere vita privatur uterque,
10. Iure datur barathro locuples, pauper paradiso,
Extremo Lazari digiti petit inde liquari.
Divitis hinc epulae pensantur deliciaeque,
Atque fames inopis pensantur et ulcera tristic,
Uritur ille malis. congaudet iste beatis.
15. Haec, miser, haec cogita, subeas ne tartara, vita.
Da tua; quae tua sunt, post mortem nil tibi prosant.
Tunc bene servatur substantia, si tribuatur.
Quid tibi, si mundum totum complecteris istum,
Post hac perpetua crucient te saeva flagella?
20. Hunc imitare, rogo, qui se et sua donat egeno,
Sic poteris vere Christum sine fine tenere,
Non aliter, crede, poteris super astra sedere.

Collect. ms. incert. orig. saec. 15. Cod. Oxonien. Canon. Miscell. 523. — Abschrift von Rev. H. M. Bannister.

330. De Bello Sacro.

- | | |
|---|--|
| <p>1. Tolle sarcinulas,
 Qui crucem baiulas,
 Ad crucis proelium
 Pes currat fortium;
 Nunc sponsi filii
 Palmam martyrii
 Tollunt per gladium.</p> | <p>2. Transit pericula
 Petri navicula
 Nec tota mergitur,
 Sed ventis quatitur,
 Ut mundum deserat
 Et fructum referat,
 Quisquis compatitur.</p> |
|---|--|
3. Haecne consideras,
 Quisquis desideras
 Honorum onera,
 Lucra vel munera?
 Exi iam propere,
 Exuto vetere
 Prima fac opera.

Collect. ms. Veronense? saec. 14. Cod. Oxonien. Canon. Miscel. 95. —
 Abschrift von Rev. H. M. Bannister.

331. De Vino et Venere vitandis.

- | | |
|---|---|
| <p>1. Qui poetarum dogmata
 Vult sequi, spernat vitia,
 Discat honeste vivere,
 Nullum se prorsus laedere,
 Adiungat se maioribus,
 Subiectus sit virtutibus.</p> | <p>2. Sed Bachum qui cum Venere
 Vult indiscrete colere,
 Virtutum est apostata,
 Unde sonant proverbia,
 Quod vini sint commercia
 Honorum mors et femina.</p> |
|---|---|
3. Qui colit haec intrepide,
 Deum perdit praecipue,
 Parentes, sensus, dominos
 Mores, mentem et socios,
 Tempus

Collect. ms. S. Floriani saec. 13. et 14. Cod. Florian. XI 587. add.
 saec. 14. — 3, 5 fini sint.

332. Versus de accipitre et pavone.

- | | |
|--|---|
| <p>1. Avis haec magna
 Ad astra tendit
 Alta, sublimes
 Aspergens voces
 Agnum conlaudat,
 Auctorem cunctis.</p> | <p>2. Bonus plasmator
 Bene laudetur,
 Bona per orbem
 Bene formavit,
 Bona percomplens
 Benigne tegit.</p> |
|--|---|

3. *Contectis plumis
Concussit pennas,
Cauda coruscat
Colore fulgens,
Cantum emittit,
Cunctis praececellit.*
4. *Dilatat pavo
Dignis triumphis
Diversis modis
Duo in rotis
De parvis membris
Decior cunctis.*
5. *Extrema die
Extinctus sole,
Excelsa subens
Evadat mala,
Extendens plumis
Evolat summis.*
6. *Fortis acceptor,
Firmior pavo,
Ferozem sive
Fidus despexit,
Felix, invictus,
Firmus permansit.*
7. *Gloria ipsi
Gaudens vicisse,
Girans in circo,
Gestans in plumis,
Gavisus canit
Gloria pompis.*
8. *Huic volatu
Hangeli vultus
Honesto modo,
Hilari vultu,
Hoc est mirandus
Huius aspectu.*
9. *In tempus veri,
Ignis et floris
Iungunt pennata,
Invitant pascha,
Invicem sonant
Ipse et pavo.*
10. *Largum [hi] plaudent
Linguis vibrantes,
Liquescunt melle,
Longe sonantur,
Laudantque patrem,
Laeti canemus.*
11. *Mirum probatur
Mortua, carnis
Multum post tempus
Marcida linquens,
Malaeque muscae
Minime tangunt.*
12. *Nullusque tempus
Nunquam excedit,
Nullusque vermis
Nunquam voratur,
Nec ullus quidem
Non invenitur.*
13. *Ovum exitus,
Oblitus nidum,
Ornetur plumis
Oportet cauda,
Obvia cunctis
Offerens bella.*
14. *Pulchra est iuncta
Pavone pugna,
Pergunt simul[que]
Pedes vibrantes,
Plagis cruentis
Pectus attendunt.*
15. *Quam pulcher totus
Quasi platanus,
Qui hoc viatur
Quem quod gemmatus,
Quod videns pectus
Quasi zmaragdus.*
16. *Regali ritu
Rutulet pavo,
Recte cum digno
Rege locabo,
Regali . .
Reguli esto.*

17. Satisque pinguis,
Satiat nimis
Sapor vel gustus,
Satiat pectus,
Solusque bonus,
Similis nullus.

19. Unumque trinum,
Unus triumphis,
Uerus occisus,
Uerus aeternus,
Uolans ad caelum,
Uivens aeternus.

18. Trinitas summa,
Tibi sit gloria,
Tu factor bone,
Tu cunctis vita,
Tanta quae magna
Tegit sub astra.

20. Xristus est natus,
Xristus est passus,
Xristus in cruce,
Xristus se iussit,
Xristus (in) sepulcro,
Xristus (re)surrexit.

Collect. ms. Laudunense saec. 10. Cod. Bernen. 455. — 2, 6 Benigna. — 4, 6 Decior wohl so viel als Decentior. — 5, 3 Excelsas. — 5, 4 male. — 6, 1 acceptor für accipiter. — 7, 1 Gloriam. — 8, 1 Hic in. — 8, 2 vultu. — 9, 1 viri. — 9, 2 cum floris. — 10, 2 vibrantis. — 10, 3 Liquescet. — 11, 5 Malique. — 11, 6 tangit. — 13, 2 oblitum nidu. — 13, 3 Ornatur. — 15, 1 pulcher. — 15, 4 unverständlich. — 16, 6 esso. — 18, 1 sumat.

333. Dialogus Avari.

1. Quicunque vult salvus esse,
Ut condemnat est necesse
Crimen avaritiae,
Nulla gratis dat avarus,
Largitatis est ignarus,
Virtutis et gratiae.

4. Sperne factum huius modi,
Dixit Cato, rem custodi,
Dilige denarium;
Nam qui sua sic consumit,
Aliena quando sumit,
Vertitur in odium.

2. Responsio haec avari:
Nos oportet gloriari
In cruce nummi Domini,
Paupertas non habet leges,
Dum tu tantis rebus eges,
Quae sunt tibi laus homini.

5. Vilis opum est acervus,
Quas tu servas quasi servus;
Largitate fungere!
Ut mihi sit laus et honor,
Non meis me rebus conor
Quasi servus subdere.

3. Dona gratis, ut sis gratus,
Felix eris et beatus
Et te Deus diliget,
Nam hilarem donatorem,
Largientem more morem,
Deus sibi eliget.

6. O quam felix, quam amoena
Opulenta fit crumena
Et nummorum copia!
Ubi nummi, ibi census,
Ubi amor, ibi sensus,
Ibi pax et gloria.

- | | |
|--|---|
| <p>7. Cum sis plenns aeris tanti
Tibi prava abundanti
Quid prosunt divitiae?
Ego satur, tu ieinnus,
Fames una, dolor unus
Angit te cottidie.</p> <p>8. Opes donant quodvis donum,
Nummus solus summum bonum
Et perfecta caritas,
Nam quantitas quantitatum
Et potestas potestatum
Sola nummi quantitas.</p> <p>9. Quid in nummo nisi forma,
Per quem perit legis norma,
Sepelitur ratio?
Augmentum est falsitatis
Et sepulcrum veritatis,
Mentis est confusio.</p> | <p>10. Opes omne bonum docent,
Et quid mihi verba nocent,
Sit salva pecunia?
Non res meae moriuntur,
Stultitiam patinntur
Fecunda marsubia.</p> <p>11. Opes tuae te derident,
Quia dicunt, qui te vident,
Quod opes te capiunt;
Congregando te enervas,
Possidebunt res, quas servas,
Qui te mori cupiunt.</p> <p>12. Ergo vere, cum mundana
Tam lubrica sint et vana
Sine boni pondere,
Amnis more si defluant,
Divitiae si affluant,
Nolite cor apponere.</p> |
|--|---|

Collect. ms. Henrici Schedel Nurenbergen. saec. 15. Clm. Monacen. 416. —
3, 6 eligit. — 4, 2 Dixit cather. — 5, 5 me fehlt.

334. De Hospitalitate.

- | | |
|---|--|
| <p>1. Cum Deus in principio
Cnncta creaverat,
De caeli tandem solio
Verbum et miserat
Naturae praeiudicium
Fit natns de virgine
nascendo.</p> <p>De causis saluberrimis
Deus incarnatur,
Omissis sed plurimis
Sola nunc dicatur,
Ut expiaret vitium
Factus est virtutes
docendo.</p> <p>Quas sua sapientia
Singulariter
Factis decoravit,
Sed unam per insignia,
Dum Thetidem in Lyaeum
Nuptiis commutavit,</p> | <p>Et quando quinque milia
Monte praedicando
Cibavit quinque panibus
Plenam his copiam
ministrando.</p> <p>2. Haec virtus hospitalitas
Dici promeretur,
Nil valet, si non caritas
Illi maritetur,
Ne fiat cum tristitia,
Ipsam vultus hilaritas
decoret.</p> <p>Creator enim hilarem
Amat largitorem,
Servemus morem comparem
Hunc sequendo doctorem,
Donantes cum laetitia
Nec fraus vel subsannatio
laboret.</p> |
|---|--|

Hospitem decet hospites
Curialibus
Verbis pertractare,
Quolibet actu permites
Eosdem familiam
Condecet honorare ;

Nam probi augent famuli
Decus hospitii,
Sed servi nequam denigrant,
Pleni sint iugiter hi
supplicii.

3. Nonnulli sunt in propriis
Per te manducantes,
Extraneis hospitiiis
Laute convivantes,
Illorum hospes fieri
Non delectatur *Henricus*
Moralis.

Talium vita sepulcrum
Iuste iudicetur,
Quod foris est nimis pulchrum,
Sed intus videtur
Vermibus variis repleti,
Foetore multimodis-
que malis.

Sophistice forinsecus
Pavonina sunt
Cauda decorati,
Atque domus intrinsecus
Ardealibus anis
Sopitur depravati,

Quorum crebro familia
Nolens ieiunaret,
Si clavis eos saepius
Seris adulterina
non cibaret.

4. Medii Christus loculum
Semper diligebat,
Per illud nos signaculum
Omnes instruebat,
Virtutum vectus circulis
In medio quod staret
vitiorum.

Hospes, in te discretio
Decet motitari,
Ne dicta virtus vitio
[Possit] depravari,
Servetur dandi modulus !
Eligendo medium
extremorum.

Largitorum tene stateram,
Prodigalitas
A te propulsetur,
Avari nec ama peram,
Qui nunquam ut hydropicus
Vel barathrum repletur.
Sic nostras res hospitibus
Rite largiamur,
Post mortem nos caelestibus
Ut epulis cum Christo
perfruamur.

Collect. ms. Stiriacense saec. 15. Cod. Stiriacen. L 26 [s. n.]. — 1, 24 Plena. — 2, 18 permitti. — 3, 16 sq. cauda sunt. — 4, 24 Ut fehlt. — Inhaltlich Lehrgedicht, der Form nach den Cantiones und den deutschen Meistersängen verwandt. Den Verfasser nennt 3, 6 sq. *Henricus Moralis.*

335. De VII Artibus Liberalibus.

1. Praevia grammatica
sedet in senatu,
Ipsa nutrix artium,
quodam principatu
Praeminens sororibus
atque maior natu,
Fido tamen obsequens
illis famulatu.

2. Artis haec textoriae
gerit instrumenta,
Texere sororibus
solet indumenta,
Nam librorum series,
quos haec est commenta,
Artibus dat vestium
quasi velamenta.

3. Post hanc dialectica
Vultu celsiore,
Gressu statim rapitur
expeditiore,
Vernat eius facies
vivido colore,
Perspicaci radiat
oculus vigore.
4. Quodam privilegio
vultus praesignita,
Nunc sorores instruit
omnium perita
Haecque pro sororibus
pugnat expedita,
Armis sibi commodis
commode munita.
5. Tertio rhetorica
residens sedili,
Sexu licet femina,
robore virili,
Apparatu vestium
radians non vili,
Quas colorum texuit
serie subtili.
6. Fulgurat prae ceteris
cultu laborata,
Variis coloribus
florum purpurata,
Quasi pugnans pectore
tota loricata,
Cuius caput laurea
surgit galeata.
7. Quattuor ex ordine
subeunt sorores,
Honoris frequentiae
non dedigniores,
Prior arithmetica
certo numero res
Claudens ad matheseos
introducitur fores.
8. Haec quibusdam clausulis
ludere perita,
Calculando digitos
volvitur expedita,
Novitate vestium
fulget inaudita,
Circumvolitantibus
numeris vestita.
9. Ordine subsequitur
ars geometrarum,
Colligit haec legibus
certis mensurarum,
Longos trahens aeris
circulos stellarum,
Maris altitudinem,
spatia terrarum.
10. Multa privilegia
profert sui iuris,
Vestem multiplicibus
pinxerat figuris,
Cuncta certis spatia
colligens mensuris,
Circulis, triangulis
sive quadraturis.
11. Post has vultum musica
profert luculentum,
Cantus quidem praevious
nuntiat adventum,
Nam cantandi multiplex
gerit instrumentum,
Dat, quas plectro temperat,
fidibus concentum.
12. Hilarat concilium
dulci sono lyrae,
Docta chordas habili
pollice ferire,
Cogit altas gravibus
voces convenire,
Quod ex multis una vox
creditur exire.

13. Ultima scientia
sequitur astrorum,
Illa liberalium
maxima sororum,
Caelum docta permeat
atque superiorum
Motum notans colligit
causas futurorum.

14. Haec a lini nomine
pallio vestitur,
Tota quoque siderum
signis insignitur,
Suum diademate
caput operitur,
Sic ornatu fulgido
fulgens redimitur.

Collect. ms. Campoliliense saec. 14. in. Cod. Campolilien. 137.

Nachträge und Berichtigungen.

- S. 162, Zeile 17 v. o. lies Virga statt Virgo.
S. 113, „ 4 v. o. „ Quocum statt Quae cum.
S. 241, „ 4 v. u. „ Iuventutem statt Inventutem.
S. 271, „ 10 v. n. „ Laudet coetus statt Gaudet.
S. 284, „ 9 v. u. „ Landeline statt Landoline.
S. 298, Nr. 275 ist durch Irrtum in diesen, statt in Band XLVb
geraten.
-

Inhaltsverzeichnis.

	Seite		Seite
Adam Adam primus homo	377	Ave Iesu nomen mirabile	73
Adam nos per vetiti	98	Ave Iesu te colimus	44
Adest tempus matutinum	12	Ave lumen angelorum	47
Adiuva nos Deus meus	324	Ave Maria Magdalena	294
Ad sermonem nostrae laudis	188	Ave Maria tua mihi memoria	209
Aeterne rerum conditor	237	Ave martyr Christophore	249
Agmine sidereo	289	Ave martyr triumphalis	250
Alleluia iterum modulis	329	Ave mater salutaris	201
Alma poli stella	166	Ave mea specialis	199
Alma redemptoris	200	Ave pater egenorum	316
Alma serena pia	153	Ave plena gratia Angelorum	207
Alme Dei digite	28	Ave plena gratia Virgo vas	124
Amat puer castitatem	324	Ave praesul honestatis	290
Amor verus omnia	64	Ave regina caelorum	136
Angelorum gloria	238	Ave rex lumen cordium	47
Anna stellam matutinam	240	Ave sancta Barbara	244
Ante tuam faciem	235	Ave sancta Dei genetrix	167
A patre prodit genitus	19	Ave sub panis specie	111
Arce siderea Phoebe refulserat	62	Ave virgo concipiens	132
Area rosea vinea	194	Ave virgo Deo grata	253
Artes docta regis nata	282	Ave virgo Dorothea	254
Audi laudes horae primae	13	Ave virgo gloriosa Mater	212
Augustinus ex honestis	241	Ave virgo gloriosa Sponsa	182
Aurea vale virgula	281	Ave virgo Katherina	281
Ave Barbara beata	243	Ave virgo mater pia	182
Ave caeli redimita	295	Ave virgo singularis	136
Ave Christi mater digna	215	Ave virgo tu Christina	248
Ave clara lux solaris	212	Ave virgo verecunda	131
Ave clarissima sanctorum	298	Avis haec magna	384
Ave clarum miraculum	147		
Ave confessor Leonarde	286	Barbara virgo Dei spes	243
Ave custos dulcis meus	236	Beatarum mulierum	245
Ave decus ecclesiae	213	Beati sunt qui habitant	228
Ave gemma o praeclara	244	Benedicta omnibus	117
Ave gemma pudicitiae	117	Bina legione David	302
Ave gloriosa Dulcis et	192	Bridlingtonis prior pie	269

	Seite		Seite
Caelestis regis principes . . .	238	Fluxit ille labor magnus . . .	10
Caelestium rex agminum . . .	18	Fons Deus pater omnium . . .	22
Caeli porta nobis orta . . .	145	Forma crucis sanctae tibi . . .	104
Caeli reginam te iure . . .	169	Fortis ut mors dilectio . . .	123
Candor aeterni luminis . . .	71	Funde preces in caelis . . .	219
Cardo caeli Punctum meridiei .	146		
Catechizans et baptizans . . .	271	Galli cantu mediante	11
Christe nostra redemptio . . .	72	Gaude cuius uterum	133
Christi virgo Katharina . . .	277	Gaude Deo plena gaude . . .	169
Clara pudicitia pulcherrima .	154	Gaude dulcis Margareta . . .	296
Cleri universitas	269	Gaude felix Anna mater . . .	239
Collaudo te matrem Dei . . .	214	Gaude martyr Christophore . .	248
Consolator miserorum	26	Gaude martyr Margareta . . .	295
Contemblemur crucifixum . . .	131	Gaude perpetuo praedulcis . .	266
Copiosae caritatis Nicolae . .	299	Gaude regina nobilis	119
Crucis in ara Iesu cruentato .	93	Gaude sola pia sine crimine .	166
Cum Deus in principio	387	Gaudet coetus noster laetus .	271
Cunctipotens Dominus	46	Gaude Thoma ducum decus . .	311
Cursum mundi sol vergentis .	9	Gaude virgo Cbristo grata . .	253
		Gaude virgo concipiens	132
De crystallo scintillula	125	Gaude virgo iure matris . . .	147
De patre prodit genitus	19	Gaude virgo laudabilis	185
Deus admirabilis	204	Gaude virgo mater Christi . .	134
Deus de nullo veniens	19	Gaude virgo sponsa Christi . .	279
Deus qui ad imaginem	237	Genitor ineffabilis	18
Dignus laude martyr gaude . .	272	Genovefa flos virginum	261
Diva parens maerore carens .	153	Gloriose rex Oswine	300
Dives virtutibus Dira	310	Gratia caelestis reparatrix . .	169
Dulce melos tangat caelos . . .	271	Gratias ex esu referamus . . .	329
Dulcis amice vides	102		
Dum sub mundi vespere	64	Heu heu Christe Deus	130
		Hic sacerdos fuit ordine	265
Eia veracis Hierusalem	234	Hieronymus scholastica	264
En ego beu vilissimus	129	Hora nona qui potenter	16
En Iohannes bumi promus . . .	274	Hora sexta crucifixus	15
Eremita tua vita	272	Hora tertia qui missus	15
Est Hugo de Burgundia	267	Huius mundi de profundi . . .	38
Est pretium in pretio	366		
Evangelista fulgidus	274	Ianua solis filia prolis	165
Excitare o cor meum	245	Ieronymus scholastica	264
Expurgator scelerum	101	Iesse florem produxit	146
Extollamus virum sanctum . . .	272	Iesu Christe sempiterni	40
		Iesu decus angelicum	71
Firma Frideswitha	261	Iesu Mariae filius	252
Fistula dulce sonat ut	354	Iesu superni radius candoris .	86
Florens virgo caeli rore	247	Illustrator cordium	202

	Seite		Seite
Imperatrix egregia	218	Michael cum Gabriele	225
Incipe lingua senum	16	Mirentur mundi climata	362
Inclita martyr Avia	242	Miserere mater Dei	144
Inclite Christi confessor	276	Miserere mei Deus	223
In matutinis Domine	20	Mitis Agnes quae nupsisti	235
In psalmis hymnis canticis	21	Mole gravati criminum	173
Insontes Domini nobis	267	Mors est ventura cuius	352
Intacta viscera Pudicae	67	Mortis ad montem te Iesu	92
Intima laetitia	323	Mulciber exsulta mons	268
Iohannes amantissime	274	Multam labem peccatorum	333
Iohannes apostole	274	Mundi prosperitas Et vitae	359
Iuste Iudoce precum	268	Mundi salus o Maria	208
Iuvans prece nos a nece	272	Mundi sator et plasmator	271
		Mundus abit res nota quidem	354
Katherina gemma clara	277		
		Nata natum adora	146
Laudet coetus noster laetus	271	Naturam nostram Christus	161
Laurentius in ordine	285	Nondum rerum serie	61
Laus tibi caelorum dux	167	Nunc amoris indicia	112
Luctu amaro noti lamentantes	95	Nunc Christum olim patribus	71
Ludimus heroico versu	152	Nunc omnes gentes populi	21
Lux illucens illustravit	289		
Lux nova sublimis de	73	O Adonai Domine	21
Lux veneranda bonis	151	O angelorum gloria	238
		O Antoni sancte pater	240
Magnificare piam decet	152	O athletae Thebaeorum	311
Mane concurrat coetus	89	O aurora rutila	146
Margarita pretiosa	256	O beata Katherina	281
Maria Christifera	129	O Birgitta stella clara	246
Maria per ingenitum	217	O caelestis regni rosa	279
Maria summa orta	169	O cara anima Deo	319
Maria virgo regia	179	O crux ave sanctissima	107
Maria virgo virginum Ora	216	O crux ave spes unica	106
Maria virgo virginum Quae	217	O decus Anglorum titulis	250
Mater ave Christi sanctissima	168	O Deus exercituum	238
Mater casta pia clarissima	155	O felix regnum patriae	230
Mater Christi noli flere	131	O filii ecclesiae Deum	21
Mater dulcis nos dignere	214	O flos egregia nascens	156
Mater misericordiae	217	O flos primatum decus	286
Mater patris et filia	202	O fons misericordiae	210
Mater virgo Dei decus	159	O Francisce Concupisce	260
Matutino tempore	284	O Francisce pater sancte	259
Maximum solacium	108	O fratres devotissimi	320
Mellifluus Iesus sit nobis	328	O gloriose domine	24
Memorans novissima	340	O Ierusalem superna	300
Mente gaudens praedicabo	197	O Iesu lumen mentium	47

	Seite
O Iohannes amabilis	273
O Lucia gratiosa	287
O lumen verum genitum . . .	50
O lux sanctorum speculum . .	229
O lux sempiterna	51
O Maria gloriosa angelorum .	172
O Maria lux divina	135
O Maria Magdalena	294
O Maria mater Christi . . .	132
O Maria mater Dei	208
O Maria mater Dei Miserere .	172
O Maria quae stetit	293
O Maria recordare	126
O mater matrum materno . .	164
O milites angelici	24
Omnes confitemini Deo quia .	314
Omnes sancti dirigite	24
Omnipotens miserere	25
Omnipotens solus qui regnas .	52
Omnipotens vis trina Deus . .	61
Omnis homo qui premeris . .	291
O mortales quid agit	358
O nobilis virgo Lucia	287
O pater nate spiritus	22
O praeclara Caecilia	248
O praedulcis parvule	72
O principes angelici	238
O princeps pacis	26
O qualem quantum	22
O quam sacerdotium	329
O quantae perfectionis	111
O regina angelorum	175
O regina caelorum	219
O regina paradisi	213
O regina sanctitatis	184
O regum rex altissime	25
O sacra virgo nobilis	280
O sancta Deus trinitas	18
O sancte Christophore	249
O sancte Dominice	252
O triclinium nobile	23
O trinitas sempiterna	23
O tu qui miseros spernis . . .	383
O Ursula nobilis	313
O viridis palma	256
O viva Christi hostia	287

	Seite
O vos omnes qui transitis . .	349
O vos sancti Maccabaei . . .	291
Pange lira cordis mei	338
Paradisi amoena regio	229
Parce pater piissime	17
Parendi velocitas	297
Pascha novum celebrate . . .	110
Passionis Christi primus . . .	310
Pater alme vere Deus	36
Pater creator omnium	18
Pater fili paraclite	17
Pater qui de nihilo	33
Pater qui es ingenuus	31
Pater rerum omnium	30
Pater sancte a quo mundus . .	337
Patris unigenitus	68
Paulus aemulator legis	302
Per pretiosam omnium	228
Per sanctos tuos Domine . . .	227
Petrus de petra mittitur . . .	308
Pie Iesu recordare	53
Plebs fidelis et devota	280
Pontificum Martine decus . . .	296
Post peccatum hominis	377
Praecepit praeses Iesum	91
Praesidium vitae	257
Praevia grammatica	388
Precamur sancta trinitas . . .	20
Pretiose virtutum flos	297
Promissa Deus praemia	228
Pulchra Maria serena Maria .	154
Quae vitae es vena mihi	293
Quem veneratur civium	237
Quicumque vult salvus esse . .	386
Qui descendisti Domine	71
Quid in hac miseria	356
Qui gremio matris resides . . .	72
Qui poetarum dogmata	384
Quique laboratis si vultis . . .	257
Qui signati estis Christo	253
Quisquis ades plange crucis .	96
Qui te orant o Maria	202
Regis regum plebs devota . . .	304
Remove cito peccata	219

	Seite
Res nova mirabilis	193
Rex civium caelestium . . .	227
Rite diem festum colimus . .	150
Rogo corde pertractari . . .	370
Sacerdotes nunc audite . . .	331
Salve Christi crux praeclara .	103
Salve Christi parens et nata .	163
Salve decus feminarum . . .	211
Salve flos florum lux vita . .	143
Salve Iesu Nazarene	96
Salve Iohannes sancte	270
Salve martyr et regina . . .	278
Salve mater miserorum . . .	139
Salve mater salvatoris . . .	211
Salve parens adornata . . .	191
Salve pater exsultantum . . .	284
Salve regina omnium	176
Salve salvator mundi	52
Salve sancta Caecilia	246
Salve sancte Michael	235
Salve sancte prior	269
Salve splendor paradisi . . .	239
Salve virgo pia caeli	158
Sancte pater summa caeli . . .	29
Sancte praesul bone	312
Sancte tuum nomen	30
Sanctus Luthardus regali . . .	290
Sapiens hoc carmen audit . . .	363
Satis verba varia	366
Sceleribus homo plene	293
Semper ave dia genetrix . . .	136
Splendida stella maris	168
Splendor paternae gloriae . . .	70
Stella Maria maris quae . . .	163
Stella maris candoris ebur . .	166
Stella maris o Maria	174
Stelligeri splendor salve . . .	168
Stillat in stellam radius . . .	190
Sua Simon dat decreta	364
Sume plectrum lingua metri .	360
Summae Deus potentiae	238
Summe pater Nicolae	299

	Seite
Tactum pudoris nesciens . . .	70
Talis es et tanta crucifixi . .	104
Te cupio salutare	55
Te Deum canit iugiter	227
Te lucis sinceritas	147
Te mihi pacifica vitae	162
Temptator pravus et	332
Te ob sanctorum merita	228
Te rex Iaspar imploramus . . .	309
Terna iam dena moriens	257
Te vere summa trinitas	21
Tolle sarcinulus Qui crucem .	384
Totus mundus est subversus . .	361
Trinitas lumen luminum	19
Triumphale lignum crucis . . .	106
Tu sacerdos altissime	112
Tu signifer tu lucifer	272
Tuum Sion exsilium	369
Unius numinis sed trium	137
Ut de Iesu nomine	75
Uti sponsus de regio	71
Vado mori mori naturae	351
Vae vobis hypocritae	367
Vale virgo regia	183
Vanitatum vanitas	357
Veneranda trinitas	18
Veni persona tertia	27
Veris flos Herba ros	325
Virga parit florem	162
Virgo clemens virgo pia	213
Virgo Dei genetrix	157
Virgo Dei mater clarissima . .	151
Virgo laudanda Impetra	241
Virgo maris stella Iesse	159
Virgo mater melliflua	174
Virgo prudens margarita	295
Virgo puerpera sis mihi	155
Virgo serena mater amoena . .	164
Virgo restauratrix mundi	158
Virtus angelorum deluditur . .	102
Vox invalescit subsannationum	88
Wesselprunnenses fratres	211

Pierersche Hofbuchdruckerei Stephan Geibel & Co. in Altenburg.




263


10826

46

THE INSTITUTE OF MEDIAEVAL STUDIES
59 QUEEN'S PARK CRESCENT
TORONTO — 5, CANADA

10826.





GretagMacbeth™ ColorChecker Color Rendition Chart